

# A FULDA HÜLLE

10

11

12

13

14

15

16

17

18

19

20

21

22

23

24

25

26

27

28

29

30

31

32

33

34

35

36

WBS CHo Ps 113

THE  
BOOK OF PSALMS,

TRANSLATED INTO

THE CHOCTAW LANGUAGE.

---

ATULOA HULISSO

TUSHOWUT

CHAHTA UNNUMPAH TUBA HOKE.

---

NEW YORK:  
AMERICAN BIBLE SOCIETY.

INSTITUTED IN THE YEAR MDCCCXVI.

---

1913

[*Choctaw Psalms.*]

# ATULOA HULISSO HOKE.

---

## ATULOA 1.

**H**UTTAK ik vlhpeso vhlehah im anukfila h<sub>a</sub> aya keyu, micha nan vsshuchi vhlehah ai ittunowa y<sub>a</sub> a hikkia keyu, micha na shittilema vhlehah achiya y<sub>a</sub> binnili keyu,

2. Amba Chihowa i nan vlhpisa yak osh ai im achukma, micha i nan vlhpisa yak o nittak micha ninak aienā kā anukkfjilli yokvt hvttak nā yokpa yoke.

3. Yohmi kvt iti yosh oka a yvnvlli vpotāka a hullukchi kvt, ont ai vlhpiesakmā vnit wayakmut, hishi vt bvsshih chatuk keyu kak o chohmi hoke; micha nana h<sub>o</sub> yumih-chikmā, yvmmut momut im ai ahlih achukma yoke.

4. Hvttak ik vlhpeso vhleha hokvto yohmih keyu hoke; amba nā hakhlupish o mahli hvt helichit kanchi kak o chohmi hoke.

5. Yvmohmi hokvt hvttak ik vlhpeso vhleha hvt nan ai vlhpiesa ai vpesa y<sub>a</sub> hiela he keyuh, micha nan vsshuchi vhleha hvt ai vlhpiesa vhlehah ai ittunaha kā ibvlkahvt hiela he keyu hoke.

6. Chihowa hvt ai vlhpiesa vhlehah ai ittunowa y<sub>a</sub> ithai-yana hoka: amba hvttak ik vlhpeso vhlehah ai ittunowa yokvto aiokpuloka isht ona hi oke.

## ATULOA 2.

**N**ANTIHMI h<sub>o</sub> oklushiutta kvt nukoah mā, vnonti oklahutta kvt nana h<sub>o</sub> keyu kā anukfillih choh ?

2. Chihowa micha im vlhtokvt vhama y<sub>a</sub> yakni i miko vhleha hvt i sunalit biohlih mā, pehlichi vhleha hvt unnum-pah isht ittibai vchvffut im asunnalishke.

3. "Im ishit tullakchiutta kā keho tvbli cha, im asetahutta kā kvnimma cho pelashke," achishke.

4. Üba binnili vt kvlakshichi hosh i yukpushke; nan i Shahli vt ik vhobalot hubachishke.

5. Yohmih mvt i nukkilli hosh im vnumpoli cha, i nuk-hubela hosh kumuntchih mvt,

6. "Yohmih kia vno vto a miko ya a **vñnih** hulittopa Saion a o binnila hi a vtokule li tuk oke," achishke.

7. Nan vlpisa ya vñoli lashke: Chihowa hvt, "Susoh chia hoke; vno ak osh himak nittak a chi tobvche lishke.

8. "Is sum asilhhakma, oklushiutta ka chima likmvt, yakni ont vlihih fullota ka chimmi ikbi lashke.

9. "Tuli tvbi yo isht ish kolikmvt, shuti ampo yo cho-mihibit kolit ish kancha chj hoke," um achi tuk oke.

10. Yumohmi hoka himak a, miko vñlehah ma, hvsh hopoyuksashke: pehlichika yakni hvsh aiyasha ma, ahah hvsh ahnashke.

11. Chihowa ha i nukshopa hosh hvsh im antiashke, micha **wñnihichi** hosh hvchi yokpashke.

12. Ushi ya i nutaka hosh hvsh i suksoashke; nukhubela na, hina takla ya hvchi aiokpulokah yobvn näh; im anukhubela yut chekosikma libba hinla hoka. **Yumma** ai utukko hokuto momut na yokpa hoke.

### ATULOA 3.

Ushi Absalom a i mvlelih mvt, atvloa Lewi vt ikbi tok.

**C**HIIHOWA ma, a tunampi vñleha hvt lawut tahushke; lawa hosh wñkayvt a sunalishke.

2. Lawa hosh umish shilombish a, "Chitokaka ya ahlu-kussi vt ik im ikshoshkeh," achi hoke. [Yukopa.]

3. Amba Chihowah mah, chishno vto a telihpa si vpak-foiyupa, ishit sv holittopa, micha sv nushkobo ha vbah-chukalichi chia hoke.

4. Chihowa hvt i **vñnih** hulittopa ya et um a hvponakloh nulla chi hoka, svtih ha isht i pahaya lishke. [Yukopa.]

5. Chihowa hak osh sv hvllvlla he bano hatuk o, vno yokvto ittoiyulvt sv nusi tuk osh si okchvshke.

6. Oklah tvblepah sipokni pokoli kunnochmi hosh a

sunalit si vpakfoiyuput hielo hoh kia, i su nukshopa he keyu hoke.

7. Chihowa ma, ish wukayashke; a Chitokaka ma, is su hlakuffichashke: a tnvvp vhlehab moma ka ittisukpi ya ish issokmvt, huttak haksi vhlehab in nuti putta ka ish tilohlichih chatuk okvt.

8. Ahlykuffi vt Chihowa hak o immi hokeh: nan ishit chim ilayukpa yut chim okla ha onuttoiyulashkeh.

[Yukopa.

## ATULO A 4.

Tuloa pehlichi vt vhlebah isht a tuloa chi ho, atvloa Lewi vt ikbi tok.

**C**HIL paya li ka is sa hyponaklashke, a Chitokaka ai ulhpiesa ma; nan um a pullummicma, is si vpelvchih chatuk okvt: is sa nukhaklo cha, um vnnumpah ilbussha ya ish haklashke.

2. Huttak ushi vhlehab ma, hupakih kvtiohmih fokka ho um ahulittopa yut ahufahya tohoba chi ka, nana ho keyu ka im ai achukmvt nan ik ahlo ya hush hoy chih choh?

[Yukopa.

3. Yohmih kia Chihowa hut-i hulittopa ya isht ilai vtokuli tuk a hush ithaiyanashke: i paya likma, Chihowa hut hakla chi hoke.

4. Nukshohoput huchik vsshacho kashke: huchi tupa ha onuttoiyulut huchi chukesh a hush ittim vnumpholi cha, hush chullosashke.

[Yukopa.

5. Nan ai ulhpiesa nan im issa poiyutta ka im issut, Chihowa ha hush anukchietashke.

6. Lawa kvt, "Kuta hosh nan achukma ka pi pesveha hinlah choh?" ahachishke: chi nussuka tohwikeli ha ish pi onuechashke, Chihowa ma.

7. Tanchi micha oka pakki himona aieno kvt i lawakmvt na yokpah chatuk a i shulihchi hosh su chukush a is su nukfohki tuk oke.

8. Nuktaiyalut tushki lih mak inli hosh su nosa chi hoke: Chihowa chia hak osh uno bieka hoh kia is si vpohtikecha chi hoka.

## ATULOA 5.

Uskulah puttah ai ulachit a tuloa yo tuloa pehlichi a Lewi  
vt im ikbi tok atwloa yoke.

**N**AN ahachi li ka ish huponaklashke, Chihowa ma;  
nan anukfjilli li ka is sum akostininchashke.

2. Pahaya li ka ish haiyaklashke, a Miko micha a Chitokaka ma; chishno ak o chim ilbusshut vnumpoholi li hoka.

3. Chihowa ma, onnahinlikma um vnnumpa ha ish hahakla chi hoke; onnahinlikma pit chi bohli lish, ho-ho-yo la chi hoke.

4. Nan okpulo im ai achukma Chitokaka chiah keyu hatuk o, nan ik achukmo vt chi takla ahatta he keyu hoke.

5. Ilfehnuchi vhleha hut chi tikba hiela he keyushke: nan ai vhlpesa keyu yvmihchi moma ka ish i nukkilli hoke.

6. Unnumpah hulabi vnumpuli vhleha ha isht ish kanchi yoke: issish hltubli micha na haksichi huttak a Chihowa hut ik ayokpacho yoke.

7. Amba vno vto isht i hullo chi layawa pulla hatuk mak o chim vboha ya ona la chi hoke; micha chi nukshopa hosh chi tempel hulittopa pila ha pit hlippvt chi ayokpahachi la chi hoke.

8. Chihowa ma, svlbussuali vhlehah pulla hatuk mak o isht chim ai vhlpiesa ya isht is su hvllvllashke: chi hina ya su tikba is sum ai ittilawwichashke.

9. Itih ha nan ai ahli kut iksho hoka: chukush vt nan okpulo yoke; i nulipi vt ahulluppi tiwa yoke; isunlesh a hvlsbichi hoke.

10. Unnumpah ish onucchashke, Chitokaka ma; ilap im vnnumpa hak inli kak o isht akkvkohashke; nan vsshuchi i lawa kak o ish kanchashke; chi filvnnmit chi svnali hoka.

11. Amba chi ai vtukkoputta kut na yokpashke; na yokpa hosh tulohowa na billiashke; mikma ish vpihpoa-

hachi na, chi hohchifo ha hulittobli vhleha hvt momvt isht chi vlawvtashke.

12. Chishno ak osh ai vlhpiesa ya ish yokpali yoka, Chihowa ma; nan isht i kana ya telihpa chomihchi hosh isht ish vpakfoiyubla chi hoke.

## ATULOA 6.

Tvloa chito yo tvloa pehlichi vt vhlepah isht a tvloa chi ho, atvloa Lewi vt ikbi tok.

**C**HİHOWA ma, chi nokua hosh na chik sv̄m olabo kashke; micha chi anukhubela hosh na pvlummi chik si onuccho kashke.

2. Is sa nukhaklashke, Chihowah ma; svlbusssha hoka: is sv hlakuffichashke, Chihowa ma; svf funi vt kumunta hoka.

3. Mikmt v̄mish shilombish vt kummuntah fehna hoke; Chihowa chiah ma, ȳmohmi na kv̄tiohmih fokka ona chi hoh choh?

4. Fulamáh, Chihowa ma, v̄mish shilombish a ish hlukuffichashke: nan isht ish i hullo pulla hatuk mak osh is si okchalinhashke.

5. Aiillika ya a chithaiyanah keyu hoka: illi aiasha ya kutu hosh yako ke chim acha hinlah choh?

6. Kiffahaha li kut sv hoyvblishke; ninak aiyuka ka a tupa ha su nishkin okchi isht okpvlalihichi li hoke; a tupa ha a yvnvlliche li hoke.

7. Um anukfilah a si vtaklaiyama hatuk mak o sv nishkin vt iellishke; a tunampi momah pulla hak atuk mak o sipoknit isht ivshke.

8. Nan ik vlhpeso ȳmihchi hvsh moma kut hvs sa filum-mashke; yahaya li ka Chihowa hvt sv haklo hoka.

9. Nan asilhha li ka Chihowa hvt sv haklo kanoh; um vnnumpah ilbusssha ya Chihowa hvt ayokpvcha chi hoke.

10. A twvp moma kut hufahya cha, kummuntah fehna chi hoke; yakosi ittitakla ho hufahya cha, fulama chi hoke.

## ATULOA 7.

Benchamin huttak Kush im vnnunpa hak atuk mak o, Lewi vt yvmma Chihowa i t<sup>u</sup>loa tok, im atvloa yoke.

**A** CHITOKAKA Chihowa ma, chishno ak o chi ai vtukko li hoka, svlbussuali detta ka im a hlukuffichit is si okchalinhashke.

2. Keyukma, hlukuffichi vt iksho ho, koi chito yo chohmit vniish shilombish a kushlichit niblit tahlin náh.

3. A Chitokaka Chihowa ma, ilvppa yvnihechi li hatuk okina, nan ik ai vlhpeso yvt subbak a foiyukka hokma,

4. A vvnaiyut abatta ho nan ik achukmo ka i yvnihechi ie tuk okma, (yvmmak het asha na, nanihmih keyu ho a tunampi yatuk kia, hlukuffiche li tuk oke :)

5. Tunvp vt vniish shilombish a hloliohit sakki cha, um ilhfiopak a yakni vlvlhechi cha, um ahulittopa ya akka bohlashke. [Yukopa.

6. Chihowa ma, chin anukhubela ilai ishit ish wukayashke ; a tunampi vhleha hut nukoa hatuk mak o ish ile wukayvhashke ; nan ai vlhpiesa vpesa chiah ma, is sum okhashke.

7. Mikma oklah puttah ittnaha yut chi vfullublashke ; mikma fulamut achahaka onvt ish o wukkayashke.

8. Chihowa hut oklushi detta ka nan im vpesa yoke : na si ai vlhpiesa, micha nan isht ik ono sv foiyukkah keyu pulla hatuk mak o nan is sum vpesashke, Chihowa ma.

9. Huttak ik vlhpeso vhlehah okpulo kvt ont ai vhi hokma, amba ai vlhpiesa yak okvno ish billechi hokbano ; Chitokaka ai vlhpiesa yvt chukvsh micha anukfilah aienka imomaka pihisa yokvt.

10. Chukvsh vpiissali vhleha ha okchalinchi Chitokaka yvt a telihpa ieshi yoke.

11. Chitokaka yvt nan ai vlhpiesa vpesa yosh nittak aiyukali ka nukoa Chitokaka yoke.

12. Fulama he keyukma, i bushpo fulaya ya shohliche hoke ; im iti tunampo ya bichullit vtahli tuk oke.

13. Micha nan isht illi puttah im uskinvki ya libbichi hosh isht o wielishke.

14. Yakeh, huttak vt nan ik vlhpeso chela chi hosh nuk-hahammishke; micha nan ik vlhpieso yo ishit chvkali tuk osh, vnonti nan ik ai ahlo yo cheli hoke.

15. Yakni chuluk hufobichi hosh kullishkeh; atuk osh yakni chuluk a inla yo im ikbi kash osh ilap inli hosh pit ittulvshke.

16. Nan ik achukmo isht ahatta yatuk vt ilap nushkobo hak inli ho felamvt onuttulakmvt, nan isht ilbvsshali yatuk vt ilap nushkuboh paknaka yak inli ho onuttula hoke.

17. Nan isht im vlhpiesa yak atuk mak o Chihowa ha ayokpvche la chi hoke: micha Chaha i Shahli Chihowa hohchifo ha nan ulachit ayokpvche lashke.

## A T U L O A 8.

Tuloa pehlichi vt Kittilh a isht a tuloa chi ho, atvloa Lewi vt ikbi tok.

**P**I Shahlih Chihowa ma, chi hohchifo hvt yakni moma ka a hulittopah fehna hoka, chim ahulittopa yummva vba shutik a misha yo ish tkalichashke.

2. Chi tunampi ak atuk mak o, tunvp micha ilaiukha ya isht ish chulosvla chi hosh, vllosi micha pishi puttah itih ha isht a hlampko ish ikbi tuk oke.

3. Chim vba shutik a chibbakushi vt vtahli tok, hush ninak aya micha fuchik puttah aieno ka ish tkohlichi tok, yummva pisa likmvt,

4. Huttak vt nanta hatuk o ish anukfillih choh? micha huttak ushi vt nanta hatuk o ish im aya choh?

5. Yohmi kvt chitokaka yo lohmvt ik lawwo ho ish ikbi tuk osh, isht vnoa achukma micha isht a hulittopa isht iachukolichit,

6. Chibbak vt nan vtahli tokputta ka pehlichi yo ish ikbi hoke.

7. Ulhpoa chipinta, micha wak a moiymah, micha na poa hayaka aiyasha aienah,

8. Uba hushi, micha nun okhvtah aiyasha yosh okhvtah

ha ai itvnnowa aienah ma, mominchit iyi nutaka ish usha-chi tok oke.

9. Pi Shahlih Chihowah ma, chi hohchifo hut yakni moma ka a hulittopah fehnushke.

## ATULOA 9.

Tvloa pehlichi vt Muh-labben a tvloa chi ho, atvloa Lewi vt ikbi tok.

**S**U chukvsh a mominchi hosh Chihowa ha ayokpachi lish, nanah a fehna ish yumihičih chatuk moma ka vnoholi lashke.

2. Chishno ak atuk mak o na su yokpa cha, ishit chi ulawuta la chi hoke; chi hohchifo ha nan ulachit ayok-pvche la chi hoke, Chaha i Shahli chiah ma.

3. A tnvvp vhleha hut misha pit filemakmvt, chi tikba ya ai ibetvblit, aiokpulokvt kunnashke.

4. Nanah a kunihiui isht a si vhalaya, micha nan isht um ai vlhpiesa ya is sum vpesa hoka: ai vlhpiesa nan vpesa yosh chim ai o binili hulittopa ya ish binnilishke.

5. Oklushiputta ka nan ish im olvbechi cha, hettak ik vlhpeso ya okpunit, hohchifo ha musholichit ish kanchi na billivt billia hoke.

6. Tnvvp ak okvto aiokpulokvt taha na billivshke; tumahahputta ka isht ish kanchi na, yummä isht ithaiyana yash kia awant musholishke.

7. Amba Chihowa hak okvto binnili na billia hoke; nan ai vlhpiesa ai vpesa chi hosh im ai o binili hulittopa ya hillechi tuk osh,

8. Yummvt ai vlhpiesa hosh yakni ya nan im vpesa cha, ai vpissali hosh oklahputta ka nan im vpesa hi oke.

9. Yohmi kak osh Chihowa hut ilvussha ahluküff chaha yosh, nan ai i pulummi nittak oh kia ahluküff chaha yokeh.

10. Yohmi kak o chi hohchifo ha ithaiyana vhleha hut chi anukchieto hokeh; oklah chi hohoyo ka ish kanchih keyu yoka, Chihowa ma.

11. Saion a binnili Chihowa ha nan ulachit hvsh ayok-

puchashke; nan isht ahatta tuk a oklah puttah im ai ittitakla hush ai vnoholashke.

12. Issish hlvtapa ya hohoyo yosh ilbussha vhleha ha ithaiyana hoka: yummvt pahaya tuk a im vhaksih keyu hoke.

13. Ai illi okhisa ya ai ishit sv kohchichi chia hut is sa nukhaklashkeh; a nukkilli vhlehah pulla hatuk mak o nan a pullummi ka ish pisashke.

14. Yohmi na a chi holittopa moma ka vnoholit, Saion tumahah okhisa ya chim ai okchaya ya ai isht a yokpa lashke.

15. Oklushiputta kut yakni kula ikbi tuk vt ilap inlit pit okakuviushke: nan ishit hukli luhmi tuk a, yummva ilap iyi ak inli hosh isht a yuka hoke.

16. Chihowa hut ai vlhpiesa yvnihchi kvt ottaiyanishke: yokmi kvt hvttak ik vlhpeso ya ilap ibbak nan isht ai ahatta tuk ak inli ho ishit yukachi hoke.

[Ai ulachi. Yukopa.

17. Hvttak ik vlhpeso vhlehah, oklushi momah Chitokaka ya im vhaksi vhleha hut illi aiasha ya onah pulla hi oke.

18. Ilbussha ya im vhaksi na billia he keyu hoka: chukvsh akkalosi vhlehah nan aiyahni tuk vt akshot a billia he keyu hoke.

19. Wukayáh, Chihowa ma; hvttak vt ik kullo kashke; oklushiputta kvt chi tikba nan ai im vlhpisah pullashke.

20. Chihowa ma, nukshopah ish nukfohkashke; oklushiputta kvt pe hvttak atuk vt ik ithvná. [Yukopa.

### ATULOA 10.

**C**HIIHOWA ma, nantihmi ho hupakih ish hikkia cha, nan a pullumnih nittak a ish ile luhmih choh?

2. Hvttak haksi vt ile fehnvchi kak o, ilbussha yvt i pullummishke: nan ik vlhpeso yummva nan isht im anukfilli tuk vt ilap ak inli hosh isht a yukashke.

3. Hvttak haksi vt ilap chukvsh nan ai ahni ka isht

ilawvtakma, na wehpuli vt Chihowa ha ik ahninchot kanchi cha, shittilema hoka.

4. Hvtak haksi vt ile fehnvchi kak osh, Hoya he keyushkeh; ahlih, Chitokaka yut ikshoshkeh, ahnit im anukfila ha vlottoa hoke.

5. Atayautta kut kullo bieka hoke; nan ish ai vpe-hisa yut ai i chahut vhullayah keyu hoke: i tnvuputta hokak heno o kishuhufa hoke.

6. Imi chukvsh anukaka ya, "Su kanulla he keyu hoke; isht ai unchululit maha ya ka nan ik achukmo ai anukaka hikkia siyah keyu hokut," ahachishke.

7. Itih hvt vnnumpah chukapa vnumpuli, haksichi, micha ilbussuali aliena hosh vlottoa hoke: isunlvsh nuta ya nan okpuni micha nan ik vlhpeso yosh fokka hoke.

8. Tumahushi puttah ai im ayicchi ya binnili hoke; ai vlotmakaputta ka nan okpuni keyu ka ai ahabi hoke; nishkin vt nan i pulummi ya i luma hoke.

9. Koi chito yosh ai ittola ittola kak o chohmit ai vlotmaka ya ai im ayicchi hoke; ilbussha ya hukla chi hosh im ayicchi hoke; im ishit hukli ya hvlllit ilbussha ya ishit hukli hoke.

10. Mikmut litoli na akkuma hoke; mikma imi lhampko yak o nan i pulummi vhleha hvt isht akkakoha hoke.

11. "Chitokaka yrt im vhaksi tuk oke; nvsshuka ya luhmi tuk oke; ik peso ho billia chi hoke," imi chukvsh anukaka ahachi hoke.

12. Wukayah, Chihowa ma; Chitokaka ma, chibbak a vba welih; ilbussha ya ik chim vhakso kashke.

13. Nantihmi ho hvtak haksi vt Chitokaka ya shittilemah choh? "Nanah is sun a hoye he keyuh," imi chukvsh anukaka achi kak oke.

14. Ish pisah pullvshke; chishno yokut nan okpuni nicha na nukhubela ya chibbak a isht ish im vtobba chih mak osh, ish pisvshke; chishno ak o ilbussha yut chim ile foiki hoke; vltakla ya vpelahachi chia hoka.

15. Hvtak haksi shakba ya ish kubuffashke; mikmut

ik achukmo yvno nan okpulo ya im a hoyot ish taiyahli na, himakma ish vhayucha he iksho kashke.

16. Chihowa hvt miko billia eha billia yoke; i yakni ya oklushiutta kvt a musholih pulla hi oke.

17. Chukush akkalosi nan aiyahni ya ish haiyaklo pulla hoke, Chihowa ma; chukush a ish hlampkuchashke.

18. Ulhtakla micha ilbussha ya ai ulhpesa ish im vpesa chi kvt, chi haksubish a isht ish hvponaklashke; yohmi na yakni a tuba hvttak vt himakin a ik ilbusshalo kashke.

## ATULOA 11.

Tvloa pehlich'i vt a tvloa chi ho, atuloa Lewi vt ikbi tok.

**C**HIIHOWA hak o ai vtukko lishke; kvtiohmi ho umish shilombish a. "Hushi yo chohmit hvchi nunih ha pit oh vtamoah."

2. "Yakeh, hvttak ik ulhpeso vhleha hvt iti tunampo ya bichulli hoka: chukush ai vpissali vhleha ha aiokhlileka yo a hussa chi kvt im uskinvki ya iti tunampo ishit tullachi ya o hilechishke.

3. "Nuta i tolaputta kvt tiaput taha hoka: yakkohmi kvno ai ulhpiesa yokvt nanta hak o kvtiohma hinlah choh?" hvsh im acha hinlah choh?

4. I tempel hulittopa ya Chihowa hvt ahattvt, Chihowa im ai o binili hulittopa yut vba yak oka: nishkin vt hvttak im vlla putta ka awet pisvt i holhpunnayo hvt isht imomaka pisa hoke.

5. Chihowa hvt ai ulhpiesa ya ayokpanchi hoke; amba hvttak ik ulhpeso ya, micha ilbusshali im achukma aienahokvno imi chukush vt i nukkilli hoke.

6. Hvttak ik ulhpeso vhleha ha ai isht im ahleka, luak, hittuk lakna, micha mahlih okpulo aienahokvno im isht ishko isht ai i kushapa mak o isht on umbvuchashke.

7. Chihowa hvt ai ulhpiesa yokvt: nan ai ulhpiesa yokvno ahninch'i yoke; ai vpissali yokvt nusshuka ya pisa hi oke.

## ATULOA 12.

Tuloa pehlichi vt tuloa chito a tuloa chī hō, atuloa Lewi vt ikbi tok.

**O**KCHALINCHIH, Chihowa ma; nan i hullo vt tahakma, hvitak im vlla vhlehab im ai ittitakla ya ai ahli vhleha hut ikshot taha hoka.

2. Huttak bika ya vnnumpah hulabi yak o isht ittim vnumpoholi hoke; ittivlbi hvlushki, micha chukvsh tuklo hō isht vnumpoholi hoke.

3, 4. Ittivlbi hvlushki momah, micha isunlvsh ile fehnvchit vnumpuli kvt, "Pisunlvsh ak o nā fehna isht e yvmihcha chī hoke; pittivlbi vt pimmi hoka: kuta hosh pi shahlih choh?" ahachi ya Chihowa hut ishit kanchashke.

5. "Ilbussha ya ilbusshalih, nan ik im iksho vhleha hut kiffahaha kak o, himak a wukaya lish, ai achukmaka bunnah fehna tuk a a hilechi la chishke," Chihowa hut achi hoke.

6. Chihowa im vnnumpah putta kvt vnnumpah kvshofa yoke: tvli huta yosh yakni tvli a bila yak o a bilvt untukloha kvshofa yak o chohmi hoke.

7. Chihowa ma, chishuo ak osh ish huvvlla chī hoke; isht ai unchululi ilvppa a kohchit ish ieshi na billia chī hoke.

8. Hvttak ik hochukino yut hvttak ushi vhleha ha i shahlih wukaya kak o chohmit, hvttak ik vlpeso vhleha hut vpakfoiyublit ik itvnqohowa hoh kia, ish yvmihcha chī hoke.

## ATULOA 13.

Tuloa pehlichi vt a tuloa chī hō, atuloa Lewi vt ikbi tok.

**C**HIIHOWA ma, is si vhaksechi na billia kvt, hupakih kvtiohmih fokka chih choh? hupakih kvtiohmih fokka hō chi nusshuka ya is sa luhmih moiyma chih choh?

2. Hupakih kvtiohmih fokka hō nan isht anukfilli putta ka vmiss shilombish a bohlit, nittak osh nittakna nā nukhaklo ya sv chukvsh a fohkit ieshi la chih choh?

hupakih kvtiohmih fokka h<sub>o</sub> a t<sub>v</sub>nvp vt chahah i shahlit vñ aiyacha ch<sub>j</sub>h choh?

3. Et hupokoyo cha, sv haiyaklóh, a Chitokaka Chihowa ma: sv nishkin a tohwikelichíh; illi yo a sv nosih yobvn náh.

4. A t<sub>v</sub>nvp vt, "Im aiyuche lishke," achih yobvn náh; a t<sub>v</sub>nampi vhleha hvt sv kanvllikm<sub>a</sub> yukpah yobvn náh.

5. Yohmi k<sub>a</sub> uno yak okvto nan isht ish i hullo ak o anukchieto li hokut, isht chim ai okchaya yak o sv chukvsh vt isht a yokpashke.

6. Achukma h<sub>o</sub> nan vñ vtahahli tuk oka, Chihowa ha i tvloa la ch<sub>j</sub> hoke.

## A T U L O A 14.

Tvloa pehlichi vt a tvloa ch<sub>j</sub> h<sub>o</sub>, atvloa Lewi vt ikbi tok.

**I**M anukfilah iksho vt chukvsh anukaka ya, "Chitokaka yvt ikshoh," achih chatuk oke. Nan ik achukmo yvmihchikmv<sub>t</sub>, nan isht a hufahya he aiena k<sub>a</sub> yvmihchib chatuk oke; nan achukma h<sub>o</sub> yvmihchi kvt ikshoshke.

2. Kvnah kia n<sub>a</sub> hopoyuksa yvmihchit Chitokaka hohoyo kvt ashakmah, nana k<sub>a</sub> pisa ch<sub>j</sub> hosh, Chihowa hvt vba ya binnilit hvttak vhleha ha et o hopokohoyoshke.

3. Moma kvt i fillenimi tuk oke; ittvpihv<sub>t</sub> oklah okpulot kunniah biekvshke; nan achukma h<sub>o</sub> yvmihchi kvt ikshoh; achuffah kia iyikshoshke.

4. Nan ik vlpeso yvmihchi moiyma kvt Chihowa ha i payah keyu kvt, puska ya vpa k<sub>a</sub> chohmi hosh vñ okla ha vput taiyahli kvt, oklah ik ithanoh choh?

5. Yakeh! n<sub>a</sub> nukshopa k<sub>a</sub> oklah nukshopushke; Chitokaka yvt ai vlpiesa isht ai unchululi ya iba foiyukka hoka.

6. Ilbussa nanah ai anukfilli ya hvsh hufahyali hoh kia, Chihowa hak osh im ai vtukko yoke.

7. Ai okchaya yut Saion a kohchvt Islael a im vla hokbano! Chihowa hvt im oklah yuka yatuk a fulamvt im alakm<sub>a</sub>, Chekob vt yokpakmv<sub>t</sub>, Islael vt n<sub>a</sub> yokpah fehnashke.

## ATULOA 15.

Atuloa Lewi vt ikbi tok.

**C**HİHOWA mah, kvta hosh chim vlhtipo ya ai atta chih choh? kvta hosh chi nrñih hulittopa ya ai ahatta chih choh?

2. Ai vpissalit aya, mikmvt ai vlhpiesa yvmihchi, micha chukvsh anukaka ya nan ai ahli vnumpoholi ak a chi hoke.

3. Yummvt isunlvsh a inla isht vholvbit nolowah keyuh, hvttak bi ka ya nan ik achukmo i yvmihchih keyuh, micha i chukkapanta hvttak a isht a hufahya onucchih keyu hoke.

4. Hvttak haksi yokvno shittilemt pihisah; amba Chibowa i nukshopa vhleha hokvno hulittobli hoke. Isht a huttupa hi osh vnnumpah kvello il onucchi tuk kia, il inlancha he keyu hoke.

5. I tvli hulisso ya chelichih atvpah keyuh, micha hvttak ai vlhpiesa ya im a sunalit nan i kahli ya ishih keyu hoke. Ilvppa puttah yvmihchi vt ik kvnvllo ho billia hi oke.

## ATULOA 16

Atuloa hulittopa Lewi vt ikbi tok.

**I**S sv hullullahkeh, Chitokaka ma; chi ai vtukko li hoka.  
2. Chihowa ha, "A Shahli chia hoke; nan isht um achukma yvt chishno ya chohmi kv himakma ik sum ikshoshke," im achi lishke.

3. Chukvsh kvshofa vhlehah yakni aiyasha, micha hule-tupa vhlehah yummak illa hosh nan isht um ilayokpa aiena ka,

4. "Chitokaka inla ho u holpila ima vhleha hvt nan isht a nukhaklo vt im apakna chi hoke; yvnmä hlvblit isht ayokpvchi issish a im issa la he keyuh, micha hohchifoh putta ka svttivlbi a onucchi la he keyushke," im achi lishke.

5. Chihowa hvt nanah kushapa vmmi ya he ai vlpiesa, micha um isht ishko vltuo aiena yoke; chishno ak osh nan vmmi ya ish icshi hoke.

6. Ai achukma ho ai vlii vlhpisa yvt um ittulvshkeh; na hvlbina vmmih mvt achukma hoke.

7. Chihowa hak osh nan a miha tuk oka, ayokpvche la chi hoke; ninak puttah mæ vm anukfila hut vm abahachi hoke.

8. Chihowa ha sv tikba hilechi li billia ho vm ishtimpakimma yæ hikkia hatuk o, kvnvlli la he keyushke.

9. Yumohmi hatuk osh sv chukvsh vt næ yokpah mæ, isht vm a hulittopa mut yokpah fehnvshke; sun nipi ak kia nuktaiyala hosh foha chi hoke.

10. Umish shilombish a, illi aiasha ik attá, ish ahna he keyukmv̄t, chi hulittopa yvt næ tushbi yæ pisa chi kæ ish im issa he keyu hoka.

11. Ai okchaya hina yæ is svthvnancha hi oke: chim itikba yæ a yokpa vlttoa yvt asha hoke; chibbak ishtimpakimma yæ a yokpa yvt a foiyukkah billia hoke.

## ATULOA 17.

Unnumpah ilbussha Lewi vt ikbi tok.

**C**HİHOWA ma, ai vlhpiesa kæ ish haklashke; pahaya li kæ ish haiyaklashke; nan ilahobbi keyu ittivlbi yo vm unnumpah ilbussha yvt a kohecha kæ ish hvponaklashke.

2. Nan ai vlhpiesa vm vlhpisa kvt chi tikba yak o a mintashke; chi holhpunnayo hut ai vlhpiesa yak o onuttulashke.

3. Sv chukvsh a imomaka pisvt, ninak mæ vm ayvt, si vfanalichit ish hlupulli hoh kia, nana kæ ish vhayucha he keyuh; svthi hut ai vlhpiesa ont ik iyo ka chi ho vm anukfilvshke.

4. Huttak atoksuli yokeno, chittivlbi im unnumpa hak atuk mak o nan okpvni i hina yæ vno yak okuto ahah ahnit ak vhullayo ke tuk oke.

5. A nohowa li kvt chi hina yæ kullochit ieshi ho, saiysi vt ik kvnvlio ke tuk oke.

6. Uno vt chi paya lishke; is sv hakla chi hoka, Chitokaka ma: chi haksubish a et a welit, nan ahachi li kæ ish haklashke.

7. I sunalit wukaya vhleha ha, chi ai vtukko vhleha ha Choctaw.

chibbak ishtimpakimma isht im a hlukuffichi chia hvt isht ish i hullo detta ka ish ottuninchih fehnashke.

8, 9. Nishkin nihi chomihchit is sv hvullvllashke; hvtak haksi vhleha hvt si okpuninchi ya, a tnvvp chilita vhleha hvt a svnalit si vpakfoiyupa ka, a kucchit chis svnahchi nuta yak o is si a luhmashke.

10. Imi chukvsh a i kumalih mvt, ile fehnvchit itih ha isht vnumphohli hoke.

11. Il ai ittunowa ka himonasi ka pi vfullublisskeh; yakni ya pi akvchha chi kvt, nishkin a isht ayokchifclit a hopokohoyoshke.

12. Nanah holba kvt koi chito yosh niblit tahlih bvnna ka chohmi hoke; micha koi himitta yosh alumma detta ka binnili ka chohmi hoke.

13. Wukayáh, Chihowa ma; ivt ont vfamvt ish akvchashke; vmiss shilombish a hvtak haksi im ai ishit, chi bvshpo fulaya isht is sv hlakuffichashke.

14. Hvtak vhleha ha im ai ishit, Chihowa ma, yakni anukchieto hvtak vhleha ha im ai ishit chibbak a isht is sv hlakuffichashke: nan immi hvt okchaya ilvppak illah, mikma ikfoka ya nanah chimmi isht ish im vlotuli hoke; ushi vhleha hvt i lawa kvt im vlhpesakmvt, nan im atampa kuto in vlla vhleha ha im ushachi hoke.

15. Uno vto ai vlhpiesa hosh chi nvshshuka ya pisa hi a ahni li hoke; si okchakmvt, ish haiyakakma isht vm vlhpesashke.

### A T U L O A 18.

Chihowa hvt Lewi ya i tnvvp momah ibbak, micha Sal ibbak aieno ka imi hlukuffichit taiyahlih nittak ma, vlhtvloak ilvppa vnumpah Chihowa ha im vnumpulit, tvloa pehlichi vt a tvloa chi ho, Chihowa i tishuh Lewi vt ikbi tok. Mihmvt yak achi tok:

**C**HÍ hullo li hoke, vm a hlampko Chihowa ma.

2. Chihowa hak osh a tvli chito, micha a hulihta kullo, micha sv hlakuffichi yoke; a Chitokaka yvt a tvli chito, yummak o ai vtukko li yoke; a telihpa, micha vm ai okchaya lvpish, vm ahlukuffi chaha yoke.

3. Hulittopa he vlpesa Chihowa hak o i pahaya likmut, a tvnvp detta ka im a hlekohoffi li hoke.

4. Nan illih ishit takchi detta kut si vpakfopah ma, huttak baksi oka chito chohmi kut sv nukshohobli tok oke.

5. Illi aiasha ishit takchi detta kut si vpakfoiyupah ma, nan illih ishit hukli detta kut si vffama tok oke.

6. Sv kummuntah mvt, Chihowa ha i pahaya lish, a Chitokaka ya i tahpahali lih ma, vm vnnumpa ha im vboha hulittopa ya awet vm a haiyaklo tok; mihma\_ vm vnnumpah ilvssha yvt itikba onvt haksibish a chukkoa tok oke.

7. Yohmih ma nukhubela kak o, yakni vt winakachi cha wunnihichih ma, nvnih chaha akkishtula detta kut fayokachi cha winakahachi tok oke.

8. Ibihchulu ya shubulli hvt a kohchvt vba mahayah ma, luak vt itih a kohcha hosh hukmit tahli tok; tubaksi vt a libbi tok oke.

9. Mihma shutik a bichulli cha, akka tok; mihma\_ iyi nutaka ya hushontih okhlili hosh tullaya tok oke.

10. Micha chelub a o binili cha hikvt ayah mvt, mablih svnahchi ya o binilit pulki hosh hikvt aya tok oke.

11. Aiokhlileka ya im alumia yo ikbit, oka aiokhlileka, vba hushontih puttah aieno ka i hushontika yo il vfolublit tullali tok oke.

12. Itikba tohwikeli kak o i hushontih detta kut ayah ma, hvtaffo micha luak tubaksi yosh asha tok oke.

13. Yohmih ma Chihowa hvt vba ya hilohvchi tok; micha Chaha i Shahli vt itih ha ulahachih ma, hvtaffo micha luak tubaksi aieno kut aya tok oke.

14. Yohmih mvt im uski nvki detta ka pela cha, ittufim-mi tok; micha i hvsshukmulli detta ka ishit hussah mvt, kumuntuchit yulhi tok oke.

15. Yohmih ma ish im alumia kak o, Chihowa ma, chibihchulu hvt fiopvt mahli kak o, oka ataya detta ka pisa tok, yakni ai o tullaya detta kut hayaka tok oke.

16. Vba ya et wiwit, svshit, sv halvllit, oka chito ya a sv kucchi tok oke.

17. A tvnvp kvollo kak o, micha a nukkilli vhleha ha im a sv blakuffichi tok oke; kvollo kvt a shahli hatuk oka.

18. Nan vm a pvvlmimi nittak a oklah si vvmokvfa tok; yohmih ma Chihowa hak osh vm ai vkvollo yuttok oke.

19. Mihmt sv kuechit ai vtta vwata ka svsh ona tok; si ahninchi hatuk okvt, sv hlakuffichi tok oke.

20. Ai vlhpiesa lih pulla kak o Chihowa hvt si yvmihchi hoke; svbbak vt kvshofah pulla kak o nan isht vm vtobbi hoke.

21. Chihowa im atayautta ka aya lih mvt, a Chitokaka ya i filvmmunit ak i svnalo ke tuk oka.

22. Nanah ai vpchisa moma kvt sv tikba aiyashah ina, i nan vlhpisa putta hokvno a filvminichit naksika bohli la he keyu kak oke.

23. Micha im ai ahli, lih bano cha, nanah ik si ai vlhpeso ak il vhalayacho ke tuk oke.

24. Mihma a si ai vlhpesa-hatuk mak o, nishkin itikba ya svbbak vt kvsshofa hatuk mak o, Chihowa hvt vm vtobbi tuk oke.

25. Nan i nukhaklo ya ish im ile nukhaklochi hoke; ai vpissali ya ish im il ai vpissvlechi hoke.

26. Kvshofa ya ish im ile kvshuffi hoke; amba shenaya ya ish im i kostini hoke.

27. Chishno vt oklah ilbvssha ya ish okchalinchi yokvt: amba ile chahvchi nishkin uno ish akkumanchi yoke.

28. Chishno vt a pvla ha ish prlali yokvt: vm okhlili ka a Chitokaka Chihowa hvt tohwikelichi yoke.

29. Chishno pulla kak o tushka chipota lawa ka o bvlelit hlupulli la hinla hoka: micha a Chitokaka pulla kak o hulihta chaha ya vbanvqli la hinla hoke.

30. Chitokaka yokvto i hina yvt ai vpissalih bano hoke; Chihowa nanah achi kvt kvsshofa yoke; ilap ai vtukko moma ka i telihpa yoke.

31. Chihowa hak illa ka, kuta hosh Chitokaka yatoba? micha pi Chitokaka yak illa ka, kuta hosh tvli chito yatoba?

32. Hlampkoh ishit svskuffvchechi cha, ataya li ka ai ahlichi Chitokaka yak oke.

33. Saiyi ya issi tek iyi chomihchi cha, um achahakautta ka sv helichi ak oke.

34. Subbak vt ittiba chi ka im abahachi na, svsh shakba yvt tvli lakna iti twnampo ya bichulli hoke.

35. Micha chi telihpa ai okchaya ya is suma tuk osh, chibbak ishtimpakimma yvt sv hullvlli hoke; mikmvt i kanut ish il akkalichi kak osh is sv chetuli hoke.

36. Um anohowa nutaka ya is sa puthachi na, saiyi im ossak vt ik shunayo hoke.

37. Yohmi hosh a twnvp vhleha ha hliohlit sakki likmvt, ak tahlo kisha kut fvlama la he keyuh mak osh saiyi nutaka akkakola hoke.

38. Fvhamvt akvechi likma, tana he keyuh mak osh saiyi nutaka akkakola hoke.

39. Yohmi ka ittibe la chi ka hlampkoh isht is svskuf-fvchechi tuk osh, wukayvt a sunali vhleha ha vkahchunolichit is sa nutakuchi hoke.

40. Micha a nukkilli vhleha hokvno musholiche la chi ka, a twnvp vhleha hokvno chusshak a is suma hoke.

41. Pa<sup>h</sup>ayah kia, okchalinchi vt iksho hoke; Chihowa hak o i pa<sup>h</sup>ayah kia, ik haiyaklo hoke.

42. Mikma bolit lisholit lukfi pushi yosh mahlih itikba asha ka chomihchi li hoke; tvmahah ai ittvnowa lukchuk chomihchit hlvtubli li hoke.

43. Oklah ittvchowa ya ai is sv hlakuffichi hoke; oklushi puttah i nushkuboka is sv helichi hoke; oklah ak ithaiyano yatuk kia, um antia hoke.

44. Haksubish vt hakloh mak inli hosh, a nutaka hoke; oklah inla yvt um vkahchunnoli hoke.

45. Oklah inla yvt shimoha ho chohmit wunnihichi hosh i hulihta kelloputta ka et a kuecha hoke.

46. Chihowa hvt okchaya yoke; yohmi kvt a Tvli Chito vt hulittopashke; mikmvt um ai okchaya Chitokaka yvt chahashke.

47. Um ilai ukha cha, oklahputta ka a nutakuchi Chitokaka yoke.

48. A twnvpputta ka si a hvukuffichi ak oke; wukayvt a sunali vhleha hak kia ai i mukuffit achahaka svsh ish

ona hoke; nan ilbvsshali hvttak a im is sv hlakuffichi hoke.

49. Yvmohmi hoka oklushi puttah im ai ittitakla yä chi ayokpähachi la chi hoke, Chihowa ma; micha chi hohchifo hä nan ulachit ayokpvche lashke.

50. Miko yä vtokule tuk vt hvkuffihichi kvt a chinto cha, nan vhamut im vlhtoka Lewi, micha im ishtatiaka yä i hullo na billia yoke.

## ATULOA 19.

Tvloa pehlichi vt a tvloa chi ho, atvloa Lewi vt ikbi tok.

**C**HITOKAKA im aholittopa yä vba yvt vnoholi hoke, mikma shutik vt ibbak nan vtahli yä hayakuchi hoke.

2. Nittak osh nittak a nan im ahachi hoke; micha ninak osh ninak a nan ithvnähachi hoke.

3. Nanah achi kvt ikshoh, vnnumpa hvt ikshoh; itih hvt ola na haklo kä iksho kvmmohmishke :

4. Yvmohmih kia ola hvt kucchvt yakni moma kä hlupulli yoke, micha yakni ont atahaka yä im vnnumpahutta kvt ona hoke. Yummak o hvshi yä vlhtipo ai i tlali tok o,

5. Yvmmut hvttak ohoyoh ittvwaya tuk osh im vboha a nusi yä kohcha kak o chohmi hosh, hvttak kullo yo chohmit im ataya yä a chufa chi kvt na yokpa hoke.

6. Uba shutik ai vlhih vttvt kohchvt ia hosh, fullotvt vlhih i tñnnvp ona hoke; yohmi kä im alvshpaka yä i luma kvt ikshoshke.

7. Chihowa i nan vlhpisa yvt vlhtahah achukma yosh, shilombish a fulummichit okchvli yoke: Chihowa isht im vtukko a yvt aiyahlih kullo yosh, ik hopoyukso yä hopoyuksli yoke.

8. Chihowa i nan vlhpisa detta kvt ai vpissali yosh, chukvsh yokpali yoke: Chihowa im vnnumpah vlhpisa yvt kvsshofa hosh, nishkin a tohwikelichi yoke.

9. Chihowa ai im a nukshopa yvt kvsshofa hosh, tukkali na billia yoke: Chihowa nan vpehisa detta kvt ai ahlih, micha ai vlhpiesah bieka hoke.

10. Yohmi kā bunna he vlpesa kvt tvli hulisso lakna, tvli hulisso lakna hulittopa lawah kia i shaiyahli hoke; micha champuli kvt, foi bila, micha foi bila hakshup a hohoiyā kā i shahli hoke.

11. Chi tishu hak kia isht i tohwikeli hoke; yummā hulittobli kvt isht im vlhtobah chito yoke.

12. Ilap nā yusho<sup>h</sup>oba kuto kvta hosh vkostininch hinlah choh? nā yushoba luma putta kā is sa kvshuffashke.

13. Mikmūt chi tishu hā ilap ak pullut vsshahachi aienā kā ish i kvtvplashke; ik sv̄m aiyo kashke: yohmi ho ai vlhpiesa lih achukma hosh, nan ai vsshuchi lawa kā vm a kvshofa chi hoke.

14. Chi tikba ya sv̄tih vnumpholi kvt, micha sv̄ chukvsh anukfihilli kvt a hulittopashke, a tvli chito, micha si okchalinchi Chihowa ma.

## ATULOA 20.

Tuloa pehlichi vt a tuloa chi ho, atuloa Lewi vt ikbi tok.

**A** CHILBUSSHAIH nittakmā Chihowa hvt chi haklo hokbano; Chekob i Chitokaka hohchifo hvt chahvchit chi benilechi hokbano;

2. Ahulittopa ya et a chi vpela cha, Saion a et chi a hvllvllikbano;

3. Ilhpak isht ish ayokpvuchi moma kā ithaiyana cha, nā hukmit isht ish ayokpvuchi ya ayokpvchikbano; [Yukopa.

4. Chi chukvsh nan ahni kak o chema cha, chim anukfiah moma kā chim ai ahlichikbano.

5. Nan isht ish hlvkuffichi ya isht e shvkapcha, pi Chitokaka hohchifo hā shupha e tvkalichashke: nan ish vsilhhah moma kā Chihowa hvt chim ai ahlichikbano.

6. Chihowa hvt nan vhamvt im vlhtoka ya okchalinchi kā himak a ithana lishke: vba hulittopa ya et a haiyaklo cha, ibbak ishtimpakimma hlampko hak o isht okchalinchi hoke.

7. Kvñimi kvt tunvp iti chvnaha isht ilawutakmā, inla kvt issuba hak o isht ilawuta hoke; amba pishno yokvto pi Chitokaka Chihowa hohchifo hak o isht il ilawuta hoke.

8. Yummak okuto vakahchunolit akkakohvshke; amba pishno yokuto wukayut vpissvt e hielishke.

9. Chihowa ma, okchalinchih: e pa<sup>h</sup>ayah nittakma, Miko vt pi haklashke.

## ATULOA 21.

Tvloa pehichi vt a tvloa chi ho, atvloa Lewi vt ikbi tok.

**C**HIIHOWA ma, chimi lhamko ha miko vt isht a yokpa hoke, micha chim ai okchaya ya isht a yokpah fehna hoke.

2. Chukvsh nan ai ahni ka ish emakmut, ittivlbi vt hoyo ka chik imi hvluvlooh chatuk oka. [Yukopa.

3. Nan isht yokpali achukma putta ka ishit ish vfama hokvt: tvli hulisso lakna hulittopa bita ho nushkobo ha isht ish bitelichi hoke.

4. Okchaya ya chim vsilhhah ma, nittak fulyayah billiut billiah mak o ish ema tuk oke.

5. Chim ai okchaya pulla ho im ahulittopa yvt chito hoke; ahulittopa chitoh fehna ka ish onucchi hoke.

6. Nan isht a yokpa billia ish ikbi hokvt: chi tikba ya ishit yokpa yo isht ish yokpali hoke.

7. Miko vt Chihowa hak o anukchieto hoka, micha Chaha i Shahli im isht i hullo pulla hak o kuvnlla he keyu hoke.

8. Chibbak vt chi tunvp moma ka vhayucha he bano hoke; chibbak ishtimpakimma yvt chi nukkilli putta ka vhayucha he bano hoke.

9. Chi tikba ya onakma, tvli abila yo chomihchit ish ikbashke; Chihowa hvt im anukhubela yo ishit musholicashke; mikma luak vt hukmit tahlashke.

10. Im aiunchululi ya yakni ya ai ishit, micha im ishtatiaka ya hvttak puttah im ai ittitakla ya ai ishit ish kan-chashke.

11. Nan ik achukmo ka chi o weli tuk oka: nan ik achukmo isht chi anukfilli tuk kia, nanihma he keyu hoke.

12. Mishu pit ish filimmicha chi hoka: nusshuka ya chim iti tunampo ishit tullakehi isht i svnalit ish o wela chi hoke.

13. Chihowa ma, chimi lhampko ha isht ish chaha na, nan isht chim ai ahli ya tvlovt nan ulachit isht e hulittobli-hichashke.

## ATULOA 22.

Tvloa pehlichi vt Aiyalelh Hvsshaha a tvloa cbi ho, atvloa Lewi vt ikbi tok.

**A** CHITOKAKA ma, a Chitokaka ma, nantah kvtiohmi ho is su kanchih choh? Nantah kvtiohmi ho kiffahahvt vnumpule li ka si okchalincha hi atuk vt a hupakih choh?

2. A Chitokaka ma, nittak atukma tahpahali lih kia, chik su hakloshke; inicha ninak ak oh kia a nuktaiyala ik sum ikshoshke.

3. Yohmih kia Israel okla hvt a chi holittoblihichi ya binnili chia hvt chi holittoppa hoke.

4. Chishno ak o pi tikba vhleha hvt chi anukchieto tok oke; oklah chi anukchietoh ma, ish hvkuffihichi tok oke.

5. Chishno ak o chi pahayah mvt, hvkuffi tok; chi anukchietoh mvt, ik hufahyo ki tok oke.

6. Amba vno vto shushi sia hosh, hvttak siah keyushke; hvttak vt ik vhobalo, micha okla hvt shittilema yo sia hoke.

7. Sv pesa kvt momet kvlakshichit a yukpa hoke, ittivlbi ya itvkliwelichi hoke, nushkubo ha fahli hoke.

8. "Chihowa ha anukchieto tuk oke; ik hvkuffichí: isht a yokpa hokvt, ik kohchichí," achi hoke.

9. Ahlih, ikfuka ya isht is su kohchi tok chia hosh, hvshki ipishik a tvkkali lih ma, nuktaiyala is si anukfohki tok chia hoke.

10. Im ushvto a kohcha li tok taiyaklah mvt, chibbak a foiyukka lih chatuk oke; hvshki ikfoka kohcha li tok taiyaklah ma, a Chitokaka chia hoke.

11. Nan a pulummi vt a bilikasih ma, si vpela yvt iksho hoka, is sa mishemahchin náh.

12. Wak nakui lawa kvt si vfullublishke, Beshan aiyasha kulloputta kvt si vpakfoiyupvshke.

13. Koi chito na nibli micha kilahiha yo choiyuhmi hosh um a svnalit itvkpushalishke.

14. Oka yo chohmit sv hlatvpushke; mikma svf foni poiyutta kvt tvhlohlishke; sv chukvsh vt foi akmo yo chohmit svkfoka iklvnna ya a bilushke.

15. Umi lhampko hvt shila kvt shuti koa tushafa yo chohmishke, mikma svsunlsh vt sv nutakfa ya ukulloshke; mihma nan illi lukfi yok<sup>a</sup> isht is si onahosishke.

16. Ofiputta kvt si vpakfoiyupa hok<sup>a</sup>: nan ik achukmo yumihechi ittnaha yosh si vfulluplit, svbbak micha saiyi ya bahlishke.

17. Svf foni moma ka hutihna la hinlah ittitakla ka yummto aiokchiffelit sv pihisvhke.

18. A nafohka puttah oklah ittvkvshkovshke, micha um anchi ya na shoelishke.

19. Yohmih kia Chihowa chiah ma, is sa hupakichin nah; umi lhampko ma, tushput ant is si vpelashke.

20. Um ilhfiopak a bvshpo fvlaya ya ish ai i hlvkuffichikmt, yummak a bieka hatuk oka, ofi ibbak a is si a hlukufichashke.

21. Koi chito itih ha is si a hlvkuffichikmt, is sv haiyaklo cha, yvnash puttah hvipish a ai ishit is sv hlakuffichih pullashkeh.

22. Yohmikma chi hohehifo ha ittibapishi lih vhleha ha im vnoholi lashke; ittnaha im ai ittitakla ya a chi holitobliche lashke.

23. Chihowa i nukshohopa vhleha hvt hvsh hulittoblichashke; Chekob ishtatiaka moma kvt hvsh hulittoblashke; micha Israel ishtatiaka moma kvt hvsh i nukwiashke.

24. Ilbussa yvt nan i pullummi ka ik shittilemo hosh ik i yuwalo hok<sup>a</sup>: mikmt nusshuka ya i luhmih keyu hoke; amba i tahpahala ka haklo hoke.

25. Chishno pulla kak o ittnaha chito ya a chi holitobliche li hoke; vnnumpah il onohocchi le tuk vt i nukshopa vhlehab im itikba ya ai vtobbi la chi hoke.

26. Chukvsh akkalosi vhleha hvt impa cha, im ulhpesashke; Chihowa ha hoyo vhleha hvt hulittoblichashke; hvchi chukvsh vt okchaya na billia hokbano.

27. Yakni ont atahaka moma kvt ithana cha, Chihowa

ha i fulamashke, micha oklushi puttah ai achuffa moma kut chi tikba ya ayokpuchashke.

28. Apehlichika yet Chihowa immi yoke; yohini hosh oklushiputta ka pehlichi yoke.

29. Yakni paknaka nia vhlelah moma kut impa cha, ayokpuchih pulla hi oke; akka qhonah moma kut kwnioht ilap inlit il okchalincha he keyu moma kut itikba ai ukahchunola hi oke.

30. Ishtatiaka yet imi antia chi hoke; nan i Shahli vt isht ai unchululi himmak mihinti ka im vnohawa hi oke.

31. Ilvppak o utahli kut ai vlhpiesa hosh yvmohmi tuk a, oklah aiyasha chi ka oklah ona cha, im vnohola hi oke.

## ATULOA 23.

Atuloa Lewi vt ikbi tok.

**C**HİHOWA hvt chukfulhpoba chonihchit si vpesuchi yatuk o, nanah sv bunna he keyushke.

2. Hvsshuk okchumali ai impa yo sv bohli hoke; afoha oka ontulaka susht aya hoke.

3. Umish shilombish a fuluminichit okchuli hoke; ilap hohchifo hatuk mak o ai vlhpiesa hinaputta ka susht aya hoke.

4. Micha ai illi aiokhlileka okfah kia ak aya mák osh, nanah ik achukmo i sv nukshopa he keyuh: chishno ak osh is subafoyukkakma, chim iti tupa micha chi tubi vt sv hopuhlvli hoka.

5. A twvp vhlelah itikba ya nan vpa utahlit ai impa ya sv tikba ish hilechi hoke; sv nushkobo ha bila isht ish vhummih chatuk oke; um isht ishko vt vlotahoke.

6. Okchayvt ahatta lih ittitakla nittak moma ka, achukma micha i hullo bieka hosh siakkaya chi hoke, mikma Chihowa im vboha ahatta li nittak fullaya hi oke.

## ATULOA 24.

Atuloa Lewi vt ikbi tok.

**Y**AKNI micha isht vlottoa kut, yakni micha paknaka ai asha aienahut, Chihowa immi hoke.

2. Yummak osh okhvtah paknaka tulali tok, micha oka yvnvlli puttah paknaka kvllochit tulali tok okvt.

3. Kvta hosh Chihowa i nvnih oiya hinlah choh? micha kvta hosh im ahulittopa ya hikkia hinlah choh?

4. Ibbak kvshofa, micha chukush kvshofa yut nan ik vhobo ya isht asittiah keyu, micha nana ka haksichi hosh vnnumpah kullo il onucchi keyu ak a hi oke.

5. Chihowa ha nan isht a yokpa im ai isha he, micha ai okchaya Chitokaka ya ai vlhpiesa im ai isha hi oke.

6. Oklah ilvppak osh yummä hoyo, chi nvsshuka hoyo oklah, Chekob mak oke. [Yukopa.]

7. Hvchi nushkobo hush wukelashke, huliht okhisa hvchiah ma, mikma isht vlhkuma abillia hvchiah ma, vba hvsh tukalashke; mikma Miko hulittopa yut ant chukkoashke.

8. Ilvpput kvta hosh Miko hulittopa yoh choh? Chihowa kullo micha chilita, Chihowa tvnampih chilita yoke.

9. Hvchi nushkobo hush wukelashke, huliht okhisa hvchiah ma, mikma isht vlhkuma abillia hvchiah ma, hvsh wukelashke, mikma Miko hulittopa yut ant chukkoashke.

10. Ilvpput kvta hosh Miko hulittopa yoh choh? Nan uha i Chihowa, yummak osh Miko hulittopa yoke. [Yukopa.]

### ATULOA 25.

Atwloa Lewi vt ikbi tok.

CHIHOWA ma, chishno ak o vmish shilombish a isht chim ona lishke.

2. A Chitokaka ma, chishno ak o chi anukchieto lishke; ik sv hofahyo kashke; a tvnvp vhleha hut ik sum ilawato kashke.

3. Micha chi hohoyo moma kvt hufahya he keyu hoke; na kvnihmih keyu ho chi kanchi vhleha hak osh hufahya chi hoke.

4. Chihowa ma, chi hinaputta ka is svthvnanchashke; ataya la he ish ahniputta kvt is sv abvchashke.

5. Chim vnnumpah ahlí ya is si a nowvchashke, micha is

sum abuchashke; um ai okchaya Chitokaka chia hatuk o, nittak moma ka chi hogho*y*o li hoka.

6. Chihowa ma, nan isht ish i nukhahklo*h*, micha isht ish i huhullo*h* chatuk ut ish ithaiyanashke; yummvt abillia yoka.

7. Su hemittah mvt nan vsshahachi li tok, micha nan vlhpisa kubahaffi li tok a chik ithaiyano kashke; nan ish i hullo*h* pulla hosh, chi achukmah pullah mak osh, chishno ut is svthaiyanashke, Chihowa ma.

8. Chihowa hvt achukma micha ai vpiissali yoke; yohmi hokut nan vsshuchi vhleha ha*g* ataya ya im abuchi hoke.

9. Chukvsh akkalosi vhleha ha*g* ai vlhpiesa a nowuchi hokbano; micha chukvsh akkalosi vhleha ha*g* i bina im abuchi hokbano.

10. I nan ittim vlhpisa, micha nan isht im ai vlhtukko*h*putta ka hulittobli vhleha ha*g* Chihowa hvt nan a kvniohmi kvt momvt nan i hullo micha vnnumpah ai ahli mak oke.

11. Chihowa ma, nan ik si ai vlhpieso yvt chito hokak o, chi hohchifoh pulla hatuk mak o is sa*g* kushuffashke.

12. Hvtak kuta hosh Chihowa ha*g* i nukshopa yoh cho*h*? ataya he vlhpesa vhayuchit isha chi ka im abucha chi hoke.

13. Imish shilombish ut ai achukma ho ahatt*h* hi oke, mikma*h* im ishtatiaka yvt yakni ya iesha hi oke.

14. Chihowa ai ittuchuv*h*fa yvt i nukshopa putta ka ibafouyukka hoke; yohmi kvt nan ittim vpesa tuk ut ithvnancha he ak oke.

15. Su nishkin ut Chihowa hak o pit o tullaya na billia hoke: saiyi ya ishit hukli ya ishit kuccha hi ak oka.

16. Et is sa*g* filema cha, is sa*g* nukhahklashke; uno su bieka cha, svlbuss*h*ha hoka.

17. Su chukvsh ik im ai achukmo putta kvt chitot tahushke; nan um a p<sup>u</sup>llummi putta ka is si a kohchashke.

18. A svlbuss*h*ha micha nan isht si vtaklvma ya ish pesa cha, nan vsshuchi li moma ka is sa*g* kvshuffashke.

19. A tnv*p* vhleha ha ish pisashke; lawa cha, a nukkillih ataiyapa hosh a nukkilli hoka.

20. Um ilhiopak a ish hvllvlli cha, is sv hlakuffichashke; chi ai utukko li hokvt, ik sv hofahyo kashke.

21. Chi hohoyo li hoka, ai ahli micha ai vpissali yvt sv hvllullahashke.

22. Islael oka nan isht ai ilbussha mominchit ish kohchashke, Chitokaka ma.

## ATULOA 26.

Atuloa Lewi vt ikbi tok.

**U**NO ak osh ai vpissali hosh nohowa li hoka, nan is sum vpesashke, Chihowa ma; mikma Chihowa ha anukchieto li kvt shvnayoya lih keyu hoke.

2. Ucchukmalit is sv pesa cha, is si vkostininchashke, Chihowa ma; um anukfilah micha sv chukvsh aien a ka imomaka ish pisashke.

3. Isht ish i hullo yut sv nishkin itikba ya tvkkali hoka mikma chim vnuumpah ahli ak o a nohowa li hoke.

4. Huttak hulabi vhleha ha takla binnili lih keyuh, micha nan ilahobbi vhleha ha iba chukko la he keyu hoke.

5. Nan ik achukmo isht asha ittunaha ya ak ahniccho hoke; micha huttak haksi vhleha ha takla binnili la he keyu hoke.

6. Nan okpuni keyu yosh subbak a vchefa lish, chim alta ya vpakfoiyupa lashke, Chihowa ma,

7. Yumohmit, yako ke ahnit vnuumpah ishit haklochit, na fehna ish yumihiichi moma ka vnoholi lashke.

8. Chihowa ma, ish ai ahatta chukka ya, micha chim ahulittopa a foiyukka ya hulittobli li hoke.

9. Umish shiloimbish a nan vsshvchi vhlehal aieninchit, micha um ilhiopak a issish hlutvbl huttak vhlehal aieninchit isht chik kancho kashke.

10. Yummä ibbak a nan okpuni vt a foiyukkah, micha ibbak ishtimpakimma yut nan ivlli yo isht vluttoa hoke.

11. Amba uno yokvto ai ahli hosh aya li hoke; is sv hlakuffeichi cha, is sa nukhaklashke.

12. Ai ittilawwi achukma ya saiyi yut o hikkia kak osh,

ai ittunahautta kā ahattut Chihowa hā ayokpvche la chi hoke.

## ATULOA 27.

Atvloa Lewi vt ikbi tok.

**C**HİHOWA hak osh a tohwikelika micha um ai okchaya yoke; kuta ho i su nukshopa hinlah choh? Chihowa hvt um ilhfiopak i hulihta kullo yoke; kuta ho i su komuta hinlah choh?

2. Nan ik achukmo yumihchi vhleha hvt sun nipi a vpt tahla chi hosh, um a sunali vhlehab, micha a tnv̄p vhlehab aieno kvt a sunalit a bilika vlah kia, ilap ak osh ibetvblit akkakohah chatuk oke.

3. Tushka chipota lawa hosh a sunalit si vbenvhit si vpakfoiyupah kia, su chukvsh vt nukshopa he keyu hoke; tnv̄p osh a sunalit w̄kayah kia, ilvppak oh kia, su nuktaiyala hoke.

4. Nan achuffa ho Chihowa hā im asihilhha li kvt, yummak o hohoyo la chi hoke: yummvt si okchayah takla kvt, Chihowa im vboha ahattut Chihowa ayukli ya pihisa la he, micha i tempel a ai vsilhhahachi la he ak oke.

5. Nan ik achukmo nittakma im ai vtukko yak o a su luhma hi oka: im vltipo ai vломака yak o a su luhma hi oke; chahvhit tvli chito yak o si o binilicha hi oke.

6. Yohmi kā himak a su nushkubo hvt chahvt a tnv̄p si vfullublit aiyasha kā i shahla chi hoke; mikma na yokpvt shukapvt isht ayokpvchiutta kā im vltipo anukaka ya ai im issa lashke; Chihowa hā i tvlovt nan ulachit ayokpvche lashke.

7. Tahpvvt chi pahaya li kā ish haklashke, Chihowa ma; micha is sa nukhaklo cha, is su haklashke.

8. "Su nusshuka ya ho hoyóh," ish achi hoka, "Chihowa ma, chi nusshuka ya hoyo la chi hoke," su chukvsh vt chim achishke.

9. Chi nusshuka ya chik sa luhmo kashke; nukhubela hosh chi tishu hā naksika chik hilecho kashke; si vpelvchi chia hokvt, su kanchit is svssvn náh, Chitokaka si okchalinchi ma.

10. Aki micha hushki aienā kvt sv kanchih kia, Chihowa hvt svsha hi oke.

11. Chi hina ya is sum abvhashke, Chihowa ma; micha svbusshali vhlehab pulla hatuk mak o hina ittilawwi ya fohkit svsh ih ayashke.

12. A tvnup nan ahni ka ibbak chik sv fohko kashke; na hulabi isht vtukkoli vhlehab, micha nan ilbusshali fiopvt kohocchi yut a svnalit wukaya hoka.

13. Ai okchaya yakni ya Chihowa ai achukma ka pibisa la hi vt, ai ahli hosh sv yimmishke.

14. Chihowa ha ish hoyashke; ish kullahke; mikma chi chukvsh a hlampkocha hinla hokeh: yohmi hoka Chihowa ha ish hooyashke.

### ATULOA 28.

Atvloa Lewi vt ikbi tok.

**C**HIIHOWA ma, chishno ak o chi pahaya lashke; a Tvli Chito ma, lummut chik sa binilo kashke; vnum-pah svlama chik samo ki, yakni kula ona vhleha hak o chohmi lin náh.

2. Chi pahaya lih, ahulittopa ish ai vnumpuli ya svbbak pit wieli li ka, nan asihjhha li vnumpa ha ish haklashke.

3. Hvttak haksi vhlebah, micha nan ik vlpeso ymihchi vhleha hosh, nan ik achukmo kvt chukvsh a foiyukkah kia, hvttak bika vhleha ha i nanaiyut im vnumpuli ka ai ibafokkit isht is sv kanchin náh.

4. Nanah ymihchi tuk mak o, micha nan ik achukmo a kvnighomi tuk mak o ish emashke; ibbak atoksvli tuk mak o ish emashke; inla ya na kvniomihchi tuk a omihchit ish i fulvmmichashke.

5. Chihowa nanah ymihchi, micha ibbak vt nanah a toksahali tuk a nan isht anukfilla he keyu hoka, yulhit akkakohli cha, ik hilecho kashke.

6. Nan asihjhha li vnumpa ha sv haklo hokvt, Chihowa hvt hulittopashke.

7. Chihowa hvt vmi lhampko, micha a telihpa yoke: yuminak o sv chukvsh vt anukchietoh ma si vphila hatuk

o, sv chukush vt na yokpa hokut, vñ vlhtuloak a isht ayokpahachi la chi hoke.

8. Chihowa hut im oklah imi lhampko yoke, micha nan vhamvt im vlhtoka ya i hulihta kullo ai okchaya yoke.

9. Chim okla ha ish okchalinchi cha, chimmi hatuk vt ish yokpalashke, micha chukfvlhpoba chomihchit vpcsvchit isht ish aya na billiashke.

## ATULOA 29.

Atvloa Lewi vt ikbi tok.

**H**OCHITOKA ushi vhlehalh ma, "Chihowa ha immih," hrsh ahashke; "Chihowa ha ahulittopa micha ishit hlampko aiena kvt immih," hvsh ahashke.

2. Hohchifoh ahulittopa ya Chihowa hrsh emashke; ahulittopa ayukli ya ilai ieshit Chihowa ha hvsh ayokpuchashke.

3. Chihowa itih ola kvt oka ya ibafoiyukka hoke; Chitokaka hulittopa yvt hilohvhishke; Chihowa hut oka chito ya ibafoiyukka hoke.

4. Chihowa itih ola kvt kullo hoke; Chihowa itih ola kvt nanah a chintoh fehna ilai ieshi hoke.

5. Chihowa itih ola kvt chuahlaputta ka chuhlahlich hoke, micha Chihowa hut Lebanon chuahlaputta ka chuhlahlichit kanchishke.

6. Micha wakushi chomihchit tullichishke, Lebanon micha Silion a yvnvsh ushi yak o chomihchishke.

7. Chihowa itih ola kvt luak libbi ka chulhi hoke.

8. Chihowa itih ola kvt yakni hayaka ya winalichi hoke, Chihowa hut Katesh yakni hayaka ya winalihichi hoke.

9. Chihowa itih ola kvt issi tekputta ka chelichi hoke, micha iti putta ka nohlichit tahlishke; mikina i tempel ai asha moma kvt, "Hulittopá," ahaachi hoke.

10. Oka fulama yvt ayah ma, Chihowa hut binnili tok, micha Chihowa hut miko yosh binnili na billivshke.

11. Chihowa hut im okla ha ishit hlampko ima hi oke; Chihowa hut im okla ha isht im ai achukma ishit yokpala he bano hoke.

## ATULOA 30.

Uboha ya hullochi ka hulittoblichit atuloa Lewi vt ikbi tok.

**C**HIIHOWA ma, hvvllit is sv kohchi cha, a tnv<sup>p</sup> vhleha ha vno yak atuk mak o, ik yokpá, chik ahno ke tuk oka, chi holittobliche la chi hoke.

2. A Chitokaka Chihowa ma, chi pahaya lih ma, is sv hlakuffichi tuk oke,

3. Chihowa ma, vmiss shilombish a illi aiasha ai ishit is sv kucchi tuk, yakni kula ak aiyo ka chi ho is si okchalinchi tuk oke.

4. I hulittopa hvchia hvt Chihowa ha nan ulachit hvsh ayokpuchashke, micha hulittopa isht ithaiyana ya yoke hvsh im ahachashke.

5. Nukhubela kvt yakosi ittitakla, amba i kana hokuto okchayah takla kak oka; opyakma nishkin okchi mihinti yosh im vlali yoba tuk kia, onnahinlikmuno na yokpa yosh i tukkali hoke.

6. Yohmi ka vno vto nanah vm a kvniohmi ikshoh mvt, "Ak kvnullo ho billia chi hoke," achi li tok.

7. Chihowa ma, is sa kana kak osh, a nvnih ha kullochit is sa hilechi tok oke: chi nvsshuka ya ish luhmih ma, sv kummunta tok oke.

8. Chihowa chia hak o chi pahaya lih mvt, Chihowa hak o im asihilhha li tok oke.

9. Um issish hvlatapvt yakni kula ona li ka nantah isht ai achukma hinlah choh? Lukfi pushi vt chi ayokpucha hinlah choh? Chim vnnumpah ahli ya vno la hinlah choh?

10. Chihowa ma, ish haklo cha, is sa nukhaklashke; Chihowa ma, is si vpela yashke.

11. Yahaya li ya filimmit is sv behhvchashke; bancha ishit si ompoholmo tuk a isht is sa kanchi cha, na yokpa yo isht is svskuffvchechishke.

12. Yvmohmi ho vm isht a hulittopa yvt chi ayokpahachi cha, ik chulloso ka hi ak oke. A Chitokaka Chihowa ma, yoke chim aiyahni li billia chi hoke.

## ATULOA 31.

Tuloa pehlichi vt a tuloa chi ho, atuloa Lewi vt ikbi tok.

**C**HIIHOWA ma, chishno ak o chi ai vtukko li hokvt, ik su hofahyo ho billiashke; chi ai vlpiesa kak osh is su hlakuffichashke.

2. Chi haksubish a awet is sa wielashke; tushput is su hlakuffichashke; is si okchalincha chi hosh tulii chito kullo, hulihta kullo chukka ya is sa tubashke.

3. A tulii chito micha a hulihta kullo chia hokvt, chi hohchifoh pulla hatuk mak o hvllvllit isht is si ayashke.

4. Ishit hukli ya luhmit a tulali tuk a is si a kohchichashke; um akvillo chia hokvt.

5. Umish shilombish a chibbak pit fohki lishke; ai ahli Chitokaka Chihowa ma, fulummichit is su hlakuffichi tuk oka.

6. Nanah keyu hulabi puttah hulittobli vhleha ha ak ahniecho hoke; amba uno vto Chihowa hak o anukchieto li hoke.

7, 8. Svbvssha ka is su pesah mvt, umish shilombish nan isht im a pulummi ka ish ithana cha, a tunvp ibbak a fohkit chik sum okhishto hosh, amba saiyi ya ai o hikia vwata ho ish o hilechi tuk oka, nan isht ish i hullo yak o isht a su yokpah fehna chi hoke.

9. Nanah pulummi kvt si onuttoiyula hoka, is sa nukhaklashke, Chihowa ma; su nukhaklo kak o su nishkin, umish shilombish, micha su haknip aienai kvt iellit tahushke.

10. Su nukhaklo kak osh um ilhfiopak vt tahah ma, hijiha li kak o um afummi hut taha hokvt: nan vsshvche li ak atuk mak o vni lhampko hut kvnivshke, micha svf foni vt tushbit tahushkeh.

11. Svbvsshali vhlehal momah pulla hatuk mak o hvttak vt a hufahya hoke; a chukkapanta vhleha hokak heto yv mohmih fehnvhshke; mikma ittithana li vhleha hvt a nukshopa hoke; kucha ya a su pesakmvt, a yihlihipa hoke.

12. Hvttak illi yo chomilchit im anukfila ha isht ik svthanoshke; ampo koa yak o i su chiyuhmi hoke.

13. Lawa hosh nā sv mehvchi kvt, "Nukshopah bat vlotvshke," ahachi na hahaklo li kak okvt: vm a sunalit ittibaiachvfft isht ittim vnumpuli kvt, vm ilhsfiopak a isha chi hosh ittim vpcesushke.

14. Amba vno vto chi anukchieto lishke, Chihowa ma; "A Chitokaka chia hoke," achi lishke.

15. A nittakputta kvt chibbak foiyukka hoke; a tunvp vhlehah ibbak, micha svlbvsshalı vhlehah aien a ka im ai ishit is sv hlaknffichashke.

16. Chi tishu ha chi nūsshuka ish o tohwikelichashke; nan i hullo chia hokvt, is si okchalinchashke.

17. Chihowa ma, chi pahaya li hokvt, ik sv hofahyo kashke; hvttak haksi vhleha hak osh hufahyashke, illi aiasha yak o ont a chullosashke.

18. Ai vlhpiesa yok a sunalit ilefehnvchit shittilemut nukwayah iksho hosh vnumpuli ittiulbi hulabi vt vlhkvmashke.

19. A chi achukma yvt, yvtmma chi nukshoiyupa vhleha ha luhmit ish im ieshi tuk osh, chi ai vtukko vhleha ha hvttak vhlehah itikba ya ish im a yvmihichi kvt chin-toshke.

20. Hvttak vt im anukfilah ittibaiachvffa putta ka im ai ishit, chim itikba a luma ya ish a luhmi hoke; isunlvshputta kvt nā mihachi ya a kohchit ai vtukko ya ish a luhmi hoke.

21. Hulihta kyllo tumahah ahatta lih ma, a hullo kvt vm ottvninchih fehna tuk okvt, Chihowa hvt hulittopashke.

22. Yohmi hokak o vno yokvto sv kummuntah mvt, "Chi nishkin itikba ya ai ishit sv kanchishke," achi le tuk vttok oke; yohmih kia chi pahaya lih ma, nan asihilhha li vnnumpa ha ish haklo tuk oke.

23. I hulittopa moma kvt Chihowa ha hvsh i hullashke; Chihowa hvt ai ahli vhleha ha hullulli yoke, amba ilefehnvchi yvno lawachi hosh im atobbi yoke.

24. Hvsh kyllashke, mikma hvchi chukush a hlampkocha hinla hoke, Chihowa hohoyo hvsh moiyumah ma.

## A T U L O A 32.

Nan ithvnanchi atvloa Lewi vt ikbi tok.

**K**UNA hosh nan vlpisa kubvffi vt i kvshofakmv, avsshvchika im ompoholmo kt na yokpa hoke.

2. Kvna ho Chihowa hvt ayushoba onucchih keyukma, nan ilahobbi vt iini chukvsh a foiyukkah keyn yvt huttak na yokpa yoke.

3. Nan ak acho hosh aya lih mvt, nittak moma ka kissahaha li kak osh svf foni vt okpulot taha tok oke.

4. Nittak micha ninak aienka chibbak vt weki hosh si onuttoiyulah ma, vmi lhampko hvt inlv taha kt toffa chahto yak o chiyuhmi tuba tok oke. [Yukopa.]

5. Nan vsshvche li yvt chim il ottvnjhichi lih mvt, ayushoba li yvt ak luhmo ki tok oke; "Nan vlpisa kubahaffi le tuk vt Chihowa ha im il vnoli lashke," achi lih ma, nan vsshvchit a sv yoshiba ya is sa kushuffi tok oke. [Yukopa.]

6. Ilvppak atuk mak o nan i hullo aiyukali kt chi vhayucha he ai vlpiesa nittakma chim ilvsshvt vnumpulashke; oka yvt okchitoh fehnah kia, yummma qna he keyuh pulla hoke.

7. Um aluma chia hoke; ai ilvssha ya ai ishit is su hullvlli hoke; ahlekuffi ishit tvloa yo isht is si vpakfoiyubli hoke. [Yukopa.]

8. Chi hopoyuksuehit hina ish ataya he vlpesa ka chi bihlibli la chi hoke; sv nishkin vt chi onuttoiyula ho na chi miha la chi hoke.

9. Issuba hokmah, haksubish fulaya yokmah, nana hosh im anukfilah iksho yosh chim antia he keyu kak o ishit hvllla chi ka, itih kpali micha ishit fululichi yvt ishit shema yosh itih foiyukkah chatuk a hvchik cholmo kashke.

10. Na huttupa lawa hosh huttak ik vlpeso ya onuttula hoke; amba Chihowa anukchieto yokvno nan isht i hullo yosh isht vpakfoiyupa hoke.

11. Na yokput Chihowa ha hush a yokpashke, ai vlpiesa vhlechah ma, micha chukvsh ai vpissali vt momvt yokput hvsh shukapashke.

## ATULOA 33.

**A**I vlhpiesa vhlehab ma, Chihowa ha yokpa hosh hvsh  
i tvloashke; ai vpissali vhleha hokvto hulittoblich  
kak osh isht im vlhpesa hoka.

2. Hap o Chihowa ha yako ke isht hvsh im ahachashke;  
ai olachi ishit tullakchi pukkoli yo olachit hvsh ayokpu-  
chashke.

3. Atvloa himona yo isht hvsh i tvloashke; im punnvt  
chitolis hosh hvsh olachashke.

4. Chihowa im vnnumpa hvt vpissalih, micha nanah  
yvmihchi moma kvt ai ahlih bano ho utahli hoka.

5. Ai vlhpiesa micha vtukkoah nan im vpesa yak o im  
ai achukma yoke; Chihowa im isht i hullo yvt yakni ya  
vluttoa hoke.

6. Chihowa im vnnumpa ho vba yvt tubah ma, itih fiopa  
ho nanah puttah momah ai asha kvt tuba tok.

7. Okhvtah oka ya ittunahahchi omihchit ittvhobbit, oka  
hufobiputta ka vlhpoyak aiasha yo chomihchit vshachi  
yoke.

8. Yakni moma kvt Chihowa ha i nukshopashke; yakni  
ai asha moma kvt i nukwiashke.

9. Yvmmak osh miyah ma, tuba tok oka: yvmmak osh  
im vpesah ma, vltahvt tulla ya tok oke.

10. Chihowa hvt oklushi putfah im anukfila ya kubvshih  
chatuk; oklah puttah nan ahni tuk a akshuehiih chatuk oke.

11. Chihowa im anukfila hvt tkkali na abillia yoke;  
chukvsh nan ai ahni tuk puta kvt isht ai unchululi mahaya  
ka i tkkali hoke.

12. Oklushi yokvt Chihowa hak osh i Chitokaka yosh  
ilap ak o immi hach i hosh vtokule tuk a, na yokpa hoke.

13. Uba yak o Chihowa hvt et a hopokoyo yosh huttak  
moma ka pihsuvshke.

14. Ilap ai ahatta ya binnilit yakni ai asha moma ka o  
hopokohoyoshke.

15. Chukvsh aiyukali im ikbi tok osh nanah a kvniohini  
putta ka vpesahachi yoke.

16. Miko vt tvshka chipota i lawa kak osh isht im aiya kvt ikshoshke; hvttak kullo vt imi lhampko chinto kak o isht a hlvkuffa he keyu hoke.

17. Issuba hvt ai okchaya ahlih keyu hoke, micha imi lhampko chito kak osh hlvkufficha he keyu hoke.

18. Yakeh, i nukshopa vhlehah, isht i hullo hohoyo vhleha ha Chihowa nishkin vt onuttoiyula kvt,

19. Imish shilombish a aiilli a kohchicha chih, micha hohchufoh chintoh kia ai okchalincha chi kak oke.

20. Pimish shilombish vt Chihowa hak o hohoyoshke; yummak osh pi vpela micha pi telihpa yoke.

21. Yohmi hoka hohchifoh hulittopa yak o il anukchieto hatuk osh, yummak o pi chukvush et a yokpa chi hoke.

22. E chi hohoyo hatuk pullah mak o, chim isht i hullo yrt pi onuttoiyulashke, Chihowa ma.

## A T U L O A 34.

Abimelek itikba ya im anukfilah iksho ilvhobbi na, chvffechi na iah mvt, atvloa Lewi vt ikbi tok.

**N**ITTAK aiyukali ka Chihowa ha ayokpahachi lashke; i tlivot hulittoblich kvt svtih ha foiyukka na billia chi hoke.

2. Chihowa hak o rmish shilombish vt isht ilawahata chi hoke; chukvush akkalosi vhleha hvt haklo cha, na yokpa chi hoke.

3. Chihowa ha hvs svba hulittoblich fehnashke, mikma hohchifo ha iloh ittiba chahvchashke.

4. Chihowa hoka hoyo likma, sv haklo cha, a sv nukshopa moma ka a sv kohchih chatuk oka.

5. Oklah pit pihisakmvt, nresshuka okchah chatuk oka, nresshuka hufahya yrt iksho kumimohmashke.

6. Hvttak ilbussha ilvpput i payah ma, Chihowa hvt haklo cha, ai ilbussha moma ka a kohchit hlvkuffichi tok oke.

7. Chihowa im enchel vt i nukshopa vhleha ha vbenuchit vfullubli cha, hlvkuffichi hoke.

8. Chihowa hut achukma kā ketiohmih ahnit hush pi-sashke; yummā ai vtukko yokvto nā yokpa huttak oke.

9. Im oklah chūkvsh kvshofa huchia hut Chihowa hā hush i nuksopashke; i nuksopa vhleha hut nana hō bvn-nah keyu hoka.

10. Koi himithoa yvt nan ik im ikshot hohchvfoh kia, Chihowa hoyo vhleha hokvto nan achukma nanah kia bvn-na he keyu hoke.

11. Intāh! vlla vhlehah ma, hvs sā hyponaklashke; Chihowa i nuksopa mak o hvchim abvche lashke.

12. Huttak nantah mak osh, yummvt okchayah bvnvt, nittak laiyawa hō nanah hochukma pisah bvnna choh?

13. Chi sunlvsh vt nau ik achukmo kā, micha chittivlbi vt nā haksichi ya ik vnumpolo ka hi a ish vpesahachashke.

14. Nan ik achukmo kvno ish i fillvmmi cha, nan achukmo kak o ish yvmihichashke; itti nanaiya ya ish hoyo cha, ish iakkayashke.

15. Chihowa nishkin vt ai vlpiesa vhleha hā pit o tllohakma, ai i pahaya ya haksubish vt pit hyponaklo hoke.

16. Chihowa nusshuka yvt nan ik achukmo yvmihichi vhleha huno onuttoiyula kvt, isht ai ithaiyana ya yakni ya a kohchit ishit kancha chi kak oke.

17. Oklah i pahayakmuno, Chihowa hut haklo cha, isht ai ilvssha moma kā a kohchih chatuk oke.

18. Chūkvsh kubafa vhleha hā Chihowa hut i bilichi hoke, micha imish shilombish kuchofa vhleha hā okchalin-chi hoke.

19. Ai vlpiesa ya nan ik achukmo onuttola kvt lawah kia, Chihowa hut yummā moma kā a kohchi hoke.

20. Yummā foni moma kā ieshi na, yummvt vchvffonah kia ik kubafo yoke.

21. Nan ik achukmo vt huttak ik vlpeso ya vba chi hoke; ai vlpiesa i nukkilli vhleha hut nan isht i vlvmmi vnnumpa hut onuttoiyula chi hoke.

22. Chihowa hut i tishuh vhlehah imish shilombish a vlvmmichit okehchinechi hoke; mikmā yummā ai vtukko

vhlehal moma kvt nan isht i ptlummi vnnumpa hvt onutula he keyu hoke.

## ATULOA 35.

Atvloa Lewi vt ikbi tok.

**C**HIIHOWA ma, a sunali vhleha ha ish i sunalashke; a tñampi vhleha ha ish i tñampashke.

2. Telihpä micha ai vtukko ya ish eshi cha, si vpela yosh ish hikkiashke.

3. Micha iti tlvi hvlpappa o tvla ya vba welit, sv hleohli vhleha ha vfamvt isht ish im oktvlashke; vñish shilombish a, "Ish ai okchaya sia hoke," ish im achashke.

4. Vñish shilombish a hoyo vhleha hvt a kvniohmí ik ithanot hufahyashke; svttupala chih anukfilli vhleha hvt fulamvt ia cha, hufahyah fehnashke.

5. Chihowa im enchel vt fvhamvt akkakohlihichi ho, na hakhlupish osh mahlih itikba aya kak o chohmashke.

6. Im ataya yvt aiokhlileka micha ahvlusbi bieka ho, Chihowa im enchel vt a hliohlashke.

7. Nanah a kvniohmih keyu ho yakni kula ishit hukli ya luhmit a tlalih mvt, nanah a kvniohmih keyu ho vñ ilhfiopak a i kuli tuk oka.

8. Ik ithano ho aiokpuloka yvt onuttulashke; ishit hukli ya luhmit tlalih tuk ash osh ilap ak o ishashke; aiokpuloka yummak ash ilap ak osh pit ittulashke.

9. Mikna Chihowa hak o vñish shilombish vt a yokpt, im ai okchaya ishit na yokpa chi hoke.

10. Sv foni moma kvt, "Chihowa ma, ilbussha ya kulloh i shahli im ai ishit ish hlukuffichikmvt, issikkopa micha nan ik im iksho wehpuli ya im ai ishit ish hlukuffichi chia ha kvta hak osh chishno a chohmih choh?" acha chi hoke.

11. Ulhpesah keyu nan vnoli vt wvkayut hieli cha, nanah ithana lih keyu ka a punaklo hoke.

12. Nan achukma ka nan ik achukmo yo isht vñ atobbi na, vñish shilombish a na nukhaklo yvt onuttoiyulushke.

13. Amba oklah vbekah ma, uno yokvto a nafohka yvt bancha yak vtrok oke; okissvt vñish shilombish a akkaloo

sechi li tok oke: mihmä vm vnumpah ilbvssha yet fulamet su chukvsh a vlah beka tok oke.

14. Itti kana lih, keyukinvt ittibapishi li hatuk o a chohmit aya li tok; ishki yatuk o ishit yahaya yo chohmit tvbashit vkahchunnoli li tok oke.

15. Yohmi tuk kia su kinnaklih ma, oklah na yokpvt ittihoyot ittvfamvshke; ak vcostininchö ho imomokpuloputta kvt vim asvnalit ittihoyot ittvfamvshke; na su melvuchi kvt ik isso hosh,

16. Na yopulut puska ishit hvbenvt vpa hvttak kvlakshi i shahli vhlehah ibaiachvffvt vm asvnalit in nuti ya killislihichishke.

17. A Shahlih ma, hupakih kvtiohmih fokkakmak o pe pist ish binnila chih choh? Umish shilombish a im aiokpuloka putta ka a kohehit, yummak a bieka ya koi himitta putta ka im ai ishit ish hlvkuffichashke.

18. Ittnaha chito im ai ittitakla ya a chi ayokpvche la chi hoke; oklah chito im ai ittitakla ya a chi holittobliche la chi hoke.

19. Na hulabi yosh a tunampi vhleha hvt uno ak atuk pullah mak o nan isht ik yokpo kashke; nañah kvniohmih keyu ho a nukkilli vhleha hvt nishkin a ik mushmushlecho kashke.

20. Itti nanaiyah keyu oklah vnumpulih, micha yakni ya nuktanlv ai asha kak o i sunalit na haksichi vnumpah oklah ikbi hokut.

21. Micha um a sunalit itih ha uvatechit wukvmmishke; "Yuminakhvlih, yummakhvlih, pi nishkin vt pisvshke," oklah achishke.

22. Ish pisa hokut, Chihowa ma, lumvut ish binnilin nah; a Shablih ma, chik sa mishemahcho kashke.

23. A Chitokaka micha a Shahlih ma, il okchulit chi okcha cha, si vpehpoachit nan is sum vpesashke.

24. A Chitokaka Chihowa ma, nan isht chim ai vlpiesa pulla hatuk mak o nan is sum vpesa na, uno ak atuk pullah mak o oklah isht ik a yokpo kashke.

25. Chukvsh anukaka ya, "Yummakhvlih, nanah il ai-

yahni hatuk oke!" ik acho kashke; "Isht e nunvplishke!" ik acho kashke.

26. Nan isht ik sum ai achukmo ya na yokpa vhleha hvt ittiba hufahyali fehnah bickashke; um asvnalit ile fehnvchi vhleha hvt hufahya micha kulakshi yo isht a foiyukkashke.

27. Um ai vlhpiesa ya ahni vhleha hvt tulout na yok pashke; micha, "I tishu hvt nittak im achukma ka im ai achukma Chihowa hvt hulittohashke," ahachit billiashke.

28. Mikma svsunlush vt chim ai vlhpiesa ya, nittak moma ka a chi holittohpa ya isht vnumpoliola chi hoke.

### A T U L O A 36.

Tuloa pehlichi vt a tuloa chi bo, Chihowa i tishuh Lewi vt jkbi tok.

**H**UTTAK ik vlhpeso vt nan vlhpisa kubuffi kak osh sv chukush anukaka ya ai vnumpuli kv, "Ilap nishkin itikba yvno Chitokaka isht ai i nukshopa hi vt ikshoshke," achih.

2. Ilap nishkin itikba ya nan isht il a hupohlvli kv nan vsshahachih chatuk vt ottani na, nan isht im vlhpisa he keyuh, ahni kak okv.

3. Ilap itih im vnumpah hvt nan ik vlhpeso micha na haksichi bano yoke; hupoyuksa, nanah achukma yvnohna he tuk vt issa tuk oke.

4. I tupah ittoiyulakmvt, nan ik vlhpeso ak o anukfihilli hoke; hina achukmah keyu kak o ile hillechi hoke, nan ik achukmo ka shittilemah keyu hoke.

5. Chihowa ma, nan isht ish i hullo vt vba ya ona hoke, micha nan isht ish ai ahlichei vt shutik a ona hoke.

6. Chim ai vlhpiesa yvt Chitokaka i vnnih huchitoputta ka chohmishke; nan ish ai vpehisa yvt okhvta hchito ohmi hoke; hvtak micha nan vlhpoe aienka ish okchalinchi hoke, Chihowa ma.

7. Nan isht ish i hullo vt hulittohah fehnushke, Chitokaka ma; yvnohmi kak o hvtak putta kvt chimis sunahchi nutaka yak o ai vtukko hoke.

8. Chim vboha nanah achukma aiyasha ka ai ishkot fiho-

pa hoke, nan isht ish yokpahali okhina ya ish ishkochechi hoke.

9. Ai okchaya a minti vt chishno yak oka: chim atohwikel ak o tohwikeli e pisa hoke.

10. Chithaiyana vhleha ha ish i hulloh chatuk vt, micha chukvsh ai vpissali vhleha ha isht ish im ai vlpiesah chatuk vt ish immomashke.

11. Ilfehnuchi jyi yut ik svm alo kashke; mikma huttak ik vlpeso vhlehah ibbak vt kumimma pit ik sv chuffecho kashke.

12. Yakeh, nan ik vlpeso yvmihchi vhleha hut akkako-hushke; tobli na akkakohah mvt, wukaya he keyushke.

### A T U L O A 37.

Atuloa Lewi vt ikbi tok.

**N**AN ik achukmo yvmihchi vhleha hatuk mak o chik ile nukhubelacho kashke; nan ik vlpeso yvmihchi vhleha ha chik i putvno kashke.

2. Hvsshuk a chohmit chekosih vlmokmvt, haiyukpulo okchaki chohmit busshit taha chi hoka.

3. Chihowa hak o ish anukchieto cha, nanah achukma kak o ish yvmihhashke; yvmohmi hosh yakni ya ish ai ahatta cha, nan isht im ahli ka ish ai ihimpashke.

4. Micha Chihowa hak o isht ish ilai yokpashke, mikma chi chukush nan asihilhha kak o chima chi hoke.

5. Ish ataya ya Chihowa ha ish im issa cha, yummak o ish anukchietashke; mikma ymmvt ai ahliche hi oke.

6. Micha nana kvt a chimmih vlpesa ka tohwikeli chomihchit, nanah chimmi ha he vlpesa ka hushi tubokoli chomihchit hayakucha chi hoke.

7. Chihowa ha ish i lumma cha, ik kviomihchi, ahnit ish ahattashke; huttak vt ataya ya im ai ahli cha, lumvt nan anukfjilli tuk vt ai ahliche kak o chik ile nukhubelacho kashke.

8. Nukoa kvt ish issa cha, nukhubela ya ish i filummashke; nan ik achukmo kak illa ho ish yvmihcha hinla hokvt, chik ile nukhubelacho kashke.

9. Nan ik achukmo yvmihchi vhleha hvt hukofa ch̄i hoka : amba Chihowa h̄a h̄ohoyo vhleha huto yakni ya isha hi oke.

10. Yohmi k̄a chekosi itt̄itakla k̄a hvttak ik vlhpeso vt ont aksha ch̄i hoke ; mikma' ai əhatta ya anukfillit ish pi-hisa hoh kia, iksho ka ch̄i hoke.

11. Amba ch̄ukush akkalosi vhleha huto yakni ya iesha hi oke ; micha nanah isht im ai achnkma i lawa kak osh isbt ila yokpa hi oke.

12. Hvttak ik vlhpeso vt ai vlhpiesa ya im asvnalit lumvt nan anukfjhilli cha, in nuti ya isht o killislihichi hoke.

13. Nan i Shahli vt i yukpa hoke ; i nittak vt vla ch̄i k̄a pisa hokvt.

14. Ilbussha micha nan ik im iksho ya akvecha ch̄i kvt, ai vpissalit əya vhleha h̄a vba ch̄i kvt, hvttak ik vlhpeso vhleha hvt bvshpo fvlaya ya shuffikmvt, im iti tunampo ya bichulli tuk kia,

15. I bvshpo fvlaya yvt ilap ch̄ukush ak o chukkoakma, im iti tunampo vt kubahla ch̄i hoke.

16. Ai vlhpiesa yvt nan im əsha kvt kvnomosi hoh kia, achukma kvt, hvttak ik vlhpeso lawah imi layak chito ya i shahli hoke.

17. Hvttak ik vlhpeso vhlehah shakba yokvt kubahla hi ok̄a : amba Chihowa hak osh ai vlhpiesa vhleha hokuno hvllvlli hoke.

18. Chihowa hvt ai əqli vhlehah i nittak putta k̄a ithai-yana hoke ; micha nan immi hvt əsha na billia hi oke.

19. Nittak ik achukmoh kia, hufahya he keyuh ; micha a hohchvfo nittak putta k̄a fihopa hi oke.

20. Amba hvttak ik vlhpeso vhleha huto aiokpuloka he, mikma' Chihowa i tunvp putta kvt oktak pisah ayukli yosh luvt taha ket shubulli h̄o tobvt taha kak o chiyuhma hi oke.

21. Hvttak ik vlhpeso vt poħota tuk kia, atobba he keyu hoke, amba ai vlhpiesa yvt i nukhaklo cha, iħima hoke.

22. Chihowa hvt yokpali tuk a vhleha hokvto yakni ya

iesha chih, amba kvlakshichi tuk a vhleha hokuto hukofa chi hoka.

23. Huttak a nohōwa ya Chihowa hvt im vpesa tuk mak osh, im ataya ya isht a yokpa hoke.

24. Akkuma hoh kia, ittulvt vmmohma he keyu hoke; Chihowa hak osh ibbak a hvalli hoka.

25. Ulla sia huttok osh sv sepuknit taha hak inlishke; yohmih kia huttak ai vlhpiesa ya kanchih ma, vnonti im ishtatiaka yut puska asihilhha ka ak pesoshke.

26. Nittak momah i nukhaklot i pohto hoke; micha im ishtatiaka yut yokpalit na yohokpa yoke.

27. Nan ik achukmo ka ish i filummi cha, nanah achukma kak o ish yomihchashke, mikmut ish ahatta na billiashke.

28. Chihowa hvt ai vlhpiesa yomihchi kak o ahninchu yok: micha i hulittopa vhleha ha kancha he keyu hoke; hullulli na billia yoke; amba huttak ik vlhpeso vhlehab im ishtatiaka yokto hukofut kwnia hi oke.

29. Ai vlhpiesa vhleha hut yakni ya ieshi cha, ai ahashwa na billia hi oke.

30. Ai vlhpiesa itih hvt vnnumpah hopoyuksa yo vnum-pulikma, isunlysh vt ai vlhpiesa vnnmpuli hoke.

31. I Chitokaka i nan vlhpisa yut chukvsh a a foiyukka hatuk o a nohōwa yut shunayoa he keyu hoke.

32. Huttak ik vlhpeso vt ai vlhpiesa ya vpesahachi kvt, vba he ahni hosh hohoyo hoke.

33. Chihowa hvt issvt ibbak fohka he keyuh; micha nan isht im ashakma, vnnumpah onuccha he keyu hoke.

34. Chihowa ha hōboyot i hina ya foiyukkut ish māhā-yashke; mikma chi wakayachi na, yakni ya ish iesha chi hoke; huttak ik vlhpeso vhleha ha ishit kanchi ka na yokpt ish pisa hi oke.

35. Huttak ik vlhpeso vt pullummih fehnvt, iti okchaki yosh a hikia imoma chohmit uwatulit ile chitoli ho pisa li tok.

36. Atuk ak osh ant ayut kwnia cha, yakeh, iksho ki tok; mihma hoyo lih kia, ik hayako ki tok.

37. Hvtak ai ahli ya. uechukmalit anukfillih, micha ai vpissali ya ish pisashke; itti nanaiya hvtak vt tikba nan achukma kvt awet im asha hoka.

38. Amba nan ulhpisa kubvffi vhleha hokvto ittibaiokpu-lokv hunkia hoke; hvtak ik ulhpeso vhleha hvt tikba nan achukma kvt awet im asha he tuk vt i hukofa hoke.

39. Amba ai ulhpiesa ai okchaya yvt Chihowa bak o a minti hokeh; ai ilbussha nittakma yvnmak osh i hulihta kullo yoke.

40. Chihowa hvt vpelvt hlvkuffichih chatuk okvt: yvnmak o ai vtukko hatuk o, hvtak ik ulhpeso vhleha ha im ai ishit hlvkuffechi cha, okchalincha hi oke.

## ATULOA 38.

Isht a nukfohka chi ho, atvloa Lewi vt ikbi tok.

**C**HIHOWA ma, chi nukhubela hosh chik sun vlamo kashke, micha chi nuklibesha hosh na hutnpa chik si onuccho kashke.

2. Chim uskinvkiputta kvt akket sv chukkoakma, chibbak vt vba mintit wekit si onuttoiyula hoka.

3. Chi nokuah pulla kak o sun nipi a ayubaka kvt ikshoshke; nan vsshvche lih pulla kak o sun foni ya a nuktaiyala yvt ikshoshke.

4. Nan a yushohoba li yvt sv nushkubo ha vbanvli hoka: na shapoh weki chiyuhmi hosh, weki kvt um atvpushke.

5. Ik sv hopoyukso kak o a sv fama yvt shuvt yvnvllichke.

6. Tubunnout ukahchunno lit kunnia lishke, nittak moma ka tvbashi ohmit aya lishke.

7. Sekfiksa yvt yvuhah vuttoah ma, sun nipi vt ayubaka kvt iksho hoka.

8. Nipi illit sv letua kvt atampushke; sv chukush vt hijha kak o kiffahaha li hoke.

9. A Shahlih ma, nanah a sv bvnna moma kvt chi tikba tvkkali hoke; mikma hijhja li kvt chi lumah keyushke.

10. Sv chukvsh vt timikahachishke; vmi lhampko hvt a kvnivshke; mikma sv nishkin ak kia i tohwikeli hvt ik svm ikshoshke.

11. Sv holittobli vhlehab, micha a kana vhleha hvt na huttupa si osuttula ka a filummit hielih, micha a kvnomih vhleha hvt a hupakichit hielishke.

12. Mikma vñ ilhfiopak a hoyo vhleha hvt isht vñbi ya a tlalishke; micha a svttupa he hoyo vhleha hvt nanah okpulo ho vñumpoholishke; micha nittak moiyma ka na haksichi anukfihilli hoke.

13. Mihma vno vto ik huponaklo yo chohmit haklo la be keyuh, micha ik vñumpolo yosh itih ik wukvummo kak o chohmi lishke.

14. Micha hvtak ik huponaklo yosh vñnumpah isht a sunali nanah kia itih ha a foiyukkah keyu yak o chohmi lishke.

15. Chi hohoyo li hoka, chishno ak osh is sv haklashke, a Shahli, a Chitokaka ma.

16. "Uno yak atuk pulla kak o oklah yokpvñ náh; ahlih, sñiyi vt shvkkulvellikma, a sunalit oklah ile chitolin náh," achi li hoka.

17. Svttula be fehnah ma, nan ishit sv nukhaklo vt sv tikba tvkkali na billia hoka.

18. Nan a yushoba li ya ottvninchi la chi hoka: nan vñ vsshvchi pulla kak o vñ anukfila hvt isht okpoiyula chi boke.

19. Amba a tñvp vhleha hvt okchvt kvnivt hlamp-koshke; micha nanihinih keyu ho a nukkilli vhleha hvt vpaknvshke.

20. Micha nauah achukma ka nan ik achukmo kak o isht vñtobi vhleha hvt, achukma ka iakkaya li kak o, oklah vñ a sunali hoke.

21. Is sv kanchin náh, Chihowa ma; a Chitokaka ma, is sa mishemahchin náh.

22. Tushput ant is si vpelashke, a Shahli, si okchalinchi ma.

## ATULOA 39.

Tuloa pehlichi Chetulilv<sup>n</sup> vt a tuloa ch<sup>i</sup> h<sup>o</sup>, atuloa Lewi vt ikbi tok.

**S**USUNLUSH isht ak usshacho ka ch<sup>i</sup> kvt, vm ataya  
putta k<sup>a</sup> ahah ahni lashke; huttak ik vlpeso vt sv  
tikba hikiah ai ittakla k<sup>a</sup> ishit tvllakchi ya svtih h<sup>a</sup> ishit  
takchit ieshi lashke," achi li tok oke.

2. Ak vnumpolo hosh lumint hikia lih mvt, nan achukma  
hoh kia nan ak acho ki tok; mihmvt vm ishit nukhaklo yvt  
ilhkoholi tok oke.

3. Sv ch<sup>u</sup>kush vt sv nuklibesa tuk oke; anukfihilli lih  
ma, luak vt libibbi h<sup>o</sup>, svsunlush a isht vnumpule lishke.

4. Chihowa ma, ont vm ai ishtaiyopi, micha a nittak  
putta kvt hupaki kvt kuniohma ch<sup>i</sup> k<sup>a</sup> is svthvnanchashke;  
ik si vhobo kvt isht ai ithuna lashke.

5. Yakeh, a nittak putta kvt ibbak isht vlpisa ohmi h<sup>o</sup>  
ish ikbishke; mihma ahatta lih nittak vt chi tikba ya nanah  
keyn h<sup>o</sup> ohmishke; huttak aiyukali kvt hikkiah kia, nana  
h<sup>o</sup> keyuh biekushke. [Yukopa.

6. Huttak vt pe vhobah illa hosh ittvnoh<sup>o</sup>wa hoke; pe  
nan ik vhobo yo oklah nan isht vtaklvma hoke; nan  
ittvhobbi hoh kia, kuna hosh isha hi a ithana he keyu  
hoke.

7. Yohmi k<sup>a</sup> intah! nantah mak o hohoyo la chih choh,  
a Shahlih mah? chishno ak o chi anukchieto li yoke.

8. Nan vlpisa kubuffi li k<sup>a</sup> a mominchit is sv kucchashke;  
ik hupoyukso vt nan ik ai vhobalo ya chik sakbo kashke.

9. Chishno ak osh ish yvmihchi hoka, ak vnumpoloshke;  
svtih h<sup>a</sup> wukumini la he keyushke.

10. Na huttupa is si onucchi tuk vt is sa kunvlichashke;  
chibbak isht is si onucchi kak o, uno vt ont tahut mahaya  
li hoke.

11. Na yushoba pulla hatuk mak o huttak a im olvbechi  
hosh na pvlvnm<sup>i</sup> ish onghocchikmvt, shushi yo chomihchit  
isht ayukli ya okpunit ish tahlih chatuk oke; huttak aiyu-  
kali kvt nana h<sup>o</sup> keyuh biekushke. [Yukopa.

12. Huttak ik ithano nowut aya, chekikh takla chi takla abatta, a tikba vhleha hak o chiyuhmi sia hoka, um vnumpah ilbussha ya ish haklashke, Chihowa ma; micha pahaya li ka is su haklashke; su nishkin okchi hlutahapa ka lummt chik binilo kashke.

13. Kunivt ik saksho kishah takla kak o chi vsshuka nukhubela ya naksika pit is sa shuneli na, si okchvt tahashke.

### ATULOA 40.

Tvloa pehlichi vt a tvloa chi ho, atvloa Lewi vt ikbi tok.

**C**HIIHOWA ha achunnanchit hoyo lih ma, et um vkahchunnoli cha, paya li ka su haklo tuk oke.

2. Mihmvt ahufobika aiokpuloka, micha lukchuk hlubeta ya a kohchit, saiyi ya tuli chito yo o hilechit, a nohowa li ya kvollochi tuk oke.

3. Micha pi Chitokaka huletublich, atvloa himona sutih ha fohkishke. Lawa kvt pesa cha i nukshopakmv, Chihowa ha anukchietashke.

4. Kunia hosh Chihowa hak o anukchieto cha, huttak ilefehnuchi vhlehab, micha hulabi ya pit fulota vhlehab aien a hulittoblih keyu kvt na yokpa huttak oke.

5. A Chitokaka Chihowa ma, na fehna ya lawachi hosh ish pi yvmihichih chatuk oke; micha nan isht ish pi anukfihilli ka kunia hosh ittiakayuchit chim vnola he keyushke; vnlit isht vnumpule lashke, ahni lih kia, lawah fehna hatuk osh, holhtina he keyushke.

6. Ubit isht ayokpuchi micha na waya isht ayokpuchi ish ahnih keyushke; su haksubish a ish hlumpli tuk oke; hukmit im issa, micha nan vsshvchi isht vlhtoba ya ish boyoh keyushke.

7. Yohmih ma, "Yakch, hulisso hulittopa ya ai um vlhpisut hulisso tuk mak osh vla lishke.

8. "A Chitokaka ma, nan ish ai ahni ya yvmihchi kvt um achukma hoke; micha chi nan vlhpisa yvt su chukvsh anukaka ya foiyukka hoke," achi le tuk oke.

9. Ai vlhpiesa ya oklah chinto ya ai vnoholi le tuk oke.

Yakeh, svttivilbi ya i kumali la he keyushke; Chihowa ma, chishno vt ish ithanushke.

10. Chim ai vlhpiesa ya su chukush anykaka ya a luhmit ieshi le tuk keyuh; isht chim aiahlika, micha isht chim ai okchaya ya vnoli lih chatuk; nan isht ish i hullo, micha nan isht chim aiahlika ya oklah ittvnaha chinto ka i luhmi le tuk keyushke.

11. Chihowa chiah ma, nan isht ish i nukhakloputta ka chik sum esho kashke; nan isht ish i hullo, micha nan isht chim aiahlika yut su bvvllvllih billiashke.

12. Nan ik achukmo vt si vpakfoiyupa kut ahulhtina ikshot taha hoka: nan ayushqoba li yut su sakkı hatuk o, nana ho pisa la he keyushke; lawa kut sup pašhi su nushkoboh o hieli ka i shahlishke; mihma su chukush vt a kuniuvshke.

13. Chihowa ma, vlhpesah ish ahni cha, is su hlakuffi-chashke; Chihowa ma, tushput ant is si vpelashke.

14. Umish shilombish a ishit kancha chij hoqyoputta kut hufahyah fehnah biekashke; a svttupa he aiyahniputta kut fulamut yiblepa cha, hufahyashke.

15. "Yummakhvlih! yummakhvlih!" um ahachi vhleha hvt hufahya kak osh a kuniomhi ik ithano kummoh-mashke.

16. Chi hoqyo moma kut na yokput chi a yokpashke; chim ai okchaya ya i hulittopa vhleha hvt, "Chihowa hvt hulittopashke," ahachih billiashke.

17. Amba uno vto ilbussha micha nan ik im iksho sia hoka, a Shahli vt si anukfilli hokbano! na si vpelvchi micha su hlakuffichi chia hoke; a Chitokaka ma, chik sa svlaho kashke.

### ATULOA 41.

Tvloa pehlichi vt a tvloa chij ho, atvloa Lewi vt ikbi tok.

**K**UNA hosh huttak ilbussha ya hnpoynksut nan isht ahatta kut huttak na yokpa yoke; ik ai achukino nit-takma Chihowa hvt hlvkufficha hi dke.

2. Chihowa hvt ieshi cha okchalinchi na, yakni ya nan

isht im ai achukmashke ; mikma i tunvp vlehab nan ai ahni  
ka ibbak chik fohto kashke.

3. Ubekut i tupah ittoiyula ka Chihowa hvt hellullahke ;  
vbekakma, i tupa ha ish im vpoaksiachih chatuk okut.

4. Vuo vto, "Chihowa ma, is sa nukhaklashke ; vmissi  
shilombish a ish hvkuffichashke ; chin vssheche li tuk okg,"  
achi lishke.

5. A tunvp vleha hvt nan ik achukmo si achi kvt.  
"Kutiohmikmak o illi cha, hohchisoli mvt mushola chih  
choh?" ahachishke.

6. Atuk osh sv pesut vla hokmvt, vnumpah ik ahlo  
vnumpuli hoke ; imi chukesh et nan ik vlpeso ilai ittvhobbi  
hoke ; kohcht iakmvt, vnoli hoke.

7. A nukkilli vlehab moma kvt a sunalit itti wushohuchi  
hoke ; nan ik achukmo si a yvmihcha he ahnit a sunalit  
vpehisa hoke.

8. "Nan opkulo yosh onuttoiyula hoke ; yohmi hoka ai  
ittoiyula yummak ash o himakma a tana he keyn hoke,"  
ahachishke.

9. Hvttak itti kana lib i yimmi li yatuk, a puska ahapa  
yash kia vm asvnalit iyikutoba ya wkelishke.

10. Yohmih kia Chihowa chia hvt is sa nukhaklo cha is  
sv tanechi na, ilai ukha lashke.

11. A tunvp vt cm aiyvchit isht ilawvta he keyuh, ileppak  
o is si abninch ka isht ithaiyana lishke.

12. Micha vno yokvto ai ahli li kak o is sv hellullahke ;  
micha chi tikba is sv hillechi na billivshke.

13. Israel i Chitokaka Chihowa hvt hulittopvt a billia tok  
osb a billiashke. Amen, vnoni Amen.

### A T U L O A 42.

Tvloa pehlichi vt a tvloa chi ho, nan ithvnanchi atvloa Ko-  
lah usbi vleha hvt ikbi tok.

**I**SSI yosh oka yvnvlli-yo bunnah fehna kak o chohmit,  
vmish shilombish vt chi hoyoh fehna hoke, Chitokaka  
ma.

2. Umish shilombish vt itukshihilut Chitokaka, Chitokaka okchaya ya hooyoshke; kvtiohmikmak o Chitokaka im itikba ile hayakvchit ona la hinlah choh?

3. Nittak moma ka, "Chi Chitokaka muto?" ahachih ma, nittak micha ninak aien a ka sv nishkin okchi vt um ilipak atuk oke.

4. Oklah chito iba nohowa likmvt, na yokput ayokpa-hachit chitolit telohowa hosh oklah chito kvt nittak hulit-topa hulittoblihichi ka pehlichit Chitokaka im vboha ona lih beka tok vt, ilvppa puta ka ithaiyana likmvt, sv chukush vt vluottovshke.

5. Unish shilombish ma, nantihmi ho iellit chi akkama cha, ish hijah choh? Chitokaka yak o ish anukchietashke; yunma nusshuka yut si okchalinchi yatuk o himakma ayok-pahachi la chi hoka.

6. A Chitokaka ma, umish shilombish si anukfoiyukka kvt iellit akkumushke. Yumohmi hokvt Chatvn yakni, micha Hymon nunih foka, nunih Misa ya vttvt pit chithaiyana lishke.

7. Chim oka chopra puta kvt kifihahachih ma, oka chito vt oka chito ya itti pahayvshke; chim oka bunvtha okvli o fofovchi moma kvt si vbanvblishe.

8. Nittak okma Chihowa hut im isht i bullo ya isht um vpehjsah beka tok oke; mikma ninak okma Chitokaka um ai okchaya ya im vltvloak, vnnuinpah ilvssha isht ayok-pahachi lih beka tok oke.

9. Chitokaka a tvli chito ya, "Nantah kvtiohmi ho is svm ihaksih choh? Nantihmi ho a tvnvp vt svibusshali na tvbashit hikikiya lih choh?

10. "Svf foni puta ka bushullichit kanchi chiyuhmit, a tvnampi vhleha hut nittak moma ka na sv mehvchi kvt, Chi Chitokaka muto? vm ahachishke," im achi lashke.

11. Umish shilombish ma, nantihmi ho iellit chi akkumah choh? micha nantihmi ho ish hijah choh? Chitokaka yak o ish anukchietashke; sv nusshuka vpelvchi micha a Chitokaka ya himakma ayokpahachi la chi hoka.

## ATULO A 43.

**N**AN is sum vpesashke, Chitokaka ma, micha nan i hullo keyu oklushi ya im afot is si vpehpoashke; na hak-sichi micha ai vlhpesa keyu huttak im ai ishit is sv hlakuffi-chashke.

2. Chishno ak osh a hulihta kvlo Chitokaka chia hokvt. Nantihini ho is sv kanchih choh? Nantihmi ho a tunvp vt svlbvsshali na tbashit hikikiya lih choh?

3. Chi tohwikel micha chim vnnumpah ahli ya et ish pela na, yummak osh susht ayashke; chi nvnih hulittopa micha ish ai ahatta ya susht onashke.

4. Yohmikma Chitokaka im alta, Chitokaka nan ishit sv yokpa ai okluha ya im ona lashke; micha hap a isht chi ayokpahachi la chi hoke, Chitokaka a Chitokaka ma.

5. Umish shilombish ma, nantihmi ho iellit chi akkumah choh? micha nantihmi ho ish hijihab choh? Chitokaka yak o ish anukchietashke; sv nvsshuka vpelvchi micha a Chitokaka ya himakima ayokpahachi la chi hoka.

## ATULO A 44.

Tuloa pehlichi vt a tuloa chi ho, nan ithvnanchi atvloa  
Kolah ushi vhleha hvt ikbi tok.

**C**HITOKAKA ma, i nittak, nittak chashpo ka, na tok-svli ish toksahali tok a piki vhleha hvt vnoli na, pi haksubish a isht e hakloh chatuk oke.

2. Chishno ak osh oklushi putta ka chibbak isht olbit ish im eshi cha, piki vhleha ha ish ai o binohliche tok oke; oklah putta ka ish musholichih kia, yummak okvno ish ai o pvttali tok oke.

3. Yakni ya ilap i bshpo fulaya yak o isht vsittubit ishi tok keyu hoka, micha ilap shakba yak inli hosh im aiyvchi tok keyu hoke; amba chibbak ishtimpakimma, chish shakba, micha chi nvsshuka tohwikel aienak vttok oke; ish i kana huttok okvt.

4. Chitokaka ma, chishno ak osh a miko chia hoke; Chekob ahlukuffi putta ka ish vpesashke.

5. Chishno pulla kak ə pi tunampi vhleha hə toblit il akkakohlichā chī hoke; chi hohchifoh pulla kak ə pi sunalit wukaya vhleha hə il vhulhicha chī hoke.

6. Yohmi kə um iti tunampo ya anukcheto la he keyuh, micha ə bushpo fulaya mvt sv hlakufficha he keyuhoka.

7. Pi tunampi vhleha hə im ai ishit ish pi hlakuffechi cha, pi nukkilli vhleha hə ish hufahyalih chatuk oka.

8. Chitokaka yak ə nittak moma kə isht il ilawuta yoke; micha chi hohchifo hak ə il ayokpahachi na billia chī hoke.

[Yukopa.]

9. Yohmi tuk kia kanchit ish pi hofahyali hak inlishke, micha pi tushka chipota vhleha hə awant kohchvt ish ia he keyushke.

10. Pi tunampi itikba ya i filummichit ish pi tehlihil hoke; mikma pi nukkilli vhleha hvt pi webpulih chatuk oke.

11. Nan vpa chukfulhpoa yak ə itillawwechit ish pikbi hoke, micha oklushi puttah im ai ittītakla ish pi fimmishke.

12. Chim okla hə ish kanchi kvt, nan isht chik vhayocco hoke, micha yummə isht vltoba yatuk ə nan isht chī lawah keyushke.

13. Oklushi pi biliča aiyasha ya i nan isht ik ai vhabalo pikbit, pi vfullubli kvt kvlakshichit ai i yukpa, micha isht a yopula ish pikbi hoke.

14. Oklushiputta kvt nan isht ittpesa, micha oklahputta kvt nushkoboh ə fahli ish pikbi hoke.

15, 16. Ik vhabalot vnumpuli micha hufahyalit vnumpuli, tunvp micha ilaiukhah bvnna aienā kak atuk mak ə, nittak inoma kə nan ishit sv hofahya yvt sv tikba tukkali hoke, micha hufahya yosh sv nvsshuka ya ompoholmo hoke.

17. Ilvppa moma kvt pi onuttula tuk oke; yohmih kia chishno ya ik pim vhakso ke tuk oke, micha chī nan ittim vlpisa ya kil im ai ahlo tuk keyushke.

18. Pi chukvsh vt fulama tuk keyuh, micha il a nohōwa yvt chī hina ya i filummi tuk keyushke.

19. Yohmi kvt na poa okpulo ai asha ya ish pi aiok-

pvninchi cha, ai illi aiokhlileka isht ish pi ompohomo hokak o, pi yvmohmishke.

20. Pi Chitokaka hohchifo ha pim vhaksi cha, chitokaka inla ho pibbak isht il im vshatvpa hatuk okma,

21. Ilvppa Chitokaka yvt silhhit vhayucha hinlah keyuh choh? yvmmak osh chukvsh ai vломака putta ka ithana yokvt.

22. Yummak het ashna na, chishno pulla kak o nittak moma ka pihillishke; chnkfshpoa yosh illa chi kak o il ittulhpisa hoke.

23. Ish okchashke; nantihmi ho chi nosih choh, a Shahlih ma? ish il okchulashke; pi kanchit chik billiyo kashke.

24. Nantihmi ho chi nvsshuka ya luhmit, pilbussha ka, micha pi pulvinmechi ka chim vhaksih choh?

25. Pimish shilombish vt vkahchunnolit hittuk chubi ya ona hoka: pikfuka yvt yakni ya vkulloshke.

26. Ish wukaya cha, pi vpela chia hashke, micha nan isht ish i hullo pulla hatuk mak osh ishi pi hlakuffichashke.

### ATULOA 45.

Teloa pehlichi vt lili isht a tloa yo Kolah ushi vhleha hvt ikbi tok, ohoyoh hulittopa vhlehal ishit tloa yosh, nan ithvnanchit hulittoblichit atuloa yoke.

**S**U chukvsh vt vnnumpah achukma ho isht vlotvt fohopushke; yak achi lishke: Nan isht ai aghatta li yvt miko yo vhalaya hoke; su sunlush vt hulissochi tushpa ishit hulissochi mak oke.

2. Pisah achukma kvt huttak vhlehal ish i shaiyahlishke; ayukli yosh chittivlbi ya o fohopushke; yvmoymi hoka Chitokaka yvt chi yokpali na billivshke.

3. Mich ahlittopaka micha isht chim aighlik ailaieshi hosh ilai vskuffvchit, chi bvshpo fulaya ya ish shalashke, hulittopa ma.

4. Mich vnnumpah ahl micha chukvsh akkalosi ai ulhpiesa pullah mak o hulittopvt o binilit ish mahayashke;

**mikma** chibbak ishtimpakimma yut na pvvummi ish yvni  
hicha chi ka chim abvchashke.

5. Chim uskinvkiutta kvt hvluppa hosh miko i tunvp  
vhlehab chukvsh a shvmoymaya na, oklushiutta kvt chi  
nutaka akkakohashke.

6. Chitokaka ma, chim ai o binili hulittopa yut billiut  
billia yoke; chim apehlichika i tubi vt ai vlpiesa i tubi  
yoke.

7. Ai vlpiesa kak o ish ahninchichcha, nan ik vlpeso  
yokvno ish shittilema yoke; yvmoymhi hatuk o Chitokaka,  
chi Chitokaka yut ish ai ittpeha ya i shvlihchit isht a  
yokpa bila ya ishit chi vhvmmichi tuk oke.

8. Chim ilefobka yut bvlama kvt mvh, alos micha kashia  
bvlamah biekushke; aifoli vboha hulittopa yak o nan ola  
ilaiyuka kvt awet ai ohola hosh chi yokpalishke.

9. Miko ushetikutta kvt chi hulittopa ohoyoh vhleha  
ha ai achuffa hoke; chim ishtimpakimma ya miko ohoyo  
hvt tulih hulisso lakna Ofa a minti yo ishit shema hosh  
hikkivshke.

10. I hulittopa ohoyoh ma, ish haklo cha, ish pisashke;  
micha chi haksubish a awet ish welashke; mikmut chim  
oklah, micha chiki i chukka aienaka chim vhaksashke.

11. Mikma chi ayukli ya miko vt anushkunnashke;  
yvminak osh chi Shahli hokvt: yohmi hoka ish im ukah-  
chunnolashke.

12. Mikma tumahah chito Taia yut oklah nan i lawa mak  
osh na hulbina yo chi nvsshuka ya isht ahpvla chi hoke.

13. Hulittopah bieka hosh miko ushetik vt anukaka  
binnili hoke; i nafohka yut tulih hulisso lakna ishit tunna  
yoke.

14. Nantunnah ilaiyukah putvhlpo a nowuchi hosh miko  
ya isht im ona chi hoke; ohoyoh himithoa hrttak hvleli  
keyu vpeha yut iakkaya ho isht chim ona chi hoke.

15. Na yokput ayimita hosh isht aya ho miko im vboha  
hulittopa ya ont chukko chi hoke.

16. Chiki vhleha hatuk a vltobvt chisoh vhleha hak a hi  
oke; yakni moma ka i shahli ya chi ho ish binohlicha hi oke.

17. Isht ai unchululi puttah moma kā chi hohchifo hā ithaiyana he ikbi la hi oke; yvmohini hō oklahputta kvt chi ayokpahachi na billivt billia hi oke.

## ATULOA 46.

Ohoyoh himithoa yosh tuloa chī hō, bulittoblich Kolah ushi vhleha hvt tuloa pehliche ya im ikbi tok.

**C**HITOKAKA yak osh il ai vtukko, micha pi hulihta kvollo yoke; ai ilbusshaputta kā vpeluchi yosh oktunih sehna hoke.

2. Yvmohmi hoka yakni vt ik ai inla hoh mák o, micha nunih chahaputta kvt fayokahachit okhutah iklunna pit ik okakaha hoh mák o, pi nukshopa he keyu hoke.

3. Oka yvt foput ik pukpuki, oka bunutbaya kā nunih chahaputta kvt ik oka wunnihichi; [Yukopa.

4. Okhina yvt buchayushke; yummā ayvnelli putta kā oka yvt a yvnelli hosh Chaha i Shahli vt ai ahatta hulittopa, Chitokaka i tumahah chito ya yokpali hoke.

5. Chitokaka yvt im aiikluna ya ahatta kak o, yummvt kvnilla he keyu hoke; onnvut mintikma, Chitokaka yvt vpeluchih pulla chī hoke.

6. Oklushiputta kvt fohopushke; apehlichika putta kvt ittufetihkuchishke; Chihowa hvt vnumpulih mā, yakni vt bilushke.

7. Nan uha i Chihowa yosh pibafoiyukka hoke; Chekob i Chitokaka yak osh pim ahlukuffi chaha yoke. [Yukopa.

8. Intah! Chihowa hvt nan vtahli tuk a hu pesāh; yvmak osh aiokpulokut taha kā yakni ya ai onohg̃echi hoke.

9. Yohmi kvt yakni ont ai ṽlhi kā tunvp putta kā yuko-bl̃ihichi kvt, iti tunampo ya kubuffikmvt, tvli huluppa ya chant hukuffi hoke; tunvp itichvnvlli putta kā luak ishit hukmi hoke.

10. Hvsh issa cha, vno vt Chitokaka sia hatuk a hvsh ithaiyanashke; oklushi puttah im ai ittitakla kā sv holittopa chī hoke; yakni ya a sv holittopa chī hoke.

11. Nan uha i Chihowa yosh pibafoiyukka hoke; Chekob i Chitokaka yak osh pim ahlukuffi chaha yoke. [Yukopa.

## A T U L O A 47.

Tvloa pehlichi vt a tvloa chi ho, atvloa Kolah ushi vhleha hvt ikbi tok.

**O**KLAH puttah moma kvt ibbak oh ittvbolichih; na yokpvt shvkapa yo Chitokaka hush i shukapashke.

2. Chihowa hvt Chaba i Shahli yosh fvllummi hoka: yakni momah fullotah i miko chinto mak oke.

3. Oklahputta ka im aiyuchit pi nutakachi cha, oklushi putta ka piyi i nutakuchih chatuk oke.

4. I hulittopa tok Chekob isht ilawuta pi yakni ya pim vtokuli tok oke. [Yukopa.

5. Oklah shvkapa ho Chitokaka yvt vba iah mv, ishit puwa chito ohola ho Chihowa hvt vba ivshke.

6. Nan ulachit oh ayokpvchih, Chitokaka ya nan ulachit oh ayokpvchih; nan ulachit oh ayokpvchih, pi miko ya nan ulachit oh ayokpvchih.

7. Chitokaka yvt yakni momah i miko yok: tvloah im punna hosh nan ulachit oh ayokpvchih.

8. Chitokaka yvt oklushi puttah i miko hoke; Chitokaka yvt ai o binili hulittopa ya o binnili hoke.

9. Oklah puttah i huchitoka yvt Eblaham i Chitokaka im oklah il apesa hosh ittvnahvshke; yakni i telihpaputta kvt immi hoka, Chitokaka yvt hulittopah fehna hoke.

## A T U L O A 48.

Hulittoblichit atvloa Kolah ushi vhleha hvt ikbi tok.

**C**HIHOWA hvt chinto hoke; micha pi Chitokaka i tvmahah chito, i nvnih hulittopa ya a hulittopah fehna he vlhpesa hoke.

2. Saion nvnih hvt, miko chito i tvmahah chito yvt acha-haka ayukli yosh, yakni momah, fvllummih pilla hoh kia nan isht a yokpa yoke.

3. Uboga hulittopa a tvloha ka Chitokaka yvt ahatta kvt ahlykuffi chaha yosh ottvni hoke.

4. Yakeh, miko vhleha hvt ittvfama tuk osh ittvpihet tvmoa tuk oka.

5. Yummvt pisah mak inli hosh, oklah nukhlvkancha tuk; kumuntut yihlepa tuk oke.

6. Wunnibichi yosh, nukhvma kut vlla esha chi kak o chiyuhmi hosh, yumm̄ai onuttula tuk oke.

7. Mahlih hvshakuchaka minti ho Tashish i peni huchito ya isht ittitevblit ish kanchi hoke.

8. Nan uha i Chihowa i tvmahah chito ya, pi Chitokaka i tvmahah chito ya nanah e b̄ahākloh chatuk mak osh il a p̄ihisushke; Chitokaka yut kullochit tvllali na a billia chi hoke. [Yukopa.

9. Chitokaka ma, nan isht ish i hullo yut chi tempel anukaka ittoiyula ka il anukfīhillishke.

10. Chitokaka ma, chi bohchifo hak inli ho chiyuhmit, chi hulittoblichi kut yakni ont vlhiputta ka onvshke; chim ishtimpakimma yut ai vlpiesa yosh vlot a hoke.

11. Nan ish ai vpehisa pulla kak o Saion nvnih hvt na yokpashke, Chutah ushetik putta kut yokpashke.

12. Saion a vhekikiyvt hvsh vpkfohlichashke; im vboha kullo chaha putta ka hvsh hutinhashke.

13. Isht ai unchululi minti ka hvsh im vnola hi vt, i hulihta kullo ya anukfillit hvsh pisashke, im vboha huletupa putta ka vfanalichit hvsh pisashke.

14. Iluppak osh Chitokaka yosh pi Chitokaka billivt billia yoke; yummak osh pi pehliechit nan illi ba ishit pi ona hi oke.

### A T U L O A 49.

Tuloa pehlichi vt a tuloa chi ho, atvloa Kolah ushi vhleha hvt ikbi tok.

**I**LUPPA hvsh haklashke, oklah puttah ma; hvsh hyponaklashke, yakni aiyashah moiymah,

2. Hvttak huletumpa keyn, hvttak huletumpa, nan i lawa, micha nan ik im iksho ai ittvpeha ma.

3. Svtih hvt na hypoyuksa ho vnumpula chi hoke, micha su chukvsh nan anukfīhilli kut nan vcostininch ya chi hoke.

4. Nan isht vlpisa ya su haksubish pit wiel la chi hoke; um vnnumpah luma ya hap o ishit tiwwiche la chi hoke.

5. Nan ik achukmo nittakmä, sv silbhi vhlebah isht okpuni yut si vpakfulluplikmä, nantihini hø sv nukshopa hinlah choh?

6. Nan i lava oklah anukchieto, micha im ilayak lawa kak o oklah isht ilefehnvchih kia,

7. Kuna hoh mäk osh chümpvt itti hlakufficha himmah keyu hoke; Chitokaka ya vlhtoba im ouvcha hc keyu hoke.

8, 9. Yohmi kä im ilhfiopak vlhtoba yvt hulittopa hoke; yohmi kä okchayah im abillia cha, ahulloppi ya ik peso ka he nittak vto ant aya tok osh ai vlhih abillia hoke.

10. Pisa chjh bieka hoke; lupoyuksa vhleha hvt illi hoke; ik lupoyukso micha im anukfilah iksho ittpihtv aiokpuloka cha, nan inimi atuk a inla im vshachi hoke.

11. Im anukfila kvt, i chukkautta ket tullaya na billia chjh, micha aiascha yvt isht ai unchululiutta kä onvt mähaya chjh, aiyahni hosh, i yakniutta kä ilap hohchifo ha vnochifochi hoke.

12. Yohmih kia hvttak vt hulittopah pulla kak osh ahatta he keyu hoke; nan vlhpoa yosh illit okpöhöloch chatuk ak o chiyuhmi hoke.

13. I hina ilvppak o yimmi hosh mähayvt ishit haksi hoke; yohmih kia iakkaya vhleha hvt im vnnumpahutta kä ayokpanchi hoke. [Yukopa.

14. Nan vlhpoa chipinta yo chomibchet aiillika ya pit yulhi na, nan illi hak osh pehliecha chj hoke; onvahinlikmä ai vpissali vhleha hvt im aiyah pulla chj hoka: mikma haknip a aiillika yosh lusbummit tahli na, ai ahatta yvt ik im iksho ka chj hoke.

15. Amba Chitokaka yak osh vmiss shilombish a aiillika ibbak a a kohchit hlakuffichih pulla chj hoke; ant svshd ia chj hokvt. [Yukopa.

16. Hvttak vt nan i lawvt ishit mähayakmä, i chukka isht a hulittopa yvt i shahlit isht iah kia, chik i nukshopa kashke.

17. Illikmvt, nanah kia isht ia he keyn kummohmi hoka: isht im a hulittopa yvt iakayvt ia he keyu hoke.

18. Okchayut ahattah t̄akla kvt, imish shilombish a yokpalikma, nanah achukma ish ile yumjhichi k̄a hvttak vt chim ayokpanchi tuk kia,

19. Iki vhlehab okla hut tohwikel h̄a ik peso kummohmi h̄o billia chi k̄a iakkayut ia chi hoke.

20. Hvttak vt hulittopa hosh ahattah kia ik akostininchonan vlpoa yosh illit kunniah chatuk ak o chiyuhmi hoke.

### A T U L O A 50.

Atuloa Asaf vt ikbi tok.

**N**AN okl̄uhah i Shabli, Chitokaka Chihowa hut vnum-pulit hvshakucchaka vttut ia hosh ont ai okvttula ont ulhi k̄a yakni ya ittnahlishke.

2. Chitokaka yut ayukli ahli Saion a et a tohwikelishke.

3. Pi Chitokaka yut vlakmvt, ik svmmato kashke; itikba ya luak osh hukmit tahlih ma, vpakfoiyupa k̄a mahlib chintoh fehnshke.

4. Im okla h̄a nan im vpesa chi kvt, vba shutik micha yakni ya ittnahli hoke.

5. "Nan ittim vpesa li ya vbit isht ayokpuchi yo isht ahlichi tuk, a hulittopa vhleha h̄a hvs sum ittnahlashke," achishke.

6. Yohmi k̄a Chitokaka yut ilap inli hosh nan vpesa ya he im ai vlpiesa ka uba yut unoholishke. [Yukopa.]

7. Um oklah ma, hush haklo na vnumpule lashke; Islael ma, mikin̄a chi vtukkolit vnoli lashke. Chitokaka, hvchi Chitokaka sia hoke.

8. Vbit isht is si ayokpuchi pulla hatuk mak o isht chim olvbe lih keyushke; yohmi k̄a na hukmit isht ayokpuchi yokuto sv tikba ahala na billivshke.

9. Chi chukka ya wak hobvk, micha vlpoa chipinta chim aiasha ya issikusoma nakni ai ishe la he keyu hoke.

10. Na poa puttah kowih anuka aiyasha, micha nan vlpoa vnnih tvhlepah sipokni h̄o aiyasha kvt momvt vmmi hokut.

11. Nvnih puttah hushi aiyasha moma k̄a ithana li hoke,

micha nə poa yakni hayaka ai ittvnohōwa kvt sv tikba  
aiyasha hoke.

12. Sv hohchufo hoh kia, chishno ə chim vnoli la he  
keyuh; yakni micha nanah isht ai vluttoa aienā kvt vmmi  
hoka.

13. Wak nipi yə vpa la hinlah choh ? mikmvt issikusoma  
issish ə ishko la hinlah choh ?

14. Chitokaka yak ə yakoke ahnit isht ayokpvchi ish im  
issashke; micha vnnumpah ish il onohocchi tuk vt Chaha i  
Shahli ak ə ish im vtobbashke.

15. Micha nan a pulvummi nittak ə is sə payashke; a  
chi kucchi likmə, is sv holittobla hi oke.

16, 17. Amba huttak ik vlhpeso yuno Chitokaka yvt im  
achi kvt, "Chishno yokvto nan vlbuchi yə ish shittilema  
cha, vm vnnumpa hə chim əshaka pit ish kanchi hokak osh,  
nantab isht chi vhullaya hosh ə nan vlhpisa yə ish vnoli  
cha, nan ittim vpesa li yə chitih ish foiyukkih choh ?

18. "Hukopa ish pisa hokmvt, ish ibaiachvffä kvt chim  
achukmah, mikmvt itti luməka detta kə ish ibaiachvffah  
chatuk.

19. "Micha chitih hə nan ik achukmo ak ə ish im issa  
hatuk ə, chi sunlsh vt nə haksichi yə vpesa hoke.

20. "Binilit chittibapishi hə i svnalit ish vnumpulikmvt,  
chishki fiehna ushi yə nan ish mihachi hoke.

21. "Iləppə detta kə ish yvmihchih kia, uan ak acoh  
mə, chishno ak inlih chiyuhmi li kə chim vhoba tuk oke.  
Nan isht chim olvbe likmvt, nana kə chi nishkin itikba  
vkaliche la chi hoke.

22. "Intah ! iləppə anukfillit hvsh pisashke, Chitokaka  
im vhaksi vhlechah ma; keyukmə hlukuffichi vt iksho ho  
hvchi niblit tahli lin náh.

23. "Kvna hosh yakoke aiyahnit si ayokpvchikmvt, sv  
holittobli hoke; micha im ataya yə vpissvlechikmə, Chito-  
kaka im ai okchaya yə pisachi la chi hoke," achishke.

## ATULOA 51.

Ballsheba ya iba chukkoa hayatuk o, hupayi Nehlan vt ont pisa tuk o, tuloa pehlichi vt a tuloa chi ho, atuloa Lewi vt ikbi tok.

**C**HITOKAKA ma, nan isht ish i hullo pulla hatuk mak osh is sa nukhaklashke; nan isht ish i nukhaklo chi lawah pulla hatuk mak osh nan vlhpisa kubvffi lihutta ka is sa kvshuffashke.

2. Na sv yoshuba ya is si achefah fehna cha, nan vsshuche li ya is si a kvshuffashke.

3. Nan vlhpisa kubvffi lihutta kvt vno vt vm ai ahli kvt ithana lih fehna hoke; yohmikma nan vsshuche li yvt sv tikba tvkkali na billia hoke.

4. Chishno, chishno ak illa ho chim vsshachi lish, chi nishkin itikba ya nan ik achukmo ya yvmilchi le tuk oke; yohmi hoka ish vnumpulikmut, chim ai vlhpiesah, micha nan ish vpcasakmut, vnnumpah chi kvshofa hoke.

5. Yakeh, yushoba yosh vitta li tok, mikma nan vsshuche li yo hushki vt sv shali tok oke.

6. Yakeh, chukvsh a ai ahli ak o ish ahni hatuk osh, vm anukfila ha hupoyuksa yak o is svthvnanchi hokbano.

7. Hissvp a isht is sv kashuffi na, sv kashufashke; is si achefakma, tohbi kvt okti pushi ya i shahli lashke.

8. Na yokpah micha yukpah fehna ka is sv haklochi na, ish litoli tuk foni putta kvt yokpashke.

9. Nan vm vsshuchi putta ka chi nusshuka ish i luhmashke, micha na sv yoshuba moma ka is sa kvshufashke.

10. Chitokaka ma, chukvsh kvshofa is sv ikbi cha, im anukfilah vpiissali yo himonvchit is sv nukfohkashke.

11. Chi tikba i filvmmichit chik sv kancho kashke; micha chimish Shilombish Hulittopa ya cbik sv esho kashke.

12. Chim ai okchaya isht a yokpa ya is sa fulvmminchicha, im anukfilah ayokpanchi yo isht is sv hvllvllashke.

13. Yohmikma nan vlhpisa kubvffi vhleha ha chim ataya

putta ka im abvche la chi hoke; mikma nan vsshuchi vhleha hvt fulamvt chim ai ona chi hoke.

14. Chitokaka, vm ai okchaya Chitokaka ma, issish a is sum a kvshuffashke; sv sunlvsh vt isht chim ai vlhpiesa ya chitoli hosh ishit tvloashke.

15. A Shahlih ma, svttivlbi ya ish wukvmmashke; mikma svtih hvt chim ahulittopa ya vnohola chi hoke.

16. Ubit isht ayokpuchi ak okvno ish ahnih keyushke; yvmmak atuk okmvno, chima la he tuk oke; hukmit isht ayokpuchi yak oh kia isht ish a yokpah keyushke.

17. Chitokaka nan isht ayokpuchi yak okvto im anukfilah kubafa yak oke; chukvsh kubafvt ilbussha yokvno ish shittlema he keyu hoke, Chitokaka ma.

18. Ish i kana kak osh Saion a nan achukma ho ish i yvmilchashke; Chelusalem vholihta ya ish ikbashke.

19. Yvmohmikmut vbit isht ayokpuchi ai vlhpiesa, hukmit isht ayokpuchi, micha mominchit hukmit isht ayokpuchi yo isht ish yokpa hi oke; yohmikma wak hobvk a chim alta o kahpulit, oklah chim ihissa hi oke.

## ATULOA 52.

Etom hvttag Tock vt ona cha, Sal a im vnolit, "Lewi vt Ahimelek i chukka ya ona kumo," im achi hatuk o, tvloa pehlichi vt atvloa chi ho, nan ithvnanchi atvloa Lewi vt ikbi tok.

**H**UTTAK kvollo vt nantihmi ho nan ik achukmo ka isht ish ilawutah choh? Chitokaka nan isht i hullo vt abillia yoke.

2. Nan okpuni ish anukfilli kak o chi suplvsh vt miha kvt, nutakhish ishit shqfa shuahchi yak o chohmit na haksichi ya yvmijichi hoke.

3. Nan ik achukmo ak o nan achukma ka i shvlihchit, hulabi ak o nan ai vlhpiesa vnumpuli ka i shvlihchit ish ahninchishke. [Yukopa.

4. Unnumpah nan isht okpuni moma kak o ish ahninch hoke, isunlvsh na haksichi ma.

5. Chitokaka yak kia ajokpuninchit chi kanchit abillia

hak inlashke; hvlat vlhtipo ya chi kohchi cha, yakni ai okchaya ya a kohchit tiffit chi kanchashke. {Yukopa.

6. Mikma ai vlhpiesa vhleha hvt pesa cha nukshompak-mvt, i yukpashke.

7. Huttak vt Chitokaka yak o ilap i hulihta kullo ikba he keyu hosh, amba nan immi lawa kak o anukchieto kvt ilap nan ik ai vlhpieso yak o a kulloh bunna ka hu pesah.

8. Amba vno yak okvto alif iti hishi okchaki yo chohmi li hosh, Chitokaka im vboha hikkia li hoke; Chitokaka im isht i hullo ak o anukchieto li billivt billivshke.

9. Ish yumihchi tuk oka, chi ayokpahachi li billia chi hoke; nicha chi boheliyo hvt achukma hoka, chi hulittopa vhlehab itikba ya anukchieto la chi hoke.

Tuloa pehlichi vt tvloa hliposhi ishit tuloa chi ho, nan ithvnanchi atvloa Lewi vt ikbi tok.

**I**M anukfilah iksho vt chukvsh anukaka ya, "Chitokaka yvt iksho hoke," achih chatuk oke. Nan ik achukmo yumihchikmvt, nan ik vlhpeso isht a hufahya ma yumihchi hoke; nan achukma ho yumihchi kvt ikshoshke.

2. Kvnah kia na hypoyuksa yvmihchit Chitokaka ya bohoyo kvt ashakmah, nana ka pisa chi hosh, Chitokaka yvt vba ya binnilit, huttak vhleha ha et o hopokohoyoshke.

3. Moma kvt i fillummit fulama tuk oke; ittpihvt okpulot kunniah biekushke, nan achukma ho yumihchi kvt ikshoh, achuffah kia iyikshoshke.

4. Nan ik vlhpeso yumihchi vhleha hvt Chitokaka ya i payah keyu kvt, puska vpa ka chohmi hosh vñ okla ha vpt taiyahlih mvt, oklah nan ik ithanoh choh?

5. Chi vbenchi foniputta ka Chitokaka yvt fimini hatuk oka, anukshopa yvt ikshoh kia, yummä a nukshopah fehna tuk oke: Chitokaka yvt kanchi hatuk o, hufahya ish onnechi tuk oke.

6. Israel ai okchaya yvt Saion a a kohchut im vla hokbano! Chitokaka yvt im oklah yuka yatuk a fulamvt

im ala na, Chekob vt yokpакmvt, Islael vt na yokpah fehnashke.

## A T U L O A 54.

Sif okla hvt Sal a im ona cha, "Lewi vt pittitakla a lumah keyuh choh?" achi tuk o, tuloa pehlichi vt vhlebah isht a tuloa chi ho, nan ithvnanchi atuloa yo Lewi vt ikbi tok.

**C**HITOKAKA ma, chi hohchifo ha isht is si okchalin-chashke, micha nan isht chim ai ahli ya nan isht is svm apesashke.

2. Chitokaka ma, um vnumpah ilbussha ya ish haklashke, svtih hvt nanah ahachi ka ish hyponaklashke.

3. Oklah inla yosh a sunalit wukayah ma, Chitokaka ya ilap itikba hilechih keyu hettak ilbusshali vhleha hvt um ilhfiopak a hoyo hoka. [Yukopa.

4. Yakeh, Chitokaka yut na si vpela yoke; a Shahli yut um ilhfiopak hullvlli vhleha ha ibafoiyukka hoke.

5. Nan ik achukmo vt fvlamvt a tunvp vhleha ha onuttulashke; ish ai ahli kak osh isht ish kanchashke.

6. Ilap ahnit im issa ya vbit isht chi ayokpvche la chi hoke; chi hohchifo hvt achukma hoka, ayokpvche la chi hoke, Chihowa ma.

7. Nan a pulvmmi moma ka a kohchit sv hlakuffichikma, sv nishkin vt a tunvp vhleha ha yokput pisah pulla chi hoka.

## A T U L O A 55.

Tuloa pehlichi vt vhlebah isht a tuloa chi ho, nan ithvnanchi atuloa Lewi vt ikbi tok.

**U**M vnumpah ilbussha ya ish hyponaklashke, Chitokaka ma; micha nan asilhha li ka chik im ile luhmo kashke.

2, 3. Is sa hyponaklo cha, is svm ayokpvchashke; tunvp vt vnumpuli kak o, micha hettak ik vlhpeso vt ilbusshali kak o, ik svm vlhpeso hosh vnumpulit hikikiyvt hijiha lishke; nan ik vlhpeso ya si onucchi cha, nukhubela hosh a sunali hoka.

4. Nan illi isht a kumuhuta yut si onuttula hatuk o sv chukush vt sv nukhvmmi hoke.

5. Kummota yosh si ompoholmo hatuk o, nukshopa micha wunnihichi vt sv nukfokkushke.

6. Mihma, "Puchi yushoba sunahchi ohmi ka i<sub>shi</sub> li hatuk okbano! hikut kwnia lish, foha la he tuk oke.

7. "Yakeh, hupakichit pit kwnia lish, yakni hayaka yo ahattla he tuk oke. [Yukopa.]

8. "Pulhki kvt mahlih fopa ya i shvlihbit, mahlih kullo ya i shvlihchi hosh tushput i kvnvllit ai vtukko ya ona la he tuk oke," achi le tuk oke.

9. A Shahlih ma, isht ish kanchashke, isunlvsh a ish itti filvmmichashke; tumaha ha ilbusshalih micha ittchoa kvt aiyasha ho pisa li hoka.

10. Nittak micha ninak aien a ka hulihta chaha ya o hiohlit vpkfoiyupa hoke; mihma nan ik vlhpeso, na<sub>a</sub> pvlvmmi aien a kvt im ai ittitakla ya aiyasha hoke.

11. Im ai ittitakla ya nan okpulot taha kvt aiyasha hoke; mihma im ai ittunowa ya ilbusshalih micha na<sub>a</sub> haksichi vt a mukofah keyu hoke.

12. Tunvp osh na<sub>a</sub> sv mehah keyu hoka; yvmmak atuk okmvno, vm vlhpesa he tuk: a nukkilli yosh a sunalit ile chahuchih keyu hoka; yvmmak atuk okmvno, im ile luhmi la he tuk oke.

13. Amba huttak svtilawwi, ittpeha li, ittithana li chia hah.

14. Unnumpah achukma il itti mihakmvt, oklah shvkkapa ho vpihut Chitokaka im vboha il qhonah beka tok ah.

15. Chekosi nan illi hut onuttulashke; okchayah momvt illi aiasha ya ilhkolahashke; aiasha ya micha chukush anukaka ya nan ik achukmo vt aiyasha hoka.

16. Uno vto Chitokaka ya i paya la chi hoke; mikma Chihowa hut si okchalincha chi hoke.

17. Opyaka, onnahinlih micha tbokolih aien a ka ik svm vlhpesot vnumpulit svtil kucchi la chi hoke; vm vnuumpah haklo pulla chi hoka.

18. Um a sunali vt lawa hokak o, a tunampi ya umish shilombish a imi hlukuffechi na, isht vm ai achukmah pulla chi hoke.

19. Inlut ilaiyukah keyu hatuk osh Chitokaka i nuksho-pah keyu vhleha ha, Chitokaka yut binnilit billia yut hak-lo eba, i pulummichashke. [Yukopa.

20. Ittikana yatuk a im a sunalit ibbak a o wielishke; nan ittim vpesa yatuk vt kubuffishke.

21. Itih ha kohcha kvt pishukchi nia chohmit hulushkikh kia, tunampi yosh chukvsh a foiyukka hoke: im vnum-pahutta kvt lpushki kvt bila i shahlih kia, yummvt bushpo fulaya vlhtaha yoke.

22. Nan isht a chi weki ya Chihowa hak o ish onucchash-ke; mikma yummvt chi hullulla hi oke; ai vlpiesa ya, ik kvnvl, im ahna he keyu hoke.

23. Amba Chitokaka chia hut hichukbi aiokpuloka akka isht ish ona hi oke; huttak issish hltvbl micha haksichi vhleha hut i nittak a he tuk a iklvnnah kia onvt ahatta he keyu hoke; amba vno yokuto chi anukchieto la chi hoke.

## A T U L O A 56.

Tuloa pehlichi vt hupakih aiyasha puchi yushoba chullosa isht a tloa yo Kalh a Filistin vt ai isih m, tloa hulit-topa Lewi vt ikbi tok.

**C**HITOKAKA ma, is sa nukhaklashke; huttak vt ishit su nanvbl hosh svttihibi hosh svbusshali hoke.

2. A tunampi vhleha hut nittak moma ka ishit su nanvbl hosh svttibl hoke; ilefehnuchi hosh svttibl vt lawa hokvt.

3. A su nuksho-pah he nittak oh kia, chi anukchieto la chi hoke.

4. Chitokaka yak o (im vnumpa ha hulittobliche la chi hoke,) Chitokaka yak o anukchieto li hokvt, su nuksho-pah he keyuh; huttak vt nanta ho su katimihcha hinlah choh?

5. Nittak moma ka um vnumpa ha shrnayuchi hoke; ik achukmo ho a sunalit anukfillih bieka hoke.

6. Oklah itvhobvt lumvt a nohowa li ka vpesuchi hoke; um ilbfiopak im ayihicchi hokvt.

7. Nan ik vlpeso ymihchi hokak osh isht a hlukuffi vt

im asha chi hoh choh? nukhubela hosh oklahutta ka akka isht ish onashke, Chitokaka ma.

8. Chishno ak osh a nōhōwa le tuk a ish hutihna tuk oke; su nishikin okchi ya chi kutoba ish vnashke; chi hulisso ha a hulissoh keyuh choh?

9. Yohmi ho nittak nana ho chi pahaya likma, a tunvp vhleha hvt fulama chi hoke; ilvppak o ithana lishke; Chitokaka yvt svbafoiyukka hoka.

10. Chitokaka yak o (im vnnumpa ha hulittobliche la chi hoke,) Chihowa hak o (im vnnumpa ha hulittobliche la chi hoke,)

11. Chitokaka yak o anukchieto li hokut, su nukshopa he keyuh; hvtak vt nanta ho su katimiheha hinlah choh?

12. Chitokaka ma, vnnumpah chim il onohocchi le tuk vt si onuttoiyula hokut, yako ke ahnit isht ayokpuchiputta ka chim atobbi la chi hoke.

13. Umish shilombish a nan ai illi ai ishit is su hlakuffichi tuk oka, sai yi vt ik akkamo ka chi ka is su hlakuffichi tuk o, okchaya im atohwikeli ahattut Chitokaka itikba a nōhōwa lih keyuh choh?

### A T U L O A 57.

"Isht ish kanchin náh," achi, tuloa pehlichi vt isht a tuloa chi ho, atuloa hulittopa yo, Sal a i mulelit tulii chuluk a lumut aayah mut, Lewi vt ikbi tok.

**I**S sa nukhaklashke, Chitokaka ma, is sa nukhaklashke; umish shilombish vt chishno ak o chi ai vtukko hoka, micha chis sunahchi hushontika yak o ai vtukko lih immoma tuk o, na pullummiutta kvt ant aya hayashke.

2. Chaha i Shahli Chitokaka ya, nan um vtahahli Chitokaka yak o i paya lashke.

3. Ishit su nanvbligh bunna yvt na su meha hoka, chi okchalincha chi kvt vba ya awet pilashke; [Yukopa;] Chitokaka yvt im isht i hullo micha im aiahlika ya awet pilashke.

4. Umish shilombish vt koi huchito ittitakla ahatta hoke; hvtak ushi vhleha hvt nuklibekahachih ma, in nuti vt tulii

hvluppa micha uskinvki yo chohmih ma, vnonvi isunlvsh vt bvhshpo fvlaya hvluppa chohmih kia im ittitakla ittoiyula lishke.

5. Chahvt vba putta ka ish i shahlashke, Chitokaka ma; chim ahulittopa yvt yakni moma ka i shahlashke.

6. Saiyi ya ishit hukli im vtahlih mvt, vmiss shilombish a akka vteblich tok oke; sv tikba ya hichukbi yo a kulli tuk osh, ilap ak inli hosh pit ittulushke. [Yukopa.

7. Sv chukvsh vt vpissalishke, Chitokaka ma, sv chukvsh vt vpissalishke; tvlovt nan ulachit ayokpvche la chi hoke.

8. Nan ishit sv holittopa ma, ish okhashke; vhlelah micha hap ittvutuklo kvt hvsh okhashke; ik onno kisha ho si okhashke.

9. Oklah puttah im ai ittitakla ya yako ke chim abachi la chi hoke, a Shahlih ma; oklushi puttah im ai ittitakla ya nan ulachit a chi ayokpahachi la chi hoke.

10. Isht ish i hullo vt chitot vba ya onakma, chim aiahlika yvt shutik a ont tikeli hoka.

11. Chahvt vba putta ka ish i shahlashke, Chitokaka ma; chim ahulittopa yvt yakni moma ka i shahlashke.

### ATULOA 58.

"Isht ish kanchin náh," achi, tuloa pehlichi vt isht a tuloa chi ho, atvloa hulittopa Lewi vt ikbi tok.

**H**ÜTTAK ushi vhlelah ma, ai vlpiesa unumpulit, ai itillawwi hvsh vpesa he tuk okak osh, hvsh chullosa ho mvlih choh?

2. Yummak het asha na, chukvsh uno nan ik vlpeso hvsh yemihichi hoke; yakni ya hvch ibbak isht hvsh ilbussuali yo isht hvsh ai im apesa hoke.

3. Hvttak ik vlpeso vhleha hut ushvto a kohchah mak inli hosh ai vlpiesa i filummit ia hoke; ikfoka kohchah mak inli hosh vnnumpah hulabi vnumpulit yushobut ia hoke.

4. Isht illi im asha kvt sinti im isht illi ak o chiyuhmi hoke: sinti chilita ik hvponaklo yosh ilap haksubish i kymali kvt,

5. Nā yushpukummi vhleha hvt im punna hosh i twlo-howah kia, i hvponakla he keyu kak o chohmi hoke.

6. Chitokaka ma, itih hq in nuti ya ish tilohlichashke; koi huchito himithoa in nuti ya ish bushullichashke, Chihowa ma.

7. Bilvt taha kvt oka yosh yvnvllit kvnia ka chohmashke; im uskinvki ya o hilijchit hussa hoh kia, tuptuvt yushtumushli yak o chiyuhmashke.

8. Yushubbi yosh bilvt kvnia kak o chohmashke; ik ai ono ho ohoyo hvt vlla eshi na hushi a ik peso ak o chohmashke.

9. Hvchi shutiputta kvt kvtih lua ka hvclla he keyu kisha ho, okchaya ho nukhubela hosh umahlichit ishit kanchashke.

10. Ilai ukha na pisa kak osh ai vlhpiesa yvt na yok-pashke; hrttak ik vlhpeso im issish a iyi isht vchefashke.

11. Mikma hvttak vt, "Ai vlhpiesa yvt na waya im ashakvt ahlishke; yakni ya nan ai vpehisa yosh Chitokaka yvt binnili kvt ahlishke," achashke.

### ATULOA 59.

"Isht ish kanchin nāh," achi, twloa pehlichi vt isht a twloa chi ho, Sal vt tohno na, vba chi hosh chukka ya ont im ayicchih mā, atwloa hulittopa Lewi vt ikbi tok.

**A**TUNUP vhleha hq im ai ishit is si a hlvkuffichashke, a Chitokaka ma; a sunalit wukaya putta ka a kohchit achahaka is sv helichashke.

2. Nan ik vlhpeso yvmihchi vhleha hq a kohchit is sv hlakuffichashke; issish hlvvbli hvttak vhleha hq im ai ishit is si okchalinhashke.

3. Yakeh, um ilhfiopak a im ayicchishke; kullo vhleha hvt a sunalit ittvnaha kvt, nan vlhpisa kubvffi li kak keyuh, micha nan vsshvche li kak keyu hoke, Chihowa ma.

4. Nā yushoba lih keyu ho um a sunalit ilai vtahla chi hosh yihlepa hoke; okchvt is si vfama cha, ish pisashke.

5. Chitokaka Chihowa, nan uha i Chitokaka, Islael i Chitokaka ma, chishno ak osh chi okcha cha, oklushi moma

kā nā p<sup>u</sup>llvmmi isht ish i nowashke; chī filummit nan ik vlpeso yvmihchi achuffonah kia chik i nukhaklo kashke.

[Yukopa.]

6. Opyakmā fulamvt ai vlashke; ofi yo chohmit wohoha hosh tumaha hā ittufoluhkahachashke.

7. Yakeh, itih hā a kohocchi hoke; bushpo fulaya yvt ittiulbi ya vlbihvlmaya hoke; "Kvta hosh haklo choh?" achi hoka.

8. Yohmih kia Chihowa ma, chishno vto ish i yukpa hoke; oklusi moma kā chik vhabalo hoke.

9. Umi lhampko ma, chishno ak o chi hohoyo la chi hoke; Chitokaka yak osh um ahluvku<sup>f</sup> chaha yoka.

10. A Chitokaka yvt im isht i hullo ishit si v<sup>f</sup>sama chi hoke; a tunvp a Chitokaka yvt yokpalit sv pesucha chi hoke.

11. Ish bi na, um okla hvt im vhaksib yobun náh; chimi lhampko isht ish ittufemiblashke; micha akka isht ish onashke, pi telihpa, nan i Shahlih ma.

12. Itih i nan vsshuchi vt ittiulbi im vnnumpa hak oke: yohmi hokv kvlakshichi, hulabi aienā kā vnumpuli kv<sup>t</sup> ilap ilefehnuchi kak osh isht a yukashke.

13. Nukhubela hosh ish musholichashke; ish musholechi na iksho kashke; yohmikmā Chekob a pehliechi Chitokaka yak osh yakni ont ai vlti fullota kā pehliechi kā oklah ithaiyanashke. [Yukopa.]

14. Mikmā opyakmā fulamvt ai vlashke; ofi yo chohmit wohoha hosh tumaha hā ittufoluhkahachashke.

15. Yummvt vpah hoyot ittvnowa hoke; atuk osh ik fhopokmt, maya na ninak hlupulli hoke.

16. Amba uno vto chimi lhampko ya ishit tvloa la chi hoke, micha nan isht ish i hullo ya onnahinlikmā chitolit isht vnumpule la chi hoke: um ahluvku<sup>f</sup> chaha, micha vlvbusshah nittakmā um ai vtpkko chia hoka.

17. Umi lhampko ma, chishno ak o nan ulachit chi ayokpvche la chi hoke; Chitokaka yak osh um ahluvku<sup>f</sup> chaha, a hullo Chitokaka yoka.

## ATULOA 60.

Tuloa pehlichi vt nan isht vtukkao achukma, achi, ishit tuloa chi ho, Silia Mesopotemia micha Silia Sobah ittutuklo ka ittibit im aiyvchih ma, vnonti Choab vt fulama cha, Hupih Okfa ha Etom oklah huttak tuklepah sipokni awahtuklo ho ai vbit tahlih ma, atuloa hulittopa isht im abucha chi ka Lewi vt ikbi tok.

**C**HITOKAKA ma, pi kanchit ish pitti teubli tuk oke; chi nukhubela tuk kia, ish pi fulummichi hokbano!

2. Yakni ya ish winaliche tuk; ish ittvbokahliche tuk oke; ittvbokahli ya ish vpoksiachashke; fayokaghachi hoka.

3. Chim okla ha na kullo ish pisachi tuk; oka pakki ishit chukfuloha ish pishkuchechi tuk oke.

4. Unnumpah ahli pulla kak o, ayimitvt vba tukalicha chi ka, chi nukshopa vhleha ha shupha ish ema tuk oke.

[Yukopa.]

5. Chi hulittopa vhleha hvt hlukuffa chi ka, chibbak ishtimpakimma isht ish okchalinchi cha, unnumpah ilbussha ish pim aighlichashke.

6. Chitokaka yvt hulittopa kak osh vnumpulishke: "Im aiyat na su yokpa chi hoke; Shekem a ittvkushkule likmvt, Sukkolh okfa ha vpesut ittvkashubli la chi hoke.

7. "Kileat vt vmmi hokma, Manasseh vt vmmi hoke; mikma Eflaim vt su nushkuboh ishit hulmo yoke; Chutah vt um ahulittopa i tvbi yoke.

8. "Moab vt ai il achefa li ampo yoke; Etom a a shulush pit o pila la chi hoke; Filistia oklah huchia hvt uno ak o hvs sa shukapashke," achi tuk oke.

9. Kvta hosh twmahah hulihta ya svsh ia chih choh? kvta hak osh Etom a sulawet ona hinlah choh?

10. Ish pi kanchi tuk osh pi tushka chipota ya ibafoiyuk-kvt ish ia he keyu, Chitokaka chia hak keyuh choh, Chitokaka ma?

11. Pi tunampi ya a kohchit ish pi upelashke; huttak o ai okchaya yokvto nanah keyu hoka.

12. Chitokaka pulla ho tunvp chilita e tuba chi hoke; mikma yvmmak osh pi tunampi vhleha ha yakni vhvlhicha chi hoke.

## ATULO A 61.

Uhlepa ho a tuloa chi ho, Lewi ut tuloa pehlichi a im ikbi tok.

**P**AHAYA li ka ish haklashke, Chitokaka ma; um vnnumpah ilbussa ya ish hvponaklashke.

2. Su chukvsh ut ompoholmo ho, yakni ont atahaka ya pit a chi paya lishke; teli chito ut chaha kvt a shahli ka svsh ish onashke.

3. A tunvp pulla kak o um ai vtukko, a hulihta chaha kullo chia hokvt.

4. Chim vlhtipo ya ai ahatta li billiashke; chis sunahchi hushontika ya ai vtukko lashke. [Yukopa.]

5. Unnumpah il onohocchi le tuk a, Chitokaka chia hvt is su haklo tuk okvt, chi hohchifo ha i nukshopa vhleha hvt ai isha he vlpesa ya is suma tuk oke.

6. Mjko i nittak a ish fulayvhashke; im afvmmi hvt isht ai unchululi ittiakaya kak o chohmashke.

7. Chitokaka itikba ya binnili na billiashke; isht i hullo micha vnnumpah ahli ya ish im apesa na hullvllashke.

8. Yvmohmi ho vnnumpah il onohocchi le tuk ut nittak osh nittakma yvmihichi la chi kvt, chi hohchifo ha nan. ulachit ayokpahachi li billia chi hoke.

## ATULO A 62.

Tuloa pehlichi ut Chetuhlu chohmit a tuloa chi ho, atuloa Lewi ut ikbi tok.

**C**HITOKAKA yak illa ho umish shilombish ut a nuktula yoke; yummak o um ai okchaya yut a minti hoke.

2. Yummak illa hosh a tuloi chito, micha um ai okchaya, um ahlukuffi chaha yatuk o, kunvlli lih fehna he keyu hoke.

3. Hupakih kvtiohmih fokka ho tuloi hulihta waiya, hulihta yuhlut taha chohmi ka hvsh moma kvt huttak a o fuhoput vbih hvchi bahanna chjh choh?

4. Achahaka binnili kak o akka pilah bunna kak illa hosh, isht ittim vnumpulit na hulabi ya oklah im ai achukma hoke; itih hokvno isht ayokpvchih kia, amba chukvsh anykaka yokvno kvlakshichi hoke. [Yukopa.]

5. Umish shilombish ma, Chitokaka ak illa ho a chi nuktalashke; yummak o nan vmmi ha he ahni li kut a minti hoka.

6. Yummak illa hosh a tuli chito, micha um ai okchaya, um ahlukuffi chaha yatuk o, kunvlli la he keyu hoke.

7. Chitokaka yak osh um ai okchaya micha um ahulittopa yoke; a tuli chito kullo, um ai vtukko vt Chitokaka yak oke.

8. Oklah vhlehah ma, nittak moma ka hush anukchie-tashke, hvchi chukush a itikba hush suhoblashke; Chitokaka yut pim ai vtukkó yoke. [Yukopa.

9. Hvttak huletumpa keyu vhleha hut nanah keyu kak illa hoke; hvttak huletumpa vhleha hut nan ahlih keyu kak illa hoke; awekichi ya vba ia kut pulki kut nanah keyu ka i shahlih bieka hoke.

10. Nan ilbussuali yokvno hush anukchieton náh, micha na wehpuli yoh kia isht hush ilefehnuchin náh; na huchimi hut lawut mahaya ka, hvchi chukush a hvchik onuccho kashke.

11. Nan achvffa ho Chitokaka yut vnumpuli tuk oke; nanah tuklo ho haklo le tuk a ilvppak oke: nan isht aiahlika yut Chitokaka yak o immih,

12. Micha, a Shahlih ma, nan isht i hullo vt chimmi hoke; yohmi kut hvttak a ilap nan isht ai ahatta tuk mak o ish im atobba hi ak oke.

### ATULOA 63.

Lewi vt Chutah yakni hayaka ya ahattah mvt, atuloa ikbi tok.

**C**HITOKAKA ma, chishno ak osh a Chitokaka chia hoce; achunnanchi hosh chi hoyo li hoke; chishno ak o chi hoyo hosh, umish shilombish vt itukshila hoke; yakni shila ya oka yet iksho ho svn nipi vt tikahbit chi pulata hoke.

2. Yohmi kut vboha hulittopa ya a chi pisa lih chatuk ak inli ho chohmit, nan isht chim aiahlika micha chim ahulittopa pisah sv bunna kak oke.

3. Chim isht i hullo yvt achukma kvt ilhfiopak ak kia i shahli hoka, suttivlbi vt chi holittoblihicha chij hoke.

4. Yumohmi hosh si okchayah t̄akla kvt chi ayokpvche la chij hoke; chi hohchifoh pulla kak o svbbak a vba wiel la chij hoke.

5. Lupi micha nia ittvutklo ho chonihchit, umish shilombish vt isht im vlpiesa chij hoke; mikm̄a ittivlbi yokpa yo sutih hvt chitolit isht chi hulittoblicha chij hoke.

6. A tupah paknaka ya ittoiyulvt chithaiyana likmut, ninak anukakautta ka chi anukfjhilli la chij hoke.

7. Chishno vt is si vpelaghachi hatuk oka, chis sunahchi hushontika nuta ya a yohokpa la chij hoke.

8. Umish shilombish vt kvtllo chi asittiushke; chibbak ishtimpakinima yvt sv hvllulli hoke.

9. Amba yuminuto ilap isht aiokpuloka chij kak osh um ilhfiopak a hoyo hoke; yakni anukaka ilhkola chij hoke.

10. Bushpo flaya ya oklah ibbak folkih bunnah kia, ilap ak osh nashoba yosh vpa chij ho i tuba chij hoke.

11. Amba miko vto Chitokaka yak o nan isht a yokpa chij hoke; vnnumpah hulabi vnnumpuli itihputta kvt i kvina chij hoka, yummak o vnnumpah kullo isht ai vnumpuli kvt nomut isht ilawuta chij hoke.

#### A T U L O A 64.

Tvloa pehlichi vt a tvloa chij ho, atvloa Lewi vt ikbi tok.

**C**HITOKAKA ma, nan isht il a mihachi li vnnumpa ha ish haklashke; tvnvp a i nukshopa ka um ilhfiopak a im ai ishit ish hvllullahke.

2. Nan ik achukmo ymihchi vhlehab nan ittibanukfillih, nan ik ai vlpeso toksvli vhlehab ittvhoba ka i filvimmichit is sv luhmashke.

3. Yummak okvt isunlvsh a bushpo fulaya chomihchit hvlluppuchi hoke; im uskiuvki vt vnnumpah humi mak o iti tunampo ishit tullakchi ya o hilechi hoke.

4. Yohmi kvt ai vломакаutta ka ai vpissali ya a hussa chij kak oke; atuk osh nukshopah keyu hosh yakosittitakla hussa hoke.

5. Unnumpah ik achukmo ittiba kyllochi hoke; isht a yuka luhma chi kvt isht ittim unnumpuli hoke; "Kvta hosh pisa hinlah choh?" oklah achi hoke.

6. Nan ik ai vlhpesoutta ka hoyot vhayuchi hoke; pim vltahushke, nan vlhpisa vltahah achukma hoke, ahnishke; mikma hvttak im anukfilah, micha chukvsh aicna kvt hufobi hoke.

7. Yohmih kia yakosittitakla Chitokaka yvt uskinvki ishit hussa ka, ilap ak osh nvhluhshke.

8. Yohni kvt ilap isunlvsh ak inli ho isht il onucchi hoke; yohmi na oklah pisa kvt momut nushkoboh fahli hoke.

9. Mikma hvttak moma kvt nuksopa cha, Chitokaka yak osh yvmihchi ka vnoli cha, i na toksuli ya achukmvlit anukfilli hoke.

10. Ai vlhpiesa yvt Chihowa hak o nan a yokpa cha, ai vtukkashke; micha chukvsh ai vpissali moma kvt isht ilawutashke.

### ATULOA 65.

Tvloa pehlichi vt a tvloa chi ho, hulittoblichit atvloa Lewi vt ikbi tok.

**S**AION a nuktaiyalut a hulittoblichit vt a chimmi hoke, Chitokaka ma, mikma chishno ak o unnumpah chim il onucchi tuk vt chim atobba hi ak osh vlhpesa hoke.

2. Unnumpah ilvssha haklo ma, chishno ak o hvttak moma kvt chim vla he vlhpesa hoke.

3. Nan ik vlhpeso unnumpahutta kvt kyllo kvt um atampa hoke; nan vlhpisa e kubvffiputta kak okuno ish pi kvshuffashke.

4. Kvna ho vtokulit chi bilika isht ish la na chi wanuta puttah ahatta kvt na yokpa hoke; chim vboha, chi tempel hulittopa nau isht a yokpa aiyasha ka ishit pim vlhpiesashke.

5. Ai vlhpiesa na pvvummiputta ho isht ish pim vfalum-michi hoke, pim ai okchaya Chitokaka, yakni ont vlih momah, micha okhvta hupakih i shahli kak kia anukchieto ma.

6. Nan isht im aiahlka isht vskuffaiyachi hosh, imi lhampko hak o nvnih chahautta ka kullochit ishit tvlohli chia hoke.

7. Okhvtah fopa, oka bvnuvtha fopa, oklushi puttah shukapa ka chulosvchi chia hoke.

8. Yohmi hatuk o ont ai vlhi puttah aiyasha kvt nan isht chi ai ottvniutta ka i nukshopah chatuk oke; onnahinli a kuecha, micha opyaka a kuecha ittvutuklo ka yokpalichit ishvloouchi hoke.

9. Yakni ya ish im aya cha ish luchali hosh, ish niachih fehna hoke; Chitokaka im okhina yut oka vlotah hoke; yakni ya yakmihchit ish vtahli hosh, tanchi ya ish im vtahli hoke.

10. I hinautta ka luchalih fehnvt, i bvnaiyautta ka ittilawwichit, uhuba kak o isht ish shufoblich hosh, i nan uffo ya isht ish yokpali hoke.

11. A chi achukma afvmmi ha isht ish iachukolichishke; mihma ish atayautta kvt na nia yo et akkakohli hoke.

12. Yakni hayaka vlhpoa aiasha puttah kia awet onohochi hoke; mikma nvnihutta kvt na yokpa yo ishit shema hoke.

13. Ulhpoa ai impautta ka ulhpoa chipinta yut ompoholmo hoke; mikma ofkahutta kvt onush o isht ompoholmo hoke; ittiba yokput shukapa hoke; tvloah aienahoke.

### A T U L O A 66.

Tvloa pehlichi immih, hulittoblichit atvloa yoke.

**Y**AKNI moma kvt Chitokaka ya hvsh i shvkkapashke.

2. Hohchifoh hulittopa ya nan ulachit hvsh ayokpvchashke; ahulittopa hvsh ema hosh, hvsh hulittoblichashke.

3. "Nan ish a yvniyichi vt na pvlummih fehna hoke; chimi lhampko chinto kak o chi tvnvptutta kvt chim ukabchunnolih pulla chi hoke.

4. "Yakni moma kvt chi ayokpachi cha, chi tvlovt chi hohchifo ha nan ulachit ayokpvchashke," Chitokaka ya hvsh im ahashke.

[Yukopa]

5. Intah! Chitokaka nan isht ai ahatta ya, i nukshopa he vlhpesa ho hvttak im vlla vhleha ha a kvniomihichih chatuk a hu pesáh.

6. Okhvta ha yakni shila ikbi tok: okhina ya akka nowvt oklah hlupulli tok; yvmmá fehna ka isht il a yok-pashkeh.

7. Nan isht im aiahlika yak o ishit pehliechi na billia yosh, i holhponayo hvt oklushi poiyutta ka vpesahachi hoke; i Shahli im a svnali vhleha hvt isht ik ilawato kashke. [Yukopa.

8. Oklah puttah ma, pi Chitokaka ya oh ayokpuchih; hulittoblibichi vnnumpa ha hvsh haklochechashke.

9. Yvmmak osh pimish shilombish a ai okchaya hillechi cha, piyi yvt kvnvlla he ik ahno yoke.

10. Yohmi kvt imomaka ish pi pesa tok; tvli huta yvt kvshofa kak o chomihchi hosh ish pi kashuffi tok oke.

11. Nan ishit hukli ya ish pi fohkichechi tok; isht il a hlampko ya na wekih fehna ish onuechi tok oke.

12. Pi nushkobo ha hvttak vt issubah o binilit pi vba-nvbla he ish ahni tok; luak micha oka aicena ka il ibachuk-ko*a* tok oke; yohmi tuk kia nanah a lawah fehna ho isht ish pi ona tuk oke.

13. Nag hukmit isht ayokpahachi yo ieshit chim vboha ya ona la chi hoke; vnnumpah il onohocchi li yatuk vt chim atobbi la chi hoke.

14. Yvmmá nan v*m* a p*v*llvmmih mvt, svttivlb*i* vt wvka-ma na, svtih hvt vnumpuli tuk a yvmihechi la chi hoke.

15. Nia puttah hukmit isht ayokpuchi, chukfi nakni lvt shubulli bvlama ibafokkit chim issa la chih; wak, issi kusoma iba fohkit ishit chi ayokpuche la chi hoke. [Yukopa.

16. Intah! Chitokaka i nukshopa vhlechah momah ma, hu haklób, mikmá v*m*ish shilombish a nan im vtahli tuk a vnoli lashke.

17. Yvmmak o svtih ha isht i pabaya le tuk; mihmá hulittoblichí yosh sv sunlvsh a fokka tuk oke.

18. Sv chukvsh a nan ik vlhpeso ya a pisvt ayokpahachi li hokmá, a Shahli vt a hvponakla he keyu hoke.

19. Yohmih kia Chitokaka yut haklo tuk vt ahlishke; um vnumpah ilbvssha vnumpah ba a hyponaklo tuk oke.

20. Chitokaka yut um vnumpah ilbvssha ya ik kancho kish, nan isht i hullo ya ik sun esho tuk okvt, hulitto-pashke.

## A T U L O A 67.

Tuloa pehlichi vt vhlepa ho isht a tuloa chi, bulittoblichit atuloa yoke.

**C**HITOKAKA yut pi nukhaklot na pi yokpalit nusshuka ya pi o tohwikelichashke. [Yukopa.

2. Yomohmi ho yakni aiyasha kvt nan ish a kuniqhomi ya ithanakmvt, oklushiutta kvt chim ai okchaya ya ithanashke.

3. Oklahutta kvt chi ayokpuchashke, Chitokaka ma; oklahutta kvt a moiymvt chi ayokpahachashke.

4. Ai ulhpesa yo oklahutta kq ish im vpesa chi kak o, micha oklushiutta yakni aiyasha kq ish pehliecha chi kak o, oklushiutta kvt na yokput tulohowashke. [Yukopa.

5. Oklahutta kvt chi ayokpuchashke, Chitokaka ma; oklahutta kvt a moiymvt chi ayokpahachashke.

6. Yakni vt i na waya pima tuk oke; Chitokaka, pi Chitokaka yut pi yokpali hoke.

7. Chitokaka yut pi yokpalashke; mikma yakni ont atahaka moma kvt i nukshopashke.

## A T U L O A 68.

Tuloa pehlichi vt a tuloa chi ho, bulittoblichit atuloa Lewi vt ikbi tok.

**C**HITOKAKA yut wukayashke; i twvp vhleha hut. ittfemimpakmvt, i nukkilli vhleha hut im itikba ya a yihlepashe.

2. Shubulli ha isht ia kak inli ho chomihchit ish tihlelashke; foi akmi vt luak itikba ya bilah chatuk a chohmi hosh, huttak ik ulhpeso vhleha hut Chitokaka im itikba ya ai okpulot tahashke.

3. Amba ai ulhpiesa vhleha hokvto na yokpashke; Chitokaka itikba ya na yokpah fehnvt ishit yokpashke.

4. Chitokaka hush i tuloashke; hohchifo ha nan ulachit hush ayokpuchashke; chukushmi foka hlupullit aya ka, ataya hush im vtablashke; Chihowa hohchifo hoka, itikba ya na huchi yokpashke.

5. Im ai ahatta hulittopa ya atta hosh Chitokaka yut vila vltakla vblehah Iki yoke; micha ohoyoh i hvttak illi vbleha ha nan im apesa yoke.

6. Chitokaka yut ilap bieka yatuk a chukka ya ahatta ikbi yoke; yuka yatuk a kucchit a yo\_hokpa isht ona hoke; amba i Shahli i filvmmmit im asvnali ak okvto yakni shila ya maya hoke.

7. Chitokaka ma, kohchvt chim oklah itikba ish iah ma, chukushmi foka ya hlupullit ish iah ma, [Yukopa.

8. Chitokaka itikba ya yakni vt winakuchi tok, vba yut et hoiyvchi tok; Chitokaka, Israel i Chitokaka itikba yo Sainai yvmmak kia a ymohmi tok.

9. Chitokaka ma, pillah na hvlbina puttah, umbah omichit chimmi ha ish o fimm tok; micha tikambih ma, chishno ak osh ish hlampkochi tok oke.

10. Chim okla hvt aiyasha hoke; chi achukmah pulla kak osh ilbvssa ya na nan ish im vtahlih chatuk oke.

11. Nan i Shahli vt vnnumpah ima tuk a, vnoholi ohoyo hvt oklah chinto hoke

12. "Tvshka chipota i mikoutta kvt yihlepushke, yihlepushke, mikma i chukka atta ohoyo hvt na yuka ya ittvku-shola chi hoke.

13. "Nan vlpooa aiasha bulihta puttah ittitakla kahvt hush aiyasha hokma, okla hvt puchi yosh svnahchi vt tvli huta, vnonvi svnahchi vt tvli hulisso lakna isht ompoholmo mak o chiyuhmi hoke," oklah achishke.

14. Nan okluha i Shahli vt yvmmma anukaka ya miko vbleha ha a yulhikma, Salmon nvnih ha ai oktusha kak o chohmi hoke.

15. Beshan nvnih hvt nvnih chitoh fehna yoke; Beshan nvnih hvt ibakchufashli aiasha nvnih hoke.

16. Chitokaka yut ilap ai vta he ahni tuk nvnih ha nvnih ibakchufali puttah ma, nantihmi ho hush vpesuchih

choh? Ahlishke, Chihowa hut aij ahatta na billia chih mak oke.

17. Tunvp itichvnaha Chitokaka imini hut miliat kvunohmi hosh vhlelahsipokni ittblbilkvchi yoke; Sainai vt im aij ahatta hulittopa yo nan i Shahli vt im oklah im ai ittikla ya ai ahatta tok oke.

18. Uba achahaka ish ona tok; yntka ya lawachit ish yukachi tok; hvttak puttah, micha chi filvmmmit chim asvnali vhleha hak oh kia, na hvlbina putta ka isht ish im ai vlatuk oke; micha yvmohmi hosh Chihowa Chitokaka mak osh ilvppa ish ahatta chi hatuk oke.

19. Nittak osh nittakma na weki pi shoiyuli yosh pim ai okchaya Chitokaka yokvt, nan i Shahli vt hulittopashke.

[Yukopa.]

20. Chitokaka yvt pim ai okchaya Chitokaka yoke; nan illi ak okvno ahlvkuffi vt nan i Shahli Chihowa hak o immi hoke.

21. I tunvp vhlehah nushkobo ha, nan im ayushoba putta ka a mahaya nushkoboh paknaka pashi ai o hieli ya Chitokaka yvt litolit kancha he bano hoke.

22. "Beshan a a fulvmmichit isht vla la chi hoke; okhutah hufobi yak oh kia a fulvmmichit isht vla la chi hoke.

23. "Yvmohmi na litolit ish kanchi cha, issish a chiyi ish oka hilecha chi hoke; chipuf puttah isunlvsh vt chi tunvp vhleha ha ai i kvshapa chi hoke," nan i Shahli vt achishke.

24. Ish mahaya ka, a Chitokaka, a Miko vt im ahulittopa mahayvt ont chukko ka oklah pihisa tok oke, Chitokaka ma.

25. Ohoyoh himithoa yvt tuhlahlaka ayut vhlelahulaha-chi ho; twloa vhleha hut tikba ilhkoliha ma, nan ulachi vhleha hut ashaka ya et iakkaya tok oke.

26. "Ittvnahut aiyasha hosh Chitokaka ya, Islael ishtatiaka hvchia hut nan i Shahli ya hvsh ayokpvchashke," ahachishke.

27. Momah ik alawwo Benchamin, oklah pehliechi vt

ayvshke; Chutah i huchitoka ai ittupeha, Sebulvn i huchitoka, Naftalai i huchitoka aienah mvt mahayvshke.

28. Chi Chitokaka yvt nan isht chim a hlampko ya chim apesa tuk oke; Chitokaka ma, nanah ish pim atahli tuk vt chi tempel a binnilit ai ahlichit ish kullochi na,

29. Chelusalem a mikoutta kut i shahli nan isht im ulhtoba isht chim vlashke.

30. Oklah puttah tvnvp im ai achukma ya ittvylhiih chatuk chiah ma, napoa kushak utta, wak nakni kullo lawah ittvhoba, wakushi puttah (yvmmvt oklah) aiena ka im alumi hosh ish ili nutakachi na, tuli huta tushahli ieshi hosh chim ukahchunnolashke.

31. Huchitoka yvt Echip a a kohchvt vla chi hoke; chekosikma Ehliopia yokuto Chitokaka ya ibbak vt pit im vshatupa chi hoke.

32. Yakni apehlichikaputta kut Chitokaka ya hush i tvloashke; nan i Shahli ya nan ulachit hush ayokchashke.

[Yukopa.

33. Abillia vba i shahli ya o binilit aya ya hush i tvloashke; yakeh, im vnnumpa hvt vnnumpah kullo yo isht vnumpuli hoke.

34. Chitokaka ya, "Hlalpko hut immih," hush ahashke. Im ahulittopa yvt Islael a o wvkkaya hoke; mikma im isht hlampko vt vba ya foiyukka hoke.

35. Chitokaka ma, chim ai ahatta hulittopa putta ka a kohchvt ish ayakma, pvvymmi yoke; Islael i Chitokaka yak osh okla ha hlampkoh micha kulloh chinto ka ima yoke. Chitokaka yvt hulittopashke.

### A T U L O A 69.

Tvloa pehlichi vt "lili puttah," achi, ishit tvloa chi ho, atvloa Lewi vt ikbi tok.

**O**KA yvt chukkout vmiss shilombish a vla hoka, is si okchalinhashke, Chitokaka ma.

2. Ahikia yvt iksho ho lukchuk hufobi ya okakvnia lishke; oka ahufobi ya ona lishke, mihma oka chito vt si ompo-homoshke.

3. Pahaya li kak osh tikambit sv tahushke; svn nvlvpi vt nukshilvt tahushke; a Chitokaka hohoyo li kak osh, sv nishkin vt iellit tahushke.

4. Nanihmij keyu ho a nukkilli vt lawa kvt pashи sv nushkoboh o bieli ka i shahlishke; nan ablih keyu ho isht a tvaampi sv tahli vhleha hvt kulloshke: yvmmä wehpule li tuk keyu hoke; yvmmak atuk okmvto, i fulommiche la hinla hoke.

5. Chitokaka ma, vñm annukfilah iksho tuk a chishno vt ish ithanushke; micha a yushoba li putta kvt ebi lumah keyushke.

6. Chi anukchieto vhleha hvt vno pulla kak o isht ik hufahyo kashke, nan i Shahli, Chihowa, nan uha i Chitokaka ma; chi hohoyo putta kvt vno pulla kak o hufahya isht ik onuttolo kashke, Islael i Chitokaka ma.

7. Chishno pulla kak o huttak bika im ishit hufahya yvt si onuttoiyula hoka, hufahya yvt sv nusshuka ya ompo holmoshke.

8. Ittibapishi lih vhleha ha kunah ik itlano i tuba lih mv, vñonti hvshki im vlla vhleha ha oklushi inla i tuba lishke.

9. Chi chukka i hullo lih pulla kak osh tahlit sv kan-chishke; ik si vhobalo vhleha hut ik vhobalot vnumpholi kvt si onuttulvshke.

10. Mihma okissa hosh sv nishkin okchi mihintit vñmish shilombish vt ilbvsshah ma, yvmmä nan isht sv mehvchi tuk oke.

11. Mihma bancha yosh a nafohka yo foinka le tuk oke; mihmvt nanah isht vñhpisa ho i tuba li tuk o,

12. Huliht okhisa chieya kvt ishit si vñumpoholih ma, oka humi ishko vhleha ha im vñhtvloak tuba lishke.

13. Amba vno yak okvto ish ayokpancha he nittakma Chihowa chia hak o vñnumphah ilbvssha pit chima li hoke: Chitokaka ma, nan isht ish i hullo chi lawa hokvt, is sv haklo cha, chim ai okchaya ai abli ya is sv mashke.

14. Ahlvbeta ya kohchit is sv hlakuffichikma, ak okavniyo kashke; a nukkilli vhleha ha, micha oka hufobi aien a kahchvt sv hlakuffashke.

15. Oka chito vt ik si ompohomo kashke ; mikma oka hufobi vt isht ik sv nanvblo kashke ; mikma hichukbi vt itih ha isht ik si o kvmalo kashke.

16. Nan isht ish i hullo vt achukma hokvt, is sv haklashke, Chihowa ma ; nan isht ish i nukhaklo vt chim vpakna hatuk pullah mak osh, awet is sa filemashke.

17. Micha chi nusshuka ya chi tishu ha chik i luhmo kashke ; a pvvummi hoka, tushpvit is sv haklashke.

18. Umish shilombish a awet i bilichit ish okchalin-chashke ; a tunvp pulla kak o is sv hlakuffichashke.

19. Nan ik si vhobalo ka, micha nan ishit sv hofahya, micha nan ishit sv kalvkshi ka ish ithanvshke ; a tunampi vhleha hvt momvt chi tikba aiyasha hoke.

20. Nan ik si vhobalo ak osh sv chukvsh a kubvffh ma, a pvvummi fehnvshke ; mihmvt ibanukhaklo ya ho hoyo le tuk kia, ikshoshke ; mihmvt na hupohlvi ya hoyo le tuk kia, ak vhayochoshke.

21. Mihma rm ilhpak a bvsunlvsh ibafohkit supetakmvt, svtukshilakma, oka hawvshko yo supeta hoke.

22. Im aiimpa itikba hikkia kash osh ishit hukli ik i tuba ; mikmvt nuktanla putta ka ayuka yosh i tubashke.

23. Nishkin vt im okhleli cha, ik peso kashke, micha i chvshwa ya ish winaljhichi na billiashke.

24. Ishit chi nokua ya ish o fuhoblashke, mikma chi nukhubela lvshpa vvt sakkashke.

25. I tmahushi vt chukkillissashke ; iin vlhtipo putta ka kvnah ahatta kvt iksho kashke.

26. Kvna ho chishno ak osh na huttupa ish onucchi tuk a ilbvsshali hoka ; mikmvt chimni hosh nvhla tuk vhlehab i pulvummi ka isht vnumpoholi hoke.

27. Nan ik vlhpeso vt ittvlbekvchi ho ish onuechi na, chim ai vlhpiesa ya ik vhvllayo kashke.

28. Ai okchaya hulisso ha a kvshofashke ; micha ai vlhpiesa vhleha ha ai ibafokkvt ik hulisso kashke.

29. Amba uno vto svlbvsshv, sv nukhummishke ; chim ai okchaya yokvt achaha sv benilechashke, Chitokaka ma.

30. Atuloa yo Chitokaka hohchifo ha ishit hulittobliche likmvt, yakoke im aiyahnit ishit chitoliche lashke.

31. Mikma ilvppak o Chihowa hvt im achukma kvt, wak, wak nakni kia lvpish asha micha iyi chuhla ya im i shahla chi hoke.

32. Chukvsh akkalosi vhleha hvt pisakmvt, yokpashke ; Chitokaka hoyo hvchia hvt hvchi yokpa cha, hvchi chukvsh vt okchashke.

33. Chihowa hvt nan ik im iksho vhleha ha i hyponahaklo hoka; micha immi hosh yuka ka shittilemah keyu hoke.

34. Uba micha yakni, okhvtah puttah micha nana hosh yumm a bvvlllit ayakmvt, momvt hulittoblichashke.

35. Chitokaka yvt Saion a okchalincha chi hoka ; micha Chutah i tumahah hulihta putta ka ikbi na, yumm a iesha chi kvt aiyasha chi hoke.

36. Mikma i tishuh vhlehab ishtatiaka yvt ieshikma, i hohchifo ha ahninch i vt yumm a aiyasha hi oke.

### A T U L O A 70.

Isht ai ithana ya chi ho, tvloa pehlichi vt a tvloa chi ho, atuloa Lewi vt ikbi tok.

**C**HITOKAKA ma, tushpv t is sv hlakuffichashke ; Chihowa ma, tushpv ant is si vpelashke.

2. Um ilhfiopak a hoyo vhleha hvt hufahyah fchnashke ; a svttupa he aiyahniputta kvt fulamvt yihlepa cha, hufahyashke.

3. "Yummakhvilh ! yummakhvilh !" ahachi vhleha hvt hufahya kak osh fulamashke.

4. Chi hooyo moma kvt na yokput chi a yokpashke ; chim aij okchaya ya i hulittopa vhleha hvt, "Chitokaka yvt hulittopashke," ahachit billiashke.

5. Amba uno vto ilbvssha micha nan ik im iksho sia hoke ; Chitokaka ma, tushpv t is sv vlashke ; na si apelvchi micha sv hlakuffichi chia hoke ; Chihowa ma, chik svlaho kashke.

## ATULOA 71.

**C**HİHOWA ma, chishno ak o chi ai vtukko li hokvt, ik su hofahyo ho billiashke.

2. Chi ai vlhpiesa kak osh is su kohchechi cha, is su hlakuffichashke; chi haksubish a awet is sa wieli cha, is si okchalinchashke.

3. Ai ahhatta tuli chito ya is sa toba na, nittak moiyma ka ohona lashke; a tuli chito micha a hulihta kullo chia hokvt, si okchaya he ish vpesa tuk oke.

4. A Chitokaka ma, huttak haksi ibbak, nan ik vlhpeso yumihchi micha chukesh humi ibbak putta ka is si a hlukuffichashke.

5. Su hemittah mak inli hosh i yimmit anukehieto li chia hokvt, a Shahli Chihowa ma.

6. Im ushvto a kohcha li hak inli ho is su hvllvllih chatuk oke; hushki ikfoka a kohcha li tok taiyakla ka, chishno ak osh nan is sum atahli yoka, chi holittoblihichi lih bilivshke.

7. Lawa ka nan inlah fehna im ittillawwi li yoke; yohmih kia vm ai vtukko kullo chia hoke.

8. Nittak moma ka isht chi holittoblich v tvih ha vlottoakma, isht chi a hulittopa yvt vlottoa chj hoke.

9. Sipoknit su taiyahakma, chik su kancho kashke; vmi lhampko hvt a tahakma, issut chik sa filummo kashke.

10. A tunvp vlleha hvt nana ka si achih mvt, vm ilhfio-pak a im ayicchi v titt vnupul hosh,

11. "Chitokaka yvt issut kanchi tuk o, hlukuffichi v tih iksho hoka, hlioohlit oh ishih," achi hoke.

12. Chitokaka ma, is sa mishemahchin náh; a Chitokaka ma, tushput ant is si vpelashke.

13. Umish shilombish a i tunampi vlleha hvt hufah-yashke, ont tahashke; si aiokpuloka he hoyo vlleha hvt na mihachi micha kyllakshi yosh isbt onuttulashke.

14. Amba uno vto chi yihimmi li billiakmvt, chi holitto-blich moma ka vlbillit chi ayokpahachi la chi hoke.

15. Chim ai vlhpiesa, chim ai okchaya aien a kvt holhtina

ka ak ithano hokvt, nittak moma ka svthi hvt vno<sub>h</sub>ola chi hoke.

16. Nan i Shahli Chihowa hvt na chinto yvmihchi putta ka ieshi hosh ona la chi hoke; chim ai vlhpiesa, chimmi hak illa ho vno<sub>h</sub>oli la chi hoke.

17. Chitokaka ma, sv hemitta tok ai vlhit mihiiti ka nan is svm abahachi na ant himmukka ho nanah a fehna ish yvmihichi ka vno<sub>h</sub>oli lih chatuk oke.

18. Mikmvt sipokni, pashi tohbit taiyaha ka ona lih kia, chik sv kancho ho, isht ai unchululi himmak minti ka chish shakba yvt na yvmihichi tuk a im vnoli likmvt, nan isht chim aiahlika ya himak pillah aiyasha he moma ka im vnoli lashke.

19. Yohmi ka chim ai vlhpiesa yvt achahaka ya ona kak oke, na chinto ish yvmihichih chatuk Chitokaka chiah ma; kuta hosh chishno ya chiyuhmih choh, Chitokaka ma?

20. Nan ilvssha lawah micha pvvummi ho ish pi pesahachi tuk vt fvumminchit ish pi okchvlashke; mikmvt yakni ahufobi putta ka fvumminchit ish pi a kuechashke.

21. Nanah a fehna is sa yvmihichi kvt i shvlihchit isht ish mahaya cha, fvlamut ant is sv hopuhlvashke.

22. A Chitokaka ma, vno ak kia chim aiahlika ya vhlepa ho isht ayokpahachi la chi hoke; hap o ulachit isht chi ayokpache la chi hoke, Islael i hulittopa ma.

23. Nan ulachit chi ayokpuche likma, svttiulbi, micha vmiss shilombish ish okchalinchi tuk ittvutuklo kvt na yokput tuloa chi hoke.

24. Mikma si aiokpuloka he hohoyo vhleha hvt hufayah fehna kak o, sv sunlsh mvt nittak moma ka isht chim ai vlhpiesa ya isht vnumpo<sub>h</sub>ola chi hoke.

### A T U L O A 72.

Salomon immih, atvloa yoke.

**C**HITOKAKA ma, nan ish ai vpehisa putta ka miko ya ish emashke, micha chim ai vlhpiesa ya miko ushi ya ish emashke.

2. Chim okla ha ai ulhpiesa hosh im apesa cha, chim oklah ilbussha vhleha ha ai ulhpiesa hosh im apesashke.

3. Ai ulhpiesa yo nvnih, micha nvnih chipinta aien a kvt nanah lawah achukma kvt a waya ho okla ha isht im vlashke.

4. Oklah ilbussha vhleha ho ai ulhpisali hosh im apesashke; nan ik im iksho im vlla vhleha ha okchalinchashke; amba ilbusshali yokvno lisholit kanchashke.

5. Hvshi micha hvsh ninak aya ittvutuklo kvt tulloah takla ka hvttak isht ittaiunchululi putta kvt oklah chi nukshopashke.

6. Umba hvt hvsshuk ai ulmo on umbah chatuk ak o ehoomit, ububa kvt yakni lvchalih chatuk ak o chohmi hosh akka vlashke.

7. I nittakma ai ulhpiesa yvt pukalashke, mikma nan isht ai achukma kvt i lawa kvt immoma ho hvsh ninak aya yvt ont iksho kashke.

8. Mikma okhvta hikivt ia hosh okhvta onakmvt, Okhina Chito yak o hikivt ia hosh yakni ai ulhi puttah ona ka a pehliechashke.

9. Itikba ya yakni hayaka aiyasha yvt vkahchunnolashke; micha i tunvp vhleha hvt lukfi pushi ya hulakshashke.

10. Tashish micha nvnih tushayi puttah i miko vhleha hvt nan isht ayokpuchi yo isht im vtobashke; Sheba micha Seba i miko vhleha hvt na hulbina isht im onashke.

11. Mikma miko moma kvt im vkahchunnolashke, oklushi moma kvt im antiashke.

12. Nan ik im iksho vt i pahaya ka, micha vpela ik im iksho hosh ilbussha ya hlukufficha hi oka.

13. Huttak ilbussha micha nan ik im iksho ya i nukbakla hi oke; micha nan ik im iksho vhlehah imish shilombish a okchalincha hi oke.

14. Aiiilbusshali micha ai i prlummichi ya a kohchit imish shilombish a okchalinchashke; yohmi kvt nishkin itikba ya im issish vt a hulittopashke.

15. Mikma okhayashke; mikma tvli hulisso lakua Sheba

a minti yo oklah imashke; mikmvt vnnumpah ilbussha isht vnumpoholi billivt, nittak moma kā ayokpabachashke.

16. Yakni nvnih chaha wishakchi ya onush ibbak vlhto achvffa hosh ik aiyasha tuk oh kia, isht a waya yvt kushahachi kvt Lebanon ak o chiyuhma hi oke; mikma okla hvt shema kvt hussuk yakni aiyasha kak o chohmit, pukanlit tumahah chito ya a kohcha hi oke.

17. Hohchifo hvt tukkali na billiashke; hushi vt tullayah takla kā hohchifo hvt usfot māhayashke; mikma okla hvt yvmmak o nan isht il a yokpalashke; oklushi moma kvt, "Na yokpāh," achiashke.

18. Ilap bicka hosh nā fehna yvñihchi Chitokaka Chihowa, Israel i Chitokaka yvt hulittopashke:

19. Mikmvt hohchifoh hulittopa yvt hulittopa na billiashke; micha yakni moma kvt ahulittopa isht vlottoashke. Amen, vnonti Amen.

20. Chesse ushi Lewi vnnumpah ilbussha vnumpoholi vt ont ai qhlih pulla hi oke.

## ATULO A 73.

Atvloa Asaf vt ikbi tok.

**A**HLIH, Chitokaka yvt Israel, yummvt chukvsh kushofa vhleha hā, i kana yoke.

2. Amba uno ak okvto saiyi vt kuniāhosí tok oke; a nohōwa li kvt sv shukkvlyllih naha tok oke.

3. Hvttak ik vlhpeso vhleha hvt isht im ai achukma kā pisa lih mvt, ilefehnuchi vhleha hā i putvnto li tok okvt.

4. Nan illi hā isht a kummunta nanah kia ik im iksho hoka; mikmvt imi lhampko hvt kullo hoke.

5. Hvttak osh nan isht vtaklvmah chatuk a ohmih keyuh; micha hvttak a ibafoiyukkvt nan ik achukmo onuttulah keyu hoke.

6. Yemohmi hatuk o ilefehnuchi vt ishit shema yak osh innonchi yoke; ilbusshali vt nafobka chohmi hosh isht ompoholmo hoke.

7. Nia kak osh nishkin vt okhlibeli hoke; chukvsh nan anukfīhilli tuk a ont ia hoke.

8. Yvmohmit ik vhobalot nan ik achukmo yø anukfokka hatuk osh ilbusshali yø isht vnumpoholi hoke; ilefehnvchit vnumpuli hoke.

9. Ile chahuchi kvt vba shutik ak o ai vnumpoholi kø ile chomihchi hatuk osh, isunlush vto yakni yak o hlupullit aya hoke.

10. Yemohmi hatuk o im okla hvt fulamvt im ona cha, oka yut vlotah achukma ho ihiško hoke.

11. Mikmut, "Kvtiohmi hosh Chitokaka yut ithana hinlah choh? micha Chaha i Shahli ya nan ithana yut nukfoiyukka hoh choh?" achi hoke.

12. Yakeh, ilvpput hvttak ik ulhpeso yokak osh, nan im aiokpuloka ikshoh billia kak osh, nan immi hvt i shahlit i mahayvshke.

13. Pe pilla ho su chukvsh a kvshuffi lih mvt, nan okpuni keyu mak osh svbbak a achefa le tuk oke.

14. Nittak moma kø su fahama cha, onnahinli aiyukali ka na huttupa hvt si onuttohola tuk okvt.

15. "Yakmihchit vnumpule lashke," achi li hvttok okmut, yakeh, chim vlla vhleha hak o ak im ai ahlo ka he vttok oke.

16. Atuk osh ilvppa ukostininchih su bvnna hosh anukfilli lih ma, nan isht vtakluma yosh su tikba ya tvkkali tuk o,

17. Pulaka Chitokaka im vboha hulittopa ya, im ai ishtaiyopi kø ai anukfihilli la chi hosh ona li tok oke.

18. Ahvusbi bieka ho ish hiohlichi kvt ai ahlishke, aiokpuloka yø toblit akka pit ish pihilvshke.

19. Yakosi ittiakla chohmi ho aiokpuloka onushke; nanah a kummota yø isht a lushomvt kvnniushke.

20. Hulhpukunnut okcha kak o chohmit, nan i Shahlih ma, chi okchakmvt, yvmmvt nan vboha yatuk o ish shittilema chi hoke.

21. Yohmi hokak o su chukvsh vt humikmv, um anukfila hvt nuhlah beka tok oke.

22. Mihmv nan ulhpoa chohmi li hatuk osh, nanah ithana la he keyu tok oke; nan ulhpoa chiyuhmi hosh chi takia ahatta li tok oke.

23. Yohmih kia chi takla ahatta li billivshke; chibbak ishtimpakimma ya isht is sv hvellishke.

24. Nanah ish ai anukfilli ya a svlawet ish aya chi hoke, atuk osh i himnak a ahulittopa isht is si ona hi oke.

25. Uba ya kuta hosh vm attah choh? mikmut yakni paknaka ya inla ma chibafohkit sv bunnah keyu hoke.

26. Svñ nipi micha sv chukush vt taha hoh kia, Chitokaka yut sv chukush a i tvli chito, micha vmmih abillia yoke.

27. Yakeh, chi hupakichi vhleha hvt aiokpulokvt kunnia chi hoka: chi filummit haksit itvnova putta ka isht ish kanchih pulla hoke.

28. Amba vno yokvto Chitokaka i bilika kak osh um achukmvshke; nanah isht ish ai ahatta putta ka vno<sub>h</sub>oli la chi hosh a Shahli Chihowa ha ai vtukko li hoke.

## ATULOA 74.

Nan ithvnanchi atvloa Asaf vt ikbi tok.

**C**HITOKAKA ma, nantihmi ho shittilemt ish kanchi na billia hosh, oklah ish vpesvhish chatuk vt im asunatalit chim anukhubela yut shubullih choh?

2. Nittak tikbah ma ish chumpa tok, apehlichi vt chimmi ha chih mak o yuka ish issuchi tok chim okla ha, Saion vñnih ish ai ahatta kut ish ithaiyanashke.

3. Chim ai ahatta hulittopa ya tunvp vt okpvnit taiyahli tuk o, aiokpulokvt kunnia ka chahvchit chiyi vba welit hahablit ish onashke.

4. Chim itvnaha im ai ittakla ya chi tunampi vhleha hvt kilijihha tuk; nan isht ai ithana ya chih mak o, ilap i shvpha ya biohlichi tuk oke.

5. Iti lawa sukko yo iskiffa ya chahvchit o weli kak o chohmi vhoba hoke.

6. Yohmi kut yakeh, chukowa ishit shema putta ka iskiffa micha tvli ishit boa aien a himonna achaffa ishit bot akkakohli hoke.

7. Chim ai ahatta hulittopa ya luak vtekilit hukmi tuk

oke; chi hohchifob a foiyukka ya kvlakshichit akka isht ona tuk oke.

8. "Himonnachivffa okpunit e kanchashke," imi chukush anukaka ya oklah achi hosh, Chitokaka im ai itvnaha yakni aiyasha ka mominchit hukmi tuk oke.

9. Nan isht pin vtukkoáputta ka ke pesoshke; bupayi vt himakma iksboshke, micha nittak hupakih kvnimmah ont ai vlha he ithana kut pibafoiyukkah keyushke.

10. Chitokaka ma, himakma ktiohmih fokka ho tvnampi vt ik vhobalo ka chih choh? tvnvp vt chi hohchifo ha shittilema na billia chih choh?

11. Nantah ktiohmi ho chibbak a, chibbak ishtimpak-imma yak kia fulvmminchit ish eshih choh? chikkishi ha ish a luhmi tuk vt ish a kohchikmvt, okpunit ish tahlashke.

12. Yohmi ka Chitokaka yut a miko a billia yosh, yakni ya a hlvkuffihichi yoke.

13. Chishno ak osh okhuta ha chimi lhampko isht ish ittvbakvbl tok, oka paknaka ya oka nampoa huchito nushkobo ha ish a litoli tok oke.

14. Okla ha, yakni hayaka okla ha ilhpak ish ema chi hosh, chishno ak osh lefayahlan nushkoboh putta ka ish lisholi tok oke.

15. Chishno ak osh tulí ish mitvffih ma, kvlijh, oka yvnvlli aienia kut kohcha tok oke; chishno ak osh okhina yvnvllih billia yatukma ish shileli tok oke.

16. Nittak vt chimmi boke, ninak ak oh kia chimmi hak inli hoke; chishno ak osh tohwikelichi, hvshi aienia ka ish vtahli tok oke.

17. Chishno ak osh yakni ai vlhi moma ka vpesut ish bucohli tok; tuffa, hvstula aienia ka ish ikbi tok oke.

18. Ilvppa ish ithaiyanashke; Chihowa ma, tvnvp vt ik vhobalot, oklah im anukfilah iksho vt chi hohchifo ha shittilema hoke.

19. Chi puchnshoba im ilhfiopak a nampoa issikopa ya chik emo kashke; chim ilbvssha vllehah im ilhfiopak a im vhaksit chik billio kashke.

20. Yakni aiokhlileka putta kut nan ilbvashali aiasha

bano hosh vtlooa hoka, nan ish ittim vpesa tok vt ish pisashke.

21. Ilbussa yvt nan a kvniohma he ik ithanot ik fulamo kashke; nan i pvvllummi micha nan ik im iksho vt chi hohchifo ha hulittoblichashke.

22. Ish wukayashke, Chitokaka ma, ish il apehpoashke; im asukfilah iksho vt nittak moma ka ik chi vhobalo ka, ish ithaiyanashke.

23. Chi tunampi vhlehah im vnnumpah, wukayut chi sunali vhleha hvt shukapa kvt vba mahayah billia ka ik chim vhakso kashke.

### A T U L O A 75.

"Isht ish kanchin náh," achi, tuloa pehlichi vt isht a tuloa chi ho, hulittoblichit atrloa Asaf vt ikbi tok.

**YAKOKE** e chim aiyahnishke, Chitokaka ma, chi hohchifo hvt pi bilinchi ka yakoke il aiyahnishke; nanah a fehna ish yvmihichi tuk a oklah vnoli hoke.

2. "Nittak vlhpisa ya ishe likmvt, vno vt ai ittillawwi im vpcsa likma,

3. "Yakni micha hvtak momah aiyasha kvt bilashke; i tonnikutta ka vno ak osh vpissvlechit hiohliche li tok oke. [Yukopa.

4. "Ilawuta vhleha ha, Hvsh ilawvtun náh, im achi lih mvt, hvtak ik vlhpeso vhleha ha, Hvchi lvpish a hvsh chahuchin náh,

5. "Hvchi lvpish a chahuchih fehnvt hvchik chahacho kashkeh, micha ikunla kullochit nukwaya iksho hosh hvchik vnumpolo kashkeh, im achi lishkeh," ish achishke.

6. Chaha kvt hushakohchaka, micha hvshaiokvttula, micha yakni hayaka yak o a mintih keyu hoka.

7. Chitokaka yak osh nan im vpesa yok: achuffa ka akkalosechikmvt, achuffa kvno chahuchi hoke.

8. Isht ishko vt, Chihowa ibbak a foiyukka ho, oka pakki vt wvhvllih ma, nan ittaiyumah fehna hoka: yohmi ka ilvppak o a tusholi na, hvtak ik vlhpeso yakni paknaka aiyasha moma kvt ishkot a tablit lakchi banochih pulla hi oke.

9. Amba vno vto vno<sub>holi</sub> li billiashke; Chekob i Chitokaka ya nan ulachit ayokpuche lashke.

10. Micha hvtak haksi vhlehab lvpish moma ka chanlit kvtulhi la hi oke; ai vlhpiesa lvpish putta kvt chahut wukaya hi oke.

## A T U L O A 76.

Tvloa pehlichi vt vhlepah isht a tvloa chi ho, hulittoblichit atvloa Asaf vt ikbi tok.

**C**HUTAH ya Chitokaka yvt ai ottuni hoke, Isladl a hohchifo hvt a chito hoke.

2. Mikma Salem ak o vlhtipo vt i bikkiakm̄a, i chukka yvt Saion ak o tvllaya hoke.

3. Yummak o iti tñnampo im uskinvki puttah pvlhki kvt mvlytha chohmi, telihpa, micha bvshpo fulaya, micha ai ittibi aiena ka a kubullichit kanchi tuk oke. [Yukopa.

4. Shohmvlalit chi hulittopa kvt na wehpoa; nvnih chaha puttah chiyuhmih kia, ish i shaiyahlishke.

5. Chukvsh kullo vhleha hvt wehpovshke; ilap mvt nusishke; hvtak chilita vhlehab moma kvt ilap ibbak nan isht ai ahliche i khayochoshke.

6. Chekob i Chitokaka ma, ish im alvmih ma, tñnvp itichvnaha micha issubah ittvtklo kvt nusit kvnivshke.

7. Chishno ak osh i nukshopa he vlhpesa chia hoke; yohmi hoka chi nokua hayokma, kvt hosh chi tikba hikkia hinlah choh?

8, 9. Uba ya nanah et ai vpesvt ish haklochechi tok oke; Chitokaka yvt chukvsh akkalosi yakni paknaka aiyasha moma ka okchalincha chi hosh nan im apesut wukayah ma, yakni vt nukshopa cha chullosa tok oke. [Yukopa.

10. Hvtak ishit nukhubela yvt chi holittoblichha he bano hoka: nukhubela out atampa hokvno isht ish il vskuffvchi hoke.

11. Hvchi Chitokaka Chihowa ha vnnumpah hvsh il im onuccbikmvt, hvsh im atobashke; yumm̄a vfullublit aiyasha moma kvt i kummuta he vlhpesa ya na hvlbina isht im ohonashke.

12. Huchitoka vhlchah im anukfilah chaha ya tvptulit kancha hinla hoke; miko yakni aiyashaputta kvt i nukshopa he vlpiesa yoke.

## A T U L O A 77.

Tuloa pehlichi vt Chetuhlyv chohmit a tuloa chi ho, atuloa Asaf vt ikbi tok.

**C**HITOKAKA ya im vnumpulit i tahpula la chi hoke; Chitokaka ya im vnumpule likma, a hvponakla chi hoke.

2. A pvlummih nittak a nan i Shahli ya hoyo le tuk; ninak a subbak vt vshvttapah kia, ik tikahbo ke tuk; vmish shilombish vt hupohla he keyu ke tuk oke.

3. Chitokaka ya ithaiyana likmvt, ak hijo ka he keyu hoke; anukfihilli likmvt, vmish shilombish vt okhlilit kvnivshke. [Yukopa.

4. Sv nishkin a okchalit ish ieshishke; vm anukfila hvt fitehkuchi kak o, vnumpule la he keyushke.

5. Nittak tikba afvmmih hupaki aiena ka anukfihilli lishke.

6. Okhlilikma a tuloa lih beka tok vt ithaiyana lashke, sv chukvsh a ittim vnumpule lashke; vmish shilombish vt na silhhi hoka.

7. Nan i Shahli yvt kanchi na billia chih choh? micha himakma i kana chih keyuh choh?

8. Im isht i hullo yvt issvt abillia chih choh? nanah achi tuk vt ont i taha na billia chih choh?

9. Chitokaka yvt i kana kvt im vhaksi tuk oh choh? keyukmvt nukhubela hosh isht i nukhaklo ya i kvtvblil choh? [Yukopa.

10. Mihma, "Na svlbussha yokuto Chaha i Shahli im ishtimpakimma yvt inlv a tuba kak oke," achi le tuk oke.

11. Chihowa hvt na yvmihichi tok a vnoholi la chi hoke; nittak hupakih ma na fehna ish yvmihichi tok a ithaiyana la chi hokvt.

12. Micha nan ish a toksuli moma ka anukfilli likmvt, nan ish a yvmihichi ya isht vm anukfihila chi hoke.

13. Chitokaka ma, nanah ish a kvniohmi yut hulittopa hoke; chitokaka nantah mak osh chito kvt Chitokaka ya chiyuhmih choh?

14. Chishno ak osh na fehna yvmihichi Chitokaka chia hoke; oklushi puttah im ai ittitakla yo chimi lhampko ha ish ottuninchi tok oke.

15. Chekob micha Chosef ushi vhleha, yvmmvt chim okla ha, chish shakba isht ish hvkuffichi tok oke. [Yukopa.

16. Oka yut chi pesa tok, Chitokaka mah, oka yut chi pesa tok oke; wunnihichi tok, ahufobiputta kak kia fayokahachi tok oke.

17. Hushontihputta kvt oka et fuhobli tok, shutik vt ulachi tok; chim uskinukiputta kak kia mih aiyuka kvt pit hijili hak inli tok oke.

18. Chi hilohah ola kvt vpanukfilah chito ya ibafiyukka tok; hvsshukmvlli hvt yakni paknaka ya tohwikelihichi tok; yakni vt fayokahachi cha, wunnihichi tok oke.

19. Chim ataya yut okhuta ha ayah ma, chi hina putta kvt oka chito ya aya tok oke; atuk o ish a nohowa yut hayaka tok keyu hoke.

20. Moses micha Elon ittvutuklo ka tohnot chim okla ha chukfulhpoa chomihchit ish pehliechi tok oke.

Nan ithvnanchi atvloa Asaf vt ikbi tok.

**U**M oklah ma, a nan vlhpisa ya hush haklashke, svtih hvt nan ahachi ka hvchi haksubish a hvsh i wielashke.

2. Svtih ha wukvmmmit nan isht vlhpisa vnumpule lashke; vnnumpah luma nittak tikba isht awihichi ya vnumpoholi lashke.

3. Nana ka pi tikba vhleha hvt pim vnoholi na, e haklo cha il ithanah chatuk vt

4. Im vlla vhleha ha il i luhma he keyuh, amba Chihowa hulittoblichit isht vnumpoholi, micha imi lhampko, micha na fehna yvmihichi tok a isht ai unchululi himmak mijinta chi ka il im vnohola chi hoke.

5. Yohmi kā pīki vhleha hvt im vlla vhleħah yvmma putta kā tm abveha hi o im apesa hosh, Chekob ak o nan isht vlhtukko a hilechih mvt, Islael ak o nan vlhpisa im ikbi tok.

6. Yvmohmi ho isht ai unchululi mihinti kvt ithana tuk o, vlla im asha vhleha hvt wvkaya cha, vnonti ilap im vlla vhleha ha im vnola he,

7. Micha Chitokaka yak o anukchieto cha, Chitokaka na yvmihichi tok a ik im vhaksō hosh, im vnumpah vlhpisa putta kā hulittoblit iesha he,

8. Micha iki vhleha hvt isht ai unchululi ilappulla, micha ila filvmmi t i svnali, isht ai unchululi chukvsh vpissulechih keyu, micha imish shilombish vt Chitokaka im ai ahli vttok keyu ka ik chiyuhmo ka he ak vttok oke.

9. Eflaini im vlla vhleha hvt iti tunampo im vlhtaiyaha hayokak osh, ittibih nittakmā fulamut yihlepa tok oke.

10. Chitokaka nan ittim vpesa ya ik hulittoblo kish, i nan vlhpisa ya a nohōwa he keyuh mvt,

11. Amba na yvmihichi tok, micha nanah inlah fehna pisahachi tok aienā kā im vhaksi kak vttok oke.

12. I tikba vhlehab itikba ya, Echip yakni, Soan vbillika foka ya na fehna ho yvmihichi tuk vttok oke.

13. Okhuta ha ittifilvmmechi cha hlupullichi tok, micha oka ya ittnahahchi chomihchit hilechi tok oke.

14. Mikmvt nittak okma hushonti ha ahħatta hosh, micha ninak moma kā luak tohwikelika ahħatta hosh, pehlichit isht ayah beka tok oke.

15. Yakni hayaka ya tuli buchito ya mitahaffi hosh, ahufobi ya chomihchit okla ha lawachit ai ishkocchechi tok oke.

16. Mihmvt oka yvnahalli ya tuli chito a kohchih mvt, okhina chomihchi hosh oka ya yvnallichi tok oke.

17. Yohmih kia yakni shila ya Chaha i Shahli ya i filvmmi im asvnalit, oklah im vsshahachi kvt immoma tok oke.

18. Mihmvt ilap chukvsh nan ahni ho ilhpak ilai asilhhuchi hosh, imi chukvsh anukaka Chitokaka ya isht imomaka pisa tok.

19. Mihmut Chitokaka ya i sunalit unumpulit, "Chitoka-ka yut yakni hayaka ya nan vpa utahlit aiimpa a hilecha hinlah choh ?

20. "Yakeh, tvli cbito ya isso na oka yut et mitafah ma, okhinautta kut chubobvchit aya tok : im okla ha pvska ma ima hinlab choh ? mkmvt nipi im utahla hinlab choh ?" achi tok oke.

21. Yvmohmi hatuk o Chihowa hut hakloh mvt, im ok-pulot atvpa tok; mihma Chekob a luak vt o libbih ma, anukhubela yut Islael ak kia onuttula tok.

22. Chitokaka ya ik i yimmoh mvt, im aiokchaya ya ik anukchieto kak vttok.

23. Yohmi kut vba shutik a im apesa cha, vba okhisa ya tiwwih mvt,

24. Upa chi ka manna ya et on umbuchi hosh, vba tan-chi yo okla ha et ima tuk okak vttok oke.

25. Achuffaiyuka kut huchitoka i pvska yo vpa tok ; ilhpak i pilvt kaiyuchi tok oke.

26. Hushakucchaka mahli ha vba tykalichih mvt, nan isht im ai ahli yo oka mahli ha isht aya hosh,

27. Lukfi pushi chohmi ho nipi, micha okhvtah shinuk aiyasha kak o chohmi ho hushi sunahchi asha aien a ka et on umbvchih mvt,

28. I binah anukaka, aiasha vpakfoiyupa ka et o fuhobli tok.

29. Mihma impvt kaiyah fehna tok : yvmohmi ho nan ahni tuk a isht im vla tok.

30. Nanah a bunna tuk vt ik i filummo hosh, im ilhpak vt itih ha foikkah immoma ho,

31. Chitokaka im anukhubela yut onuttola cha, nia vhleha ha vbih mvt, Islael hvttak himithoa ya akkakohli tok.

32. Iluppa moma kut yvmohmi hokak o, nan usshvchi kut immoma tok, micha nanah fehna a yvmihichih kia, ik yimmo ki tok.

33. Yvmohmi hatuk o i nittak putta ka nan isht ik achukmo ho, micha im afummi ha nanah a kummunta ho isht aiokpvninchit tahli tok.

34. Issot kanchi hokmuno, fulama cha, achunnanchit Chitokaka ya ho hoyokmvt,

35. Chitokaka yut i tvli chito yokmvt, vnonti Chitokaka Chaha i Shahli ak osh okchalinchi yatuk a ithaiyanah beka tok.

36. Yohmih kia itih hak o isht im ilahobbi cha, isunlvsh ak o isht i hulahabih beka tok.

37. Micha chukvsh vt isht im vpissalih keyu ki tok, micha nan ittim vlpisa ya im ai ghlih keyu ki tok oke.

38. Yohmih kia yummvt nan i nukhaklo yatuk osh, nan vsshuchi ya i kvshuffikmvt, okpvnit vmmomihchih keyu hosh, isht i nukkilli ya fulvmmichit eshiah fehna cha, i nukhubela ya mominchit wukayuchih keyuh beka tok oke.

39. Yohmi kvt yummvt haknip atuk a ithaiyanah mvt, fiopa hatuk osh iakmvt fulama he keyu yatuk a ithaiyana kak vtto.

40. Yakni hayaka ya himonah in asunalikmvt, chukush-mi foka ya a nukoahachi tok acha!

41. Yohmi kvt vnonti Chitokaka ya imomaka pisakmvt, Isael i Hulittopa ya kvlakshichit nukoahachih beka tok oke.

42, 43. Ibbak a ik ithaiyanot, i sunali ya ai i hlukuttichi kvt, i nan isht vtukko putta ka Echip a, micha Soan vbillika ka i na fehna ya a hayakahachi tok nittak a ik ithaiyano ki tok.

44. Yakomi kak vtto. Im okhina putta ka, micha im oka yvnilli puttah aienka issish ikbi na, kuna hosh ishka he keyu ki tok.

45. Wvhiana holba ya o pela na, okla ha vpa tok; shukvtti ma o pela na, okla ha aiokpvninch tok.

46. Micha nan i waya ya shukinli yo im issah mvt, atoksvli yatuk a hawa im issa tok.

47. I pakkvi ya hutaffo yo isht im abi cha, i bihi vpi putta ka okti yo isht im vbi tok.

48. I wak putta ka hutaffo yo im issa cha, i nan vlpoa ya muvtha yo im issa tok.

49. Na nukoa nuklibbi ka, na nukhubela, micha nan ik

ahnecho nukoa, micha nukhaklot kummunta aienā kvt, nan ik achukmo shali yo et onohocchi tok oke.

50. Ilap nukoa ya hina im vtahli cha, yvmmā imish shilombish a nan illi ik im esho hosh, im ilhfiopak a ililli im issah mvt,

51. Echip a ai vttahpi tok moiymah, imi lhampko tuba vmmona Ham im vlhtipo puttah aiyasha ka issot kanchi tok oke.

52. Mihmvt ilap im okla ha chukfulhpoa chomihchit kohchih mvt, nan vhpoa chipinta chomihchit yakni hayaka pehlichit isht aya tok.

53. Micha ahlu kuffi achukma ho pehlichit aya hatuk o ik nukshopo ki tok; amba i tunvp vhleha hokvno okhuta hv omphohomo tok.

54. Atuk osh i yakni hulittopa, ilap ibbak ishtimpakimma isht ishi tok nvnih hak o isht vla tok.

55. Mihmvt oklushiputta ka itikba tihlelit kohchih mvt, immi ha chih mak o yakni ya ittvkvshkulit im issa cha, Israel apehlichei putta ka im vlhtipo puttah ai vshachi tok.

56. Yohmi tuk kia Chitokaka Chaha i Shahli ya imomaka pisvt ichapah mvt, nan isht im ai vlhtukkhoa putta ka ik hulittoblo ki tok.

57. Yohmi kvt iki vhleha hak o chohmit i filvmmi cha, baksichit aiyasha kvt, iti tunampo ik ablo ak o chiyuhmit oklah shvnayoa tok.

58. Yohmi kvt im achahaka ai ayokpuchi puttah ishit nukovchih mvt, i na holbvt tuba putta kak o ishit nuktvhiali tok.

59. Chitokaka yvt hakloh mvt, im okpuloh atapa cha, Israel a shittilemah fiehna tok.

60. Micha ilap ai vta Shailoh, hvttak im ai ittitakla ilap im vlhtipo a hilechi tok vt issvt kanchi tok.

61. Micha imi lhampko ai ottvni ya yuka ya chi ho im issa cha, im ahulittopa ya i tunampi ibbak fohki tok.

62. Micha im okla ha bushpo fulaya im issah mvt, nan immi hatuk a i nukhubelvt atvpa tok.

63. Hvtak i himithoa ya luak osh tahlih ma, ohoyoh i himithoa ya ittihalvlli isht ik tlowo ki tok.

64. I na huletumpa isht asha yvt bvshpo fulaya isht ak-kakohah ma, im ohoyoh vlhtakla vhleha hvt yaya he keyu ki tok.

65. Yumohmih ma nan i Shahli vt nusi yatuk o chohmit, hvttak kullo yosh oka pakki ishko tuk osh yukput tabpa-hala kak o chohmit okchah mvt,

66. I tvnvp vhleha ha issot fulummichi cba, ahufabya billia onucchi tok.

67. Mihmvt Chosef i chukkachuffa ya kanchih mvt, Ef-laim apehlichi ya ik utokolo ki tok.

68. Amba Chutah apehlichi ak o, Saion nvnih i hulittopa tuk ak osh utokuli tok.

69. Mihmvt vba achahaka chomihchit, yakni vt tvlayvt billia he im apesa tok a chomihchit, im ai ahatta hulittopa ya ikbi tok oke.

70. Mihmvt i tishu ha chi ho Lewi ya utokoli cha, chuk-fulhpoa aiasha a kohchit ishi tok.

71. Chukfulpoushi pishichi iakkayut hikikiya tuk o, im oklah Chekob, micha immi Israel a vpesucha chi ho, kucchit isht vla tok.

72. Atuk o chukush vpiissalih achukma hosh vpesuchi tok oke; micha ibbak nan im punna hosh pehliechih beka tok oke.

### A T U L O A 79.

Atvloa Asaf vt ikbi tok.

**C**HITOKAKA ma, oklushiutta kvt chi yakni ya iba-chukkoushke; chi tempel hulittopa ya litehlishke; Chelusalem a aiokpuninchit chifekuchishke.

2. Chi tishuh illi vhlehab haknip a vba hushi puttah, micha chi hulittopa vhlehab nipi ya nampoa yakni aiyasha ya im ilhpak a chih mak o ima tuk oke.

3. Chelusalem upakfoiyupa ka oka chomihchit im issish a hletvbligh ma, kvna hvt huppa hi vt iksho ke tuk oke.

4. Oklah pi bilika aiyasha kvt ik vhabalo, micha pi

vfullublit aiyasha kvt shittilemvt i yukpa yo e tuba tuk oke.

5. Hupakih ktiohmih fokkah mak o, Chihowa ma, chi nokuah billia hosh, chi nukhubela kvt luak chohmit lua chih choh ?

6. Oklushi puttah ik chithano ak o, micha apehlichika puttah chi hohchifo ha i tahpula keyu ak o isht chi anukhubela ya ish o fuobplashke.

7. Chekob im okla ha okpunit tahli cha, ai ahatta ya oklah chukkillissuchi tuk oka.

8. Pi tikba vhlehah nan vsshahachi ya ithaiyanut chik pi sunalo kashke; tushpvt nan isht ish i nukhaklo vt pi vfamashke; ik pi hlampkoh fehna hoka.

9. Chitokaka il ai okchaya ma, chi hohchifo hulittopa pulla hatuk mak o, ish pi vpelvhashke; mikmvt chi hohchifo hatuk pullah mak o ish pi kohchi cha, il aiusschichikautta ka ish pi kvshuffashke.

10. Nantihmi ho oklushiputta kvt, "I Chitokaka mvt?" acha hinlah choh? chi tishuh vhlehah im issish hlutapa tuk a e pisa ho aiukha tuk a, oklushi puttah im ai ittitakla ya oklah ithanashke.

11. Httak yuka kiffahaha kvt chi tikba onashke; chish shakba hlampko chintoh pulla hatuk mak o, illa he im vlpisa vhleha ha ish okchalinhashke, nan i Shahlih ma.

12. Micha oklah pi bilika aiyasha kvt nan ik vhabalo isht ik chi vhabalo tuk a, mihinlohmi untuklo ho ilap ikkishi ha ish i fulumminchashke, nan i Shahlih ma.

13. Yohmikma chim oklah, micha vlpaoa chipinta ish vpesuchih chatuk pia hut yako ke e chim aiyahni na billia chi hoke; isht ai unchululi mabaya ka a chi holittopa ya il im vnohola chi hoke.

### ATULOA 80.

Tvloa pehlichi vt "lili puttah" isht a tvloa chi ho, ai vtukkhoa atvloa yo Asaf vt ikbi tok.

**I**SLAEL vpesuchi, Chosef a vlpaoa chipinta chomihchit pehliechit isht aya chia hut et ish huponaklashke; chelubim paknaka binnili chia hut et ish tombashke.

2. Chimi lhampko ish okchali cha, Eflaim, Benchamin micha Manasseh aienā kā itikba iwt ish pi okchalinchashke.
3. Chitokaka ma, ish pi falummichi cha, chi nusshuka ish pi o tohwikelechi na, pi okchayashke.
4. Chitokaka Chihowa, nan uha i Chitokaka ma, kvtiohmih fokka hō chim oklah im vnumpah ilbvssha ya chi anukhubela yut o shuboholli kvt immoma chih choh?
5. Puska yo chomihchit nishkin okchi ish vpachih mut, nishkiu okchi lawa hō ish ishkochechishke.
6. Oklah pi biliča aiyasha kvt isht ittuchowa he ish pikbikma, pi tñvñp vhleha hvt pi kalvkshichit itti yukpa hoke.
7. Chitokaka, nan uha i Chitokaka ma, ish pi falummichi cha, chi nusshuka ya ish pi o tohwikelechi na, pi okchayashke.
8. Echip a pakkupi a lubbit isht ish aya tuk osh oklushiutta kā tihlelit ish kohchi cha, ish hokchi tok oke.
9. Itikba ya ish i shahbichih mā, akshish tubah fehna cha, yakni ya vlotu tok oke.
10. Nvnih chahautta kvt hushontika isht ompoholmoh ma, i naksish filamoli yut Chitokaka i chuahlautta kā chohmi tok.
11. I naksish filamoliutta kā pit ussochit okhvta hā isht onah mut, vpatut ussoutta kā Okhina Chito a isht ona tok oke.
12. Nantihmi hō i hulihta ya ish kinvffi tuk o, hina ya ai ittunowa moma kvt vñmoh choh?
13. Shukha nakni iti foka aiyasha kvt okpuni hoke; mikmā yakni hayaka nampoa aiyasha kvt ai impa hoke.
14. Chitokaka, nan uha i Chitokaka ma, awet ish fille-mashke; vba et a hopokoyot ish pisah pulla cha, pakkupi ilvppa ish im ayashke.
15. Micha nana hō chibbak ishtimpakimma yut hokche tuk, micha ushi ish ili hufantiche tuk aienā kā ish vtonashke.
16. Luak o ishit luvhshke, tuptuči tahvshke; chi nusshuka yut ik ayokpachot im olvbikma, oklah aiokpuloka hoke.

17. Chim ishtimpakimma yut ikbe tuk, huttak ushi ish ili hufantiche tuk ak o chibbak vt ompohomashke.

18. Yohmiknuvno chi<sup>i</sup> fillummit e fvlama he keyuh; ish pi okchalinchikma, chi hohchifo hak o il i pahayashke.

19. Chitokaka Chihowa, nan uha i Chitokaka ma, ish pi falvnumichashke; chi nussshuka ya ish tohwikelechi na, pi okchayashke.

### A T U L O A 81.

Tuloa pehlichi vt Kittilh a tvloa chi<sup>i</sup> ho, Asaf vt ikbi tok.

**P**IM isht hlampko Chitokaka ya chitolit hush i tvloashke; Chekob i Chitokaka ya na yokput hush i shukapashke.

2. Tvloa ha<sup>i</sup> vba tukalichit, vhlepa ha<sup>i</sup> hush ulachashke; hap olah achukma ya ishit tvllakchi asha ibafokit hush ulachashke.

3. Hushi tvlalih vmonna, hushi bulukta aien, pim impah hulittopa nittakma ishit pufa hush ulachashke.

4. Israel ak o i nan vlpisa, Chekob i Chitokaka yak osh nan vpesa yoka.

5. Echip yakni moma ka<sup>i</sup> hlupullit ayah mut, Chosef a isht ai vtukko mak o im vpesa tok oke. Unnumpa ha<sup>i</sup> ak ithano hosh haklo lih achinishke.

6. Yohmi ka<sup>i</sup>, "Tahchi ya na weki ai i filummiche li tuk o, ibbak vt kishi ha<sup>i</sup> filummi tok oke.

7. "Na<sup>i</sup> chi<sup>i</sup> vlvmmi hosh ish pahayah ma<sup>i</sup>, chi kohchi li tok; hilohah ai vломака ya et a chim vnumpoholi li tok; Melibah oka ya imomaka a chi pihsa li tok oke. [Yukopa.

8. "Um oklah ma, ish haklo na, vtukkolit chi vnlashke; Israel ma, is sa<sup>i</sup> hyponaklo hokbano!

9. "Chim ai ititakla ya chitokaka inla yut iksho kashke, mikma<sup>i</sup> oklah inla i chitokaka ya huchik ayokpacho kashke.

10. "Uno ak osh Echip yakni ya ai ishit huchi kohchi tok chi Chitokaka Chihowa sia hoke; huch itvkha ya vwatwchit hush wukummikma vlotoholi lashke; achi le tuk kia,

11. "Um okla hut um unnumpa ha<sup>i</sup> hyponakla he keyu ki tok, mihmvt Israel vt vlpesah ik svn ahno ki tok oke.

12. "Mihma<sup>i</sup> ilap aiyahni hosh mahaya chi<sup>i</sup> ho, ilap chukush kvollo ya im issut tihleli li tok oke.

13. "Um okla hvt q luponaklo hokbano! Islael vt um ataya putta ka ai ittunowa hokbano!

14. "Yohmi hokmvno chekosih mak inli ho i tvnvp vhleha ha im ukahchunnoliche la he tuk, micha i tvnampi vhleha ha subbak q pulvmmichit onuccbi la he tuk oke.

15. "Chihowa i nukkilli vhleha hvt im ukahchunnolashke; yohmikmet i nittak vt abillia hi oke.

16. "Onush nia i shahli ak o ipetah chatuk q chohmit, foi bila tuli chito ya ai ishit kohchi ka chiyuhmi hosh ishit chi fehubli la he tuk oke," achishke.

## A T U L O A 82.

Atvloa Asaf vt ikbi tok.

**H**UCHITOKA ittitakla ya nan ai vpehjsa ohj hosh, Chitokaka im ai ittvnaha ya Chitokaka yet hikkia hoke.

2. Hupakih kvtiohmib fohka ho nan ik vlhpeso ho hush vpesakmt, huttak haksi vhleha ha bulittobli kv*t* inla hush i shrlihcha chih choh? [Yukopa.

3. Ik hulittopo micha vlhtakla ya na hush im vpesashke; nan i pulvmmi, micha nan ik im iksbo ya ai vlhpiesa ho hush im vpesashke.

4. Ik hulittopo micha nan ik im iksho ya hush hlvkuffi-chashke; huttak haksi vhlehah ibbak q hush a kohchashke.

5. Nana ka ik ithanoh mvt, ukostininchih bunnah keyu kak osh aiokhlileka ai ittunowa ho, yakni i tula moma kv*t* winakahachi hoke.

6. Uno vt, "Ishtokaka hvchiah, micha hush moma kv*t* Chaha i Shahli ya ushi vhlehah hvchia hoke," ahachi li tok oke.

7. Yohmi hak inlih kia huttak putta ka chohmit hvch illih pulla ch*i* hoke, mikmt huchitoka ai achvffa yak o chohmit hvchi akkuma ch*i* hoke.

8. Chitokaka ma, wukayut yakni ya nan ish im apesashke; chishno ak osh oklushi moma ka ish esha hi atuk okvt.

## ATULOA 83.

Hulittoblichit atvloa Asaf vt ikbi tok.

**C**HITOKAKA ma, nan ik acho vt ik chim iksho kashke ; kinnet iksho hosh lummut chik binilo kashke, Chitokaka ma.

2. Yakeh, chi tvnvp vhleha hvt shukapah ma, chi nukilli vhleha hvt nushkobo ha vba wukeli hoka.

3. Ish luhmi vhleha ha i sunalit isht ittim vnumpula chi hosh, chim okla ha im asvnalit i kostinit isht ittvfama hoke.

4. "Intah! oklushi hieli tuk a isht e kanchi na, kvna hosh Islael hohchifo ha himakma ik ithano kashke," oklah achishke.

5. Chukush ittibaiachuffvt isht ittim vnumpuli hoka : chim asvnalit oklah nan ittim vpesa kvt,

6. Etom micha Ishmael oklah im vlhtipo puttah, Moab micha Hakalin oklah,

7. Chebul micha Ammon, micha Amalek, Filistia, Taia oklah aiyasha ai ittvpehah aienakak oke.

8. Assilia mvt oklah ibafokka kvt, Lat ushi vhleha ha shakba i tuba tuk oke. [Yukopa.

9. Mitian, Sisela, Chebin aienak a Kaishon okfa ha ish a yumihi tok vt ish chomihchashke.

10. Ento ya ai ishit kanchi tok, yakni niachi tuba tok.

11. I hulittopa vhleha ha Oleb micha Seeb ittvutuklo ka ish chomihchashke ; mikmvt vhamut im vlhtoka moma ka Seba micha Salmonna ittvutuklo ka ish chomihchashke.

12. Yummvt, "Chitokaka yvt ai vtta putta ka pimmi ha chi hosh il eshashke," achishke.

13. A Chitokaka ma, vpanukfilah chomihchit, na hakhlupish osh mahlih itikba aya kak o ish chomihchashke.

14. Luak osh iti foka hukmit kanchih chatuk, mikmvt luak libbi hosh nunih chaha ai o libbih chatuk a chohmit,

15. Yumohmi hosh chi mahlih kullo isht ish hliohlikmvt, chim vpeli isht ish kumuntvchashke.

16. Nusshuka ya hufahya ish vlotoli na, chi hohchifo ha oklah hoyashke, Chihowa ma.

17. Hufahya cha kummuntut billiashke, micha nanah ai ahni tuk vt ik im əhlo kish aiokpulokashke.

18. Mikma chishno chi hohchiso hut Chihowa, chishno ak illa hosh chi chaha kvt yakni momah i Shahli chia hatuk a oklah ithanashke.

### ATULOA 84.

Tvloa pehlichi vt Kittilh a tvloa chi ho, atvloa Kolah ushi vhleha hut ikbi tok.

**I**SH ai əhattautta putta kvt hulittopah achukmah fehnushke, nan uha i Chitokaka Chihowa ma.

2. Chihowa i wanuta putta ka v mish shilombish vt i pellatakmvt, im ielli hak inli hoke; sv chukvsh micha su haknip aienah mvt Chitokaka okchaya ya pit i tahpahashke.

3. Hushi chipinta yvt chukka vhayuchikma, chupilhak vt ushi a cheli im vlpicchik a ilai vhayuchih chatuk a chohmi la chi kvt, chim alta putta ka pit hoyot chi tahpahala lishke, nan uha i Chitokaka Chihowa, a Miko micha a Chitokaka ma.

4. Chi chukka aiyasha yvt na yokpa hoke; chi holitoblichih immomashke. [Yukopa.

5. Huttak kvna hosh chishno ak o chi a hlampko hosh, imi chukvsh vt Saion ataya vltahah achukma kvt anukfoiyukka hokmvt, na yokpa hoke.

6. Okfah a yahaya yo hlupullit aya kvt, kvlid a hiolli ikbi hoke; hushtulahpi umba yvt nan isht a yokpa ma isht ompohomo hoke.

7. Hlampko kvt i shahlit mahaya kvt ilap aiyukali hosh Saion a chukkout Chitokaka itikba ont hieli hoke.

8. Chitokaka Chihowa, nan uha i Chitokaka ma, vñ vñnumpah ilvssha ya ish haklashke; ish hvponaklashke, Chekob i Chitokaka ma. [Yukopa.

9. Pi telihpa Chitokaka ma, ish pesa cha, nan vhamvt chim vltoka vñsshuka ya et ish o hupopoyashke.

10. Nittak achuffa ho chim vboha əhatta kvt achukma kvt nittak tvlepah sipokni kia i shahli hoke; a Chitokaka

im vboha okhisa hikkia li kak osh nan ik achukmo aiasha  
ahatta ka um i shahli hoke.

11. Chitokaka Chihowa hak osh hushi micha telihpa  
yoka: isht i kana micha ahulittopa ya Chihowa hvt ima  
hoke; ai vpissalit aya vhleha ha nan achukma im i hvlvlla  
he keyu hoke.

12. Nan uha i Chitokaka Chihowa ma, chi anukchieto  
huttak vt na yokpa hoke.

### ATULOA 85.

Tvloa pehlichi vt a tvloa chi ho, atvloa Kolah ushi vhleha  
hvt ikbi tok.

**C**HI yakni ya ish i kanah beka tok, Chihowa ma; Che-  
kob vt yukah ma, ish im aya tok oke.

2. Chim oklah nanah a yushoba ya isht ish i kanchi tok;  
i nan vsshvchi moyuma ka ish im ompohoino tok oke.

[Yukopa.

3. Chi anukhubela ya mominchit kunvlichit ish eshi tok;  
chi vnukoa nuklibbi ka ish shunayvchih beka tok oke.

4. Il ai okchaya Chitokaka ma, fulamvt ish pim ala cha,  
isht ish pi nukkilli ya ish yukobli hokbano!

5. Ish pim anukhubela na billia chij choh? isht ai un-  
chululiutta ka isht ish i nukkilli ya ish i fullayacha chij  
choh?

6. Chishno vt fulvmminchit ish pi okchali na, chim okla  
hvt ishit chi a yokpa he keyuh choh?

7. Chihowa ma, isht ish i hullo ya ish pi pesvchashke;  
chim ai okchaya ya ish pimashke.

8. Chitokaka Chihowa hvt nana ho vnumpuli ka haklo  
lashke; i kanah achukma hosh im oklah micha i hulittopa  
vhleha ha in vnumpula chi hoka: yohmi hoka ik a hupo-  
yuksoka ya fulamvt oklah ik iyo kashke.

9. Im ai okchaya yut i nukshopa vhleha hak o i bili-  
kasih pulla hoke; yvnohmi hatuk o ahulittopa yut pi yakni  
ya ai ittoiyula hoke.

10. Isht i hullo, im aiahlika ittwtuklo kvt ittvfama kak

okmä, isht ai vlhpiesa, i kanah achukma ittvutklo kut itti syksoa kak a chishke.

11. Nan ai vlhpiesa yut vba ya et a hopokoyo kak o, nan ai ahli vt yakni ya a waya chj hoke.

12. Chihowa hut nan achukma yak kia ima chj hoke; inikmä pi yakni vt na waya ina chj hoke.

13. Nan ai vlhpiesa yut itikba aya cha, yummvt a nohöwa ya ataya pim ikbashke.

## ATULOA 86.

Unnumpah ilbussha Lewi vt ikbi tok

**C**HI haksubish a awet ish wieli cha, is sv haklashke; svlbussah inicha nan ik svm iksho hoka.

2. Chj hulittopa sia hoka, vm ilhfiopak a ish hullvullashke; a Chitokaka chia hak osh chj tishuh chi anukchieto ya ish okchalinhashike.

3. Is sa nukhaklashke, a Shahlih ma; chishno ak o nittak momah chj pahaya li hoka.

4. Chj tishuh imish shilombish a ish yokpalashke; a Shahli chia hak o vmish shilombish a isht chim ona li hoka.

5. A Shahli chia hut chi pahaya moma ka i kushuffi achukma, micha i hullo chinto chia hoka.

6. Chihowa ma, vm unnumpah ilbussha ya ish hvponaklo cha, nan asjhijlha li unnumpa ha ish haiyaklashke.

7. Nanah vm a pullummi nittak a chj pahaya la chj hoke; is sv hakloh pulla chj hoka.

8. A Shahlih ma, chitokaka putta ka chishno chohmi kut ikshoshke; micha nan isht ish a yvmijichi chohmi kut ikshoshke.

9. Oklushi momah ish ikbi tok vt chi tikba vlt chi ayokpuchashke, a Shahlih ma; micha chi hohchifo ha hulittoblichashike.

10. Chinto cha na fehna yvmijichi chia hosh, chishno ak bano hosh Chitokaka chia hoka.

11. Chihowa ma, chj hina is svm abachi na, nanah chim

ai əhli ak ə a nohəwa lashke; chi hohchifo ha i nukshopa chi ka sv chukush a ish ittibafokashke.

12. Sv chukush a mominchi hosh ishit chi ayokpvche lashke, a Shahlih, a Chitokaka ma; mikmvt chi hohchifo ha hulittoblihichi li billiashke.

13. Isht ish i hullo vt si onuttula kvt chintoh ma, umish shilombish a illi aiasha nutaka ish a kucchi hatuk oka.

14. Chitokaka ma, ilefchnvchi vhleha hvt wukayut um asunalishke; pullummi vhlehab ittvhoba yvt um ilhfiopak a hoyo hoke; yohmi kvt ilap itikba ya chi helichih keyu kak oke.

15. Amba, a Shahlih ma, chishno ak okvto Chitokaka nan i nukhaklo, micha i kana, i nukhubelah sullaha, micha nan i hullo, aiahlika ittvuklo kvt a chinto chia hokvt,

16. Ish filema cha is sa kanashke; chimi llampko ha chi tishuh ish ema cha, chi tishuh ohoyoh ushi ya ish okchalinhashke.

17. Achukma isht oktuni ya is sum vtaflashke; yohmikma Chihowa chia hak osh si vpelvt is sv hopuhlali ka a nukkilli vhleha hvt pesa cha hufahyashke.

### ATULOA 87.

Hulittoblichit atuloa Kolah ushi vhleha hvt ikbi tok.

**I**NTOLAHPI ikbi tok a nunih hulittopautta kak o tullaya hoke.

2. Chihowa hvt Saion huliht okhisautta ka i hulittopa kvt, Chekob ai vitta moma ka i shvlihchi hoke.

3. Na hulittopah achukmautta kvt isht a chi vnnubupa hoke, Chitokaka i tvmahali chito ma. [Yukopa.]

4. Echip micha Babilvn vt svthanah mak o vnlit, "Yakeh, Filistia micha Taya, Ehliopia aienah, ilvppa achuffai-yukali kvt yummak o ai vitta tok oke," achi la hi oke.

5. Micha Saion ak okvno, "Hvtak vt ittiakayut ymmak o ai vitta tuk oke," acha hi oke; mikma Chaha i Shahli vt ilap ak osh kullochit hilecha hi oke.

6. Chihowa hvt oklahutta k<sub>a</sub> hulissoh fohki kvt, "Ilvp-put yvmm<sub>a</sub> ai vtta tok oke," achi hosh tkalicha hi oke.

[Yukopa.]

7. Tvl<sub>oh</sub>owa hosh, nan ulahachih aicna hosh, "A kuli moiyma kvt chishno ak o a foiyukka hoke," oklah acha hi oke.

### ATULOA 88.

Hulittoblichit atvloa Kolah ushi vhleha h<sub>a</sub> im ikbi kvt, tvloa pehlichi vt lomvt a tvloa chi ho, nan ithvnanchi yo Eslah ai achvffa hvttak Heman vt ikbi tok.

**U**M ai okchaya Chitokaka Chihowa ma, nittak, ninak aien a k<sub>a</sub> chi tikba pahaya li hoke.

2. Um vnnumpah ilbvssha yvt chi tikba onashke; chi paya li k<sub>a</sub> chi haksubish a awet ish i wielashke.

3. Umish shilombish vt nan ik achukmo puttah isht ai vlot a hoka, um ilhfiopak vt illi aiasha onahosishke.

4. Yakni kula ilhkoli ak o iba holhtiena lishke; hvttak imi lhampko iksho ak inli ho chohmi lishke.

5. Illi vhlehah ittitakla ittoiyula sia kvt, nvhlvt illi yosh ahulluppi maya k<sub>a</sub> chohmi lishke; yvmm<sub>a</sub> himakma ish ithaiyanah keyuh; yummak osh chibbak a a mukofa hoke.

6. Yakni kula hufobi, aiokhlileka fehna, ahufobika pilla k<sub>a</sub> is sv bohlishke.

7. Chi anukhubela yvt wekit si onuttoiyulushke, chim oka piakuchi putta k<sub>a</sub> isht is svlbvsshalishke. [Yukopa.]

8. Ittikhana li vhleha h<sub>a</sub> hupakichit is sa filvmmichishke; oklah ai i yuwala yo is sakbi na, um okhillitta cha kuccha la he keyushke.

9. Svlvssha kak osh sv nishkin vt iellishke; nittak aiyukali k<sub>a</sub> chi pahaya lishke, Chihowa ma; subbak a pit isht chim vshvttapa lishke.

10. Illi vhleha h<sub>a</sub> na fehna ish i yvnihcha hinlah choh? keyukmut shilup vt wukaya cha, chi ayokpvcha hinlah choh? [Yukopa.]

11. Ahulluppi ya isht ish i hullo yvt ai vnnohqakmv, aiokpuloka ya nan ish ai ahli achukma yvt ai vnnohq<sub>a</sub> hinlah choh?

12. Aiokhlileka ya na fehna ish yumihchi vt a haya-kakmvt, ai im vhaksi yakni ya chim ai vlpiesa yvt a hayaka hinlah choh?

13. Yohmi ka uno vto Chitokaka chia hak o chi pabaya lih chatuk oke; mikma onnahinlikma vim vnnumpah ilbussha yvt chi tikba ghona hoke.

14. Chihowa ma, nantihmi ho vmish shilombish a ish kanchi cha, chi nusshuka ya is sa luhmih choh?

15. Sv hemittah moma kvt a pullummit svllahosit isht avehichih chatuk oke; isht ish kumuntuchi vt si onut-toiyula hatuk o, nanah a kvniohmi ak ithanoshke.

16. Isht chi nukhubela yvt si o wvlvbl tuk oke; isht ish nukshobli vt aiokpuninchit sv kanchishke.

17. Nittak moma ka oka chohmit si vpakfoiyupvshke; himonna achvffalit si afulluplishke.

18. A hullo micha a kana ya hupakichit is sa filvnmichishke; ittikhana li vhleha ha aiokhlileka ya pit ish vshachishke.

### ATULOA 89.

Nan ithvnanchi yo Eslah ai achvffa Ehlan vt ikbi tok.

**C**HIIHOWA im isht i hulloputta ka ishit telohowa li billia chi hoke; isht ai unchululi mahaya ka nan ish ai ahli achukma ya sutih ishit hayavche la chi hoke.

2. "Isht ish i hullo vt vlhtaha na billia chi hoke; vba shutik okvno nan isht ish ai ahli achukma ya kvlochit ish a hillecha chi hoke," ahachi li hokvt.

3. "Utokule li ya nan ittim vpesa le tuk; a tishuh Lewi a vnnumpah kvlo im il onucchi le tuk oke.

4. "Chim ishtatiaka ya kvlochit biunilechi li billia chi hoke; micha isht ai unchululi mahaya ka chim ai o binili hulittopa ya ikbit hilechi la chi hoke," ish achi tok oke.

[Yukopa.

5. Yohmi hatuk o vba putta kvt na chi fehna ya ayok-pvchashke, Chihowa ma; nan isht ish ai ahli achukma ma hulittopa vhlehabai ittvhoba ya oklah ayokpvchashke.

6. Yohmi ka kuta hosh shutik ahatta kvt Chihowa ha

ittulhpisa hinlah choh? Kuta hosh huchitoka ushi vhleba  
ha ai achusfa yvt Chihowa ha hoiyulba hinlah choh?

7. Chitokaka ilvppak o hulittopa vhleha hvt ittvfamut  
chieya im ai ittitakla ka oklah ai i kumuntah fchna he  
vlhpesa, micha vpakfoput aiyasha moma ka ai i nuksopa  
yvt onuttula he vlhpesa yoke.

8. Nan uha i Chitokaka Chihowa ma, kuta hosh Chihowa  
pvllummi chia ha chohmih choh? yohmi ka nan isht ish ai  
ghli achukma yvt chi vpakfoiyupa hoke.

9. Okhuta hvt bvnvtbaya ka ish im apesa yoke; bvnvtha  
putta kvt vba mahayah kia, chishno ak osh ish yukoblich  
yoke.

10. Chishno ak osh Echip a nvhlvt illi ak o chomihchit  
litolit ish kanchi tok; chish shakba kullo ak o chi tvnvp  
vhicha ha isht ish ittvfemimplih chatuk oke.

11. Uba yvt chimmi hoke, yakni mvt chimmi hak inli  
hoke; yakni, nan isht vluttoa aienka chishno ak osh ikbit  
ish tvlali tok oke.

12. Fvltmmih, oka mahli ittvtyklo ka ish ikbi tok oke;  
Tebo, Humun ittvtyklo kvt chi hohchifo ha isht a yokpa  
hoke.

13. Shakba hlampkoh ilaineshi kvt chinmi hoke; chibbak  
vt kullo hoke, chim ishtimpakimma yvt chaha hoke.

14. Ai vlhpiesa vpesa yvt chim ai o binili hulittopa a  
hikkia yoke; isht i hullo micha aiahlika yvt chi tikba  
mahaya hoke.

15. Ishit na yokpa vnnumpah ithana okla hvt yokpa  
hoke; chi nvsshuka atohwikelika yak o ai ittnnowa hoke,  
Chihowa ma.

16. Chi hohchifo hak o nittak moma ka nan isht yokpa  
hoke, micha isht chim ai vlhpiesa yak o isht a chaha hoke.

17. Chishno ak osh im isht hlampko ayukli chia hoka:  
yohmi kvt ish pi kana kak osh pi lvpish a ish chahvchi  
hoke.

18. Pi telihpa yvt Chihowa hak o immi hokma, pi mijko  
vt Islael i Hulittopa yak o immi hoka.

19. Yohmi ka chi hulittopa ya nan isht vhoba yo isht ish

im vnumpulih mvt, "Hvttak kullo ya nan isht vpeluchi o bohli le tuk; okla ha ai achvffa yo ai vtokulit chahvche li tuk oke.

20. "A tishuh Lewi ya vhayuche li tuk; a bila hulittopa isht vhummiche li tuk oke.

21. "Yummak oka subbak vt kullo hosh ibafoiyukka chi hoke; svsh shakba mvt hlampkocha chi hoke.

22. "Tunvp vt haksichit im aiyucha he keyuh, mikma nan ik vlhpeso yvnihihi hvttak vt ilbvsshala he keyuh.

23. "Mikma itikba ya i tunampi vhleha ha a litolit kanchi likmvt, i nukkilli vhleha ha issot kanchi la chi hoke.

24. "Micha nan isht ai ahli li, nan isht i hullo li ittvtklo ktv ibafoiyukkakma, sv hohchifoh pulla hatuk mak o lvpish vt chaha hi oke.

25. "Mikma ibbak a okhvta ha onucchi likmvt, im ishtimpakimma ya okhinautta ka onucchi la hi oke.

26. "Yummvt a tahpvlt, 'Aki, a Chitokaka, um ai okchaya twli chito aicna chia hoke,' achikma,

27. "Uno yak kia usbi vttahpi chomihchit, chaha ktv yakni i mikoutta ka i shahli ho ikbi la chi hoke.

28. "Um isht i hullo ya im ieshi li billia chi hoke, micha nan ittim apesa li vt im ai ahli hulittopa chi hoke.

29. "Mikma im ishtatiaka ya kvlochit hillechi li billiakmvt, im ai o binili hulittopa ya vba nittak ak o chomiehchi la chi hoke.

30. "Ushi vhleha hvt a nan vlhpisa ya issa cha, nan ai vpehisa li ya ai ittunowa he keyu hokma,

31. "A nan vlhpisautta ka kubvffi cha, um vnumpah vlhpisautta ka hulittobla he keyu hokma,

32. "Yohmi hokmvno nan vlhpisa kubvffi ka fuli ieshi hosh im aya likmvt, vsshuchi ka na fuma ho isht im aya la hi oke.

33. "Yohmih kia um isht i hullo ya im eshit vmmomihchi la he keyuh, micha a nan isht ai ahli ya ak im ahlecho ka he keyuh:

34. "Nan ittim apesa le tuk vt kubvffi la he keyuh, micha svttivlbi vnumpah a kohcha tuk a inlvche la he keyu hoke.

35. "Nan achuffa um ahulittopa yak o vnnumpah kullo isht il onucchi le tuk vt, Lewi ya i hulabi la he keyu hoke.

36. "Im ishtatiaka yvt abillia he; mikmut sv tikba ya im ai o binili hulittopa yvt hushi ak o chiyuhma hi oke.

37. "Hush ninak gya yvt vulla ya na billia, micha isht vtukko a kvt ai ahli hosh shutik a tukkali kak o chiyuhma hi ak oke," ish achi tok oke. [Yukopa.

38. Yohmi tok okak osh chishno vt ish kanchi cha, ish shittilema tuk; na chim vhamut ulhtoka ya ish i nukhubelah ataiyapa tuk oke.

39. Chi tishu ha nan ish ittim apesa tok vt ish kubuffi tuk oke; im iachuka ha kvlakshichit akka ish bohli tuk oke.

40. I hulihta moma ka ish kinuffishke; micha im vholihta kullo detta ka okpunit ish kanchishke.

41. Hina ai ittvnowa moma kvt wehpuli hoke; i bili ka aiyasha detta ka im a kvlakshi hoke.

42. I tunampi vhlehal ibbak ishtimpakimma ya ish chahachi cha, i tunvp moma ka ish yukpalechi tuk oke.

43. Micha i bvhshpo-fvlaya huluppa ya ish fvlummichishke; ai ittibi yak kia, ik hikkiyá, chik im ai ahno hak inlishke.

44. Im ahulittopa ya ish yukoblichih mut, im ai o binili hulittopa ya akka ish pilushke.

45. Himitvt ahattah nittak a ish i yushkulolichishke; hufahya yo isht ish ompohomoshke. [Yukopa.

46. Hupakih kvtiohmih fokka ho, Chihowa ma, ish ile luhmi na billia hosh, isht chi annkhubela yet luak chohmit lua chih choh?

47. Chekosih fehnah kunia sia ka ish ithaiyanashke; nan ik vhabo nanta ha chi ho, huttak im vlla detta ka ish ikbi tok oh choh?

48. Huttak nanta hosh okchayvt ahattut nan illi ik peso hosh imish shilombish a illi aiasha ibbak a a hlvkuffichit im esha hinlah choh? [Yukopa.

49. A Shahlih ma, tikbah ma ish i huloh beka tok, nan isht ish ai ahlih mak o Lewi ya vnnumpah kullo isht ish im il onucchi tok muto?

50. A Shahlih ma, chi tishuh vhleha ba nan isht ik vhabalo ka, oklah lawa hosh ik si vhabalo moma ka sv chukvsh isht ieshi li ka,

51. Chi tunvp vhleha hut ishit sv kalukshichi ka, Chihowa ma, nan vhamut chim vltoka a nohowa ka ik vhabalo ka ish ithaiyanashke.

52. Chihowa hut hulittopa na billiashke. Amen, unonti Amen.

### ATULOA 90.

Unnumpah ilbussha Chitokaka immi huttak Moses vt ikbitok.

P<sup>I</sup> Shahlih ma, isht ai unchululiputta ka chishno ak osh pim ai ghatta chia hatuk oke.

2. Nvnih chaha putta kvt ik tobo kishah ma, yakni, yakni moma ka chik ikbo kishah mvt, ahattvt billia tuk osh abillia be Chitokaka chia hoke.

3. Huttak a fulumminchit lukfi pushi yo ish ikba chi kvt, "Huttak im vlla vhleha hut hvsh fulamashke," ish achishke.

4. Afummih tvhlebah sipokni achuffa kvt ant ayakmvt, chi nishkin itikba ya pilashash osh ant ibya ka chohmih, micha ninak o a biket atoni achuffa kak o chohmi hoke.

5. Okchito ohmit shat isht ish ia na, nusi kak o itillawwi hoke; hvsshuk vt onnahinlikma vliktit ia kak o chohmi hoke.

6. Yohuni ka onnahinlikma pukanli cha vliktit ia hoke; opyakma bushli tuk o, busshi hoke.

7. Chi nokua kak o pi tahakmvt, chi nukhubela kak o pi komunta hoka.

8. Nan ik pi ai ulhpeso putta ka chi tikba ish tukalechi cha, na luma pim asha ka chi nvsshuka atohwikeli ya ish tukkalechi hoke.

9. Chi nukhubela kak o pi nittak moma kvt kuninihya hoka: im anukfilah achuffah chomihchit pim afummih putta ka e tahli hoke.

10. Pim afummih nittak okuto yumm a afummih pukolih untuklo kak oke; mikmvt hlampko hatuk o afummib pukolih

untucchenah yoba hokmvno, yohmih kia nan a hlampko yvt  
nanah vtaklvma micha nanah keyu bieka hoke; tushpv ant  
ia hatuk o, helit e tumoa hoka.

11. Chi uokua yvt kullo ka, micha chi nukshopa he  
vlhpesa kak o chohmit chi nukhubela ya kuta hosh ithanah  
choh?

12. Uccukmalit ish pithvnanchikma, pi nittakutta ka  
e hutibna cha, chukvsh bupoyuksa yo il vhayuchashke.

13. Chihowa ma, hupakih kvtohmih fokka ha chih choh?  
Ish fvlama cha, chi tishuh vhleha ha ish i nukhaklashke.

14. Onnahinlikma nan isht ish i hullo isht ish pi fehu-  
blikma, pi nittak poiyuttah hlupulli ka tllohowvt na pi yok-  
pashke.

15. Nittak kunohmi ho nan ish pi pulummichi tuk o,  
asvmmih kunohmi ho nan ik achukmo e pihisa tuk a cho-  
mihchit ish pi yokpalashke.

16. Chi tishuh vhleha ha nanah ish yvmihichi vt i haya-  
kashke, mikma chim abulittopa yvt im vlla vhleha ha  
onuttoiyulashke.

17. Mikma pi Chitokaka Chihowa isht i kana yvt pi  
onuttoiyulashke; mikma pibbak nan a toksuli ya ish pim  
ai qhlichikmv, pibbak nan a toksuli ya ish ai qhlichashke.

## A T U L O A 91.

**K**UNA hosh Chaha i Shahli im ai vломака ya binnili  
kvт nan okluha i Shahli i hushintika yak o ahatta chi  
hoke.

2. "Um ai vtukko, a hulihta kullo, a Chitokaka, yummak  
o anukchieto li yoke," Chihowa ha acli la chi hoke.

3. Yummak osh hushvbi nan isht hukli ya, ililli ik  
achukmo aienah ma a chi kohchih pulla chi hoka.

4. Ilap senahchi ya isht chi omphohoma chi hoke, mikma  
svnahchi ak o ish ai atukko ya chi hoke; im vnnumpah  
ahli vt telihpa, micha tunvp aya nan isht im eltaha yoke.

5. Ninak o nanah a kumunta, nittak o uskinvki vt hikvt  
aya,

6. Ililli okpulo yvt aiokhlileka yo nowvt aya, vbeka

okpulo yet tubokoli ho nan okpunit tahlih kia, ish i nuk-shopa he keyu hoke.

7. Chi chapaka yä tvblepah sipokni, micha chim ishtim-pakimma yä tvblepah sipokni pukkoli hosh akkakoha hoh kia, chishno uno chi bilincha he keyu hoke.

8. Pe chi nishkin ak o pit isht ish hupopoyo cha, huttak ik vlhpeso vhleha hvt nan im vlhtoba kä ish pisa hi oke.

9. "Chihowa ma, chishno ak osh vm ai vtukko chia hoka." Chaha i Shahli ak o ish ai ahatta ish ikbi hatuk o,

10. Nan ik achukmo vt chi onuttula he keyuh, micha na pulummi nanah kia chim vlhtipo yoka bilincha he keyu hoke.

11. Chishno ai imma kä im enchel putta kä vtohno na, ish ataya moiyma kä chi hvllvlla chi hoka.

12. Chiyyi yä tvli isht chik ai isso ka chi kak o, ilap ibbak a fohkit isbt chi aya chi hoke.

13. Koi chito, hahta aiena kä ish a nowa chi hoke; koi himitta, sinti chito aiena kä ish vhvlhicha chi hoke.

14. "Si vsittia hoka, hlvkuffiche la chi hoke; sv hoh-chifo hä ithana hoka, achahaka binnilechi la chi hoke.

15. "Nan vm asilhhakma, ima la chi hoke; i pulum-mikma, ibafoiyukka la chi hoke; hlvkuffechi lish, hulittobli la chi hoke.

16. "Nittak fullaya ho isht im ai vlhpesuche likmvt, vm ai okchaya yä pisachit yokpali la chi hoke.

### ATULOA 92.

Hulittoblichit atvloa nittak hullo nittak a a tloa chi ho, tuba tok.

**C**HIHOWA hä yakoke im achikmvt, chi hohchifo hä nan ulachit ayokpuchi kä achukmvshke, Chaha i shahlih ma.

2. Yohmi kvt onnahinlikma isht ish i hullo, mikmvt ninak puttah isht ish ai ghli yä unoholi kvt,

3. Ishit tullakchi pukoli, micha vhlepah, micha hap a tulovt ulahachi kä achukmvshke.

4. Chihowa ma, isht ish ai ahatta ya isht is si yokpali tuk oka, chibbak vt na yvmihichi tuk a na yokput isht a tuloa la chi hoke.

5. Nan ish yvmihichi vt huchitoh fehnvshke, Chihowa ma; chim anukfila hut hufobih fehna hoke.

6. Hvttak nan vlhpoa chohmi vt ilvppa ithana he keyukma, im anukfilah iksho vt ilvppa vkostininchha he keyu hoke.

7. Hvttak haksi vhleha hut vlikti kvt haiyukpulo chohmikmt, nan ik vlhpeso yvmihchi moma kvt hulittopa kvt i shahlit mahaya kvt, aiokpulokvt billia chi kak osh yumohmi hoke.

8. Amba chishno yokuto achahaka ahattvt billia chia hoke, Chihowa ma.

9. Yakeh, chi tunvp vhleha hut, Chihowa ma, yakeh, chi tunvp vhleha hut aiokpuloka chi hoka: nan ik vlhpeso yvmihchiutta kvt ittvfemimput taha chi hoke.

10. Amba yvnush ak o chomihchit a lvpish a ish chahu-chi tuk oke; bila himona isht a si vhamma hoke.

11. Yvmohmi batuk o a tunvp vhleha ha sv nishkin vt yukpet pihisa hoke; wukayut um asunali vhleha hosh nan ik achukmo yvmihchi ya sv haksubish vt yokput haklo hoke.

12. Ai vlhpiesa yvt pam iti ak o chohmit pukanla chi hoke, chuahla yvt Lebanon a hikkia kak o chohmit hufantit ia chi hoke.

13. Chihowa im vboha a hullukchi hosh, pi Chitokaka i wanutaputta ka oklah a pukanla chi hoke.

14. Sipoknit tahah kia, vnit wayah immoma hi oke; okchi vlotah, okchakih aienah i oke.

15. Yohmi kvt, Chihowa hut ai vpissali yosh, a tuli chito, yvmm a nan ik vlhpeso nanah kia ik im iyiksho ka vnola chi kak oke.

kut isht il uskuffaiyachishke; yohmi hatuk o yakni ut kullo hikkia kut kuvilla he keyu hak inli hoke.

2. Chim ai o binili hulittopa yvt chashpoh pill a kash hikkia tok osh immoma hoke; abillia kash minti chia hoke.

3. Oka huchito vt olut, Chihowa ma, oka huchito vt qholut, oka huchito vt foput qholia hoh kia,

4. Achahaka binnili Chihowa hut chinto kt, oka lawah huchito kut okulhi o fuhokuchit qholah kia i shaiyahli hoke.

5. Nan isht chim ai vlhtukko putta kut ai ahlih fehna hoke; Chihowa ma, chim vboha ya hulittopa hak osh isht im ai vlhpiesah billia hoke.

#### ATULOA 94.

**C**HITOKAKA ilai uhukha Chihowa ma, Chitokaka ilai uhukha ma, ish ile hayakuchashke.

2. Yakni nan im apesa chiah ma, ish ile wukayuchashke; ilefehnuchi vhleha ba vlhtoba fulumminchit ish onuchashke.

3. Hupakih kutiohmih fokka ho huttak ik vlhpeso vhleha hv, Chihowa ma, hupakih kutiohmih fokka ho huttak ik vlhpeso vhleha hut im aiyuchit yuhukpa chih choh?

4. Lawachit nukwaya iksho hosh vnumpoholi hoke; nan ik vlhpeso ymihchi moma kut ilefehnuchi hoke.

5. Chihowa ma, chim okla ha litolit kanchi hoke, micha chimni ha i polummichi hoke.

6. Ohoyoh i huttak illi, micha oklah inla aien a ka illihichikmt, vlla vlhtakla ya ahabi hoke.

7. Yohni kut, "Chihowa hut pisa he keyuh, mikmut Chekob i Chitokaka yvt vkostininch he keyuh," achi kak oke.

8. Oklah im ai ittitakla ya vlhpoa ohmi huchiah ma, bush vkostininchashke; mikma im anukfilah iksho huchiah ma, kutiohmih fokkakinak o huchi hupoyuksa chih choh?

9. Haksubish a ikbit hilechi tok vt hakla he keyu boh choh? nishkin a ikbi tok vt pisa he keyu hoh choh?

10. Oklushiputta kā nā pūllummi onucchi vt im olvbecha he keyu hoh choh? Hvtak g nan ithana im abuchi
11. Chihowa hvt hvtak im anukfilahputta kvt yummvt nanah keyu hatuk g ithana hoke.
12. Chihowa ma, kūna hō nā huttpa ish onucchi cha, chī nan vlpisa a kohchi hosh ish im abuchi kvt,
13. Hvtak ik vlpeso yā hichukbi vt i kulvt tāhā tākla kā nan ik achukmo nittakputta kā a kohchit ish sohvicha chī kā, yummvt hvtak nā yokpa yoke.
14. Chihowa hvt im okla hā kancha he keyukmvt, immi hā issut ia he keyu hoka.
15. Nan vpesa kvt ai vlpiesa fulamvt ona chī hoka; mikmā chukvsh ai vmissali moma kvt iakkayvt ia chī hoke.
16. Kvta hosh nan ik achukmo yvmihchi vhleha hā i svnalit si vpelvt wvkaya hinlah choh? kvta hosh nan ik vlpeso yvmihchi vhleha hā i svnalit si vpelvt hikkia hinlah choh?
17. Chihowa hak osh si vpela yatuk keyukma, chekosih mak inli hō vmiss shilombish vt a chullusa yak o ont ahātta he atuk oke.
18. "Saiyi vt shukkvlvllishke," achi likma, Chihowa ma, isht ish i hullo vt sv hvllvllih chatuk oke.
19. Nā weki isht vm anukfilah lāwa kvt sv nukfoiyuk-kakma, isht ish hupohlvi vt vmiss shilombish g yokpalih chatuk oke.
20. Nan okpulo ai o binili, yummvt nan vlpisa yō nan ik achukmo isht ai ikbi vt chibai achvffa chīh choh?
21. Ai vlpiesa im ilhfiopak g im asvnalit ittvhoba hoke, micha nan okpuni keyu im issish g vnnumpah onucchi hoke.
22. Yohmih kia Chihowa hak osh ahluvuffi chaha g tubah mvt, g Chitokaka yvt vm ai vtukko tuli chito tuba tuk oke.
23. Atuk osh nan ik vlpeso yvmihchi yā fulvmminchit onuccih pulla cha, nan ik achukmo isht asha yak atuk mak o ishit kancha chī hoke; pi Chitokaka Chihowa hak osh ishit kancha chī hoke.

## ATULOA 95.

**I**NTAH! Chihowa ha iloh i twloashke, il ai okchaya twli chito ya iloh i shukapashke.

2. Yakoke achi hosh itikba iloh onashke; vba ishit twloa tulohowa hosh iloh i shukapashke.

3. Chihowa hut Chitokaka chinto yoka: chitokaka puttah moma ka i shahli Miko chinto yoke.

4. Yakni ahufobikautta kvt yummak ibbak ak o foiyukka hoke; mikma<sup>q</sup> nvnih achahautta kvt immi hoke.

5. Okhuta hut yummak o immi hoke; yohmi kvt yummak osh ikbi tok okvt: mikmvt yakni shila ma ibbak ak osh ikbi tok oke.

6. Intah! ayokpuchit iloh im vkahchunnolashke; hvp ikbi tok Chihowa itikba echo hachukbihlepashke.

7. Yummak osh pi Chitokaka yoka, mikma<sup>q</sup> pishno vto yummvt vpesahachi oklah, micha chukfulhpoa ibbak vt hvllvlli yo pia hoke. Himak nittak a im vnnumpa ha hvsh haklo hokbano!

8. Yohmi kvt Melibah a yummohmi tok a chohmit, yakni hayaka Massah aiyasha nittak vttok a chohmit hvchi chukush a hvchik kullocho kashke.

9. Yummak o hvch iki vhleha hut ai imomaka sv pesatok; vm atoksvli ya pihisa hak inli tuk okak osh, imomaka sv pesa tok oke.

10. Afummih pukolih ushta ho isht ai unchululi ya isht ai vm ahchiba tok; yohmi kvt, "Yummvt vm atayaputta ka ithanvt ayokpuchih keyu kak osh, chukush naksika ittunnowa okla hoke," achi li tok oke.

11. Yohmi hokvt sv nukhubela hosh vnnumpah kullo il onucchit, "Um afoha ya chukko he keyu hoke," achi li tok oke.

## ATULOA 96.

**C**HIIHOWA hoka<sup>q</sup> twloa himona yo hvsh i twloashke; yakni moma kvt Chihowa ha hvsh i twloashke.

2. Chihowa hoka<sup>q</sup> hvsh i twloashke, hohchifo ha hvsh

ayokpuchashke; nittak osh nittakma im ai okchaya ya hvsh ottvninchashke.

3. Im ahulittopa ya oklushi puttah im ai ittitakla, micha na fehna yvmmihichi ka oklah momah im ai ittitakla, hvsh ai vnoholashke.

4. Chihowa hvt chintoh, micha hulittopah fehna he vlhpesa yok: yvmmak o i nukshopa kvt chitokaka moma ka i shvlihcha he vlhpesa hoke.

5. Oklah puttah i chitokaka moma hokvto nanah keyu hokma, amba Chihowa hak osh vba putta ka ikbi tok oke.

6. Ahulittopa micha isht a chinto vt itikba aiyasha hoke; hlampko micha ayukli vt im ai ahatta hulittopa ya a tk-kali hoke.

7. "Chihowa immi hoke," hvsh ahashke; oklah ishta-tiaka puttah huchia hvt, "Ahulittopaka, ahlampko aien a kvt Chihowa immi hoke," hvsh ahashke.

8. Hohchifoh ahulittopa ya Chihowa hvsh emashke; nan isht ayokpuchi ilai ishit i wanuta puttah hvsh chukkoashke.

9. Ahulittopa ayukli yo ilai eshit Chihowa ha hvsh ayokpuchashke; yakni moma kvt itikba hvsh wunnihichashke.

10. Oklushi puttah im ai ittitakla ya "Chihowa hvt mikoshke; atuk o yakni yak kia kullo tullaya kvt kvnulla he keyuh; ai vpissali ho oklah putta ka nan im vpehisa hi oke," hvsh ai ahachashke.

11. Vba putta kvt na yokpashke, mikma yakni vt yok-pashke; okhvtah, nanah vluttoa aien a kvt winihahachashke.

12. Hayaka, micha nanah aiyasha moma kvt na yok-pashke; yohmikma kowih iti ai ashah putta kvt yukpa kak osh Chihowa itikba ya tulowashke.

13. Minti hoka: yakni ya nan im apesa chi hosh minti hoke; ai vlhpiesa hosh yakni moma ka im apesut, ai ahli hosh oklah putta ka nan im apesa hi oke.

2. Hushontih, aiokhlileka aienā hosh vpakfoiyupa hoke; ai vlhpiesa vpehīsa yosh im ai o binili hulittopa a hikkia yoke.

3. I tvnup vt vpakfoput aiyasha kā huknit tahla chi hosh, luak vt itikba ia hoke.

4. I mvlvtha yvt yakni ya tohwikelichi tok oke; yakni vt pesa cha, wunnichi tok oke.

5. Nvnih chahautta kvt Chihowa itikba ya, yakni momah i Chitokaka itikba nan akmo yo chohmit bila tok oke.

6. Ubautta kvt isht im ai vlhpiesa ya vnoholi hatuk o, oklah moma kvt im ahulittopa ya pisa hoke.

7. Na holbvt tuba ayokpvchi moiyma kvt, nanah keyu poiyutta kā isht ilawrta vhleha hvt hufahyashke; chitokaka moma kvt hush im vkahchunnolashke.

8. Chihowa ma, nan ish vpehīsa pulla kak o, Saion vt haklo cha na yokpah ma, Chutah ushetik vhleha yvt yokpushke.

9. Yohmi kā Chihowa ma, chishno ak osh chaha kvt yakni momah i shahli chia kak oke; chi holittopa kvt chitokaka moma kā ish i shahli fehnvshke.

10. Chihowa i hullo vhlehah ma, nan ik achukmo kā hu shittilemāh; i hulittopa vhlehah imish shilombish a ieshi hoke, hvttak ik vlhpeso vhlehah ibbak a kohchi hoke.

11. Hvttak ai vlhpiesa ya tohwikel hosh i hullukchikma, na yokpa yosh chukvsh vpissali vhleha ha i hullukchi hoke.

12. Ai vlhpiesa vhlehah ma, Chihowa hak o hush a yok-pashke; micha hulittopa isht ithaiyana ya yako ke hush im achashke.

### ATULO A 98.

Atloa yoke.

**N**ANAH a fehna yvmijichi tuk ak o, ibbak ishtimpak-imma micha shakba hulittopa ittetuklo kvt nan im aiya yo im utahli tuk ak o, Chihowa ha tloah himona hush i tloashke.

2. Chihowa hvt im ai okchaya ya ottvninchi tuk; oklushi puttah nishkin a im ai vlhpiesa ya i hayakvchi tuk oke.

3. Islael i chukkachvffa ya im isht i hullo micha im vnum-pab ahli ya im ithaiyana tuk; yakni out ai vlhi moma kvt pi Chitokaka i:n ai okchaya ya pisa tuk oke.

4. Yakni moma kvt Chihowa ha hvsh i shukapashke; chitolis hosh kohchit tulout nan ulachit hvsh ayokpvchashke.

5. Chihowa ha hap ulachit hvsh ayokpvchashke; bap, itib ishit tuloa aienashke.

6. Ishit pu:puttah micha lvish ola ho miko Chihowa itikba ya isht hvsh a shukapashke.

7. Okhutah, nanah vuttoah aiena kvt, yakni micha yumm a nanah aiyasha aiena kvt winihahachashke.

8. Oka huchito vt ibbak itta issqhochashke, nunih chaha putta kvt Chihowa itikba ya ittibaiachvffut tulashke.

9. Yakni ya nan im apesut vla chi hoka: ai vlpiesa ho yakni ya, ai vlpisali hosh oklahputta ka nan im apesa chi hoke.

### ATULOA 99.

**C**HIIHOWA hvt mikoshke; oklushiputta kvt wunnihichashke: mikot chelubim paknaka binnili hatuk o, yakni vt winakvchashke.

2. Chihowa hvt Saion binnili kvt chinto hoke, micha yummvt chaha kvt, oklah moma ka i shahli hoke.

3. Chi hohchifoh chinto micha pullummi ka ayokpvchashke; yummvt hulittopa hoka.

4. Yohmi ka ai vlpiesa vpesah ahninchikak osh miko vt ishit hlampko hoke: chishno ak osh ai itillawwit ai jm vlpisa ish hillechi tuk oke; chishno ak osh Chekob a ai vlpiesa vpesa ish ai vtahli tuk oke.

5. Pi Chitokaka Chihowa ha hvsh fchnvchashke, micha iyi ai o hikiya ittuma ya hush ayokpvchashke: yummak osh hulittopa hoke.

6. Na huletumpa isht im asha vhleha ha Moses, Elon itvtuklo kvt ibafokkakma, hohchifo ha i tahpahala vhleha ha Samuel vt ibafokkvt Chihowa ha i pa:hayakma, yummvt im vfalvmmichih beka tok oke.

7. Nan isht im ai vltukko: puttah, nan vlpisa ima tuk

aíena ká hulittobli hatuk o, hushontit hikkia ai áháttá hosh awet im vnumpohólih beka tok oke.

8. Pi Chitokaka Chihowa ma, chishno vt vnumpah ish im vfalvimmichih beka tok; nan vsshvchi ya im i kvshohóffi, micha nan okpahani ká ilai uhukha Chitokaka chia hvttok oke.

9. Pi Chitokaka Chihowa ha hush fehnachi cha, i nvnih hulittopa ya pit hush ayokpuchashke; pi Chitokaka Chihowa hvt hulittopa hoka.

## ATULOA 100.

Yakoke ahnit ayokpuchi atvloa yoke.

**Y**AKNI moma kvt Chihowa ha hush i shukapashke.

2. Na yokpa hosh Chihowa ha hush im antiashke, tvlohwvt itikba hush onashke.

3. Chihowa hak osh Chitokaka yoká hush ithanashke; yummak osh hvp ikbi tok o, immi hvapia hoke; ilap im oklah, micha ilap ak osh vpesahachi chukfulhpoa aíena ka hvapia hoke.

4. Yakoke aiyahnit ayokpahachit i huliht okhisa ya hush chukkoakmvt, i wanutaputta ká hulittoblihichit hush chukkoashke; yakoke im áhachit hohchifo ha hush ayokpahachashke.

5. Chihowa hvt achukma hosh, isht i hullo vt abilliakmvt, isht ai ábli vt isht ai unchululi poiutta kak kia mahaya hoka.

## ATULOA 101.

Atvloa Lewi vt ikbi tok.

**I**SHT i hullo micha nan ai vpesa yak o ishit tvloa la chi hoke; Chihowa chia hak o nan ulachit chi ayokpuche la chi hoke.

2. Ataya ya vpissalih achukma hosh hupoyuksvt aya la chi hoke. Kvtohmikmak o is svm ala chih choh? A chukka ya chukvsh vpissali hosh a nohowa la chi hoke.

3. Nanah okpulo ya su nishkin itikba tukalicie la he keyuh; naksika vt ittvnghowa yvt nanah a kvniohmi ka shittilema li hoke; si vlvppala he keyuh.

4. Chukush shunayoa yvt a filumma chi hoke; nan ik achukmo ya ithana la chih keyu hoke.

5. Hvtak bi<sup>k</sup>a lumvt na mihachi ya, yumm<sup>q</sup> ishit kanchi la chi hoke; nishkin chahuchi micha chukush isht ilawuta ya, yumm<sup>q</sup> ik yohini, ahni la he keyu hoke.

6. Si vpehvut aiyasha chi ho, ai ahli vhlehah yakni aiyasha ka sv nishkin vt o tulloha hoke; ataya vpissali yo a nohowa yvt yummak osh sv holittoblicha chi hoke.

7. Na baksichi isht ahatta yvt vm vboha anukaka ya ahatta he keyuh; vnumpah hulabi vnumpuli vt sv nishkin itikba ya hikkia he keyuh.

8. Nan ik vlhpeso ymihchi moma ka Chihowa i tvmahah chito ya a kohchit ishit kanchi la chi kvt, hvtak haksi moiymah yakni aiyasha ka onnahinli aiyukali ka aiokpvninchit tahahli la chi hoke.

## ATULOA 102.

Nan i pvlvmin i vnumpah ilbussha ya ish hak-lashke; mikma pahaya li kvt chim onashke.

C CHIHOWA ma, vm vnumpah ilbussha ya ish hak-lashke; mikma pahaya li kvt chim onashke.

2. A svlbussa nittak a chi nusshuka ya is sa luhmin nah; chi haksubish a et is sa welashke; chi pahaya li nittakma, tushput is svn aighlichashke.

3. A nittak vt shubulli hak o chohmit tvmovt taha hoka.

4. Sv chukush a issokma, busshi kvt hussuk ak o chohmi hoke; a puska vpa la he tuk vt vm ihaksi hoka.

5. Kiffahaha li kak o, svf foni vt sun nipi ya vkul-loshke.

6. Yakni hayaka ahatta chvlantakoba yak o chohmi li hoke; opa hosh chukkillissa ahatta kak o chohmi tuba lishke.

7. Ik sv noso kak osh, hushi iskitini yoshi ilap bieka hosh chukka ishit holmo o binnili kak o chohmi li hoke.

8. Nittak aiyukali ka a tunvp vhleha hvt ik si vhobalot

vnumpuli hoke; a nukhubela vhleha hut inla vnumpah onucchi kvt, sv hochifot, yummak o ohmit i puvlinmi hokbano! ahni hoke.

9. Hittuk chubi ya pwska chomihchit vpa likmvt, nan ishko li kvt, sv nishkin okchi ittyummit ijishko li hoke.

10. Yohmi ka chim okpuloh, micha chi nukhubela kvt, vba isht is sv ia cha kuninima pit is sv pela kak oke.

11. A nittakputta kvt hushontika fulayvt mahaya kak o chohmi hoke, mikma vno vt hvsshuk ak o chohmit busshi li hoke.

12. Amba chishno vto ish binnili na bilia chi hoke, Chihowa ma; mikma ishit chithaiyana yvt isht ai unchululi putta ka tukkalit mahaya hi oke.

13. I kana he ulhpiesa nittak, nittak ulhpisa yvt vla hoka, ish wukaya cha Saion a ish i nukhaklo hokbano!

14. Chi tishuh vhleha hut i tuli putta ka i hullokmvt, i lukfi pushi ya ishit nukhaklo hoka.

15. Mikma oklushi putta kvt Chihowa hohchifo ha i nukshopakma, yakni i miko moma kvt chim ahulittopa ya hulittoblashke.

16. Yohmi ka Chihowa hut Saion a ikbit, isht a hulittopa ilai ieshi hosh hayakah mvt,

17. Nan ik im iksho im vnumpah ilbvssha ya pit filemvt i hulittobli cha, im vnumpah ilbvssha ya ik sh'atilemo ke tuk ak ashke.

18. Illypput isht ai unchululi himmak aiyasha hi a i hulissa hi oke, mikma oklah tuba hi vt Chihowa ha hulittoblicha hi oke.

19. Im achahaka hulittopa et hupokoyot Chihowa hut vba binnilit yakni ya et pisa hoka.

20. Yohmi kvt yuka kiffahaha ka awet haiyakla chi kak oke; illa chih im ulhpisa vhleha ha i hutuffa chi kak oke.

21. Yohmi ka Saion a Chihowa hohchifoh, micha Chelusalem a a hulittoblichi ai vnohola chi kak oke.

22. Yohmi kä oklah puttah, micha apchlichika puttah aieno kvt ittvhobut Chihowa im antia chi hosh ittvnahakmak a hi oke.

23. Ataya ya vmi lhampko ha ai akkaluscchishke, g nittak g yustulolichishke.

24. Nan ghachi li kvt, "A Chitokaka ma, g nittak ai ikluunna ya chik si ai esho kashke; isht ai unchululi ittubikhuchi kä chim afummi hvt hlupullit mähaya hoke.

25. "Ummmonah ma yakni ya ish ikbi tok, mikma vbaputta kvt chibbak atoksvli tok ak oke.

26. "Yummma putta kvt aksha hi oke, amba chishno vto ish hikkia hi oke; mikma yummma moma kvt näföhka chohmit litovt taha hi oke; ilefohka yo chomihchit ish inlachi na inlv tuba hi oke.

27. "Ambo chishno vto mihi yash inli hosh ish ghatta hoke, mikma chim asemmi hvt ont ai vlha he keyu hoke.

28. "Chi tishuh im vlla vhleha hvt mähaya he, mikma im ishtatiaka yvt chi tikba hielo hi oke," achi lishke.

## ATULOA 103.

Atvloa Lewi vt ikbi tok.

**C**HIIHOWA ha ish ayokpvchashke, vmiss shilombish ma, micha nanah sv foiyukkah moma kvt hohchifoh hulittopa ya ish ayokpvchashke.

2. Chihowa ha ish ayokpvchashke, vmiss shilombish ma, mikmvit nanah achukma momah vm vtähäli tuk g ik chim vhakso kashke.

3. Yohmi kä yummak osh nan ik chi ai vlhpeso puttah moma kä chi kvshögöfli, chi vbeka puttah moma kä chi hlakuffihichi,

4. Chim ilhfiopak g ahulluppi chi a hlvkuffihichi, isht i bullo inicha isht i nukhaklo aieno hö ishit chiachukolihichi yoke.

5. Ish ghatta nittak g nanah achukma ishit chi fehögöbli hatuk o, ussi ak o chohmit vlbitvt chi hemitta hoke.

6. Inla yosh i pvlymmiche tuk moma kä Chihowa hvt ai vlhpiesa nan im vpehisa yoke.

7. Im ataya putta ka Moses a im ottuninchit, nä fehna yvmihichi ya Israel im vlla vhleha ha im ottuninchih beka tok oke.

8. Chihowa hvt i nukhaklo, micha i kana, nukhubelah svla, micha isht i hullo i lawa yoke.

9. Im afoa kut abillia he keyukmvt, nukhubelah ieshi kut abillia he keyu hoke.

10. Yohmi kut nan il vsshahachi ak o ai iakaya hosh nä pi kaniomihchih keyukmvt, nä pi yoshooba yak o ai iakaya hosh nä pi onucchih keyu hoke.

11. Yohmi kut vba yvt chaha kut yakni ya i shahli ka chohmit, im isht i hullo yvt i nukshopa vhleha ha onuttoiyula kut chinto hoke.

12. Hvshakuchaka yvt hupaki kut hvshaiokvttula kak o chomihchit, nan vlhpisa e kubahaffi tuk a hupakichit pi filummichih yoke.

13. Iki yosh im vlla vhleha ha i nukhaklo ka chohmit, Chihowa hvt i nukshopa vhleha ha i nukhaklo hoke.

14. Yummak osh lukfi pia ha vkostininchih mvt, kvnior mi hosh e tuba tok a ithana hokvt.

15. Huttak okvo i nittak vt hvsshuk ak o chohmi hoke; nä pukanli vt bayaka aiyasha kak o chohmit, yummvt pukanli hoke.

16. Mahli hvt vbanvblikma, iksho hoka: yohmikma a hikia tuk vt himakma ithana he keyu hoke.

17. Amba Chihowa im isht i hullo yvt i nukshopa vhleha ha onuttoiyula kut abillia tok osh abillia hi oke, micha nan im ai vlhpiesa yvt ushi vhleha ha im vlla yak kia onvt onuttoiyula kut,

18. I nan ittim vlhpisa hulittobli vhlehah, i nan vlhpisa putta ka ithaiyanvt yvmihchi vhleha ha onuttoiyula hoke.

19. Chihowa hvt im ai o binili hulittopa ya vba yak o a hillechih ma, im apehlichika yvt mominchit a pehliechi yoke.

20. Yohmi hoka hlampkoh i chinto, im vnnumpah hypnaklo hosh im vnnumpah yvmihichi, im enchel hvchiah ma, Chihowa ha hvsh ayokpvchashke.

21. Nan isht im vta hvchia, nan ai ahni ka hrsh yumi-hichi, i tushka puttah ma, Chihowa ha hrsh ayokpuchashke.

22. Im apehlichika kvnimmah momah aiyasha, nan vtahhli tok puttah momah ma, Chihowa ha hrsh ayok-puchashke; Chihowa ha ish ayokpuchashke, vimish shilombish ma.

## ATULOA 104.

**U**MISH shilombish ma, Chihowa ha ish ayokpuchashke; a Chitokaka Chihowa ma, chi chintoh fehna hoke; isht a hulittopa chitoh fehna ka ish a foiyukka hoke.

2. Yohmi kvt tohwikeli ha anchi ak o chomihchit ish anchi hoke; vba shutik a isht vlhtipo nantunna yak o chomihchit ish wtvummi hoke.

3. Yvmmvt im vba putvlhpo ya oka yak o ikbit a tlali yoke; hushontihputta kak o im itichvnlli ikbi yoke; mahlih sunahchi yak o o binilit kvnllit aya yoke.

4. Mahlihputta kak o im vnnumpah shali ikbi hoke; luak libbi yak o nan isht im vta vhleha ikbi hoke.

5. Yakni ya nuta i tola ikbit ai o tlali tok o, yvmmvt kvnlla he keyu ho billivt billia hoke.

6. Ahufobika ya anchi chomihchit isht ish ompohomo na, oka yvt nvnih chahaputta ka ompoholmot tullaya tok oke.

7. Ish im olvbih ma, tvmoa tok oke; chi hiloha hvt olah ma, tushpvt tvmoa kvt,

8. Nvnih chahaputta kvt vba iya na, okfahputta kvt akka iah ma, kvnimma ish ai im vtahli tuk a ont tullaya tok oke.

9. Fvlamvt yakni ya ik ompohomo ka he mak o, im ai vlni ik vbanvblo ka chi ho ish im apesa tok oke.

10. Kvlihputta ka okfahpit yvnvllechi na, nvnih ittitakla ya a yvnahhlli hoke.

11. Yakni hayaka nampoa aiyashaputta ka oka ipeta hoke; issubah nashoba nukshopaputta kvt itukshila tuk vt im a yukopa hoke.

12. Paknaka ya vba hushiputta kvt aiyasha hoke; iti naksishputta ittitakla ka binilit awet ai ohola hoke.

13. Im vba putulhpo yak o nvnih chahautta ka et ai on umbuchi hoke; yohmi ho nan ish vtahahli a waya yak o yakni vt isht vlotra hoke.

14. Nan vllipoa ya hvsshuk im ussochechi cha, huttak vt yakni ya illimpa a kohchi hosh isht im ai achukma ka, nan usso a im ussochechi hoke.

15. Yohmi kvt oka pakki vt huttak chukush yokpalikma, nesshuka ya bila ishit shohmvlalichikma, puska yut huttak chukush a hlampkochih aienca chj kak oke.

16. Chihowa im iti puttah, chuahla ya Lebanon a hokchi tok a isht a shummit vlottoa hoke.

17. Yvmma hushi chipinta yut vlhpicchik ai ikbi hoke; iti kusha yaya holba yak okvto shakulo hak osh i chukka yoke.

18. Nvnih chahautta kak osh issikusoma nukshopa aiasha yoke; tvli huchito yak osh chukfi holba puttah a luma yoke.

19. Hushi isht vlpisa ya chi ho, hush ninak aya ya ikbi tok oke; hushi vt ai okvttula hi vt ithana hoke.

20. Okhlili ha ish vpesakma, ninak oke; yohmikma nampoa puttah kowih aiyasha moma kvt ilhkolut wukaya hoke.

21. Koi huchito himithoa yut im ilhpak a Chitokaka im a hoyo hosh, nan vbih bunnut kilij*hiha* hoke.

22. Hushi vt kohchakma, t<sup>u</sup>moa cha, im aiasha ya ont kahpoa hoke.

23. Hvttak okvto atoksvli micha nan isht ai vtaa iwt ont isht ahatt na opya hoke.

24. Nan ish ai vtaahli tok vt lawah fehnushke, Chihowa ma; im punna hosh yvmma moma ka ish ikbi tok oke; yakni vt na chimmi ya isht vlottovshke.

25. Ilvppak osh okhvtah chitoh micha vwatah bieka hoke: yvmmak o nan ilhkoli aholhtina iksho kvt nampoa chipunta, huchito aienca hosh aiyasha hoke.

26. Yvmmak o peni huchito vt ai ittunnowakma, yvmma ai ihlawvlla chj ho ish ikbi tok ak o, lefayahlan vt aya hoke.

27. Ont ai vlhpiesakma im ilhpak ish ipeta chi ho, yummā moma kut pit chi anukchieto hoke.

28. Ish ipetakma, ayowa hoke; chibbak a ish wvkum-mikma, nanah achukma ishit fihopa hoke.

29. Chi nvsshuka ya ish i luhmikma, kummunta hoke; im ilhfiopak a ish im ai ishikma, illi cha, a tuba tok lukfi a fulamv̄t tuba hoke.

30. Chimish shilombish a ish pilakma, tuba kak o, yakni paknaka ya ish himonvchi hoke.

31. Chihowa a hulittopa kut abilliashke; Chihowa hut nan vtahahli tuk vt isht a yokpashke.

32. Yvmm̄t yakni ya et o lupokoyokma, winakvchi hoke; vnnih chahaputta ka putolikma, shubulli hoke.

33. Si okchayah t̄akla kut Chihowa ha i tl̄ohowa lashke; ah̄atta lih immomah ittitakla kut a Chitekaka ya nan ulachit ayokpuche lashke.

34. Yvmm̄a isht anukfillit tl̄ohowa li kut i champulashke; vno mvt Chihowa ha isht a sv yokpashke.

35. Nan vsshuchi vhleha hut yakni ya a lushomut kunnia cha, hvtak ik vlhpeso vhleha hut himakma iksho kashke: vmiss shilombish vt Chihowa ha ish ayokpuehashke. Chihowa ha hu holittoblichih.

**C**HIIHOWA ha yako ke hvsh im a hashke; hohchifo ha hvsh i payashke; nanah a yvnihi chi tuk a oklah puttah im ai ittitakla hvsh ai ottvninchashke.

2. Hvsh i tl̄oashke; nan ulachit hvsh ayokpuehashke; nanah fehna yvnihi chi tuk moma ka isht anukfillit hvsh tl̄ohowashke.

3. Hohchifoh hulittopa ya isht hvsh ilawvtashke; Chihowa ho ho yo vhleha hut chukvsh na yokpashke.

4. Chihowa ha, micha imi lhampro ya hvsh hoyashke; nvsshuka ya hvsh ho ho yo na billiashke.

5, 6. I tishuh Eblaham im ishtatiaka, Chekob im vlla vhlehab, im vlhtoka vhlehab ma, nanah fehna yvnihi chi

tok a, i na fehna puttah, itih nan vpehisa tok aienā kā hvsh ithaiyanashke.

7. Yummak osh pi Chitokaka Chihowa hoke; nan vpehisa tuk vt yakni moma kā aiyasha hoke.

8. Nan ittim vpesa tok vt ithaiyana na billiushke; vnum-pah vpesa tok vt ithaiyana kvt isht ai unchululi vhlelah sipoknih kia ona hoke.

9. Yohini kvt yummak oka Eblaham a nan ittim vpesa tuk osh, Aisak a vnum-pah kullo im il onuechi tuk osh,

10. Chekob a nan vlhpisa mak o i hillechit, Islael a nan ittim vlhpisa billia mak o i hillechi kvt,

11. "Kenan yakni vt huchimmi hosh yakni huchim vlhpisa ya chi ho, chishno ak o chima la hi oke," ahachi tok.

12. Huttak holhtina, kvnomosih, micha oklah ik ithano yosh yummak o a hieli hosh,

13. Oklushi achuffa kā a kohchut oklushi inla im onvt itvnohōwut, apehlichika achuffa kā a kohchut oklah inla im onvt itvnohōwali ma,

14. Huttak nanah kia, ik ilbusshali, ik ahnoh mvt, yummak atuk pullah mak o miko putta kā im alvmit,

15. "Nan vhamut vm vlhtoka vhleha hā hvsh putolin náh, micha a hupayi vhleha hā nan ik achukmo hush i yvmilichin náh," ahachi tok.

16. Atuk osh hohchufoh chinto kvt yakni yā onuttula chi ho vpesa tok; isht ai okchaya paska yā kubuffit kanchi tok.

17. Oklah itikba yā huttak achuffa kā chvffichi tuk vtto; yuka ha chi ho Chosef a oklah kanchi tok.

18. Iyi yā tulabehlit huttupali tok; i pullummi hosh tuli chukko tok.

19. Chihowa hvt nan achi tuk vt imomaka pihisa na, im vnumpa hvt ont ai ahlih nittak a onah ma,

20. Miko vt vnum-pah pit pilvt i mukuffi tok; oklah puttah pehlichī ash kia pit pela cha, yuka issuchi tok.

21. Ilap i chukkachuffa yā i shahli, micha im ilayak moma kā pehlichī ikbit hilechi tok oke.

22. Yohmi k<sub>a</sub> vlpesah ahnikmvt, i k<sub>a</sub>piteni vhleha h<sub>a</sub> takcha chih, micha im vssvnonchi vhleha h<sub>a</sub> hopoyuksvla chi kak vtrok oke.

23. Atuk o Islael vt Echip a ona cha, Chekob vt Ham i yakni ya ai ahatta tok.

24. Mihma im okla h<sub>a</sub> vpaknvchih fehna cha, hlampko-chi kvt i t<sub>n</sub>ampi vhleha h<sub>a</sub> i shvlihchi tok.

25. Chukvsh a filimmechi na, im okla h<sub>a</sub> i nukkillit, i tishuh vhleha h<sub>a</sub> haksihichi tok.

26. I tishuh Moses a, micha ilap vt vtokuli tuk Elon ittvutuklo k<sub>a</sub> pit tihleli tok.

27. I nan isht vtukkoa puttah, i na fehna puttah aienka Ham i yakni ya okla h<sub>a</sub> ai i hayakahachit okla tok.

28. Okhlili ho et pela cha, okhlilechi tok; mihma im vnuumpa h<sub>a</sub> ik i svnalo kit okla tok.

29. Im oka ya inlvchit issish ikbi cha, i nuni ya vbit tahli tok.

30. I yakni ya shukvttiputta kvt vlotatok; i miko vhlehah im vboha yak kia aiyasha tok.

31. "Ik yohmi," achih ma, wvhlanaholba yvt ant koh-chah ma, issvp kia i yakni ont ai vlihah fullota k<sub>a</sub> ant kohcha tok.

32. Umbah omihchi hosh hvtaffo, luak libbi ho i yakni ya ai ema cha,

33. I pakkipi, i fikupi aienka issot kanchih mvt, i yakni ont ai vlihah fullotah iti aiyasha k<sub>a</sub> chulhit kanchi tok.

34. "Ik yohmi," achih ma, hawa, shvkinli aienka kvt aholhtina iyiksho hosh vlah mvt,

35. Haiyukpulo i yakni aiyasha k<sub>a</sub> mominchit vpt tahlih mvt, i yakni nan a waya tuk a vpt tahli tok.

36. Atuk o vttahpi, i yakni aiyasha moma k<sub>a</sub>, imi lhampko moiymah tuba vmmona ya issot kanchi tok.

37. Mihmvt tvli hvta, tvli hulisso lakna aienka ishi ho pehlichit ishit kohcha tok; apehlichit puttah yvmm<sub>a</sub> hvttak ik vhoboh imma kvt iksho ki tok oke.

38. Kohchut ilhkolih ma, Echip vt na yokpa tok; i nukshopah fehna hatuk okut.

39. A luma chī kā hushonti hō wutummit, ninak a i toh-wikelicha chī kā luak o vba tukalichi tok oke.

40. Oklah asilhhah ma, kufi hō isht im vla tok, mihmvt vba prska yo okla hā ishit fihobli tok.

41. TuLi chito mituffih mā, oka yvt et fuhopah mvt, okhina yosh chukushmi ya a yvnvlli tok oke.

42. Im vnnumpah hulittopa ya i tishuh Eblaham ittim apesa tok vt ithaiyana tok okvt.

43. Yohmi hatuk osh im okla hut nā yokpa hō, vtokuli tok vhleha hut yukpvt tulohowa hō pehlichit kohcha tok oke.

44. Atuk osh oklushi puttah i yakni ya ihima na, oklahputta kvt toksvlit nan vtahli tuk a ishi tok oke.

45. Yohmi kā im vnnumpah vlpisa putta kā hulittobli cha, i nan vlpisa putta kā hulittoblit iesha chī kak vttok oke. Chihowa hā hu holittoblichih.

### A T U L O A 106.

**C**HIIHOWA hā hu holittoblichih. Chihowa hut achukma hoka, yakoke hush im ahachashke; isht i hullo yvt abillia hoka.

2. Kvta hosh nā chinto Chihowa hut yvmihichi tuk a vnola hinlah choh? kvta hosh yvmma hulittoblich moina kā hakluchecha hinlah choh?

3. Nan vpesa tok a hulittobli vhleha hut nittak aiyukali kā ai vlpiesa yvmihchi vt nā yokpa hoke.

4. Chihowa ma, chim okla hā isht ish i kanah chatuk mak osh, isht is svthaiyanashke; chim ai okchaya ieshit is sa nowashke.

5. Yemohmi nā chim vltoka vhlehab isht im ai achukma kā pisvt, chim oklushi vt nā yokpa kā nan ishit yokpvt, oklah chimmi hā ibai ilawvta lashke.

6. Piki vhleha hā tāklvt il vsshvchi tuk, nan ik ai vlpieso yvmihchit pi yoshuba tuk oke.

7. Pi tikba vhleha hut Echip aiyashah mvt, nan inlah fehma ish yvmihichi tuk a yohmih ik abno ki tok; isht ish

i hullo apakna kä ik ithaiyano hosh, okhutah ontolaka, Okhvtah Humma yä ai i filummit chim asvnali tok oke.

8. Ymohmih kia ilap hohchifo hatuk pullah mak o, nan isht im ai əhli yä ottvnincha chi hosh, okchalinchi tok oke.

9. Mihmvt Okhvtah Humma yä i meha na shippvt shilut tahah mä, ahufobika yash yakni hayaka chomihchit ai ittunowchit hlupullechi cha,

10. I nukkilli ibbak ä a kohchit okchalinchi hvt, i tunvp ibbak ä a kohchit hlukuffichi tok oke.

11. Amba i tunampi vhleha hä oka yvt ompohomo na, achvffah kia hikiya tok keyu hoke.

12. Mihmä im vnnumpah,putta kä yimmi hatuk osh, hulittoblichit oklah tvlohogwa tok oke.

13. Chekosih mak inli ho nä yvmihinchi tuk ä oklah im vhaksi tok; im anukfila hvt ai əhla chi kä ik hoyo hosh,

14. Amba yakni hayaka yä a pushkvnoh fehna cha, chukushmi yä Chitokaka ai imomaka pisa tok.

15. Mihmä nan asilhla tuk ä imah mvt, imish shilombish ä chunna yo onucchi tok.

16. Atuk o binah aiyashah mvt, Moses micha Chihowa i hulittopa Elon ittvutuklo kä i putvnnoh mä,

17. Yakni vt wukama cha, Tehlan ä ishit nanvbligh mvt, Abailam ittvpeha yä ompohommo tok.

18. Mihmä luak osh ai ittvpeha yä a luah mvt, hvttak ik vlpeso vhleha hä luak libbi hosh hukmit tahli tok oke.

19. Holcb ä wakushi holba yä ai ikbi cha, nan akmi yo im vkahchunnoli hosh,

20. Isht a hulittopä yash hvsshuk əhapa wak holba yo isht ittvoba tok.

21, 22. Echip ä nä huchito a yvmihichit, Ham i yakni yä nan inlah fehna yo a yvmihichi tuk osh, Okhvtah Humma yä nanah pvllemmi yo a yvmihichi hosh okchalinchi tuk Chitokaka yä im vhaksi tok oke.

23. Mihmä vtokule tuk Moses vt im anukhubela yvt isht ik kancho ka chi kä fvltmmicha chi hosh alvkofa tvkanli kä, yvmma itikba hikkia hatuk keyukma, ishit kancha chi miha tok oke.

24. Atuk o vñonti yakni achukma ya shittilema tok; im vñnumpa ha ik yimmoh mut,

25. Im vñhtipo puttah aiyashut ilachua tok; Chihowa im vñnumpa ha oklah ik hyponaklo ki tok.

26. Mihina ibbak a wielit, yakni hayaka ya ai akkakohliche tuk osh,

27. Im ishtatiaka ya oklushi puttah im ai ittitakla ai akkakohlechi cha, yakniputta ka ai itvsemibla he, vñnum-pah im il ouucchi tok oke.

28. Atuk o Baal Peo ya oklah ibullitoh mut, nán okchaya keyuputta ka im issvt isht ayokpvchi tuk a oklah ahapa tok.

29. Mihmut nan okpulo yvñohomit, oklah nukorchi kak o, ililli okpulo vt kucchut onuttohla tok oke.

30. Yohmih ma Finchas vt wukayvt hikkia cha, nan im apesvt onuechih ma, ililli okpulo vt yukopa tok.

31. Mihmut isht ai unchululi mahayvt abillia ka ai vlpiesa yo isht im vlpiesa tok oke.

32. Atuk o Melibah oka a nukoachi na, yvmmak atuk pullah mak o nan ik achukino vt Moses a onuttula tok.

33. Im anukfila ha asunnali na, ittiulbi ya ahah ik ahno hosh isht vñumpuli tok oka.

34. Chihowa hvt i miha tuk okak o, oklahputta ka isht ik kancho hosh,

35. Amba oklushiputta ka vyokoma cha, yvmmetnanah a kvniohmih chatuk a oklah itlvna tok.

36. Mihmut i na holbet tuba putta ka ayokpahachih ma, nan isht a yuka i tnba tok.

37. Mihmut ushi vhlehah, ushetik vhlehah aienak ka shilombish okpulo putta ka vbit isht ayokpvchi tok.

38. Yohmi kvt nana ho okpuni tuk keyu issish, ilap ushi micha ushetik vhlehah aienah im issish a hlvblit, na holbet tuba Kenan aiyasha ka isht ayokpvchi ho, yakni vt issish hlvahapa yo ishit litcha tok oke.

39. Yvñohomi kak osh ilap nanah a kvnighomi ak inli ho isht a litcha cha, nan okpulo yvñihichi kak osh hawo tuba tok.

40. Yohmi hatuk ə Chihowa im anukoa yut im okla ha isht i nukhubela cha, immih okla ha shittilemah mvt,

41. Oklushiputta ka ibbak sohki na, i nukkilli vhleha hak osh pehlicchi tok.

42. Mihma i tunvp vhleha hut ilbusshalih ma, ibbak i nutakut vakahchunnoli tok oke.

43. Himonah kohchijichih kia, ilap im anukfilah isht i svnalih mvt, nan ik vhlpeso yvmo<sup>h</sup>omi kak osh akka ittulut kvnia tok.

44. Atuk ə pahaya na hakloh mvt, nan im a pullummi ka pesa cha,

45. Nan ittim apesa tok vt ithaiyanvt, isht i hullo chinto hatuk pullah mak osh i nukhaklo tok.

46. Mihmvt yukachi tuk vt momvt i nukhakla chi ka nukfokki tok.

47. Pi Chitokaka Chihowa ma, ish pi hlakuffechi cha, oklushi puttah a kohchit ish pittenahli na, chi holchisoh hulittopa ya yakoke im aiyahnit, chi hulittoblich i ya isht il ilawvtashke.

48. Israel i Chitokaka Chihowa hut hulittopa kut abillia tok osh abilliashke; mikma oklah moma kvt, Amen, ahashke. Chihowa ha hu holittoblichih.

### ATULOA 107.

**C**HIIHOWA hut achukma hoka, yakoke hvsh im aha-  
chashke; isht i hullo yut abillia yokə.

2, 3. Chihowa hut hlukuffiche tuk, i tunampi ibbak a a kohchit hlukuffechi cha, yakni puttah, hvshakucchaka micha hushaiokvttula, fulvmmih micha oka mahli aienā ka a kohchit itvnahli tukutta kut yummak ash ə oklah ahashke.

4. Yakni hayaka ya chukushmi foka hina yo yushobut itvnovut, ai asha hinla tvmahah ik vhayocco kak osh,

5. Hohchvfoh, ituksilah aienā hosh, imish shilombish vt im okblilit kvnnivshke.

6. Yohmih mvt ilbussha kak osh Chihowa ha i payah ma, im ai vtikkunofa hielih ma, yummə a kohchichishke.

7. Mihmvt ai asha he t̄umahah oklah ona ch̄i h̄o, hina ai vpissali yo a nowuchit isht ia hoke.

8. I hullo, micha huttak im vlla vhleha h̄a nan inlah fehna i yumihičhi aienā hoka, Chihowa h̄a yakoke im aha-chashke.

9. Shilombish itukshila ya fioblikmt, shilombish koh-chuso ya nan achukma h̄o ishit kaiyvchi hoka.

10. Aiokhlileka micha ai illi okhlili ahašhwā hosh nan i p̄vllvñmit t̄uli ishit t̄ullakchi kv̄t,

11. Chitokaka nan ahačhi tuk a i svnali cha, Chaha i Shahli im anukfila h̄a shittilemt kanchi kak o,

12. Yohmi hoka n̄a p̄volummi onucchet chykvsh a vkah-chunnulechishke; ibeteblit akka ittulah m̄a, vpela hi vt iksho ke tuk oke.

13. Yohmih m̄a ilbussha kak osh Chihowa h̄a i payah m̄a, im ai vtikkunofa hielih m̄a, yumm̄a a kohchit hlukfichishke.

14. Aiokhlileka micha ai illi okhlili aienā k̄a a kohche-chi cha, im ishit t̄ullakchi putta k̄a tvptulishke.

15. Isht i hullo, micha huttak im vlla vhleha h̄a nan inlah fehna i yumihičhi aienā hoka, Chihowa h̄a yakoke im ahačhashke.

16. Usonak lakna okhisa putta k̄a kubbuffikmt, t̄uli okfovtkuchi ya ittvhukkuffi hoka.

17. Im anukfilah iksho vhleha hokvto nan vlpisa kubuffit hikikiyah, micha nan ik vlpeso yumihičhi kak osh il ilbusshali hoke.

18. Ai illi okhisa ya bilikaših fehnah ona kak osh, nan illimpa putta k̄a imish shilombish vt i yuwala hoke.

19. Yohmih m̄et ilbussha kak osh Chihowa h̄a i payah m̄a, im ai vtikkunofa putta k̄a a kohchit okchalin-chishke.

20. Yohmi kv̄t hlukuffechi cha, aiokpulokvt taha ch̄i tuk a a kohcha ch̄i hosh im vnnunipa h̄a i pila hoke.

21. Isht i hullo, micha huttak im vlla vhleha h̄a nan

inlah fehna i yumihiči aienā hoka, Chihowa ha yakoke im aħaħashke.

22. Mikmvt yakoke ahnit isht ayokpuchi putta kā isht ayokpachi cha, chitolit tuloa bosh nā yumihiči tuk a unolashke.

23. Peni huchito vlbekht okhvtah chito ittvnnowvt, oka huchito ya nan isht ai aħħawha,

24. Yvinnak osh Chihowa nan vtħaqħħli ya, micha ahufobika ya nan inlah fehna a yumihiči kā pisa hoke.

25. Yohmi kā meħa cha, mahlih kullo ikbi na, bvnvtkvchi ya chahvchishke.

26. Shutik pilah oklah oiya hoke, ahufobika ya pit okvtaha hoke; imish shilombish vt nan ik achukmo isht a kumuntut kvunia hoke.

27. Hvtak oka haksi yo chohunit fayokahachikmvt, im ahupoyuksa moma kvt i kvunia hoke.

28. Yohmih mvt ilbvssha kak osh Chihowa ba i payah mā, im ai vtikkunofa hieliħ mā, yvimmā a kohchichishke.

29. Mahlih kullo yatuk a lohmvt mahlechi na, oka bvnvtha yvt chullosvshke.

30. Mihmvt yukopvt tullayah ma, nā yokpa hoke; mihmā ai vtaya onah bvnna tuk a isht onushke.

31. I bullo, micha hvtak im vlla vhleħha ha nan inlah fehna i yumihiči aienā hoka, Chihowa ha yakoke im aħaħashke.

32. Mikmvt oklah ittvnaha ai ittitakla ya chahvchit ai ayokpuchikmvt, vssvnonchi vhleħħah ittvsamvt chieya ai ittitakla ya a hulittoblichashke.

33. Oka a yvnvlli putta kā chukushmi foka ikbikmvt, kvlħiħ putta kā yakni shila ikbit tulohli hoke.

34. Yvimmā aiyasha kvt haksi hatuk pulla kak o, yakni manah a waya achukma yatuk kia, yakni htpih humi ikbi hoke.

35. Chukushmi foka ya oka tuloha ikbikmvt, yakni shila yatuk a kvlħiħ puttah ai ikbi tuk osh,

36. Yummä hvttak hohchuso yatuk a ai vshachi na, ai asha he tvmahah ikbit tlalí cha,

37. Osapaputta k a n i n i f i m m i t h o k c h i c h a , p a k k v p i a hullokchi putta k a h o k c h i k m v t , n a n i s h t i l a w a c h i n a w a y a y a i k b i h o k e .

38. Mikmä yokpali na, oklah apaknah fehnakmä, i nan vlpooa mä ik tlawechot isht im iah keyushke.

39. Yohmi k a inla yosh ilbussuali h o n a n i k a c h u k m o , m i c h a n a n u k h a k l o a i e n a h o n u t t u l a k a k o s h , i k a l a w w o t a k k a f e h n a o k l a h o n a t u k a k v t o k o k e .

40. Huchitoka y a Chihowa hvt n a s h i t t i l e i n a o n u c c h i c h a , a t a y a i k s h o y a k n i h a y a k a y o a i i t t v n o w v c h i h o k e .

41. Yohmih kia n a n i k i m i k s h o y a n a p l u m m i a kohchit achahaka binilechi cha, chukfulhpoa chomihchet chukkachvffa lawachit im ikbi hoke.

42. Ai vpissali vhleha hvt pesa cha, n a y o k p a s h k e ; n a n i k v l h p c o s o m o m a k v t i l a p i t i h h a v k v m m i h p u l l a b i o k a .

43. Kvta hosh hupoyuksa hoh choh? Yohmikmvt nanah yakomi putta k a v e c h u k m a l i t p e s a c h a , C h i h o w a h u t i b u h u l l o k a v k o s t i n i n c h a s h k e .

### ATULO A 108.

Hulittoblichit atvloa Lewi vt ikbi tok.

**S**U chukvsh vt vpissalishke, Chitokaka ma; n a n i s h i t s v h o l i t t o p a m v t a i e n v t t v l o a l i s h , n a n u l a c h i t a y o k p v c h e l a s h k e .

2. Uhlephah micha hap ittvuklo kvt hvsh okchashke; ik onno k j s h a k a s i o k c h a s h k e .

3. Oklah puttah im ai ittitakla y a y a k o k e c h i m a h a c h i l a c h i h o k e ; o k l u s h i p u t t a h i m a i i t t i t a k l a y a n a n u l a c h i t a c h i a y o k p a h a c h i l a c h i h o k e .

4. Isht ish i bullo vt chitot chaha kvt vba y a i s h a h l i k m a , c h i m a i a h l i k a y u t s h u t i k a o n t t i k e l i h o k e .

5. Chahut vba putta k a i s h i s h a h l a s h k e , C h i t o k a k a m a , c h i m a h u l i t t o p a y u t y a k n i m o m a k a i s h a h l a s h k e .

6. Chi hulittop a vhleha hvt blvkuffa chi k a , chibbak

ishtimpakimma isht ish okchalinchi cha, vnnumpah ilbussa  
ish pim aia<sub>h</sub>lichashke.

7. Chitokaka yut hulittopa kak osh vnumpulishke; "Im  
aiyut n<sub>a</sub> su yokpa ch<sub>i</sub> hoke; Shekem a ittvkushkule likmvt,  
Sukkolh okfa h<sub>a</sub> vpesut ittvkashvbl la ch<sub>i</sub> hoke.

8. "Kileat vt vmmi hokm<sub>a</sub>, Manasseh vt vmmi hoke;  
mikm<sub>a</sub> Eflaim vt sv nushkoboh isht holmo yoke; Chutah  
vt um ahulittopa i t<sub>v</sub>b<sub>i</sub> yoke.

9. "Moab vt ai il achesa li ampo yoke, Etom a a shulush  
pit o pila la ch<sub>i</sub> hoke; Filistia ya im aiyut shukapa la ch<sub>i</sub>  
hoke," achi tuk oke.

10. Kvta hosh t<sub>v</sub>mahah hulihta ya svsh ia ch<sub>i</sub>h choh?  
Kvta hak osh Etom a svlawet ona hinla<sub>h</sub> choh?

11. Ish pi kanchi tuk osh, pi tvshka chipota ya ibafiyuk-  
kut ish ia he keyu Chitokaka chia hak keyuh choh, Chito-  
kaka ma?

12. Pi tunampi ya a kohchit ish pi vpelashke; hvttak o  
ai okchaya yokvto nanah keyu hoka.

13. Chitokaka pulla ho tunvp chilita e tuba ch<sub>i</sub> hoke;  
mikm<sub>a</sub> yummak osh pi tunampi vhleha h<sub>a</sub> yakni vhvlhicha  
ch<sub>i</sub> hoke.

### ATULOA 109.

Tuloa pehlichi vt a tuloa ch<sub>i</sub> ho, atvloa Lewi vt ikbi tok.

**C**HITOKAKA hulittoblibichi li ma, kinnet ikshot chik  
binnilo kashke.

2. Hvttak haksi itih, micha n<sub>a</sub> haksichi itih ho a sunalit  
oklah wukummi cha, isunlvsh hulabi yo isht um a sunalit  
oklah vnumpuli hoka.

3. Micha nan isht i nukkilli vnnumpa ho ishit si vpak-  
foiyopa cha, nanihmih keyu ho svttibi hoke.

4. I hullo li kak o a tunampi oklah tubah m<sub>a</sub>, vno  
yokvto vnnumpah ilbussa vnumpule li yoke.

5. Nan achukma i yvm<sub>i</sub>hichi li kak o, nan ik achukmo  
ho isht vtob dichit si onuechi cha, i hullo li kak o i nuk-  
killi isht vtob dichit si onuechi hoke.

6. I shahli ya ch<sub>i</sub> k<sub>a</sub> hvttak haksi ak o ish vtokulikm<sub>a</sub>, i  
sunali vt im ishtiimpakimma ya hikkiashke.

7. Nan im vlpisakmvt, vnnumpah onuttula tuk vt im ai əhlashke; mikma im vnnumpah ilbussha yvt nan aiushuchika i tubashke.

8. I nittak vt kvnemosashke; nan isht ai vtta yatuk a inla yosh ishashke.

9. Im vlla vhleha hvt vlhtakla yokma, tekchi vt i hvttak illi yashke.

10. Mikma im vlla vhleha hvt ittefullummit nan asilhakmvt, nan im aiokpulokvt taba yak o a kohchvt na hvlbina yo a hoyashke.

11. Nan im asha tuk moma ka nan ahekuchi vt ishashke, mikma panah toksvlit vhayuchi tuk a hvttak ik ithano vhleha hosh wehpulashke.

12. I hulloh immoma yvt ik im iksho kashke, mikma im vlla vlhtakla vhleha ha i kana yvt iksho kashke.

13. Im ishtatiaka yvt hukofa chj hosh aiyashashke; isbt ai unchululi et iakaya ka holchifo hvt musholit kvniashke.

14. I tikba vhlehah nan ik vlpeso yvnihiichi tok vt Chihowa ha anukfoiyukkakma, ishki nan vsshuchi vt ik i kvshofo kashke.

15. Chihowa itikba ya tukkohli na billiashke; mikma isht ai ithaiyana ya yakni a hukuffit kanchashke.

16. Yohmi ka nan i hullo yvnihcha he ik anukfoiyukko hosh, amba hvttak nan i pulvimm, micha nan ik im iksho, micha chykvsh ilbussha aiena ka vba chj hosh vhlioa hatuk ak oke.

17. Mihmvt vnnumpah chukapa vnumpuli kak osh im achukma batuk oka, ilap a onuttulushke; mihmvt na yokpali ya ahnihiichi tuk keyu hoka, hupakichit ilap a i filum, mishke.

18. Micha kvlakshichi ya i nafohka chomihchit fohkakma, ilap anukaka yak o oka chohmit ant vltokmvt bila chohmit foni putta ka vltoh chatuk oka,

19. Nafohka fohkah chatuk ak o im itillawwashke, micha isht vskuffvchi ya chjh mak o isht vskuffaiyachi na billiashke.

20. Ilvppak osh ə sunali vhlehab, micha v mish shilombish ə i sunalit nan ik achukmo vnumpuli vhleha hə Chihowa a mintit isht im vlhtoba yoke.

21. Amba ə Shahli Chihowa ma, chishno vto chi hohchiso hatuk pullah mak ə is sə kanashke; isht ish i hullo vt achukma hokut, is sv hlakuffichashke.

22. Yohmi kə uno vt ilbussha micha nan ik im iksho sia hosh, sv chukvsh sv foiyukka kut nvbla hoka.

23. Hushontika yut fulayut məhaya kak ə chohmit kvnia lishke; həwa yak ə chomibchit sv chusfechi na kunia lishke.

24. Okissa li kak osh saiyikvlaha yut fayokuchih mə, svn nipi vt nia tuk vt tahvt ivshke.

25. Mihmə uno yut oklah ik vhabalo tuba lishke; sv pesakmvt, nushkobo hə fahli hoke.

26. Is si vpelashke, ə Chitokaka Chihowa ma; isht ish i hullo pulla hatuk mak osh is si okchalinchashke.

27. Yvmohmi na ilvppvt chibbak atuk ə, Chihowa ma, chishno ak osh ish yemihchi tuk ə oklah ithanashke.

28. Yvmmvt kvlakshichit vnumpulih kia, chishno vto ish yokpalashke; ə sunalit wukaya tuk vt husahya hatuk ə, chj tishu hvt nə yokpashke.

29. A tunampi vhleha hvt nə kvlakshichi ishit foiyuk-kakmvt, ilap abusahya ya anchi chomihchit anchashke.

30. Chihowa hə sutih hə isht ayokpvche lih fehnakmvt, oklah lawa im ai ittjatka ya a hulittobliche la chj hoke.

31. Imish shilombish ə vnumpah onucchi vhlehab im ai ishit okchalincha chj hosh, hvttak nan ik im iksho im isht-impakimma ya hikkia he bano hoka.

## ATULOA 110.

Atvloa Lewi vt ikbi tok.

**C**HIIHOWA hvt ə Shahli ya, "Um ishtimpakimma ya ish binnili na, chj tunvp vhleha hə chiyi ai ə bikia ikbi li hayashke," achishke.

2. Nan isht chim aiahli tvbi ya Saion ak ə a kohchit Chi-

howa hut uba wela hi oke; chi tunup ublehab im ai ittakla yokə ahattet ish a pehliechashke.

3. Tynvp ia chi ittvhobah nittakmvt, chim okla hut ilap ahni hosh chim il issa hi oke; chukvsh kushofa ishit shema kvt ounut minti a kohoccha tohwikeli ak o chiyuhmi hosh, chi himithoa yvt fischak chiyuhmit chim aiyasha hi oke.

4. Chihowa hut vnnuinpah kullo il onucchi tuk vt inlvchit im anukfila he keyu kvt, "Melkisetek a iakkaya hosh na huletuinpa isht vta billia chia hoke," achishke.

5. Nan i Shahli vt chim ishtimpakimma hikkia hosh nukhubelah nittakmvt, mikoutta ka litolit kanchih pulla hi oke.

6. Oklahutta ka nan im apesa hi oke; hvttak illi yo isht vlotulit, yakni chito ka nushkobo ha litolit kanchih pulla hi oke.

7. Hina takla ya bokushi ya oka ai ishka hi oke; yohmi hatuk osh nushkobo ha ukahchukalicha hi oke.

### ATULOA 111.

**C**HIHOWA ha hu holittoblichih. Upissali vhlehab ai ittpelvt, micha oklah ittvnaha ya hikkivt, chukvsh inominchit Chihowa ha isht ayokpahachi la chi hoke.

2. Chihowa nanah ai vtahli tukutta kvt chinto hoke; yummak o im ai achukma moma kvt hooya he vlhpesa hoke.

3. Nan isht ahatta kvt isht a hulittopa chintoh fehna hoke; isht im ai vlhpiesa yvt abillia hoke.

4. Nan inlah fehna yumjichi tuk a isht ithaiyana ikbi tuk oke; Chihowa hut i kana, micha i nukhaklo yoke.

5. I nukshopa vhleha ha ilhpak ipetah chatuk oke; nan ittim apesa tok vt ithaiyana na billia chi hoke.

6. Oklushi puttah i yakui ya isht ima kak osh, nan isht ai ahatta tok ai ahli ya im okla ha im ottvninchi tok oke.

7. Ibbak nan isht ai ahatta yvt ai ahlika micha ai vlhpesa yoke; i nan vlhpiesa putta kvt kullo hoke.

8. Kullot tvkkali na billivt billia hoke; ai ahlih micha ai vpissali hosh vlhtaba hoke.

9. Im okla ha ahluvku et ima tuk oke; nan ittim apesa

tok vt abillia chi h̄o vpesa tok oke ; hohchifo hut hulittopah  
micha i nukshopa he vlhpesa hoke.

10. Hupoyuksut isht ia kvt Chihowa i nukshopa yak oke ;  
yumināputta k̄a yumihchi moma kvt nan vkostininchih  
achukma yoke ; Chihowa hulittoblichī vt abillia hoke.

## ATULO A 112.

**C**HİHOWA h̄a hu holittoblichih. Huttak vt Chihowa i  
nukshōhopa, im vnnumpah vlhpisa putta k̄a im ai  
achukmah fehna yut n̄a yokpa yoke.

2. Im ishtatiaka yut yakni paknaka ya huchitot aiyasha  
hi oke ; v̄pissali vhlehah ai unchululi hvt n̄a yokpa hi oke.

3. Nan i lawa, im ılayak chito aienā kvt im vboha  
aiyashakmā, im ai vlhpiesa yut abillia yoke.

4. V̄pissali vhleha hvt aiokhlileka aiyasha tuk kia, i kana,  
i nukhaklo, micha ai vlhpiesa aienā yatuk o, tohwikeli vt i  
kohchah chatuk oke.

5. Inla i kana cha i pota yut nan isht im ai achukma  
hvttak oke ; nan isht ai asha ya nan isht ai ah̄atta kvt ai  
ghlicha he bano hoke.

6. Kvñvlla he keyu h̄o abillia chi hokut : ai vlhpiesa ya  
oklah ithaiyana na billia hi oke.

7. Nan ik achukmo vñnowa k̄a nukshopa he keyu hoke ;  
Chihowa anukchieto kak osh, chukvsh vt kvllot nukfoi-  
yukka hoke.

8. Chukvsh vt kvllot nukfoiyukka hatuk osh, nukshopa he  
keyu hosh i tñampi vhleha h̄a n̄a yokpt ont pisa hi oke.

9. Ittefimimit nan ik im iksho vhleha h̄a nan imah chatuk  
okvt, im ai vlhpiesa yut aiyasha na billia hoke ; lvpish vt  
hulittopvt chaha chi hoke.

10. Hettak ik vlhpeso vt pesa cha, im okpula hi oke ; in  
nuti ya killislihichi cha, bilvt kunia hi oke ; huttak ik  
vlhpeso vhlehah nan ahni vt ont okpulot taha hi oke.

## ATULO A 113.

**C**HİHOWA h̄a hu holittoblichih. Hvsh hulittobli-  
chashke, Chihowa i tishuh vhlehah ma, Chihowa  
hohchifo h̄a hvsh hulittoblichashke.

2. Himak a ai ulhit abillia ona kä Chihowa hohchifo hut hulittopashke.
3. Hushakohchaka ai ulhit hushaiokuttula ona kä Chihowa hohchifo hut hulittopa he ulhpesa hoke.
4. Chihowa hut chaha kut oklushi moma kä i shahli hoke; im ahulittopa yut vba putta kä i shahli hoke.
- 5, 6. Uba achaha binnili, yakni alufobi awet pihiṣa Chihowa pi Chitokaka yä kuta hosh chohmih choh?
7. Ilbussa yut lukfi pushi binnili tuk a wukayuchi yoke; nan ik im iksho vt yakni niachi lukfi pakna binnili tuk a chahuchi kut,
8. Huchitoka ai ibatakla, im oklah ai achuffa huchitoka ai ibatakla binnilechi hoke.
9. Ohoyoh vlla ik im iksho yosh chukka ahatta tuk a, vlla vhlehab ishki na yokpa ikbit binnilechi yoke. Chihowa ba hu holittoblichih.

## ATULOA 114.

- I**SLAEL vt Echip a kohchah ma, Chekob i chukkachuffa yut oklah bulbahut vnumpuli yo takla ashut kohchah ma,
2. Chutah vt im ai ahatta hulittopa tuba tok, Isael vt im apehlichika tuba tok oke.
  3. Okhvta hut pesa cha i filummi tok o, Chatvn vt fulamvt ia tok oke.
  4. Nvnih huchito yut chukfi nakni yak o chohmi hosh tullih ma, nvnih chipinta yut chukfushi yak o chohmi hosh tulli tok oke.
  5. Nantah chi kvtiohmi hosh okhvta hut ish i filummi tok o, Chatvn vt fulamvt ish iah ma,
  6. Nvnih huchito yut chukfi nakni yak o chohmi hosh hush tullih ma, nvnih chipinta yut chukfushi yak o chohmi hosh hush tulli tok oh choh?
  - 7, 8. Yakni ma, nan i Shahli itikba, Chekob i Chitokaka, yummvt tul chito yä inlvchit oka tulaya ikbit, tussunuk a oka kvlih hiohli ikbi, itikba yä ish a wunnihichashke.

## ATULOA 115.

**N**AN isht ish i hullo pulla kak o, chim vnumpah ahki pulla kak o, pishno ak keyuh, Chihowa ma, pishno ak keyuh, amba chi hohchifo hak o ish hulittoblashke.

2. Nantihmi kak o oklushiutta kut, "I Chitokaka invto?" acha hinlah choh?

3. Yohnih kia pi Chitokaka yvt vba ya binnilishke; nana ho ahnikmvt, moma ka yumihchi yoke.

4. Oklushi i na holbut tuba putta kut tvli hvta, tvli hulisso lakna aieno ho, hvttak o ibbak osh nan ikbi yoke.

5. Itih hvta im asha hokak osh, vnumpula he keyushke; uishkin vt im asha hokak osh, pisa he keyushke.

6. Haksubish vt i hinli hokak osh, hakla he keyushke; ibishakni vt im asha hokak osh, huwa he keyushke.

7. Ibbak okak osh pushohla he keyushke; iyi okak osh nowa he keyushke, i nvlpri ya isht vnumpula he keyushke.

8. Ikbi vhlehah, micha yummak anukchieto aiyukali kut yummak o chiyuhmi tuba hoke.

9. Islael ma, Chihowa hak o ish anukchietashke; yummak osh vpelvchi micha i telihpa yoke.

10. Elon i chukkachuffa ma, Chihowa hak o hvsh anukchietashke; yummak osh vpelvchi micha i telihpa yoke.

11. Chihowa i nuksopa vhlehah ma, Chihowa hak o hvsh anukchietashke; yummak osh vpelvchi micha i telihpa yoke.

12. Chihowa hvta pithaiyanah chatuk vt yokpalit, Islael i chukkachuffa ya yokpala chi hoke; Elon i chukkachuffa ma yokpala chi hoke.

13. Chihowa i nuksopa, chipinta, huchito ma aieninchit yokpala chi hoke.

14. Hvchishno micha hvchim vlla vhlehah aieno ka Chihowa hvta hvchi bakahli hokbano!

15. Vba micha yakni aieua ka ikbi tok Chihowa hvta hvchi yokpalashke.

16. Vba putta kut Chihowa hak o innmi hoke, amba yakni yokuno hvttak im vlla vhleha ha ima tok oke.

17. Chihowa ha bulittoblichia hinla kut illi vhleha hak o keyukmvt, kuna hosh achullosa ya ona kak o keyushke.

18. Amba pishne yak okvto himak g ai vhit ia hosh abillia k Chihowa ha il ayokpahacha chi hoke. Chihowa ha hu holittoblichih.

## ATULOA 116.

**C**HIIHOWA hvt nan asilhhvt vnumpule li k hahaklo hoka, i hullo li hoke.

2. Haksubish g awet g wieli hoka, ahatta lih nittak itti-takla kvt i pahaya la chi hoke.

3. Nan illi ishit tullakchiputta kvt si vpakfopah ma, illi aiasha ai vtikkunofa putta kvt si vhayuchi ho, ai ilbussha, na nukhaklo aienah o pibisa le tuk oke.

4. Yohmih mvt Chihowa hohchifo ha i payt, "Omeh is svm ahni cha, Chihowa ma, umish shilombish g ish hlv-kuffichashke," achi le tuk oke.

5. Chihowa hvt i kana micha ai vlpiesa yoke, micha pi Chitokaka yvt nan i nukhaklo yoke.

6. Chihowa hvt ik hypoyukso ya hullvilli yoke; akkalosi ona lih ma, si okchalinchi tuk oke.

7. Umish shilombish ma, fulamvt ish a foha ish onashke; Chihowa hvt achukma ho chi yumihchi tuk oka.

8. Umish shilombish g ai illi ish a hlvkuffichih mvt, nishkin okchi g sv nishkin ish a hlvkuffechi cha, ai ittula ya saiysi ish a hlvkuffichi tuk oka.

9. Yohmi ho ai okchaya yakni ya Chihowa itikba a nohowa li hoke.

10. Sv yimmi hatuk osh, vnumpule lishke: "Uno vt svlbussah fehna tok oke.

11. "Uno vt sv kummuntah mvt, 'Huttak moma kvt hulabi yoke,' achi li tok oke.

12. "Nanah achukma ho g yumihichi tuk moma ka, nanta ho Chihowa ha isht im atobbi la hinlah choh?

13. Ai okchaya isht ishko ya vba weli lish, Chihowa hohchifo ha i paya la chi hoke.

14. Chihowa ha vnumpah im il onohocchi le tuk vt, omeh ish ahni na, im oklah momah itikba ya ai im ahliche lashke," achi lishke.

15. I hulittopa vhlehab illi kut Chihowa itikba ya a hulittopa hoke.

16. Omeh is sv̄m ahnashke, Chihowa ma; chi tishuh sia hoka: chi tishuh ohoyoh ushi, chi tishuh sia hoke; ishit sv̄ tullakchiutta k̄a is sa hutuffi tuk oke.

17. Yakoke ahnit isht ayokpuchi isht chi ayokpachi lish, Chihowa hohchifo ha i paya la chi hoke.

18, 19. Chihowa ha vñnumpah im il onohocchi le tuk vt, omeh ahni na, im oklah itikba, Chihowa im vboha i wanutautta k̄a, Chelusalem ma, chi anukaka ya ai im ahliche lashke. Chihowa ha hu holittoblichish.

## ATULOA 117.

**O**KLUSHI moma kvt Chihowa ha hush hulittoblichashke, oklah moma kut hush ayokpahachashke.

2. Im isht i hullo vt pi onuttoiyula kut chintokma, Chihowa im vñnumpah ghli vt abillia yoka. Chihowa ha hu holittoblichish.

## ATULOA 118.

**C**HIHOWA hvt achukma hoka, yakoke hush im aha-chashke; im isht i hullo vt abillia hoka.

2. "Isht i hullo yvt abillia hoke," Islael vt ik achi.

3. "Isht i hullo yvt abillia hoke," Elon i chukkachuffa yvt ik achi.

4. "Isht i hullo yvt abillia hoke," Chihowa i nukshopa vhleha hvt ik achi.

5. Si vtikkunofah mvt, Chihowa ha i paya lih ma, Chihowa hvt sv haklo cha, ai o hikia vwata ho a sv helichi tuk oke.

6. Chihowa hvt subafoiyukka hoka, sv nukshopa he keyushke; huttak okuto nanta ho sv katiomihcha hetoh?

7. Chihowa hvt si vpela vhleha ha um ibafoiyukka hatuk o, uno vt a nukkilli vhleha ha na yokpa hosh o hopokoyo la chi hoke.

8. Chihowa hak o ai vtukko kut achukma kut huttak a anukchieto ka i shahli hoke.

9. Chihowa hak o ai vtukko kvt achukma kvt huttak huchitoka vhleha ha anukchieto kä i shahli hoke.
10. Oklushi moma kvt si vpakfoiyupa hoh kia, Chihowa hohchifoh pulla ho ishit kanchi la chi hoke.
11. Si vpakfoiyuput, oklah si vpakfoiyupa hak inlih kia, Chihowa hohchifoh pulla ho ishit kanchi la chi hoke.
12. Foishki chohmit si vpakfoiyupa hoh kia, bissukchukina luak o chohmit mushobohlih pulla chi hoke; Chihowa hohchifoh pulla ho ishit kanchi la chi kak oka.
13. Si akkuma he ish ahni hosh is su fahvima fehna tuk ak inlih kia, Chihowa hak osh si vpela tuk oke.
14. Chihowa hvt vm ai okchaya tuba hokvt, vmi lhampko micha vm ulhtvloak oke.
15. Ai ulhpiesa vhlehah im ulhtipo yä im aiyachi tuloa yut olvt tukkali kvt, "Chihowa im ishtimpakimma yak osh nan i shulihchi yoke.
16. "Chihowa im ishtimpakimma yak osh chaha yoke; Chihowa im ishtimpakimma yak osh nan i shulihchi yoke," achi hoke.
17. Sulla chih keyuh, amba okchayrt ahatta lish, Chihowa hvt nan isht ahatta kä vnoholi la chi hoke.
18. Chihowa hvt nä pulummih fehna si onohocchi tuk oke; yohmih kia nan illi ha ik si o bohloshke.
19. Ai ulhpiesa huliht okhisaputta kä hvs sä tiwwi na, yummak o pit a chukkoa lish, Chihowa ha ayokpahachi lashke.
20. Ilvppak osh Chihowa i huliht okhisa yoke; yuminak o ai ulhpiesa vhleha hvt a chukkoa hinla hoke.
21. Is su haiyaklo cha, ai okchaya is sä tuba tuk oka, chi ayokpuche la chi hoke.
22. Tuli chukkikbi vhleha hvt ik ayokpacho kash, yummak osh chukbika nuta i tola tubashke.
23. Nanah ilvpput Chihowa hak o a minti hatuk osh, pi nishkin itikba yä nana kvt ai inlab fehna hoke.
24. Nittak ilvppak o Chihowa hvt vtokuli tuk oka, nä yokput isht iloh a yokpashke.
25. Intah! Chihowa ma, omeh ish pim ahni cha, ish pi

okchalinhashke; intah! Chihowa ma, omeh ish pim ahni cha, nan achukma k<sup>a</sup> ish pim vtaplashke.

26. Chihowa hohchifo h<sup>o</sup> ilai eshi hosh ayut vla kut na yokpashke. Chihowa im vboha aiyashut e hvchi ayokpu-chishke.

27. Chihowa, yvmmak osh Chitokaka yosh, pi tohwike-lichi yok<sup>a</sup>, vbit nan isht ayokpechi ya ishit tullakchi puttah ishit takchi hosh, alta lvkish a isht hvsh onashke.

28. A Chitokaka chia hoka, chi ayokpeche lishke; a Chitokaka chia hoka, hulittoblit isht chi vnumpule lishke.

29. Chihowa het achukma hoka, yakoke hvsh im aha-  
hashke; im isht i hullo yvt abillia hoka.

## ATULOA 119.

## ALEF.

**A** TAYA ya ai ahlih achukmv<sup>t</sup> a foiyukka hosh Chihowa i nan vlhpisa a noh<sup>o</sup>wa vhleha het na yokpeshke.

2, 3. Nan isht im ai vlhtukko<sup>a</sup>utta k<sup>a</sup> hulittobli, chukush ai okluhv<sup>t</sup> Chihowa ha hohoyo, nan ik ai vlhpeso ma yohimi keyu, im ataya puttah vpesa tok a ai ittvn<sup>o</sup>h<sup>o</sup>wa yvt na yokpa yoke.

4. Chishno vt chi nan vlhpisautta k<sup>a</sup> huttak vt vchuk-malit hulittobla he ish vpesa tok oke.

5. Um atayautta k<sup>a</sup> vtvlhtaha na, chi nan vlhpisautta k<sup>a</sup> hulittobli li hokbano!

6. Chim vnnumpah vlhpisa moma k<sup>a</sup> ahninchi li hokmak osh, sv hofahya he keyu hoke.

7. Nan ai vlhpiesa ish vpehisa k<sup>a</sup> ithvna li kut chukush ai vpiissali hosh chi ayokpuche li hoke.

8. Chi nan vlhpisautta k<sup>a</sup> hulittobli li hoka, vmmomih-chit chik sv kancho kashke.

## BELH.

9. Nanta h<sup>o</sup> kvtiohmih mak osh huttak himitta yvt im ataya ya kvshuffa hinlah choh? Chim vnnumpa ha iakkaya hosh abah ahni hokmak a hiula hoke.

10. Sv chukush isht ai okluhv<sup>t</sup> chi hohoyo li hoka, chim

vnnumpah vlhpisautta ka, i filummit ik yushobá, chik si ahno kashke.

11. Ak chim vsshacho ka chi kak osh, nan ish achi ya sv chukvsh a fohkit ieshi lishke.

12. Chihowa ma, chi holittopvshke ; chi nan vlhpisautta ka is svm abvchashke.

13. Chitih hvt nan vpehisa tuk moma ka svttivlbi isht vnoli lih chatuk oke.

14. Nan isht chim ai vlhtukkaoaputta ka ataya li kak osh, na sv yokpa kut nan ilayak chito moma ka vm ai itillaw-wishke.

15. Chi nan vlhpisautta ka anukfihilli lashke, mikmvt ataya ish vpesa tokputta ka vcchukmali hosh pisa lashke.

16. Chi nan vlhpisautta ka ishit sv yokpa hoke ; chim vnnumpa ha vm ihaksa he keyu hoke.

#### KIMEL.

17. Chi tishu ha nanah achukma ho ish i yvmihichi na si okchayashke ; yohmikma chim vnnumpa ha hulittobli lashke.

18. Sv nishkin a is sa futummi na, nan inlah fehna putta ka chi nan vlhpisa ya a pisa lashke.

19. Yakni ya oklah inla yosh ahatta li hoka, chim vnnumpah vlhpisautta ka chik sa luhamo kashke.

20. Nittak moma ka nan ish vpehisa ka hohoyo li kak osh, umish shilombish vt lishovshke.

21. Ilefehnuchi vhleha ha ish im olvbechih chatuk oke ; chim vnnumpah vlhpisautta ka i filummit ittvnowa vhleha hvt kvlakshishke.

22. Nan isht chim ai vlhtukkaoaputta ka ieshi li hoka, nan isht a hufahya, shittilema aienakut si onuttoiyula tuk a is sa kvnvllichashke.

23. Pehlichika vhleha hvt chiyvt ishit si vnumpuli hoh mak o, chi tishu hvt chi nan vlhpisautta ka anukfihilla he bano hoke.

24. Nan isht chim ai vlhtukkaoaputta kak kia um ai achukma, nanah a miha huttak oke.

## TALELH.

25. Umish shilombish vt lukfi pushi ya ukullo hoka, chim vnnumpah pulla hatuk mak o is si okchalinhashke.

26. Um atayautta ka chim vnoli likma, is su hakloh chatuk okvt, chi nan vlhpisautta ka is svum abvchashke.

27. Chi nan vlhpisa puttah ataya ya is svthvnanchi na, nanah inlah fehna ish yvnihiichi ka anukfillit isht vnumpholi lashke.

28. Nukhaklo kak osh umish shilombish vt bilut kvnia hoka, chim vnnumpah pulla hatuk mak o kullochit is su hillechashke.

29. Hulabi ataya ya is sa filummichashke; micha chi nan vlhpisa ya isht is sa kanashke.

30. Aiqhlika bina yak o vtokule li tuk oke; nan ish vpehisa ya su tikba tukaliche li tuk oke.

31. Nau isht chim ai vlhtukkoiautta ka asittia lih chatuk ok, Chihowa ma, is su hofahyalin náh.

32. Su chukvsh a ish uwatvlikma, chim vnnumpah vlhpisa puttah i hina ya a chahafa la chi hoke.

## HE.

33. Chihowa ma, chi nan vlhpisa puttah ataya ya is sa bibliplikma, ieshit ai vhi ka ona lashke.

34. Nan is svthvnanchi na, chi nan vlhpisa ya ieshi lashke; yohmikmut chukvsh isht ai okluha hosh hulittobli la chi hoke.

35. Chim vnnumpah vlhpisa puttah i hina yak o um ai achukma hoka, yummak o is si a nowuchashke.

36. Nan isht chim ai vlhtukkoiautta ka kak o su chukvsh a pit ish fulullichashke, amba nan vhayuchi uno keyu kashke.

37. Na kvlakshi ik peso ka chi ka, su nishkin a ish shvnelashke; chi hina ya a nowuchit is si okchalinhashke.

38. Yvmmak o isht chi nukshopa hinla hoka, nan ish achi tuk vt chi tishu ha ish im ai ahlichashke.

39. Nan ish vpehisa yvt hochukma hokut, nan isht ik si vhabalo i su kummuta ka is sa filummichashke.

40. Yakeh, chi nan vlhpisautta kak o su bəhənna hoke; chi ai vlhpiesah pulla kak osh is si okchalinhashke.

## WAF.

41. Mikmə Chihowa ma, isht ish i hullo yut vm vlt, nan ish achi tok pulla hatuk mak o, chim ai okchaya yut vm vlashke.

42. Yohmi na chim vnnumpa ha anukchieto li hokvt, ik si vhobalo ya vnnumpah vfalvma ima lashke.

43. Mikmə nan ish vpesautta ka anukchieto li hoka, vnnumpah ai əqli ya vmmomihchit svtih ha a kohchit chik esho kashke.

44. Mikmə nittak moma ka chi nan vlhpisa ya bulittobi li billia cha billiashke.

45. Mikmut chi nan vlhpisautta ka ho hoyo li hatuk osh, vtaklama iksho ho nohōwa la chi hoke.

46. Yohmikmut sv hofahyah keyu hosh nan isht chim ai vlhtukko putta ka miko vhlehah itikba ya isht ai vnum-poholi la chi hoke.

47. Mikmut chim vnnumpah vlhpisautta ka, yummvt a hulittopa hatuk okvt, isht a sv yokpa chi hoke.

48. Mikmut chim vnnumpah vlhpisautta kak o, yummvt a hulittopa hatuk osh, subbak ittichablinchit vba pit wielikmut, chi nan vlhpisautta ka anukfihillit isht vnum-poholi la chi hoke.

## SAYIN.

49. Chi tishu ha vnnumpah isht is si anukchietochechi tok okvt, isht vm ai achukma chi ka, ish ithaiyanashke.

50. Nan ish achi tok vt si okchalinchi ka, a pulummik-mvt, yummak o ishit si a hupohla yoke.

51. Ilefhnuchi vhleha hvt ik si vhobaloh fehna hak inlih kia, chi nan vlhpisa ya ak i filummoshke.

52. Chihowa ma, hupaki kash nan ish vpehisa tok a ithaiyana likmvt, isht ile hupohlvhlechi lih chatuk oke.

53. Huttak ik vlhpeso vhleha hvt chi nan vlhpisa ya kanchi kak o, nukhubela chinto kvt sv nukfoiyukkvshke.

54. Oklah inla yosh chukka yak ai əhatta li kvt, chi nan vlhpisautta kak osh vm vlhtvloak oke.

55. Chihowa ma, ninak oh kia chi hohchifo ha ithaiyana likmvt, chi nan vlhpisa ya hulittobli lih chatuk oke.

56. Chi nan vlhpisaputta ka hulittobli li hokvt, yvmak osh vmmi mak oke.

#### HELH.

57. Chihowa hvt vmmi yoke: "Chim vnnumpahputta ka hulittobli lashke," achi le tuk oke.

58. Chukvsh isht ai oklyhvchit isht ish i kana ya hoyo li hoka, nan ish achi tuk vt ai iakayvt is sa kanashke.

59. Ataya liputta ka anukfilli likmvt, saiyi ya fulvmichbit nan isht chim ai vlhtukko putta ka isht iakaya lih chatuk oke.

60. Chim vnnumpah vlhpisa putta ka hulittobli la chi kvt, ak ahchibalo hosh tushpa lih chatuk oke.

61. Hvttak ik vlhpeso vhlehah im ishit tvllakchi putta kvt si vpakfoiyupa hak inlih kia, chi nan vlhpisa ya ik svn ihaksoshke.

62. Nan ai vlbpiesa ish vpehisa tuk pullah mak o, ninak iklnnah kia wvkaya lish, yake chm ghachi lishke.

63. Chi nukshopa momab, micha chi nan vlhpisa puttah hulittobli vhlehah aienka ibaiachvffa sia hoke.

64. Chihowa ma, yakni vt isht ish i hullo yo isht ai vltovshke; chi nan vlhpisa putta ka is svn abvchashke.

#### TELH.

65. Chihowa ma, chim vnnumpah pulla hatuk mak o, nan achukma ho chi tishu ha ish i yvmihichi chatuk oke.

66. Chim vnnumpah vlhpisa putta ka sv yimini hoka, nan vkostiniachi achukma micha nan ithana aienka ka is svn abvchashke.

67. Na pulvmmi ik si onuttolo kishah mvt, si yoshubah beka tok ak inlih kia, himak okvno nan ish achi tok a hulittobli lishke.

68. Chi achukma cha, achukma kak o ish yvmihichi hokvt, chi nan vlhpisa putta ka is svn abvchashke.

69. Ilc fehnvchi vhleha hvt a svnalit hulabi ikbi tuk okak o vno vto chukvsh isht ai oklyhvchit chi nan vlhpisa putta ka hulittobli la he bano hoke.

70. Imi chukvsh vt nia kvt bila chohmi hoke; uno vto chi nan ulhpisa yak o isht a sv yokpa hoke.

71. Chi nan ulhpisaputta ka isht ithuna la chi kak okvt, na pulvmmi si onuttula tuk vt isht vm ai achukma hoke.

72. Nan' ulhpisa chitih a kohoccha yut achukma kvt, tvli hulisso lakna micha tvli hvt twhlepath sipokni kuni-ohmih kia vm i shaiyahlishke.

#### YOT.

73. Chibbak ak osh svkbit sv helichi tok okvt, chim vnnumpah ulhpisa putta ka ithuna la chi ka is sv nuk-fobkashke.

74. Chim vnnumpa hak o auukchieto li ka, chi nukshopa vhleha hvt sv pesa cha na yokpashke.

75. Cihowa ma, nan ish vpehisa kvt ai ulhpiesa ka, micha isht is svm ai ahli kak osh na pulvmmi is si onucchi tuk a ithana lishke.

76. Chi tishu ha nan ish im achi tok pullah mak o, isht ish i bullo yut isht vm a hupohla yokbano !

77. Chi nan ulhpisa yak osh isht vm a yokpa yoka, isht ish i nukhaklo putta kvt si onuttoiyola na, si okchayashke.

78. Ilefehnuchi vhleha hvt ai ahlih keyu ho nan ik ulhpeso si yumihchi tuk okvt, hufahyashke; uno vto chi nan ulhpisa putta ka anukfihilli la chi hoke.

79. Chi nukshopa vhleha hvt filemvu vm vlashke; yomikmvu chim ai ulhtukko putta ka ithvnashke.

80. Ik sv hofahyo ka chi kak osh, sv chukvsh vt chi nan ulhpisa putta ka im ai ahlashke.

#### KAF.

81. Umish shilombish vt chim ai okchaya ya aiyahni kak osh iellishke; chim vnnumpa hak o hohoyo lishke.

82. Nan ish achi tuk a aiyahni li kak osh sv nishkin vt iellit taha ho, "Kvtiohmikmak o is sv hopohlvlecha chih choh?" ahachi lishke.

83. Na bakshup kutoba o shubulli ak o itillawwi lih kia, chi nan ulhpisa putta ka ik sv ihaksoshke.

84. Chi<sub>j</sub> tishuh i nittak vt kutohmih choh? Kutiohmik-mak o a pullummechi vhleha ha<sub>g</sub> nan vlhpisa ish im ai ahli-chi<sub>j</sub> choh?

85. Ilefhnuchi vhleha hvt chi<sub>j</sub> nan vlhpisa ai iakkayah keyu kak osh, yakni chiluk a a ku<sub>h</sub>ullishke.

86. Chiu<sub>n</sub> vnnumpah vlhpisa putta kvt momvt ai ahli yoke; ai ahlih keyu ho<sub>g</sub> a pullummechi hoka, is si vpe-lashke.

87. Yakni ya<sub>g</sub> oklah isht a su kanchahosi tuk kia, uno vto chi<sub>j</sub> nan vlhpisa putta ka<sub>g</sub> ak issoshke.

88. Nan isht ish i hullo pulla hatuk mak osh is si okchalinchikma<sub>g</sub>, nan isht ai vlhtukko<sub>a</sub> chitih a ko<sub>h</sub>occha ka<sub>g</sub> hu-littobli lashke.

#### LAMET.

89. Chihowa ma, chim vnnumpa hvt vba ya<sub>g</sub> tvkkali na billia hoke.

90. Chim vnnumpah ish ai ahlihi kvt isht ai unchululi poiyutta ka mahaya kvt, yakni ya<sub>g</sub> ish tvllali tok ak o ohmit tvkkali hoke.

91. Nan ish vpehis<sub>a</sub> tok pullah mak o himak nittak a immomvt tvkkali hoke; nanah moma kvt chi<sub>j</sub> tishu hokvt.

92. Chi<sub>j</sub> nan vlhpisa yak osh um a yokpa yatuk keyuk-mvt, nan isht um a pullummi ya<sub>g</sub> ishit sulla he atuk oke.

93. Yvmmak o isht is si okchalinchi tuk oka, chi<sub>j</sub> nan vlhpisa putta ka<sub>g</sub> ik sum ibakso ho<sub>g</sub> abillia chi<sub>j</sub> hoke.

94. Chimmih sia hoke; is si okchalinchashke; chi<sub>j</sub> nan vlhpisa putta ka<sub>g</sub> hoyo li hoke.

95. Ishit su kancha chi<sub>j</sub> hosh, hvttak ik vlhpeso vhleha hvt um ayicchi hoh kia, nan isht chiu<sub>n</sub> ai vlhtukko<sub>a</sub> putta ka<sub>g</sub> anukfihilli li hoke.

96. Chiu<sub>n</sub> vnnumpah vlhpisa yvto vwatah fehna hoka, nau vlhtaiyaha moma kvt ont ai vlti ka<sub>g</sub> pisa lih chatuk oke.

#### MEM.

97. Chi<sub>j</sub> nan vlhpisa ya<sub>g</sub> ahninch<sub>a</sub> lih fehna hoke; nittak moma ka<sub>g</sub> isht um anukfila yoke.

98. A tvnvp vhleha ha<sub>g</sub> i shvilihchi hosh chiu<sub>n</sub> vnnumpah

vlhpisautta kvt sv hopoyuksvli hoke ; si anukfohkah abilia yokvt.

99. Nan isht chim ai vlhtukko putta kvt isht vm anukfihila yatuk o, sv hopoyuksa kvt nan vm abuchi moma ka i shulihchi lishke.

100. Chi nan vlhpisa putta ka hulittobli li kak osh, nan vkostininchli kvt hvttak sipokni vhleha ha i shulihchi lishke.

101. Chim vnnumpa ha hulittobli la chi kak osh, hina ik achukmo aiyuka ka saiyi ya ak vhalayacho hoke.

102. Chishno ak osh is svthvnanchi hatuk o, nan ish vpehisa ka ak i filvmmo hoke.

103. Nan ish ahachi tok vt svtkha ya i champuih fehna hoke ; svthiha i champuli kvt foi bila yak kia im i shahlishe.

104. Chi nan vlhpisa putta ka nan ai vkostininchli li hoke ; yvnohmi hatuk osh hulabi ataya aiyuka ka isht ak aiyahno hoke.

#### NUN.

105. Chiun vnnumpa hvt saiyi i pula hokmvt, ataya li ya i tohwikeli yoke.

106. Ai vlhpiesa nan ish vpesa putta ka hulittobli la chi kvt, vnnuinpah kvollo il onucchi li tok osh ai ahliche li tuk oke.

107. A pulvmmih fiehnushke ; Chihowa ma, chim vnnumpah pulla hatuk mak o is si okchalinhashke.

108. Ilap ahnit im issa svthiha kohoccha ka ish ayokpuchi hokbano, Chihowa ma, mikmvt nan ish vpehisa ya is svm abvhashke.

109. Um ilhfipak vt subbak foiyukkah billia hoh kia, chi nan vlhpisa ya ik svm ihaksoshke.

110. Hvttak haksi vhleha hvt ishit hukli ya a tlahali hoke, yohmih kia chi nan vlhpisa putta ka ak i filvmoshke.

111. Sv chukvsh isht a yokpa yoka, nan isht chim ai vlhtukko putta kvt vmmih a billia chi hosh ishe li tuk oke.

112. Chi nan vlpisa detta ka yumihehi li billivt ai vlti ona la chi hosh, sv chukvsh a pit tukkalechi li hoke.

## SAMEK.

113. Im anukfilah shvnayoa vbleha ha shittilema li hoke, amba chi nan vlpisa yvno ahninchli hoke.

114. Um ai vломака micha a telihpa chia hoka, chim vnnumpa hak o anukchieto li hoke.

115. Nan ik achukmo yvmihchi vt hvs sa filummikma, a Chitokaka im vnnumpah vlpisa detta ka hulittobli lashke.

116. Nan ish achi tok mak osh is sv hvllvlli na si okchayashke; mikmt nanah pisa la he ahni le tuk a ishit chik sv hofahyalo kashke.

117. Is sv hvllvlli na si okchayashke; mikma chi nan vlpisa detta kak o na sv yokpa hosh pihsa li billashke.

118. Chi nan vlpisa detta ka i yushoba vbleha ha ish shittilema hatuk o, inla haksichi kvt ilap ak o hulabi i tuba hoke.

119. Hvttak ik vlpeso momah yakni aiyasha ka lukfi chomihchit ish akshuchi yoke: ymohmi kak o nan isht chim ai vltukkoia detta ka ahninchli hoke.

120. Chi sv komuta kak osh sun nipi vt wunnihichishke, micha nan ish vpehisa ka i sv nukshopa hoke.

## AYIN.

121. Nan ish ai vpesa micha ai vlpiesa yak o yvmihchi li hoka, svlbvsshalo vblehah im issvt chik sv kancho kashke.

122. Isht im ai achukma chi ho chi tishu ha nan vtoni ish i tubashke; ilefehnvchi vbleha hvt ik svlbvsshalo kashke.

123. Chim ai okchaya, micha nan ai vlpiesa ish achi ka aiyahni li kak osh, sv nishkin vt iellishke.

124. Isht ish i hullo pulla hatuk mak osh chi tishu ba ish kvnimihchashke; micha chi nan vlpisa detta ka is sv abvhashke.

125. Chi tishuh sia hoke; nan isht chim ai vltukkoia detta ka ithuna la chi ka, is sv nukfohkichashke.

126. Chi nan vlpisa ya oklah kubvffi hoka, Chihowa hvt toksvla he nittak vt ai onushke.

127. Chim vnnumpah vlhpisautta kä ahninchli kvt, tuli hulisso lakna, tuli hulisso lakna hulittopa yak kia i shulihchi lish,

128. Nanah poiyutta kä nan ish ai vpesa moma kä vlhpesah ahni li hatuk osh, ataya hulabi aiyuka kuno shittilema li hoke.

## PE.

129. Nan isht chim ai vlhtukko putta kvt na fehna yoke; yvniohmi hoka vmiss shilombish vt hulittoblit ieshih chatuk oke.

130. Chim vnnumpah tiwa kvt ik hupoyukso vhleha ha na nukfohkichit tohwikelichi hoke.

131. Chim vnnumpah vlhpisautta kä sv bahanna kak osh, sutih ha itvkpvshalichit fighopa lishke.

132. Chi hohchifoh i hulittopa vhleha ha ish a kvniomihchih chatuk mak osh, is sa filema cha, is sa nukhaklashke.

133. Nan ish ahachi tok a nohowa la chi kä is svm vtabli cha, nan ik vlhpeso nanah kia, ik im aiyá, chik svm ahno kashke.

134. Hvttak nan ilbussuali ya is si a hlvkuffechi na, chi nan vlhpisautta kä hulittoblashke.

135. Chi tishu ha chi vsshuka ish o tohwikelichashke, mikinvt chi nan vlhpisautta kä is svm abvchashke.

136. Chi nan vlhpisa ya oklah ik hulittoblo kak o, oka yvt sv nishkin a akka et yvnahallishke.

## CHATE.

137. Ai vlpiesa chia hoke, Chihowa ma; micha vlpiesa hosh nan ish vpehisa hoke.

138. Nan isht chim ai vlhtukko putta kä, ai vlpiesah micha ai ahlih fehna ho ish vpesa tuk oke.

139. A tunampi vhleha hvt chimi vnnumpah putta kä im vhaksi kak o, nan a yiminta li yvt ishit sv kanchishke.

140. Nan ish achi kvt kvshofah fehnvt taha hoka, chi tishu hvt ahninchli hoke.

141. Svskitinh, micha ik sv holittopo hoh kia, chi nan vlhpisautta kä ik svm ihakso hoke.

142. Chim ai vlhpiesa yvt ai vlhpiesa billia yoke, mikma  
chi nan vlhpisa yet aiahliko yoke.

143. Nan i pvlummi micha nukhummi vt svshishke;  
yohmih kia chim vnnumpah vlhpisa detta kvt um ayokpa  
yoke.

144. Nan isht chim ai vlhtukko putta kvt ai vlhpesa  
billia yok, is sv nukfohki na si okchayashke.

#### KOF.

145. Chukush okluhvchi hosh isht chi paya li hoka, is sv  
haiyaklashke, Chihowa ma; chi nan vlhpisa detta ka hu-  
littobli lashke.

146. Chi paya lishke; is si okchalinchi na, nan isht chim  
ai vlhtukko putta ka hulittobli lashke.

147. Ik onno kisha ho chi tahpula lih chatuk oke; chim  
vnnumpa ha anukchieto li hokvt.

148. Nan ish achi tuk a ai anukfihilli la chi hosh, ninak  
ai vtoni detta ka tikbanlit sv nishkin vt okcha hoke.

149. Isht ish i hullo pullah mak osh vnumpule li ka ish  
haklashke; Chihowa ma, nan ish ai vpehisah pulla hatuk  
mak osh is si okchalinhashke.

150. Nan okpuni asittia vhleha hut bilika hak inlih kia,  
chi nan vlhpisa yokuno i hupakichi hoke.

151. Chishno vto ish bilika hoke, Chihowa ma, mikma  
chim vnnumpah vlhpisa detta kvt ai ahlih bieka hoke.

152. Nan isht chim ai vlhtukko putta kvt abillia chi ho  
ish tkohlichi tok a, hupaki kash isht ai ithaiyana li tok  
oke.

#### LESH.

153. Chi nan vlhpisa ya um ihaksih keyu hoka, nan um  
a pvlvinmi ka ish pesa cha, is si a kohchichashke.

154. Ai ittim afoa li ya is si vpelachi cha, is sv hlakuf-  
fichashke; nan ish achi tok pullah mak osh is si okchalin-  
hashke.

155. Chi nan vlhpisa detta ka oklah ik hoyo hoka, ai  
okchaya yvt huttak ik vlhpeso vhleha ha i hupaki hoke.

156. Isht ish i nukhaklo detta kvt chinto hoke, Chihowa

ma; nan ish vpehisa pulla hatuk mak osh is si okcha-linchashke.

157. Svbvsshalı micha ę tunampi vt lawa hoh kia, nan isht chim ai vlhtukkoा puttakę ak i filvmmoshke.

158. Chi filvimmı vhleha hut nan ish achi tok ę ik hulit-toblo hatuk ę, pisa likmvt, shittilema lih chatuk oke.

159. Chi nan vlhpisa puttakę ahninchı li kę pisah, Chihowa ma; isht ish i hullo pulla hatuk mak osh is si okcha-linchashke.

160. Chim vnnumpah nushkuboka yut aiahlika yoke; micha nan ai vlhpiesa ish ai apesa aiyuka kut abillia hoke.

#### SHIN.

161. Nanihmih keyu hę hulittopa vhleha hut svbusshali hoh kia, chim vnnumpah pulla hatuk mak ę su chukush vt nukshopa hoke.

162. Nan ish ahachi tok ę ishit su yokpa kut, uanah lawa hę yukachit ishi kak ę chohmi li hoke.

163. Hulabi ya ik ahnechot shittilema li hoke; chi nan vlhpisa yuno ahninchı li hoke.

164. Nan ai vlhpiesa ish vpesa puttakę mak ę nittak achuffakmę untukloha chi hulittobliche lih chatuk oke.

165. Chi nan vlhpisa ahninchı vhleha hut chukush nuktaiyala i lawa hoke; micha ai ibetvblı vt ik im ikshoshke.

166. Chim ai okchaya ya hohoyo li hoke, Chihowa ma; micha chim vnnumpah vlhpisa puttakę yumihchi lih chatuk oke.

167. Umish shilombish vt nan isht chim ai vlhtukkoा puttakę hulittoblih chatuk oke; ahninchı lih fehna hokvt.

168. Um ataya moma kut chi tikba a haiyaka hoka, chi nan vlhpisa puttah, micha nan isht chim ai vlhtukkoा puttah aienakę hulittobli lih chatuk oke.

#### TAW.

169. Pahaya li kut chi bilika onashke, Chihowa ma; chim vnnumpah pulla hatuk mak ę nan isht v kostininchı is su nukfohkichashke.

170. Nan asilhha li kut chi tikba onashke; nan ish achi tuk pullah mak osh is su kohchashke.

171. Chj nan vlhpisautta kq is svm abvchikma, sv-tivlbi vt hulittoblichya qohoccha chj hoke.

172. Nan ish achi kq sv sunlvsh vt ayokpvchit tulo-ho-washke; chim vnuumpah vlhpisa yvt ai vlhpiesab bano hoka.

173. Chj nan vlhpisautta kak o ayokpvchit ieshi le tuk okq, chibbak vt si vpela yashke.

174. Nan ish okchalinchi ya sv bahanna hoke, Chihowa ma; micha chj nan vlhpisa yak osh vm ayokpa yoke.

175. Umish shilombish vt okchaya cha, chi holittobli-chashke; yohini kq nan ish vpehisa yvt si vpelashke.

176. Chukfi kvnia yo chohmit fulohkahachi li hoka, chi tishu ha ish boyashke; chim vnuumpah vlhpisautta kq ik svm ihakso hoka.

## A T U L O A 120.

Ubaha hulittopa ilhkoli hosh qaya kvt a tuloa yoke.

**A** UPULMMI kak osh Chihowa ha i paya lishke; sv hakloh pulla chj hoka.

2. Chihowa ma, umish shilombish a ittivlbi hulabi, isun-lvsh haksichi aienak q im is sv hlakuffichashke.

3. Isunlvsh na haksichi chiah ma, nanta ho chima hinlah choh? micha nanta ho chj bafobka hinlah choh?

4. Hvttak tvnvp im uskinuki yosh hvlnppa, tubaksi chunipa a tuba ai ittibafoiyukka yak a chj hoke.

5. Meshek a ai qhatta lih, micha Keta im vlhtipo puttah ibatakla qhatta lih aienak kak osh, um a pullvmmishke.

6. Itti nanaiya i nukkilli ya umish shilombish vt takla qhatta tuk a hupakit taiyahvshke.

7. Uno yokuto itti nanaiya hi ak o aiyahni li hoke; yoh-mih kia vnuampule likma, yummvto tvnampih bunna hoke.

## A T U L O A 121.

Ubaha hulittopa ilhkoli hosh qaykmvt a tuloa he vlhtvloak oke.

**N**UNIH foka sv nishkin a pit vbahcbukaliche lishke. Na si apilachi vt kvtimma yak o a minta hinlah choh?

2. Na si vpela yuto vba micha yakni ittvutuklo ka ikbi tok Chihowa hak o a minti yoke.

3. Chiyi vt kvnlla hi a ik ahno kashke; chi apesvchi vt nusilhho kashke.

4. Yakeh, Islael vpesvchi vt nusilhha he keyukmvt, nusa he keyu hoke.

5. Chihowa hvt chi apesvchi yoke; chim ishtimpakimma ya Chihowa hvt chi o hushontika yoke.

6. Nittakma hvshi vt, micha ninakma hvsh ninak aya yut chi ai issa he keyu hoke.

7. Nan ik achukmo nanah kia ik chi vhalayo ka chi ka, Chihowa hvt chi apesvchi yoke; chimish shilombish a vpesvchi yoke.

8. Himak ai vhit a billia ka, kohchvt ish ihiyah, micha ant ish chukkohoah aiena ka Chihowa hvt chi hvlllla chi hoke.

### ATULOA 122.

Uboha hulittopa ilhkoli hosh aya kut a teloa he Lewi vt ikbi tok.

**C**H<sup>I</sup>HOWA im vboha kiloh iá," oklah vm ahachih ma, ibatakla sv yokpa tuk oke.

2. Chi huliht okhisa puttah anykaka ya piyi vt hielishke, Chelusalem ma.

3. Tumahah chito yosh ittvkullot tuba kak o chohmit tuba Chelusalem chia hak oke.

4. Yummak o apehlichi puttah, Chihowa apehlichi putta kut Islael nan isht im vtukkoli mak osh, Chihowa hohchiso ha yako ke im acha chi hosh ilhkoli hoke.

5. Yummak o nan im ai vpesvt ai o binili hulittopa yut, Lewi i chukkachuffa im ai o binili hulittopa yosh hiohmaya hoka.

6. Chelusalem nan isht im ai achukma chi ka hvsh asilhhashke; chi ahninchi vbleha hvt na nuktula ha ieshi hokbano !

7. Chi hulihta kullo anukaka ya nan isht chim ai achukmakmvt, chim vboha huletupaputta ka a nuktaiyalashke.

8. Ittibapishi lih vhlehah, ittikana lih vhlehah aienakak atuk mak o unumpulit, "Nan isht ai achukma yut chiba foiyukkashke," achi lashke.

9. Pi Chitokaka Chihowa im vboha pulla hatuk mak o, nan isht chim ai achukma hi a hoheyo lashke.

## A T U L O A 123.

Ubaha hulittopa ilhkoli hosh aya kvt a tuloa yoke.

**C**HISHNO ak o sv nishkin a pit chim vbahchukalechi lishke, vba binuli chiah ma.

2. Yakeh, tishuh nishkin vt i na<sup>h</sup>ulllo ibbak ak o pit fillemah chatuk ak o chohmit, micha tishuh ohoyoh nishkin vt i na<sup>h</sup>ulllo ohoyoh ibbak ak o pit fillemah chatuk ak o chohmit, pi nishkin vt pi Chitokaka Chihowa ha<sup>g</sup> pit fillema kvt immoma tuk o, pi nukhaklo hokmak a hi oke.

3. Ish pi nukhaklashke, Chihowa ma, ish pi nukhaklashke; pi shittilema ya ishit pi vluttoah fehna hoka.

4. Na yakohmih ik ahno vhleha hvt ik pi vhabalo, ilefehnuchi vhleha hvt pi shittilema ka, pimish shilombish vt isht vluttoa kvt im atvah fehna hoke.

## A T U L O A 124.

Ubaha hulittopa ilhkoli hosh aya kvt a tuloa he Lewi vt ikbi tok.

**C**HIHOWA hak osh pibafoiyukka batuk keyu hokma, Isael vt ik achi,

2. Huttak vt pi sunalit wukayah ma, Chihowa hak osh pibafoiyukka batuk keyu hokma,

3. Yummak atuk okma, im anukhubela yut pi sunalit libbih mvt, pi okchayah moma ho ishit pi nanvbla he atuk oke:

4. Yohmikma oka yut pi o hvlvbla he atuk, oka yvnvlli yut pimish shilombish a vbanvbla he atuk oke:

5. Yohmikma oka ilefehnuchi yosh pimish shilombish a vbanvbla he atuk oke.

6. In nuti vt vpa chi ka im issut ik pi kancho ke tuk Chihowa hvt hulittopashke.

7. Pimish shilombish vt hushi yosh hushi hukli im ishit hukli ya imi hlukuffi kak o chohmi hoke; ishit hukli vt kubafa na, pishno vto pi hlakuffishke.

8. Uba micha yakni ittvutklo ka ikbi tok Chihowa hohchiso hak osh pi apela yoke.

## ATULOA 125.

Ubaha hulittopa ilhkoli hosh aya kvt a tuloa yoke.

**C**HIHOWA anukchieto vhleha hvt Saion nvnih, yvmmut kunvlla he keyu hosh, amba hikkia na billia yak o chohmi hoke.

2. Chelusalem uno nvnih hosh vpakfoiyupakma, Chihowa hvt im okla ha vpakfoiyupa kvt himak hikivt ia hokvno abillia hoke.

3. Yohmi hatuk o ai vlhpiesa vhleha hvt nan ik vlhpeso ya ibbak pit wielit ik onuccho ka chj kak o, nan ik vlhpeso tubi vt ai vlhpiesa vhlehab immi ha onuttoiyula chih keyu hoke.

4. Chihowa ma, huttak hochukma, micha chukush vpissali vhlehab aiena ka nan achukma ho ish i yvmihchashke.

5. Amba i hina shunayoa pit fulotoa yuno, nan ik vlhpeso yvmihchi vhleha hak o awant ik ia, Chihowa hvt im ahnashke. Nanah achukma kvt Israel a onuttoiyulashke.

## ATULOA 126.

Ubaha hulittopa ilhkoli hosh aya kvt a tuloa yoke.

**S**AION vt yuka yatuk a Chihowa hvt fulamvt im vlah ma, huttak hullpukunna chiyuhmi hosh il aiyasha tuk oke.

2. Yummak fokkah ma pitih hvt na yokpa isht vlotah ma, pisunlush vt tulolah fehna tuk oke: yummak fokkah ma oklushi puttah ittitakla ka, "Chihowa hvt oklah ilvppa na chinto ka i yvmihichi tuk oke," oklah aghachi tuk oke.

3. Chihowa hvt na chinto pi yvmihchi tuk mak o na pi yokpushke.

4. Oka mahli oka a yvnilliputta kak o chohmit, pi yoka ka fulamvt ish pim alashke.

5. Kuna hosh nishkin okchi mihinti hosh hokchi tuk vt tułohowa hosh vma hi oke.

6. Kohchit fimmā chī hosh nā nihi shaiyalit nishkin okchi mihinti hosh kohchvt ihiya tuk oh kia, onush sitoha shoiyoli cha, tułohowa hosh vla hi oke.

## ATULOA 127.

Ubōha hulittopa ilhkoli hosh aya kvt a tuloa he Salomon vt ikbi tok.

**C**HİHOWA hak osh ubōha ya ikbih keyu hokvno, pe pilla ho chukkikbi vhleha hvt a toksvli hoke: Chihowa hak osh tumahah chito iesihih keyu hokvno, pe pilla ho vpesvchi vt okchvt vpesvchi hoke.

2. Pe pilla ho onnahinlih felna hvsh tani tuk osh, opvut kvnnia ho hvsh binnili hosh hoyqahablit nā hvsh vhayuchi tuk puska hahashpa hoke. Yvmohmi ho i hulittopa yvno nā nusih ima hoke.

3. Yakeh, vlla vhleha hvt nan immi Chihowa a minti yoke; ushuto a minti yak osh nan isht ulhtoba yoke.

4. Himithoah moma ho ushi vhleha hvt uskinvki vt hut-tak tunvp ibbak foiyukkah chatuk ak o chiyuhmi hoke.

5. Huttak kuna hosh im uskinvki ai ulbeha ya yummak o isht vlotuli tuk vt nā yokpa hoke: huliht okhisa ya i tunvp vhleha ha ai ittim vnumpulikmvt, oklah hufahya he keyu hoke.

## ATULOA 128.

Ubōha hulittopa ilhkoli hosh aya kvt a tuloa yoke.

**C**HİHOWA i nukshopa hosh i hina ya a nohowa aiyu-kali kvt nā yokpa yoke.

2. Chibbak toksahali tuk a ish pakmvt, nā chi yokpa cha, isht chim ai achukma hoke.

3. Yohmi kā chit tekchi vt pakk*v*pi wayah achukma yak o chohmit chī chukka anukaka qhatta ho, chim vlla vhleha hvt alif ulhpoo puttah chohmit chim aiimpa ya vpakfoiyupa kak oke.

4. Yakeh, huttak kuna hosh Chihowa ha i nukshopakmvt, yakohmit nā yokpa yoke.

5. Chihowa hvt Saion ə a binnilit et chi yokpali na, chi okchayvt ish əhattah nittak moma kvt Chelusalem im ai achukma kə nə yokput ish pisakmvt,

6. Chim vlla vhleha hvt vlla im aiyasha na ish pisashke. Islael ə nan achukma kvt onuttoiyulashke.

## ATULOA 129.

Ubaha hulittopa ilhkoli hosh əya kvt a tloa yoke.

**S**u hemitta tok takla kə himonəh svlbvssshahalih chatuk oke, Islael vt ik achí.

2. Sv hemitta tok takla kə himonəh svlbvssshahalih chatuk; yohmi hak inlih kia oklah um aiyuchi tuk keyu hoke.

3. Yakni ptvffi vhleha hvt sun nuli ya ptvffi tuk; putafa ya hofvlohvche tuk oke.

4. Chihowa hvt ai vlhpiesa yatuk osh hettak ik vlhpeso vhlehab im ishit tullakchi ya tvptoholi tuk oke.

5. Saion i nukkilli moma kvt hufahya cha, filemt yihle-pashke.

6. Chukka pakna puttah husshuk aiyasha yosh ik pukanlo kisha hosh bussnih chatuk,

7. Yummak ə nə waya bushli vt ibbak ə vlotulih keyuk-mə, sitohli vt shakba ya vlotulih keyu,

8. Micha ant ilhkoli kvt, "Chihowa im isht yokpali vt hvchim vlashke; Chihowa hohchifoh pulla ho e hvchi ayok-puchishke," achi ho keyu kak ə chohmashke.

## ATULOA 130.

Ubaha hulittopa ilhkoli hosh əya kvt a tloa yoke.

**A**HUFOBIKA fehna yo pit a chi paya lishke, Chihowa ma.

2. A Shahlih ma, nanah vnumpule li kə ish hvponaklashke; nanah chim asilhvt vnumpule li kə chi haksubish vt vechukmalit haklashke.

3. Chihowa ma, nan ik vlhpesoputta kə vechukmalit ish pisa hokmə, kuta hosh hikkia hinlah choh, nan i Shahlih ma?

4. Yohnih kia chī nukshopa chī kak ə, nan vsshuchi i kyskushchi chia hoke.

5. Chihowa hə həhoyo li hoke, umish shilombish vt həhoyoshke, micha im vnnumpa hə pit anukchieto li hoke.

6. Umish shilombish vt nan i Shahli ya pit hoyo kut nan vtoni vhleha hvt onnahinli ya pit hoyo kə, nan vtoni vhleha hvt onnahinli ya pit hoyo kə i shalihchishke.

7. Islael ma, Chihowa hə pit ish anukchietashke; Chihowa hut isht i hullo im əsha cha, isht a hlvkuffi mut i lawa hoka.

8. Micha yummak osh Islael ə nan im ai vsshuchi moma kə a hlvkufficha chī hoke.

## A T U L O A 131.

Ubaha hulittopa ilhkoli hosh əya kut a tuloa he Lewi vt ikbi tok.

**C**HİHOWA ma, sv chukvsh vt ilefehnvchih keyuh, micha sv nishkin vt chahah keyushke; mikmvt na chinto, micha na fehna um atampa kə si vhullayah keyushke.

2. Yummak het əsha na vlla pishit issa yosh ishki vtvkali kak ə chomihchit umish shilombish ə nuktvlalit hupo-hlvche li tuk oke; umish shilombish vt vlla pishit issa yash chohmit si vtvkali hoke.

3. Islael ma, himak ai vhit ia kə Chihowa hə ish anukchieto na billiashke.

## A T U L O A 132.

Ubaha hulittopa ilhkoli hosh əya kut a tuloa yoke.

**C**HİHOWA ma, im ai ilbussha moma kə Lewi ya ish im ithaiyanashke.

2. Yummvt Chihowa hə vnnumpah kvlo im il vnumpulit, Chekob i Hulittopa chinto ya vnnumpah im il onucchih mut,

3. "A chukka isht elhtipo ya chukko la chīh keyuh, tupah a nuse li ya pit oiya la chīh keyuh,

4. "Sv nishkin ə, ik nusí, sv nishkin ə hlipa ya, ik nusilbhá, ak ahno ke tuk osh,

5. "Chihowa ai vitta, Chekob i Hulittopa chiuto ai ahatta ya vhayuche li hokmak ashke," achi tok oke.
6. Yakeh, Efata ya tulaya ka e haklo tuk vttok oke, Chea yakni ya il ai vhayuchi tok oke.
7. Im ai ahatta ya il onashke, iyi ai o hikiya ittuma ya il ayokpuchashke.
8. Chihowa ma, chishno, micha hulittopa hosh ish a binili itombi aienā kvt, wukayut chim afoha ish onashke.
9. Na huletumpa isht chim asha yvt nan ai vlhpiesa ya ishit foiyukkakma, chi hulittopa vhleha hut chitolit tulohwashke.
10. Chi tishuh Lewi yak atuk pullah mak o nan vhamvt chim vlhtoka ya ahə chik im acho kashke.
11. Ai ahlih mak o Chihowa hut Lewi ya vnumpah kullo im il onuechi tok vt, ai i filumma he keyu kvt, "Chi haknip a tuba tuk ak o ai o binili hulittopa ya chim o binnilechi la hi oke.
12. "Chisoh vhleha hut a nan ittim vlhpisa, micha nan isht vñ ai vlhtukkoia im abuche li ka hulittobli hokma, vshi vhleha hak kia yvmoohmi hokmv, ai o binili hulittopa ya chim o binnili na billia he ak inli hoke," achi tok oke.
13. Chihowa hut Saion ak o vtokulit, ilap ai vitta ya chi bo ahni tok okvt.
14. Yohmi kvt, "Ilvppak osh vñ afoha abillia yoke; ilvppak o ahni le tuk okvt, a binnili la chi hoke.
15. "Im ilhpak a ishit yokpali lih fehna chi hoke, nan ik im iksho aiyasha ka puska ishit fihobli la chi hoke.
16. "Mikmut na huletumpa isht im asha ya ai okchaya ishit sohkveche likma, i hulittopa vhleha hut chitolih fehnvt tulohowa chi hoke.
17. "Yummak o Lewi ya lvpish im ai usfoche la hi oke; nan vhamvt vñ vlhtoka ya pulah im vtaqli le tuk oke.
18. "I tunvp vhleha ha hufahya ishit sohkveche la hi oke; amba im iachuka hut onuttoiyula kvt shohmvla la hi oke," achi tok oke.

## ATULOA 133.

Uboga hulittopa ilhkoli hosh aya kvt a tuloa he Lewi vt ikbi tok.

**Y**AKEH, ittibapishih vhleha hvt ittibaichvffut aiyasha ka achukmáh, micha champulih fehnvshke.

2. Bila achukma yvt nushkobo ha o hvltapa cha, akka pit yvnvlit nutakhish, Elon nutakhish a ona cha, akka pit yvnvlit i na fohka huletumpa ikonla afuhoma ona tok a chohmi hoke.

3. Hvmon fichak vt Saion nvnih foka ya o chilofa ka chohmi hoke; yummak o nan isht yokpali, ai okchayvt billia ya Chihowa hvt vpesa hoka.

## ATULOA 134.

Uboga hulittopa ilhkoli hosh aya kvt a tvloa yoke.

**Y**AKEH, Chihowa i tishuh vhleha hvt ninakma Chihowa im vboha hvsh hieli kvt, momvt Chihowa ha hvsh ayokpuchashke.

2. Ai ahatta hulittopa ya hvch ibbak vba pit hvsh ai o wieli cha, Chihowa ha hvsh ayokpuchashke.

3. Uba micha yakni ittvuklo ikbi tok Chihowa hvt Saion a binnilit hvchi yokpalashke.

## ATULOA 135.

**C**HIHOWA ha hu holittoblichih. Chihowa hohchifo ha hvsh hulittoblichashke: Chihowa i tishuh vhleha hvt Chihowa im vboha, pi Chitokaka im vboha i wanuta puttah hvsh hieli kvt hvsh hulittoblichashke.

3. Chihowa hvt achukma hoka, Chihowa ha hvsh hulittoblichashke; hohchifo ha nan ulachit hvsh ayokpuchashke; achukma hoka.

4. Chihowa hvt ilap immi ha chi hosh Chekob a vtokulih mvt, ilap inli hosh iesha chi kvt Israel a vtokule tuk oka.

5. Uno yvt Chihowa hvt chintoh, micha pi Shahli vt chitokaka momah i shahli ka ithana li hoka.

6. Uba micha yakni, okhvtaah puttah micha ahufobi mo-

ma ka, nana ho Chihowa hvt ahri tuk vt moma ka a yomih-chi yoke.

7. Yakni ont atahaka ya oktolibi vba iachi hosh, umba ha hussshukmelli im ikbi hoke ; mahli ha nan im aiasha puttah a kucchi hoke.

8. Yummak osh Echip a huttak micha nan ulhpoa aienah vttahpi detta ka issot kanchi tok oke.

9. Echip ma, nan isht vtukko a puttah, na fehna puttah aienan ka chim ittakla awet kanchit, Felo micha i tishuh vhlehab moma ka awet onucchi tok oke.

10, 11. Yummak osh oklushi lawa ka issot kanchi cha, miko kullo detta ka, Amolait i miko Saihon, micha Beshan i miko Ok, micha Kenan apehlichika puttah momah vbih mvnt,

12. I yakni ya immih mak o, im oklah Islael vt ai ieshi ya chi ho ima tok oke.

13. Chihowa ma, chi hohchifo hvt abillia yoke ; Chihowa ma, isht a chithaiyana yvt isht ai unchululi ittvchahkvchit mahaya ka ibafoiyukka hoke.

14. Chihowa hvt im okla ha nan im apesakmvnt, i tishuh vhleha hak atuk mak o i nukhakla hi oka.

15. Oklushi puttah i na holbvt tuba detta kvt tuli hvt, micha tuli hulisso lakna aienan ho, huttak o ibbak osh nan ikbi tuk ak oke.

16. Itih hvt im asha hokak osh, vnumpula he keyushke ; nishkin vt im asha hokak osh, pisa he keyushke.

17. Haksubish vt im asha hokak osh, hakla he keyushke ; itih ma fiopa hvt iksho kummohmishke.

18. Yumma ikbi vhlehab, micha yumma anukchieto aiynkali kvt yummak o chiyuhmi tuba hoke.

19. Islael i chukkachvffa ma, Chihowa ha hush ayokpuchashke ; Elon i chukkachvffa ma, Chihowa ha hush ayokpuchashke.

20. Lefai i chukkachvffa ma, Chihowa ha hush ayokpuchashke ; Chihowa i nukshopa vhlehab ma, Chihowa ha hush ayokpuchashke.

21. Chelusalem ai ahatta Chihowa hvt Saion a a hulitto-pashke. Chihowa ba hu holittoblichih.

## ATULOA 136.

**C**HIIHOWA hvt achukma hoka, yakoke hush im ahashke; im isht i hullo yut abillia yoka.

2. Chitokaka puttah i Chitokaka ya yakoke hush im ahashke; im isht i hullo yut abillia yoka.

3. Nan i shahli i Shaiyahli ya yakoke hush im ahashke; im isht i hullo yut abillia yoka.

4. Ilap bicka hosh na sehna huchito yumihiichi ya yakoke hush im ahashke; im isht i bullo yut abillia yoka.

5. Im punna hosh vba ya ikbi tok a yakoke hush im ahashke; im isht i hullo yut abillia yoka.

6. Oka paknaka ya yakni tlalí tok a yakoke hush im ahashke; im isht i hullo yut abillia yoka.

7. Na tohwikelichi huchito ikbi kvt,—im isht i hullo yut abillia yoka—

8. Nittak a pehliechi ya chi ho hushi ya,—im isht i hullo yut abillia yoka—

9. Ninak a pehliechi ya chi ho, hush ninak aya, fuchik aiena ka ikbi tok a yakoke hush im ahashke; im isht i hullo yut abillia yoka.

10. Echip im vttahpi putta ka issot kanchi cha,—im isht i hullo yut abillia yoka—

11. Islael vt im ai ittjatkla aiyasha tuk a ai ishit kohchi kvt,—im isht i hullo yut abillia yoka—

12. Ibbak kullo ho, micha shakba vba pit ishit wieli hosh ishit kohchi tok a yakoke hush im ahashke; im isht i hullo yut abillia yoka.

13. Okhvtah Humma ya ittvhokuffit itti filvmmechi cha,—im isht i hullo yut abillia yoka—

14. Iklunna ya Islael a hlupullichechih mvt,—im isht i hullo yut abillia yoka—

15. Felo micha i tushka chipota aiena ka Okhvtah Humma ya pit okatumoli tok a yakoke hush im ahashke; im isht i hullo yut abillia yoka.

16. Im okla ha yakni hayaka pehlichit aya tok a yakoke hvsh im ahashke; im isht i hullo yvt abillia yoka.

17. Mjko hucbito issot kanchih mvt,—im isht i hullo yvt abillia yoka—

18. Mjko hulittopa detta ka vbi kvt,—im isht i hullo yvt abillia yoka—

19. Amolait i mjko Saihon a,—im isht i hullo yvt abillia yoka—

20. Micha Beshan i miko Ok aienā ka vbih mvt,—im isht i hullo yvt abillia yoka—

21. I yakni ya immih mak o,—im isht i hullo yvt abillia yoka—

22. I tishuh Isael vt ai ieshi ya chi ho ima tok a yakoke hvsh im ahashke; im isht i hullo yvt abillia yoka.

23. Ik vhobot e mahayah ma, yummak osh pithaiyana cha,—im isht i hullo yvt abillia yoka—

24. Pi tunampi vhleha ha i mukuffit pishih chatuk a yakoke hvsh im ahashke; im isht i hullo yvt abillia yoka.

25. Hvttak moma ka ilhpak ipeta hoke; im isht i hullo yvt abillia yokvt.

26. Uba puttah i Chitokaka ya yakoke hvsh im ahashke; im isht i hullo yvt abillia yoka.

### ATULOA 137.

**B**ABILON okhina puttah lupalika, yummak o e chieya tok; Saion a il ithaiyanah mvt, e yayah aienā tok oke.

2. Pi hap a tukowissha yak o il a tvkohlichi tok oke.

3. Yummak o pi yokuchi vhleha hvt vlhtvloak pim asilhhah mvt, pissikkopali vhleha hvt na yukpa pim asilhhet, "Saion vlhtvloak o a kohchit pi tvloáh," ahachí tok oka.

4. Ketiohmi hosh yakni inla ya Chihowa im vlhtvloak a il a tvloa hinlah choh?

5. Chelusalein ma, chishno ya vim ihaksi hokma, svb-

bak ishtimpakimma yut nan im punnah chatuk vt im vhaksashke.

6. Ak chithaiyano hokm $\underline{a}$ , Chelusalem  $\underline{a}$  isht a sv yokpa kvt, nanah moma  $\underline{k}$  $\underline{a}$  i shulihchi lih keyu hokm $\underline{a}$ , sv sunlvsh vt svtih paknaka ya $\underline{a}$  vlbashke.

7. Etom ushi vhleba hvt Chelusalem i nittak ma, "Hu moshulechih, i tola ya $\underline{a}$  musholichit isht oh onáh,"  $\underline{a}$ hachi tok a i sunalit ish ithaiyanashke, Chihowa ma.

8. Babilon tvmahah chukkillissa he ma, ish pi kaniomijichi tuk  $\underline{a}$ , kvna hosh vtobbit na chi kaniomijichikinvt, na yokpa hi oke.

9. Kvna hosh chim vlo $\underline{s}$ i vhleha ha eshi cha, tuli isht issot kvhlahalikmvt, na yokpa hi oke.

## ATULO A 138.

Atvloa Lewi vt ikbi tok.

**S**U chukvsh mominchi hosh yakoke isht chim aiyahni la ch $\underline{i}$  boke; huchitoka itikba ya $\underline{a}$  nan ulachit chi ayokpuche la ch $\underline{i}$  hoke.

2. Nanah ish achi tok vt chi hohchifoh moma  $\underline{k}$  $\underline{a}$  i shulihchit ish chitolichi hoka, ch $\underline{i}$  tempel hulittopa pila ha pit ayokpuche la ch $\underline{i}$  hoke; micha isht ish i hullo micha chim vnnumpah  $\underline{a}$ hli aiena hatuk pullah mak o chi hohchifo ha yakoke isht aiyahni la ch $\underline{i}$  hoke.

3. Yohmi  $\underline{k}$  $\underline{a}$  ch $\underline{i}$  pa $\underline{h}$ aya lih nittakm $\underline{a}$ , is sv hakloh chatuk oke; yvmohmi hosh vmish shilombish  $\underline{a}$  na hlampko ho um anukfilah isht is sv hlampko $\underline{h}$ ochi hoke.

4. Chihowa ma, chitih nanah  $\underline{a}$ hachi tuk  $\underline{a}$  haklo kak osh, miko momah yakni aiyasha kvt chi ayokpuchashke.

5. Micha Chihowa im ahulittopa yvt chinto  $\underline{k}$  $\underline{a}$ , Chihowa i hina ya oklah a tloashke.

6. Chihowa hvt chaha hak inlih kia, akkalosi ya $\underline{a}$  pisa hoke; amba ilefhnuchi yvno hupakih hilechi hosh pit ithana hoke.

7. Nan a pvvummi ai ittitakla ya $\underline{a}$  aya li hoh kia, is si okchalinchi hokbano!  $\underline{a}$  tunvp vhleha hvt nukhubela hatuk

pullah mak o, chibbak a ish o wielikma, chibbak ishtim-pakimma yvt si okchalinchi hokbano !

8. Chihowa hut nanah vm vtahlih achukma chi hoke ; Chihowa ma, isht ish i hullo yvt abillia yokut, chibbak vt nan ikbi tok a chik kancho kashke.

## ATULOA 139.

Tvloa pehlichi vt a tvloa chi ho, atvloa Lewi vt ikbi tok.

**C**HIIHOWA ma, is sv silhhi hosh is svthanushke.

2. Chishno ak osh binili lih micha wukaya lih aien a ka is svthana hoke ; vm anukfila ha upaki hoh kia et ish ukostininchishke.

3. Ataya li micha ai ittola li aien a ka imomaka ish pisah mvt, a hina moma ka ish ukostininchishke.

4. Yakeh, Chihowa ma, vnnumpa hut sv sunlvsh a tuk-kalih keyu kishah kia, ai okluhvchit ish ithaiyanushke.

5. Um ashaka, sv tikba aien a ka si vtukkunnoft is si vpakfoiyupushke, micha chibbak a is si o boiyuhlishke.

6. Nan ish ithana ilvpput inla kvt vm atampa hoke ; chahah fehna hatuk o, onanchi la he keyushke.

7. Chimish shilombish a i filummit kvtimma ak o ia la hinlah choh ? micha chi nussuka ya i filummit kvtimma ak o pit muleli la hinlah choh ?

8. Oiyvt vba ya ona li hoh kia, yummak o ish ahatta hoke ; micha illi aiasha ya a tupah ai ikbi lih kia, yakeh, yumm a ish ahatta hoke.

9. Onnvvt minti svnahchi eshi lish, hvshaiokvttula ont ai vli ka ont ahatta li hoh kia,

10. Yummak oh kia chibbak vt svsh taya cha, chibbak ishtimpakimma yvt sv hvllvlla he bano hoke.

11. Micha, " Okhlili hosh si ompoholmo na, tohwikeli hut si afullubli kvt ninak tubashke," achi li hoh kia,

12. Okhlilika yak oh kia chim okhlilicha he keyu hoke ; amba ninak vt nittak chohmit tohwikeli hoke ; okhlilika, tohwikelih ittvtklo kvt chim ittiHawwi hoke.

13. Chishno ak osh vm anukfila ha ikbit, hvshki im ushvto anukaka ya is si ai ikbi tok oka.

14. Napissah felna hosh su toba tuk vt, chi ayokpuche lishke : nan isht ish ai ahatta kut inlah sehna hoke ; yohmi kä umish shilombish vt ithanah fehnushke.

15. Ai ulomäka a su toba tok, yakni alumia a tubut si ulhtaiyaha tok vt, svf foni vt chi luma tok keyu hoke.

16. A nittak vt achuffah kia iksho kishah mä, kuniohmit ahatta la he uttok a chi nishkin vt pisah mä, chi hulisso hä momvt a hulissot tukali tok oke ; nittak putta kut tikbanli ulhtokut taha tok oke.

17. Yohmi kä chim anukfila hut a hnittopah fehnushke, Chitokaka ma ; yummä moma kut apaknah felnhushke.

18. Hutihna lashke, ahni li hoh kia, lawa kut shinuk a i shahlishke ; si okchakmvt, chibafoiyukka lih immomushke.

19. Chitokaka ma, huttak haksi yä ish bi hokbano ! Mikma issish hlutubli huttak vhleha hut hvs sä filum-mashke.

20. Yummvt chi tunvp vhleha hosh nä haksi yumihchi hosh, chi filummmit chi sunali hoke ; himakfokkulechit chi holichifo hä hochifo hoke.

21. Chihowa ma, chi nukkilli vhleha hä i nukkilli likmvt, chi sunalit wukaya vhleha hä shittilema la he tuk keyuh choh ?

22. I nukkillih ai ahlih mak osh i nukkilli li hoke ; a tunvp tuba hoke.

23. Chitokaka ma, is su silhhi cha, su chukush a ish ithvnashke ; imomaka is su pesa cha, um anukfila hä ish ithvnashke.

24. Micha chi nukhaklochi hina yut su fokka hokmah, nana kä is su pesa cha, abillia hina yak o isht is si ayashke.

### A T U L O A 140.

Tuloa pehlichi vt a tuloa chi ho, atuloa Lewi vt ikbi tok.

**C**HIIHOWA ma, huttak okpulo yä is si a hlukuf-ficashke ; nan ilbusshähäli huttak im eshit is su hul-lullahashke.

2. Yummvt chukush anykaka ya nan ik achukmo anuk-fihilli hoke; nittak aiyukali ka tunvp wukayabachi hoke.

3. Sinti ak o chohmi hosh isunlvsh a hvluvvuchi tuk oke; hahta im isht vibi vt ittiulbi anykaka ya sokka hoke.

[Yukopa.]

4. Chihowa ma, si vpesvchit huttak haksi ibbak a is si a kohchichashke; nan ilbvsshahali huttak vt a nohowa li ya akvechih bvnna ka im esbit is sv hvllvllashke.

5. Ilefhnvchi vhleha hvt ishit hukli micha ishit.tullakehi aieno ka lubmit a tulohli tuk; ishit hukli ya hina lupalika a putali tuk; isht vibi ya a hilechi tuk oke. [Yukopa.]

6. Chihowa ha, "Chishno ak osh a Chitokaka chia hoke," im achi le tuk oke; na chim asilhhvt vnumpule li ka ish heponaklashke, Chihowa ma.

7. Chihowa, nan i Shahli, um ai okchaya hlampko ma, tunampih nittakma sv nushkobo ha ish ompohomob chatuk okvt,

8. Huttak haksi nan ahni detta ka chik emo kashke, Chihowa ma; isht ilefhnvcha hinla hoka, nan vpesa tuk a, blupullicha he, chik im ahno kashke. [Yukopa.]

9. Si vfullubli vhlehah nushkobo ha ilap ittiulbi nan okpuni vt ompohomashke.

10. Luak tubaksi yosh o fuhopashke; luak pit itvechashke; a bikia he keyu oka hufobi yo pit okvechashke.

11. Isunlvsh isht okpuni huttak vt yakni ya kullo hikkia he keyuh; nan ilbvsshahali huttak okvno nan ik achukmo vt boyot ishit kancha chi hoke.

12. Chihowa hvt ilbvssa nan im akvniomhi ya im aiyahlichikmt, nan ik im iksho vhleha ha ai vlpiesa i yumiha hinla ka ithana li hoke.

13. Ai vlpiesa vhleha hvt chi hohchifo ha yako ke im aiyahna he bano hoke; ai vpiissali vhleha hvt chim itikba ya chieya hi oke.

ATULOA 141.

Atuloa Lewi vt ikbi tok.

**C**HIIHOWA ma, chi paya lishke; tushpvt is svn alashke; chi paya likma, um vnnumpa ha ish haklashke.

2. Um vnumpah ilbussha yvt na bvlaina yak o chohmit chi tikba tukkalashke; svbbak vba pit wieli li kvt opyaka isht ayokpuchi yak o chohmit chi tikba tukkalashke.

3. Chihowa ma, svtih ha nan vpesuchi ish a hillechashke, svttivlbi okhisa ya ish vpesuchashke.

4. Nan ik vlhpeso ymihchi huttak buletumpa vhleha ha ibataklut nanah haksi isht ahatta la chi ka, vnumpah ik achukmo ya sv chukvsh vt pit fulota he chik si ahno kashke, micha im ilhpak champuli putta ka ak po kashke.

5. I hullo hosh ai vlhpiesa yvt sv fahama cha um olvbih kia, bila nushkoboh isht vhama yash o sv nushkobo hvt ik shittilemo kashke; immomah kia, na pulummi vt onuttulakma, vnumpah ilbussha isht vnumpholi la chi hoke.

6. I nan vpesa vhleha ha pit pela na, tuli hikia nutaka ont kaha tuk oh kia, nanah ahachi li kvt champuli hoka, oklah hakla chi hoke.

7. Huttak vt yakni ya a bushlit putvffikmak o chohmi hosh, pif foni vt pit chi vpissali hoke; chishno ak o chi vtukko li hoka, um ilhfiopak a ish kanchin nah.

8. Yohmi hak taba, nan i Shahli Chihowa ma, chishno ak o sv nishkin vt pit chi vpissali hoke; chishno ak o chi vtukko li hoka, um ilhfiopak a ish kanchin nah.

9. Ishit hukli a tulali tuk, micha nan ik vlhpeso ymihchi vhlehab im ishit hukli puttah aieno ka im ai ishit is sv hullvllashke.

10. Huttak haksi vhleha hvt ilap im isht vibi yash inli ho isht ik a yuká, amba uno yokvto hlvkuffi lih mak inlashke.

### ATULOA 142.

Nan ithvnanchi vnumpah, vnumpah ilbussha, tuli chuluk foikkah mvt, Lewi vt ikbi tok.

**C**HİHOWA ha i pahayvt vnumpule lishke, Chihowa ha im asihilhvt vnumpule lishke.

2. Nan isht um akuniohmi ya itikba yo suhobli lishke; nan isht si vtakluma ya itikba ai vnoholi lishke.

3. Umish shilombish vt okhlilit kvnniah kia, chishno ak

osh a nowa li ya ish ithanushke; ataya aya li ka nan ishit hukli oklah a luhmishke.

4. Um ishtimpakimma ya awet hupokoyo cha, pisah; yohmi ka nan ishit si anukfilli kvt ikshoshke, ai vtukko vt a kvnivshke; vmish shilombish a nan isht ahni kvt ikshoshke.

5. Chihowa ma, chishno ak o chi paya lishke; "Chishno ak osh um ai vtukko, ai okchaya yakni ya vmmih chia hoke," achi lishke.

6. Su hlepushih fehna hoka, paya li ka is su haiyaklashke; sulbusshaliputta kvt kullo kvt a shahli hoka, is si a hlvkuffichashke.

7. Chi hohchiso ha ayokpucha chi ka, vmish shilombish a vboha kullo is si a kohchichashke: uno ya nanah achukma ho is si onohocchikma, ai vlhpiesa vhleha hut na yokpa hosh si upakfoiyupa chi hoke.

### ATULOA 143.

Atvloa Lewi vt ikbi tok.

CHIHOWA ma, um vnnumpah ilbussha ya ish haklashke; nan asibilbha li ka is sa huponaklashke: chim aiahlika, nan isht chim ai vlhpiesa aienahatuk pullah mak o is su haiyaklashke.

2. Yohni kvt kyna hosh okchayut ahatta kvt chi tikba ya ai vlhpiesa hosh hikkia he keyu hoka, chi tishu ha na chik im apeso kashke.

3. Tunvp vt vmish shilombish a hlioohlit, um ilhfiopak a akka vleshulit kanchit, illi tok hupaki chomihclit aiokhlideka su benilechi hoka.

4. Yohmi hatuk o vmish shilombish vt im okhlilit kunnia hoke; su chukush si anukfoiyukka kvt chukkillissa hoke.

5. Nittak tikba yuttok a ithaiyana lishke; nanah ish kvniohomni tok moma ka anukfilli lishke; chibbak toksahalit tok a anukfjilli li hoke.

6. Sbbak a pit isht chim vshettapa lishke; vmish shilombish vt yakni yosh oka bunna kak o chiyuhmi hosh chi hoyo hoke.

[Yukopa.]

7. Chihowa ma, *vmish shilombish* *vt* *tahut kvunia hoka*, *tushput* *is sv haklashke*; chi *nvsshuka ya* *is sa luhmi na*, *yakni kula ona vhleha hak o chohmi lin náh*.

8. Onnahinlikma chiin isht *i hullo ya* *is sv haklochashke*; *chishno ak o chi anukchieto li hoka*: *hina atia la he vlpiesa ka* *is svthvnanchashke*; *vmish shilombish a chishno ak o pit chi tkaliche li hoka*.

9. A *tunvp a im eshit* *is sv kohchichashke*, Chihowa ma; *chishno ak o ont chi a luma li hoka*.

10. A *Chitokaka chia hokvt*, *nanah ish ai ahni kak o yumihchi la chi ka*, *is svm abvchashke*: *chimish shilombish vt achukma hokvt*, *yakni ittilawwih achukma kak o a svsh ayashke*.

11. Chi *hohchifoh pulla hatuk mak o* *is si okchalinhashke*, Chihowa ma; chi *ai vlpiesa kak osh vmish shilombish a ai ilbussha* *is si a kohchichashke*.

12. Micha *isht ish i hullo pulla kak osh a tunvp vhleha ha* *ish musholichashke*, *micha vmish shilombish a ilbusshali moma ka* *isht ish kanchashke*; chi *tishuh sia hoka*.

### ATULOA 144.

Atvloa Lewi *vt ikbi tok*.

**A** TULI Chito, *yummak osh svbbak a ittibih im ponvche tuk*, *svbbakushi a tunampih im ponnvche tuk*, *a hullo micha a hulihta kullo*, *vm ahlvkuffi chaha micha sv blakuffichi*, *a telihpa micha ai vtukko li*, *vm okla ha a nutakechi*, Chihowa *hvt hulittopashke*.

3. Chihowa ma, *huttak vt nanta hatuk o ish ithanah choh?* *huttak ushi vt nanta hatuk o nan isht ish anukfihillih choh?*

4. *Huttak okvt nanah keyu kak o ohmi hoke*; *i nittak puttakvt hushontih hikvt ant ihyu kak o chohmi hoke*.

5. Chihowa ma, chi *shutik a ish bichulli cha*, *ish akkoashke*; *nvnih chaha detta ka ish putoli na*, *shubullashke*.

6. *Hvsshukmvlli ha ish mvlvthachi cha*, *ish ittvfimmashke*; *him uskinvki detta ka ish pela cha*, *ish kumuntvashke*.

7. Chibbał a achahaka awet ish wielashke; is su mokuffi cha, oka chito ya si a kohchit oklah inla ibbak a is si a kohchichashke.

8. Yummä itih hvt nan ik ahlo yo vnumpuli hoka, micha ibbak ishtimpakimma yvt hulabi im ishtimpakimma yoke.

9, 10. Chitokaka ma, miko vhlehab hlvkuffichi, i tishuh Lewi ya bushpo fulaya ik achukmo i kvnvllich chia ha, atvloa himona yo isht chi twloa lashke; vhlepah ishit tullakchi pukoli asha yo isht ulachit chi ayokpvche lashke.

11. Oklah inla, yummä itih hvt nan ik ahlo yo vnumpulkma, ibbak ishtimpakimma yvt hulabi im ishtimpakimma yokä, ibbak a im ai ishit is si a kohchichashke.

12. Yumohmi kä pisoh vhleha hvt nan usso ak o chohmit, himittah momut huchitokma, pisohtek vhleha hvt chukka chukbi imit tonnik osh vboha hulittopa yvt kvniohmit vlhtahah chatuk ak o ohmi hosh i chuwvt vlhtaha chohmikma,

13. Pi kanchak vt vluttoa kvt, na waya ilaiyukali ho pihimakma, pi nan vlpooa chipinta yvt tvhlephah sipokni, vronti tvhlephah sipokni pukoli kvnnohmih kia hayaka a chibilikma,

14. Pi wak toksvliputta kvt shapulikma, tvmahah hulihta kinafa yvt ikshokma, tunvp i nutaka hosh kohchvt ia kvt ikshokma, pim ai ittvnowa ya yaya kvt iksho kak ashke.

15. Oklah nana ho nana kvt i yakohmi hosh aiyasha hokmv, na yokpa hoke; oklah nana ho Chihowa hak osh i Chitokaka yokma, yummak osh na yokpa hoke.

### ATULOA 145.

Hulittobliche Lewi vt ikbi tok.

**A** CHITOKAKA, Miko ma, chi holittobliche likmvt, chi hohchifo ha ayokpahachi li billvt billia chi hoke.

2. Nittak aiyukali kä chi ayokpvche likmvt, chi hohchifo ha hulittoblichchi li billvt billia chi hoke.

3. Chihowa hvt chinto hoke, micha hulittopah fehna he vlpesa hoke, micha chinto kä kuna hosh silhhit taiyahla he keyu hoke.

4. Isht ai unchululi poiyutta kvt ittiakaya hosh, nanah ish yvmihichi detta kq isht ittim ayokpahachikmvt, na chinto ish yvmihichi kq ittim vnohqlashke.

5. Chim ahulittopa chintoh fehna kq, micha nan inlah fehna ish yvmihichi kvt vnnoa kq anukfillit isht vnumpoholi lashke.

6. Micha ishit nukshopa he vlhpesa nan ish yvmihichi kvt hlampko kq oklah mjhishashke; mikma na huchinto ish yvmihichi kq vnoli lashke.

7. Chi achukimah chinto kq isht ithaiyana ya oklah isht vnumpoholikmvt, chim ai vlhpiesa ya oklah ishit tlqhawashke.

8. Chihowa hvt i kanah, micha i nukhaklo hosh, nukoa kvt svlaha cha, i hulloh mvt chinto hoke.

9. Moma kq Chihowa hvt i kanah achukma hoke, micha i nukhaklo yvt nan vtahli tok moiyma kq onuttoiyula hoke.

10. Chihowa ma, nanah ish ikbi tok vt momvt yakoke chim aiyahnikma, chi hulittopa vhleha hvt chi ayokpahachashke.

11. Ish apehlichika ahulittopa ya mjhishakmvt, chim isht hlampko ha isht vnumpoholashke.

12. Yvmohmi hosh nanah yvmihichi chinto detta kq, micha im apehlichika ahulittopa chinto kq hvttak im vlla vhleha ha im ottvininchashke.

13. Mikot ish binnili kvt a billiot billia ish a miko yoke, mikma ish apehlichika yvt isht ai unchululi mahaya moma kq a tukkali hoke.

14. Chihowa hvt akkumvt mahaya moma kq hvalli yoke, vkaehchunnoli moma kq vkaehchukalichi yoke.

15. Nanah moma nishkin vt pit chi pihsut chi anukchieto hoke; mikma ont ai vlhpiesakma, im ilhpak ish ipihita yoke.

16. Yvmohmi kvt chibbak a ish wukummikmvt, nan okchaya momah nan ahni kq ish fiobli yoke.

17. Chihowa hvt im ataya moma kq ai vlhpiesa hoke, mikmvt i hullo hosh nanah moma kq yvmihichi hoke.

18. I pahaya moma kā, ahli hosh i pahaya moma kā, Chihowa hvt i bilika hoke.

19. I nukshopa vhlehab nan ahni kā yūmihcha hi oke; mikmvt oklah i pahayakmā, haklo cha, okchalincha hi oke.

20. I hullo moiyma kā Chihowa hvt hullvlli yoke; amba huttak ik vlpeso moma kā ishit kancha hi oke.

21. Chihowa hulittoblichī ya svtih hvt vnumpoholashke; mikmā nanah haknip ašha puttah moma kvt hohchifoh hulittopa ya ayokpahachi na billivt billiashke.

## A T U L O A 146.

**C**HİHOWA hā hu holittoblichī. Umish shilombish ma, Chihowa hā ish hulittoblichashke.

2. Si okchayah tākla kvt Chihowa hā hulittobliche la chī hoke; ahatta lih ai vlihi kvt a Chitokaka ya nan ulachit ayokpuche la chī hoke.

3. Huchitoka, huttak ushi, yummak okvt isht okchalincha hinla kvt ik im iksho hokā, huchik anukchieto kashke.

4. Im ilhfiopak vt kohchut kuniakmā, fvlamvt lukfi a ona hoke; nittak yummak o nan ahni yatuk vt ont akshot kunihyvshke.

5. Chekob i Chitokaka yak osh vpeluchi kā, i Chitokaka Chihowa hak o anukchieto yvt nā yokpa yoke.

6. Yummak osh vba micha yakni, okhutah micha nana hosh yummā aiyasha momah aienā kā ikbi tok osh, aiahlika ieshi na billia yak oke.

7. Ilbusshaka vhleha hā ai vlpiesa im apesa, hohchufo vhleha hā ilhpak ipeta yoke; Chihowa hvt tullakchi vhleha hā i hutuffi yoke.

8. Chihowa hvt nishkin lupa vhleha hā i futummi yoke; Chihowa hvt vkahchunnoli vhleha hā vkahchukalichi yoke; Chihowa hvt ai vlpiesa vhleha hā i hullo yoke.

9. Chihowa hvt oklah inla vhleha hā hullvlli yoke; vlla vltakla micha ohoyoh i huttak illi aienā kā vpeluchi hoke; amba huttak haksi vhlehab i hina ya okpvnit kanchi hoke.

10. Chihowa hut mikot binnili na abillia chi hoke; Saion ma, chi Chitokaka yut mikot binnili kvt isht ai unchululi poiyutta ka mahaya he mak oke. Chihowa ha hu holittoblichih.

## ATULOA 147.

**C**HIIHOWA ha hu holittoblichih; pi Chitokaka ya nan ulachit ayokpuchi ka achukma hoka: hulittobliche kvt im achukmah micha ai vlpiesah aieno hoka.

2. Chelusalem ihikbi Chihowa hak osh Isael ai ittvsem-impa vhleha ha hot ittvhobbi hoke.

3. Yummak osh chukvsh nukhaklo vhleha ha hlvkuffechi cha, i na huttupaputta ka vfohli mak oke.

4. Fuchik puttah holhtina ka vnoli cha, yummma moma hohchiso ha huchifo hoke.

5. Pi Shahli yut chintoh, micha nan isht im ai ahli vt chintoh sefna hoke; nan ai vkostininch ya kuna hosh hutihna he keyu hoke.

6. Chihowa hut chukvsh akkalosi vhleha ha wukayuchi, amba hvttak haksi vhleha ha akka fehna isht ona yoke.

7. Chihowa ha yako ke im aiyahni hosh hvsh i twolasbke; pi Chitokaka ya hap ulachit ishit hvsh ayokpuchashke.

8. Yummak osh shutik a hushontih isht ompohomo mak oke; yakni ya umbah im vtahli mak oke; vnnih chaha putta ka hussruk ai uffochechi mak oke.

9. Nan vlpoa ya, micha fulashtushiputta kvt yahayama, im ilhpak ipeta yoke.

10. Issubah imi lhampko ha im ai achukmah keyuh, hvttak hvnali ha isht a yokpah keyu hoke.

11. I nukshopa cha im isht i hullo anukchieto vhleha hak o Chihowa hut isht a yokpa yoke.

12. Chelusalem ma, Chihowa ha ish ayokpahachashke; Saion ma, chi Chitokaka ya ish hulittoblichashke.

13. Chi huliht okhisa isht vlpkuma putta ka kvlochikmvt, chim vlla vhlehah chim ittitakla aiyasha ka yokpali hoka.

14. Yummvt yakni chim ai vlhi ya itti nanaiya ikbi yoke; onush nia i shahli yak o ishit chi fehubli hoke.
15. Nanah miha kvt yakni ya awet pila hoke; im vnnumpa hvt mulli kvt shinimpah fehna hoke.
16. Ymmak osh okti pushi ya chukfi hishi chomihchit et ima hoke; okti hvt ya hittuk chubi chomihchit fimm hoke.
17. Im okti ya puska bushulli chomihchit awet pila yoke; i kypussa itikba ya kvtta hosh hikkia hinlah choh?
18. Im vnnumpa ha awet pila hosh, yumm̄autta ka billeli hoke; i mahli ha mahlechi na, oka yosh yvnvlli hoke.
19. Im vnnumpa ha Chekob a im vnoli cha, i nan vlhpisa puttah, micha nan vpehisa tukutta ka Isael a im ottvnjichi yoke.
20. Amba oklushi nanah kia ik i yvmihchoshke; yohmi hatuk o nan vpehisa yatuk a oklah ik ithanoshke. Chihowa ha hu holittoblichih.

## A T Ü L O A 148.

**C**HİHOWA ha hu holittoblichih. Üba ya Chihowa ha awet hush a hulittoblichashke; achahakautta ka hush a hulittoblichashke.

2. Im enchel moma kvt hush hulittoblichashke; immih huchia hvt momvt hush hulittoblichashke.

3. Hush micha hushnina kaya yvt hush hulittoblichashke; fuchik tohwikelichi huchia hvt momvt hush hulittoblichashke.

4. Üba shutik puttah im vba shutik, micha shutik pak-naka oka aiyasha kvt hush hulittoblichashke.

5. Yumm̄autta kvt Chihowa hohchifo ha hulittoblichashke; ymmak osh im apesah ma, tuba tok oka.

6. Mihmvt tukohliechi tok o tukkali na billivt billia hoke; nan vlhpisa im apesa tok o, yummvt a kvnia he keyu hoke.

7. Yakni aiyashvt pit hush a hulittoblich kvt, napoa huchito okhvtah aiyasha, micha abufobi puttah momah,

8. Luak micha hvtaffo, okti pushi micha oktohbi, mahlih kullo im vnumpah ai əhlichi,

9. Nvnih chaha puttah micha nvnih chipinta momah, iti nan vni puttah micha chuahla momah,

10. Nampa Micha nan vlpoa momah, na bviali micha hushi svnahchi əsha,

11. Yakni miko vhlehal micha oklah puttah momah, pehlichi vhlehal micha yakni nan vpesa aiyasha momah,

12. Hvttak himithoa micha ohoyoh himithoa, hvttak sipokni vhlehal, vlla ai ittvpppeha kvt Chihowa ha hvsh hulittoblichashke.

13. Ilvppaputta kvt Chihowa hohchifo ha huletublichashke; yuminə hohchifoh illa hosh huletumpa hoka: im ahulittopa yvt yakni micha vba aienka i shaiyahli hoke.

14. Micha im okla ha lvpish wvkayvchit i hilechi tuk oka, i hulittopa vhlehal moma, Isael im vlla vhleha i biliha aiyasha okla hokvt huletublichia hi vt im ai vlpiesa hoke. Chihowa ha hu holittoblichih.

### A T U L O A 149.

**C**HIIHOWA ha hu holittoblichih. Chihowa ha tvloah himona hvsh i tvloashke, i hulittopa vhleha hvt ittvnahvt aiyasha ka ishit huletublichya ya hvsh a tvloashke.

2. Ikbi tok a Isael vt ishit na yokpashke; Saion im vlla vhleha hvt i Miko ya ishit na yokpashke.

3. Hihla hosh hohchifo ha oklah huletublichashke; vhlepal micha hap aienka ka oklah ulachit ayokpvashke.

4. Chihowa hvt im okla ha ayokpachi yokə: chukvsh akkalosi vhleha ha ai okchaya isht ayuklichi hoke.

5. I hulittopa vhleha hvt ahulittopa ya isht a yokpashke; i tupah kahvt aiyashakmvt, oklah tvlohwashke.

6. Yohmi kvt Chitokaka ya hulittoblichichi kvt itvkha foiyukkakmvt, bvhpo fvlaya ittvhlahlaka hvlpupa yvt ibbak a foiyukkashke.

7. Yohmi kvt oklushi puttah ittitakla ya ilaiukhvt, oklah putta ka na pulvmmi onghoccha chi kak ashke.

8. I miko vhleha h̄a tvli ittvatakuli ishit takchi cha, i buchitoka vhleba h̄a tvli nan isht tullakchi ishit takcha chi kak ashke.

9. Nan vpesvt hulihisso tuk mak o yumm̄a putta k̄a onohoccha chi kak ashke. I hulittopa moma kvt yummak o isht a hulittopa yoke. Chihowa h̄a hu holittoblichih.

## A T U L O A 150.

**C**HIIHOWA h̄a hu holittoblichih. Im ai ahatta hulit-topa ya Chitokaka ya hvsh a hulittoblichashke; nan isht im aiahlika a tuba vba ya hvsh a hulittoblichashke.

2. Na chinto yvm̄ihichi tuk ak o hvsh hulittoblichashke; chintoh fehnah pulla kak o hvsh hulittoblichashke.

3. Ishit puſa ola ho ishit hvsh hulittoblichashke; nau ola micha hap aienā k̄a isht hvsh hulittoblichashke.

4. Uhlepah micha hihla aienā ho isht hvsh hulittoblichashke; isht tullakchi asha micha uskulah aienā ho isht hvsh hulittoblichashke.

5. Tvli kv̄sa ola na haklo hachukma yo isht hvsh hulittoblichashke; tvli kv̄sa olah chito yo isht hvsh hulittoblichashke.

6. Nanah fiopah im asha moiyma kvt Chihowa h̄a hulittoblichashke. Chihowa h̄a hu holittoblichih.

Choctaw  
Oz. 1913

